

Жаҳон

АДАБИЁТИ

Адабий-бадшиш, изфоблий-публицистик журнал

1997 йил июндан чиқа бошлаган

№ 9 (172)

2011 йил, сентябр

Муассислар:

ЎЗБЕКИСТОН
МАТБУОТ ВА АХБОРОТ
АГЕНТЛИГИ

ЎЗБЕКИСТОН
ЁЗУВЧИЛАР
ЮШМАСИ

РЕСПУБЛИКА
МАЪНАВИЯТ ВА МАЪРИФАТ
КЕНГАШИ

www.jad.uz

М У Н Д А Р И Ж А

ИСТИҚЛОЛ ИЛҲОМЛАРИ

Хуррият, муқаддас байробигим ўзинг 3

НАСР

Рюноскэ АКУТАГАВА. **Хикоялар** 10
Кнут ХАМСУН. **Очлик.** Роман 31
Важа ПШАВЕЛА. Собир РУСТАМХОНЛИ. **Хикоялар** 74

ШЕЪРИЯТ МИНТАҚАЛАРИ

Осмон — мисли гулнинг косаси. Шеърлар 27
Кўшиқларим мамнун қабул қилсин инсонлар. Шеърлар 69

ФАЛСАФА. МАДАНИЯТ. САНЪАТ

Шри Сатья Сай БАБА. **Иймон сарчашмаси** 96

АДАБИЙ ЖАРАЁН

Акмал САИДОВ. **Ф. КАФКА асарларида «Суд жараёни» мавзуси** 145

АДАБИЙ ҲАЁТ

Евгений РЕЙН. **Бу ўша Лернер** 152

АДАБИЁТШУНОСЛИК

Алишер ОТАБОЕВ. **Ҳаёт яшаб ўтиш учун берилган** 156

ТАҚРИЗ

Ҳамидулла БОЛТАБОЕВ. **Пайғамбарлик тарихига оид илк манба** 163

ЖУРНАЛХОН МИНБАРИ

Қодиржон НОСИРОВ. **«Турналар»нинг икки таржимаси** 166

САРГУЗАШТ. ДЕТЕКТИВ. ФАНТАСТИКА

Жеймс Хедли ЧЕЙЗ. **Қузғун — сабрли күш.** Роман 169

Китоблар дунёси 208

ТОШКЕНТ

СЕНТЯБР

**Бош мұхаррир
үринбосари:**

Мирпұлат МИРЗО

Таҳрир ҳайъати:

Ортиқбай АБДУЛЛАЕВ

Амир ФАЙЗУЛЛА

Назира ЖҮРАЕВА

Гулнора МУҲАММАДЁРОВА

Жамоатчилик кенгаши:

Бобур АЛИМОВ

Абдулла АРИПОВ

Эркин ВОҲИДОВ

Абдулла ИСМОИЛОВ

Абдураҳим МАННОНОВ

Темур ШИРИНОВ

Фулом МИРЗО

Абдулла ОРИПОВ

Баҳодир ХОДИЕВ

Навбатчи мұхаррир А. ТОЖИЕВ

Техник мұхаррир У. КИМ

Мусаҳхиҳ Д. АЛИЕВА

Компьютерда саҳифаловчи Н. ДАВЛАТОВА

Жаҳон адабиёти, 9. 2011

ИНДЕКС 828, 829

Ўзбекистон Матбуот ва ахборот агентлигига рўйхатга олинган, №172

Уч босма тобоқ ҳажмгача бўлган қўлёзмалар қайтарилимайди.

«Жаҳон адабиёти» журналида эълон қилинган асарларни кўчириб босишда ва қайта нашр этишда таҳририятнинг ёзма розилиги олиниши шарт.

Таҳририят манзили:

100129, Тошкент, Навоий қўчаси, 30.

Телефонлар: 244-41-60; 244-41-61; 244-41-62.

E-mail: jahonadabiyoti@list.ru

Босишига руҳсат этилди 26.08. 2011 й. Бичими 70x108 1/16. Газета қозози. Офсет босма.

Шартли босма тобоқ 18,2. Нашриёт босма тобоги 20,0.

Жами 1365 нусха. рақамли буюртма. Баҳоси шартнома асосида.

“Жаҳон адабиёти” журнали компьютерида терилиб, Ўзбекистон Матбуот ва ахборот агентлигининг Faafur Фулом номидаги НМИУда чоп этилди.

100128, Тошкент, Шайхонтоҳур қўчаси, 86.

© Жаҳон адабиёти, 2011 й.

Ҳуррият, муқаддас байроғим ўзинг!

Эркин ВОХИДОВ

Ўзбекистон Қаҳрамони, ҳалқ шоири

СЕН ДАВЛАТСАН, АЗИЗ ВАТАНДОШ

Дўстим!

Сен ўзни кўп хокисор тутма,
Ожиз бандаман, деб эгиб юрма бош.
Юртнинг эгасисан, зинҳор унутма,
Сен ўзинг давлатсан, азиз ватандош.

Мустақил, мўътабар мамлакат — сенсан,
Мамлакатда олий машварат — сенсан,
Халқсан, ҳукуматсан, салтанат сенсан,
Сен ўзинг давлатсан, азиз ватандош.

Панада турмоқнинг фурсати эмас,
Бу тупроқ фақирлар турбати эмас,
Соҳиб бўл, давлатнинг мурвати эмас,
Сен ўзинг давлатсан, азиз ватандош.

Файратсиз зотларга замонлар ёмон,
Жасорат йўқ ерда ёмонлар омон,
Давлат не, мардана бўлмасанг қалқон,
Сен ўзинг давлатсан, азиз ватандош.

Диёнатли ўтган наслу насабинг,
Ноҳақликка бардош бермас асабинг,
Керагида бўлсин қаҳринг, газабинг,
Сен ўзинг давлатсан, азиз ватандош.

Юрт фарзанди асли ўзи юрт бўлар,
Кўзи чақноқ бўлар, қалби ўт бўлар,
Қаторда нори бор Ватан бут бўлар,
Сен ўзинг давлатсан, азиз ватандош.

Мен деб кўкрак кериб юргувчи ўзинг,
Юртга соқчи бўлиб тургувчи ўзинг,
Буюк келажакни қургувчи ўзинг,
Сен ўзинг давлатсан, азиз ватандош.

ИСТИҚЛОЛ

Камолинг муборак бўлсин, истиқлол,
Йигит ёшга етган навқирон юртим.
Эзгу умид билан экилган ниҳол
Тотли ҳосилини шукрки кўрдим.

Шукрки, долғали йўллардан бориб,
Бу обод кунларга етдик тинч, омон.
Биз шундай яшадик, элликда қариб,
Етмишга етганда бўлдик навқирон.

Абдулла ОРИПОВ

Ўзбекистон Қаҳрамони, халқ шоири

ҲУРРИЯТ

Хуррият, муқаддас байробим ўзинг,
Гарчи ганимлар бор ичу тошингда.
Мен учун фаҳрдир ҳар айтар сўзинг,
Бир умр парвона бўлгум қошингда.

Хуррият, дадил боқ, ёвлар иғвоси
Тутса, этагингдан тутаверсинлар.
Ҳасадга тўладир улар даъвоси,
Олдингдан бари ҳам ўтаверсинлар.

Хуррият нелигин машъум замонда
Поймол бўлган ҳуқуқ, ҳаққимдан сўранг.
Қадрин тополмайин яшаб армонда,
Тили забун бўлган халқимдан сўранг.

Хуррият нелигин хоки хор бўлган
Имом Бухорийдек Инсондан сўранг.
Ватани ўзига тангу тор бўлган
Қодирийдан сўранг, Чўлпондан сўранг.

Одамзот бор экан кўкка тикиб кўз,
Орзу қилганини кутгай бетоқат.
Тарих тухфа берса олгай у сўзсиз,
Хуррият аталмиш гавҳарни фақат.

Шоирлар ёзгайдир қасидасин ҳам,
Куйлаб хурриятнинг хуш сафосини.
Ризқин териб юрсин, майли, ҳар одам,
Ҳар эл азиз тутсин Раҳнамосини.

Болам, сен йўлдасан, ет ниятингга,
Озод кечган умр — жаннатлардан соз.
Билиб кўй, шу қутлуғ хурриятнингга
Ўн саккиз минг олам фидо бўлса оз!

ВАТАН ФАРЗАНДИ

Гоҳо ёш болага ўхшайди Ватан,
Содда, норасида, пок ва бегубор.
То озор етмасин унга дафъатан,
Бегона кўзлардан асрамоқ даркор.

Ватан улуғ пирга ўхшайди гоҳи,
Қўллагай, аритгай кўздан ёшларни.
Юрса товонига ботмасин токи,
Йўлдан олиб қўйинг ҳар хил тошларни.

Ким унинг хизматин этолса адo,
Икки дунёда ҳам бўлмагайдир кам.
Ўзини таъмасиз қилдими фидо,
Ўша зот Ватанга фарзанд чинакам.

Сирожиддин САЙЙИД

Ўзбекистон ҳалқ шоири

ОЗОД, ОБОД, ГУЛ ВАТАН

Бизлардан ном қолади,
Гурур ҳам шон қолади,
Озод, обод бир Ватан,
Богу бўстон қолади.

Гул, райҳон исли диёр,
Бугдой нон исли диёр,
Дунёга бўй таратган
Гул ва райҳон қолади.

Ерга буғдой сочсанг ҳам,
Белбогингни ечсанг ҳам,
Кафтларингни очсанг ҳам
Бугдой ва нон қолади.

Қийин кунлар ўтдилар,
Заҳматларинг битдилар,
Боболаринг хокида
Эзгу амал қолади.

Дўстларинг — хуш қаломда,
Душманларинг аламда,
Не бўлса ҳам — оламда
Марду майдон қолади.

Ҳар дуо, ҳар зиёрат
Эртан бўлгай ижобат,
Ҳазрат Имом кафолат —
Ору иймон қолади.

Кўкда ой-қуёш бўлса,
Ўзи кўзи қош бўлса,
Элу юртга Бош бўлса —
Эл-юрт омон қолади.

ЖАҲОН АДАБИЁТИ

Тушунтиризларингга —
 ўғил ҳам қизларингга,
Шу қароқўзларингга
 давру даврон қолади.

Бугунги бу киприклар —
 келажакка кўприклар,
Темурбек, Улугбеклар —
 биздан нишон қолади.

Тонглар отар жонажон,
 бор бўлгин сен, онажон,
Бошинг узра нурафшон
 мовий осмон қолади.

Бизницидир шул Ватан,
 сувлари булбул Ватан,
Озод, обод, гул Ватан —
 Ўзбекистон қолади.

Иқбол МИРЗО

Ўзбекистон Ҳалқ шоири

АЙТГИЛ, ДЎСТИМ

Бошинг эгиб, таъзим айла, шукrona айт,
Сени гулдек эркалаган чаман учун.
Осмонларда юрган бўлсанг, тупроққа қайт,
Айтгил дўстим, нима қилдик Ватан учун?

Кўзи қора юраги оқ шу эл учун,
Тупроқ учун, шу юрт учун, чаман учун,
Улуг инсон бошлаб берган шу йўл учун,
Айтгил дўстим, нима қилдик Ватан учун?

Элдан кетиб эл бўлганни ким билади?
Дон ахтарган гўштхўрларга ем бўлади.
Дил қонаса она тупроқ эм бўлади,
Айтгил дўстим, нима қилдик Ватан учун?

Қачонгача қорнинг ўйлаб ўтадирсан?
Қачонгача кўқдан чалпак қутадирсан?
Ахир, Ватан битта сен ҳам биттадирсан,
Айтгил дўстим, нима қилдик Ватан учун?

Бунча бино қўйма заррин чопонларга,
Саратонда япроқ бўлгин дехқонларга,
Суянгани таёқ бўлгин чўпонларга,
Айтгил дўстим, нима қилдик Ватан учун?

Ҳеч кимдан кам эмассан, кам бўлмагайсан,
Ерда қолсанг офтоб бўлиб қулмагайсан.
Қачон белни маҳкам тортиб боғлагайсан?
Айтгил дўстим, нима қилдик Ватан учун?

Шу сойлардан сувлар ургин юзингга сен,
Бир бор назар солгин босган изингга сен,
Шу саволни бериб кўргин ўзингга сен,
Айтгил дўстим, нима қилдик Ватан учун?

ЎЗБЕКИСТОН, ЁЛГИЗИМ!

Ўзбекистон, онажоним, ёлғизим,
Боболарим кафтидаги юлдузим,
Жаннатлардан сувлар ичган илдизим,
Жаннат маконим менинг, Ўзбекистон,
Жон ичра жоним менинг, Ўзбекистон!

Самандарсан — оловлардан соғ чиққан,
Бузрукворсан — етти ўғли шоҳ чиққан,
Алпомишсан — кўксидан чақмоқ чиққан,
Ўлмас достоним менинг, Ўзбекистон,
Жон ичра жоним менинг, Ўзбекистон!

Ялпиз атрин билмас деҳқон бўлгайми?
Тинчлик қадрин билмас ўғлон бўлгайми?
Юртинг севмас одам инсон бўлгайми?
Нури иймоним менинг, Ўзбекистон,
Жон ичра жоним менинг, Ўзбекистон!

Неча аср кўз ёшларин ютган эл,
Соҳибқирон қайтишини кутган эл,
Юртбошини суйиб, бошда тутган эл,
Ўзбекистоним менинг, Ўзбекистон,
Жон ичра жоним менинг, Ўзбекистон!

Махмуд ТОИР

Ўзбекистон халқ шоири

ИБРАТ

Осмон яшар билсанг она Замин учун,
Дарёлар бор, уммоннинг ҳам багри бутун,
Биз ким учун яшайпмиз, айт, дунёда,
Кел яшайлик Ватан учун, Ватан учун.

Биз барчамиз бир орзудан туғилганмиз,
Хурриятнинг ёғусига йўғрилганмиз,
Гар керилсак шу юрт учун керилганмиз,
Кел яшайлик Ватан учун, Ватан учун.

Яхшиларнинг ёноғида қулган ойдай,
Тошга умр тилаб оққан битта сойдай,
Яратгандан кенг феъл сўра Ҳотамтойдай,
Кел яшайлик Ватан учун, Ватан учун.

Инсоф ойна, қўлга олиб қарадингми,
Бир ниҳолнинг пойига сув тарадингми,

ЖАҲОН АДАБИЁТИ

Айт, бир бора эл корига ярадингми,
Кел яшайлик Ватан учун, Ватан учун.

Олимлардан эл-юрт учун ҳикмат қолур,
Оқиллардан нур ёғилиб раҳмат қолур,
Мард йигитга боққан одам журъат олур,
Кел яшайлик Ватан учун, Ватан учун.

Биз дунёга тинчлик тилаб турган миллат.
Ўзбек улуғ, Ўзбекистон буюк давлат,
Аҳли дунё биздан ҳали олур ибрат,
Кел яшайлик Ватан учун, Ватан учун.

ВАФО

Мен қўшиқда Ватан кўрдим,
Ватан кўрдим аллаларда.
Қизгалдоқлар қирга олов
Ташлаган хуш паллаларда.

Ватан бордир, аё дўстлар,
Юрт согинчин сабосида.
Ўлмайдиган ўзбек яшар,
Маъмуржонлар навосида.

Ватан асли вафога эш,
Кўшиқ кўнгил вафосида.
Жонга малҳам қўшиқ бордир,
Онажонлар дуосида.

Кўшиқ қилсам қўшилиб ён,
Ошиқларнинг жафосини.
Сахролар ҳам согингайдир,
Комилжонлар садосини.

Ватан сўзин ёзгин Маҳмуд,
Вафо деган имло билан.
Мардларининг номини эл,
Тилга олур вафо билан.

Мирпўлат МИРЗО

БИЗЛАР

Бизларни азалдан алқаган тақдир,
Дориломон юртда бир — ажиб чоғлар...
Кимлардир ҳовлисин айлар чўл-тақир,
Бизлар ундирамиз сахрода боғлар.

Ҳаёт тугаган йўқ батамом, буткул,
Орзу-ҳаваси бор инсонга раҳмат...
Кимлардир эртасин гамин ер нуқул,
Бизлар тўй қиласай деб чекамиз заҳмат.

Кимлардир дунёни этмоқ-чун барбод,
Зимдан қабиҳ ният касларни қўллар.

Бизлар дўст дийдорин соғиниб бот-бот,
Курамиз муҳташам кўприклар, йўллар.

Кимлардир нафснинг гирдибодида
Мудом сўз очади бойлиқдан, пулдан.
Бизлар чўнг пойтахтнинг нақ меҳробида
Китобга кошона тиклаймиз улкан.

БУ КУНЛАР

Йиллар ўтиб — шу буюк элда
Ўз баҳосин олар бу кунлар.
Ҳурман деган ҳар битта дилда
Ажиб созин чалар бу кунлар!

Шафақ ёнар уфқда ял-ял,
Биз тонгларни кутамиз маҳтал.
Энг ёруғ тонг — Истиқлол, аввал
Сени ёдга солар бу кунлар!

Қайтмас энди қуллик, ҳасрат, оҳ,
Элим, бунга ўзингсан гувоҳ.
Юрт сурурин кўрибми, гоҳ-гоҳ
Ҳаяжондан толар бу кунлар!

Набиралар кўзида ҳавас,
Энтикарлар эслаб бир нафас...
Бизлар учун шунинг ўзи бас —
Тарих бўлиб қолар бу кунлар!



Рюносқэ АКУТАГАВА

Тансиқ таом

Бу воқеа Гэнкэй ҳукмронлиги даврининг охири, эҳтимол, Нинна ҳукмронлиги даврининг бошларида рўй бергандир. Умуман олганда, аниқ вақт ҳикоямизда аҳамият касб этмайди. Ўқувчи учун узоқ ўтмишда, Хәан мулкчилик даврида нималар рўй бергани ва Мотоцунэ Фудзивара музофотида самурайлар орасида аллақандай бир гои¹ хизмат қилганини билишнинг ўзи кифоя.

Унинг ҳақиқий исмини келтириб ўтмоқчидим, аммо афсуски, қадимги солномаларда тилга олинмаган экан. Ишонч билан айтаманки, у эслаб ўтиришга арзимайдиган ҳаддан зиёд чакана одам бўлган. Яна шуни ҳам айтиб ўтиш қеракки, қадимги солномалар муалифлари чакана одамлар ва одатий ҳодисалар билан унчалик қизиқмаган. Айнан шу қарашлари билан улар япон натуралист ёзувчиларидан тубдан фарқ қилган. Хэйан даври романнавислари сояпарвар бўлмагани ажабланарли ҳол эмас. Қисқаси, ҳикоямизнинг қаҳрамони Мотоцунэ Фудзивара музофотида хизмат қилган аллақандай бир гои.

Унинг афт-ангори ҳаддан зиёд кўримсиз бўлган. Таърифини бўйининг паканалигидан бошлаймиз. Бурни қизил, қовоқлари салқиган. Кўса. Лунжи ичига ботганидан энгаги бир бурда кўринади. Лаблари... Эҳ-хе, таърифини обдон келтирадиган бўлсак, кўп гапиришга тўғри келади. Гапнинг пўсткаласини айтганда, гоимизнинг турқи-таровати кам учрайдиганлар хилидан.

Бу нусха қачон ва қандай қилиб Мотоцунэ хизматига келиб қолгани ҳақида ҳеч ким билмайди. Билганимиз, у аллақачонлардан бери бир хил ишни бир хил кийимда — ранги униқкан суйкан² ва худди

¹ Г о и — Кичик ҳарбий унвон

² С у й к а н — устки кийим

Рюносқэ Акутагава 1892 йилда Токиода туғилган. У 1913 йилда Токио университетининг инглиз адабиёти бўлимига ўқишига киради. Ёкиш билан биргаликда ўша йиллардаги энг нуфузли адабий журнал бўлмиш “Ениситё” да ҳам фаолият юрита бошлади. Адаб ўқишини тамомлагач, Токиода инглиз тили ўқитувчиси бўлиб ишлади. Адабиётшунослар Акутагава ва Хироси Канни япон адабиётидаги нореализм оқими намояндалари сифатида эътирооф этадилар. Бу оқим намояндалари ижодига хос мухим бир хусусият шундаки, уларнинг асарларида мазмун теранлиги ва кўтаринки руҳ кучли бўлади ҳамда улар инсоннинг камситилиши, хўрланишига қарши туриб, инсонпарварлик foяларини ёклайдилар.

Адаб 35 ёшида, яъни, 1927 йилда ўз жонига қасд қилади.

Ёзувчининг бир қанча асарлари журналимиз саҳифаларида чоп этилган.

шундай фижимланган эбос¹ бажарип юрарди. Шунинг учун бўлса керак, ҳеч кимнинг миясига шу одам ҳам бир пайтлар ёш бўлган, деган фикр келмасди. (Биз таърифлаётган даврда ҳарбий қирқ-ни қоралаб қўйганди). Ҳаммага унинг қизил бурни Судзяк елвизагида қолиб шамоллаган ва мўйлаб дейишга ҳам арзимайдиган мурти эндигина сабза уриб чиққандек туюларди. Ёппасига ҳамма, Мотоцунэ жанобларидан тортиб унинг хизматидаги подачигача гайришурий тарзда шундай ўйлар ва бунинг ростлигига шубҳа қилишмасди.

Атрофдагиларнинг бундай кўринишдаги одамга муносабати аслида ёзиб ўтиришга ҳам арзимайди. Самурайлар казармасидагилар бизнинг қаҳрамонимизга чивинчалик эътибор беришмасди. Ҳатто унинг қўл остидагилар ҳам — унвонлию унвонсизи бир бўлиб йигирмага яқин эди улар — ҳайратланарли даражада беписанд ва лоқайд қарашарди унга. Ҳарбий нимадир деса, улар сафсатасини тўхтатиб, қайрилиб қараган тасодиф ҳеч учрамаган. Афтидан, гоимизнинг жуссаси уларнинг кўзига ўта майда кўринар, ҳатто кўринмасди деса ҳам бўлади. Ўзини катта оладиган уй-рўзгор бошқарувчисими ё казарма бошлиғига ўхшаш ҳар турли лавозимдагилар бўлса, табиат қонунига бўйсунгандай унга эътибор беришдан қатъий бош тортишарди. Ўзларининг гўдакларча бемаъни ёвқарашларини совуқонлик билан ниқоблайдиганлар у билан мулоқотда имо-ишора билан чекланишарди. Бироқ одамзодга тил бежизга берилмаган, унинг ҳам ўз ўрни бор. Табиийки, имо-ишора билан тил топишиш имкони бўлмагач, нутқ вужудга келди. Унинг овсарлиги боис ҳам баъзан сўз ишлатишга тўғри келарди. Бундай ҳолларда унинг бошидан оёғигача — эбос шапкасининг учидан тортиб йиртиқ похол чоригигача кўз югуртиришар, кейин оёғидан бошигача қараб чиқишар, ундан кейин эса жирканиб тўнғиллаганча орқа ўтириб олишарди. Шундаям гои ҳеч хафа бўлмаган. У қанчалик нафсониятсиз бўлса, шунчалик журъатсиз ҳам эди, бунинг устига, ноҳақликнинг ноҳақлик эканини ҳам ҳис этмасди.

Самурайлар бараварига нима қилиб бўлса ҳам унинг устидан кулиш пайида бўлишарди. Унинг бадбашара кўринишини қариялар оғизларидан тупук сачратиб масхаралашса, ёш-яланглар ҳам улардан қолишмаслик учун ундан гап очилганда ўзларининг бадиҳа тўқиши қобилиятларини кўз-кўзлаб қўйишаарди. Гоининг ёнида ҳам юзинг-кўзинг демасдан унинг бурнию мўйлабидан тортиб шапкаю суйканигача муҳокама қилишдан чарчашибмасди. Муҳокама учун мавзу кўпинча унинг тепса думалаб кетгудек дум-думалоқ, пияниста-роҳиба, собиқ ўйнаши бўларди. Айтишларича, бир пайтлар иккаласи апоқ-чапоқ бўлишган экан. Вақт ўтиб, улар туфайли жуда қалтис ҳазиллар юзага келди. Бу жуфтликни биргалиқда тасаввур этиш қийин, аммо улар қандай қилиб гоининг сувдонидан биргалашиб сакэ ичишганию кейин иштонларини хўллаб қўйишиганини эслатиб ўтсак, қолганини ўқувчининг ўзи кўз ўнгига келтириб олаверади.

Бу қилифини гоининг ўзи мутглақо сезмаган. Турли эҳтимолларга кўра сезмаган. Бу ҳақида қанча гапиришибмасин, унинг ҳатто бир туки ҳам қилт этмасди. У фақат эл оғзида латифабоп мўйлабини силаб қўйиб, ўз ишида давом этаверарди. Ҳақоратлар чегарадан ошиб тушгандагина, масалан, бошининг қоқ ўртасига парча қогозни қўйиб, сочига боғламоқчи бўлишса ёки похол чоригини пичоқ билан кесишга уринишса, кулгиси қистаган ё йигламоқдан бери бўлган одамдай афтини ғалати буриштириб:

¹ Э б о с — ҳарбий бош кийими

— Э-эй, бундай қилиш яхшимас-ку... қўйсанглар-чи... — деб қўярди.

Ўша ҳолатда кимдир унинг юзини қўриб ёки овозини эшитиб қолса, бехосдан дилида шафқат туйғуси уйғонарди. (Бу ачиниш ҳисси фақат қизилбурун гоигагина эмас, унинг тимсолидаги қалбсизликда айбланувчи мутлақо нотаниш кўплаб одамларга ҳам тегишли эди). Бу туйғу уларнинг юрагидан бир лаҳзагина фира-шира бўйлаб ўтарди, холос. Тўғри, кимлардадир у бир қанча вақт сақланиб турган, аммо бу тоифа одамлар жуда камчиликни ташкил этади. Ва бу камчиликнинг ичida Тамба вилоятидан келган жуда ёш бир оддий аскар ҳам бор эди. Шу қадар ёшки, мўйлаби эндиғина сабза ураётганди. Албатта, у ҳам аввалига қизилбурун гоидан ҳамма қатори бесабаб нафратланган. Аммо кунларнинг бирида: “Э-эй, бундай қилиш яхшимас-ку... қўйсанглар-чи...” деган овозни эшитиб қолди. Ва бу нола унинг миясидан анчагача кетмай юрди. Гои унинг кўз ўнгида мутлақо бошқа одамга айланди. Рангпар, оми, тўмтоқ қиёфа ичida у қўпол муомалалардан азоб чекаётган Йинсонни қўриб қолди. Ҳар гал гои ҳақида ўйласа, бутун дунё одамлари қабиҳлик ботқофига ботиб бораётгандай туюлаверди. Ва бир вақтнинг ўзида совуқ урган қизилбурун ҳамда сийрак мўйлабли бадбуруш турқ кўз ўнгига келса, унинг қалбига таскин ингандай ҳам бўларди...

Аммо бундай вазиятни унинг ўзи юзага келтирди. Шунинг учун ҳам гои атрофдагиларнинг беписандлигига учради ва ҳаёти чинакамига ит ётиш мирза туришга айланди. Гапни унинг бирорта ҳам дуруст кийими йўқлигидан бошлаймиз. Унинг бисотида яккаю ягона қулрангтоб сўйкан ва худди шунаقا яккаю ягона иштони бор бўлиб, унинг азбаройи унниқиб кетганидан асл ранги қанақалигини аниқлашнинг иложи йўқ эди. Елкалари андак осилгани ҳамда боғич ва қашталари антиқа ранг қасб этишини айтмаганда, сўйканнинг аҳволига чидаса бўларди, иштонга келсақ, унинг тиззалири ўта ачинарли аҳволда эди. Гои ички кийим киймасди, қилтириқ оёқлари йиртиқ жойлардан мўралаб, ташқи қўриниши нафақат казармада яшовчи баттолларни ижирғантирас, балки ҳар қандай одамга ўламса ҳўқизига тўрт оёқли филдиракни тортириб кетаётган қоқсувакни эслатарди. Унинг қиличи ҳам алмисоқдан қолган: сопи лиқиллаб, филофининг бўёғи қўчиб кетган эди. Бежиз эмаски, у ўз қизил бурни ва қийшиқ оёқлари билан похол чоригини судраб, одатдагидан ҳам кўпроқ буқчайиб ва одамларга илҳақ нигоҳ ташлаб қўчада совуқ қиши осмони остида кетаётганида ҳамма уни туртқилаб, масхара қиласарди. Ҳатто кўча югурдаклари ҳам бундан истисно эмасди.

Бир куни у Сандзе кўчасидан Синсэн парки томонига кетаётганида йўл четидаги бир тўда болаларга кўзи тушди. Болалар varрак учиришашти шекилли, деб ўйлади ва қизиқиб уларга яқинлашди. Қараса, болалар бир дайди қучукчани тутиб, бўйнига сиртмоқ солиб қийнашаётган экан. Тортинчоқ гоига раҳмдиллик бегона эмасди, аммо шу пайтгача у ҳеч қачон буни кўрсатишга ҳаракат қилмаганди. Ҳозир эса қаршисидагилар ҳаммаси болалар бўлгани учунми, ўзида журъат топа билди. Минг машаққат билан юзига табассум югуртириб, болалардан каттасининг елкасига секин уриб деди:

— Қўйворсангиз бўлармиди, итниям жони бор-ку...

Болакай у томон қайрилиб, нописандлик билан безрайди. Боланинг безрайиши гоига у буйруқни миясига сиғдиролмай турган пайтида казарма бошлиғининг ўқрайишини эслатиб юборди. Бола бир қадам ортга чекинди-да, кеккайганча лабини чўччайтириб:

— Маслаҳатингга зор эмасмиз. Қани, туёғингни шиқиллат, қизил-

бурун! – деди.

Бу гап билан гоининг юзига шапалоқ тортилгандай бўлди. Йўқ, у ҳақоратлангани, жаҳли чиққани учун эмас, ўзига дахли бўлмаган ишга аралашиб, ўзини ерга ургани учун шундай ҳис этди. Ўнгай-сизланганини яшириш учун зўрма-зўраки тиржайди ва бир сўз ҳам демай Синсэн парки томон кетди. Елкама-елка турган болалар унинг орқасидан тилларини чиқариб, ҳар хил қилиқлар билан масхара-лашди. Албатта, у буни кўрмади. Мабодо кўрганида ҳам ўз қадр-қимматини билмаган гои учун бундан не наф!

Аммо ҳамманинг нафратини кўзгатиш учун дунёга келган ҳикоямиз қаҳрамонида ҳеч қандай хоҳиш-истак йўқ, дея таъкидлаш хато бўларди. Бир неча йиллардан бўён у батат бўтқасига гаройиб иштиёқ билан яшайди. Батат бўтқаси ўзи нима? Одатда уни тайёрлаш учун тоғда ўсувчи ширин бататни хумга солиб, узум шарбати қўшиб бўтқа ҳолатига келгунича қайнатилади. Бир пайтлар бу шоҳона таом ҳисобланиб, уни ҳатто императорлар дастурхонига тортишган. Шу боисдан бўлса керак, йилига бир марта, яъни йиллик маросимдагина гои даражасидаги одамнинг унга оғзи тегиши мумкин эди. Шундаям жуда оз, тишнинг кавагида қоладиган даражада тегарди, холос. Батат бўтқасини истаганча беармон тўйиб-тўйиб ейиш бизнинг гоимизнинг кўпдан бери юрагида сақлаб қелаётган яккаю ягона орзуси эди! Албатта, бу орзусини у ҳеч ким билан ўртоқлашмаган. Нима ҳам дейиш мумкин, балки унинг ўзи ҳам бутун ҳаёти шу истакдан иборат эканини англамагандир. Шунга қарамай, у айнан шу истагини амалга ошириш учун яшаганини кўрқмай айтиш мумкин. Зеро, бошқа одамлар ҳам баъзида умрини амалга ошиш ошмаслиги номаълум бўлган истакларга бағишлийдилар-ку. Шунингдек, кимки бу гайриоддийлик устидан кулса, демак, у инсон табиати ҳақида ҳеч нарса билмайди.

Гоининг “батат бўтқасидан бўкиб ейиш” истаги кутилмаганда осонлик билан амалга ошганига ажабланмай бўлмайди. Шу воқеа ҳақида сизга сўйлаб бериш учун ҳам “Батат бўтқаси” ҳикояси ёзилди.

Қайсиdir бир йили иккинчи январда Мотоцунэ музофотида йиллик маросим уюштирилди. (Йиллик маросим бу – регент, императорнинг биринчи маслаҳатчиси император ва унинг ворисларига миннатдорчилик ифода этиш мақсадида ҳар йили бир марта уюштирадиган катта базми жамшид. Йиллик маросимга барча дворянлар, вазирдан тортиб қуий табақаларгача таклиф этилади ва ибодатхона маросимларидан деярли фарқ қилмайди). Шу куни гоилар ва бошқа самурайлар мўътабар мөҳмонлардан қолган-кутган нушхурт овқатлар билан сийландилар. Ўша пайтларда нушхуртларни мулозимларга бериш ҳали одат тусига кирмагани учун ҳам самурай-дружиначилар бир хонага тўпланишиб, уларни паққос туширадилар. Шундай қилиб улар мазкур базми жамшид иштирокчиларига айлангандек бўларди, лекин воқеа қадимда бўлгани учун газаклар миқдори иштаҳалар даражасига тўгри келмасди. Гуруч унидан тайёрланган нон, ёғда кўпчиб пишган кулча, буғда димланган мидия, парранда сур гўшти, Узди маъласи, Оми зогорабалифи, нимталанган олабуга, икралি лосось, қовурилган саккизоёқ, катта қисқичбақалар, катта ва кичик мандаринлар, сихда пишган хурмо ва бошқа кўпгина егуликлар дастурхонга тортиларди. Ва улар орасида, албатта, батат бўтқаси ҳам бор эди. Гои ҳар йили батат бўтқасидан маза қилиб ейишни орзу қиласди. Аммо зиёфатда ҳамиша одам қўплигидан унга деярли ҳеч нима қолмасди. Айниқса бу гал бўтқа жуда кам бўлди. Ва шу сабабдан у гоига

ўта мазалидай туйил-ди. Гои бўшаб қолган идишлардан кўз узмай, мўйлабига ёпишган томчини кафти билан артиб, ўзича фўнгиллади:

— Қизиқ, қачонлардир менгаям шундан тўйгунимча ейиш насиб қиласмикан? — ва хўрсиниб қўшиб қўйди: — Оддий самурайни батат бўтқаси билан кимам сийларди...

Бу сўзлар оғзидан чиқиши билан кимдир қаҳ-қаҳ отиб кулиб юборди. Бу аскарларга хос эркин, дағал қаҳ-қаҳа эди. Гои бошини қўтариб, тортинчоқ нигоҳ ташлади. Куләётган одам жуда бақувват, елкалари кенг, баланд бўйли Мотоцунэнинг тансоқчиси, фуқаролик ишлари вазири Токунагининг ўғли Тосихито Фудзивара эди. У пиширилган аргувон ёнғогини тиши билан чақар ва устидан қора сакэ ичарди. У ширакайф эди.

— Эсиз-эсиз, — деди у гоининг бош қўтарганини қўриб, истеҳзо ва нафрат билан. — Умуман олганда, агар хоҳласанг, Тосихито сени бурнингдан чиққунча тўйдиради.

Хўрланган ит олдига ташланган сүякка дарров тумшуғини чўзмайди. Гои афтини одатдагидай йиғламсирабми, кулимсирабми, тушункисиз буриштириб, дам бўш идишга, дам Тосихитонинг юзига қарапди.

— Хўш, хоҳлайсанми?

Гои индамади.

— Гапир, нима дейсан?

Гои яна индамади. У бутун вужуди билан ҳамма унга тикилаётганини ҳис қиласди. Ҳозир жавоб берса, устига мазахлар тошдай ёғилади. Ҳатто гои тушундики, жавоб қандай бўлишидан қатъи назар, уни таҳқирлашади. У иккиланди. Эҳтимол, Тосихито диққати ошиб гап қотмаганида, у дам бўш идишга, дам Тосихитога аланглашда давом этаверарди.

— Агар хоҳламасанг, айт шуни.

Буни эшитган гои ҳаяжонланиб жавоб берди:

— Йўғ-э, унақамас... Сиздан ниҳоятда миннатдорман.

Буни эшитиб, йиғилганлар хоҳолаб кулиб юборишиди. Кимдир масҳаралаб унинг гапини қайтарди: “Йўғ-э, унақамас, сиздан ниҳоятда миннатдорман”. Гулдирос кулги билан бирга самурайларнинг узун ва думалоқ қалпоқлари бараварига ранг-баранг егуликлар тўлдирилган катта-катта идишлар, саватлар устида худди тўлқинлар каби ҳаракатга келди. Тосихитонинг ўзи қувноқ ва ҳаммадан баланд овозда қаҳ-қаҳ отди.

— Үндай бўлса, сени ўзимнинг уйимга таклиф қиласман, — деди у. Шу пайтда ичидан отилиб чиқмоқчи бўлган кулгиси ҳозиргина ичган сакэ билан бўғзида тўқнашиб, башараси буришиб кетди. — Бўпти, шундай бўлақолсин...

— Сиздан жуда миннатдорман, — такрорлади гои тутилиб ва қизаруб.

Ўз-ўзидан яна кулги қўтарилиди. Ҳамманинг диққатини ўзига жалб этишга уринган Тасихитога келсак, у елкалари силкинганча ҳаммадан ошириб хоҳоларди. Бу шимоллик маҳлуқ ҳаётда вақт ўтказишнинг фақат икки усулинин тан оларди: биринчиси — бўкиб сакэ ичиш, иккинчиси — хоҳолаб кулиш.

Яхшиямки, улар ҳақидаги гап-сўзлар тез якун топди. Нима бўлди, билмайман. Жамоанинг эътибори қанақадир қизилбурун гоига қаратилгани бошқа гуруҳларга ёқмаган бўлса керак. Ҳарҳолда суҳбат мавзуси ўзгарди, газак билан сакэнинг таги кўриниб қолди, қанақадир қуролбардор отга минаман деб шошганидан икки оёғини иштонининг бир томонига тиқиб олгани ҳақидаги янги ҳангома ҳамманинг

эътиборини чалғитди. Фақат гои ҳеч нимани эшитмаган бўлса керак. Балки унинг бутун фикру зикри икки сўз билан банд эди: батат бўтқаси! Дастурхонда унинг олдида қовурилган тустовуқ туарди, аммо гои унга кўл узатмади. Унинг идиши қора сакёга тўлатилган эди, аммо у идишни қўлигаям олмади. Бўлаётган гапларнинг ўзига ҳечам алоқаси йўқдай қўлини тиззаларига қўйганча қимир этмай ўтиради ва совчи келган қиздай ҳаяжондан юзи тугул оқ оралаган сочларининг илдизигача қизариб кетганди. У қай макон ва замондалигини ҳам унутиб, батат бўтқасидан бўшаган сирланган қора идишга қараб, бемаъни иржайиб ўтиради...

Орадан бир қанча вақт ўтиб, бир куни эрталаб Аватагути йўлидан Камогава дарёси бўйлаб иккита отлиқ шошилмай борарди. Улардан бири қалин ҳаворанг каригину ва шу рангда хакама² кийган ажойиб сочли, қора мўйлабли кўркам йигит узун қумматбаҳо қилич тақиб олганди. Иккincinnиси эса қирқни қоралаб қолган шўлқиллаган қизилбурун самурай унниқкан сўйкан устидан кийган иссиқ пахтали кийимининг белбогини ҳафсаласиз боғлаган, умуман олганда, унинг кўриниши шу қадар шалвираганки, бу ҳақида гапириб ўтириш ортиқча. Бироқ иккаловининг отига ҳам гап йўқ, уч ёшли тўриқ той, думи ва ёли қора тулпорга ўткинчи савдогарлар, самурайлар тўхтаб, орқаларидан қараб қолишарди. Яна икки киши отлиқларнинг орқасидан эргашиб келарди, афтидан, улар қуролбардор ва хизматкор эди. Суворийлар Тосихито ва гои эканини ўқувчига тушунтириб ўтиришнинг ҳожати бўлмаса керак.

Қиши бўлишига қарамай кун осуда ва очик, оппоқ биёбонда хўмрайган бадбуруш тошлар орасида ариқ бўйларида қолган қуриган ёвшан пояларини сал-пал қимиратадиган шабада ҳам йўқ эди. Барглари тўкилган пакана мажнунтолларни ҳароратсиз қуёш нурлари ёритар, дарахтлар устида узун думини ўйнатиб ўтирган жаблажибонларнинг сояси оппоқ йўлга тушиб туарди. Хигасия адирлари қуюқ яшиллиги тепасидаги думалоқ тоғлар музлаган баҳмал тўлқинларга ўхшарди. Суворийлар қамчиларини ишга солмай, шошилмасдан кетишар, эгарлардаги нақшлар қуёшда садафдай товланиб, кўзни қамаштиради.

— Қаерга кетаётганимиз ҳақида сиздан сўрасам бўладими? — сўради гои қовушмаган ҳаракат билан отнинг тизгинини тортаркан.

— Ҳадемай етиб борамиз, — жавоб берди Тосихито. — Бу ўйлаганингдан яқинроқ.

— Аватагутими?

— Шундай бўлсаям ажабмас.

Бугун эрталаб Тосихито гоини лақقا тушириш мақсадида Хигасия томонларга бирга кетишларини, у ерда қайноқ булоқ борлигини айтди. Қизилбурун гои бу гапга оппа-осон ишонди-қўйди. У анчадан бери ҳаммомда чўмилмаган, бадани чидаб бўлмас даражада қичишиб юрарди. Батат бўтқаси билан сийлашса, бунинг устига, қайноқ сувда чўмилса, унга яна нима керак? У Тосихитонинг захирадаги тўриқ тойида силкиниб кетаркан, фақат шу ҳақида орзу қиласарди. Қишлоқлар бирин-кетин орқада қолаяпти, бироқ Тосихитонинг ҳали тўхташ нияти йўқ. Мана, Аватагутидан ҳам ўтиб кетишиди.

— Бундан чиқди Аватагути эмаскан-да-а?

— Яна бирпас чида, — мийигифда кулиб жавоб берди Тосихито.

У ҳеч нима бўлмагандай олдинлаб бораверди, фақат гоининг юзи-

¹ К а р и г и н у — қишки кийим

² Х а к а м а — қалин иштон

ни кўрмаслик учун тескари қараб олди. Йўл четидаги хароба кулбалар борган сари камаяр, кенг қишики далаларда емак ахтарган қарғалару тоғлар соясида сақланиб қолган бефайз кўкимтирир қорлардан бўлак ҳеч нима кўринмасди. Ҳаво очиқ эди, аммо тиниқ осмонга санчилган гужум шоҳларини кўриб одамнинг эти жунжикарди.

— Бундан чиқди Ямасинага яқин эканда-а?

— Ямасина ана, бу сал нарироқда.

Ҳақиқатан Ямасино ҳам орқада қолди. Ямасино нима эмиш. Сэкияму ҳам билдирилмай қолиб кетди. Вақт пешиндан ўтганда улар Миидэра ибодатхонасига етиб келишди. Ибодатхонада Тосихитонинг роҳиб оғайниси бор экан. Улар роҳиб билан тушлик қилишди ва шоҳона овқатлардан кейин отларига амал-тақал миниб, яна йўлга тушишди. Энди уларнинг йўли илгаригидан фарқли равишда қуп-қуруқ чўлдан иборат эди. Шуни ҳам айтиш керакки, ўша пайтларда шу атрофда қароқчилар тўдалари изгиб юради.

— Ҳали узоқ юрамизми?

Тосихито тиржайди. Бу ҳол ножӯя иш устида қўлга тушган болакайнинг тиржайишига ўхшарди. Бурнининг учига ажин йифилган, кўз атрофи мийиқлари тортилган, қаттиқ кулиб юборишдан бери бўлиб, жазм қилолмай турган боланинг тиржайишига.

— Очигини айтсан, сени ўзимиз томонга, Цуругуга обормоқчийдим, — деди ниҳоят у ва кулиб қўлидаги қамчиси билан узоқларни кўрсатди. У ерда Оми қўли қуёш нурлари остида қўзни қамаштирадиган даражада ялтиллаб кўринарди.

Гои саросимага тушди.

— Сиз Цуругу ҳақида гапиряпсизми? Этидзэн вилоятидаги-а? Ўшами?

Арихито Фудзиварапининг куёви бўлмиш Тосихито қўп вақтини Цуругуда ўтказиши ҳақида бутун эрталаб унинг қулоғига чалингандай бўлганди. Лекин шу дақиқагача Тосихито уни ўша ёққа судраб бориши хаёлининг кўчасига ҳам келмаган. Биринчидан, бор-йўғи иккита хизматкор кузатувида икковлон тоғлардан ошиб, дарёларни кечиб Этидзэн вилоятига эсон-омон етиб олиши мумкинми? Тағин ҳамма ерда қароқчиларга йўлиқиб, талон-тарож бўлган бечора йўловчилар ҳақида миш-мишлар ўрмалаб юрган бир пайтда-я? Гои Тосихитога илтижоли нигоҳ ташлади:

— Бу қандай бўлди-я? Мен Хигасияга борамиз деб ўйловдим, биз эса Ямасинага борарканмиз. Ямасинага етиб келсак, Мидэрuga бориши керак экан... Мана, энди Цуругага, Этидзэн вилоятига борамиз, деяпсиз... Бунақа қилиш... агар бошидан шуни айтганингиздаям... сиз эса қанақадир малайдай мени эргаштириб келавердингиз. Цуругамиш... ахир бу бемаънилиқ-ку...

Гои йигламоқдан бери бўлди. Агар “батат бўтқасидан тўйиб ейиш” умиди унда шижаот уйғотмаганида, шу заҳотиёқ Тосихитони ташлаб Киотага қайтиб кетарди. Тосихито унинг саросимага тушганини кўриб, енгил қовоқ уйиб истехзо билан деди:

— Тосихито сен билан экан, мингта одам билан кетаяпман, деб фараз қилавер. Ҳеч хавотирланма, йўлда сени жинам урмайди.

Кейин у қуролбардорини чақирди, ундан ўқдонини олиб, елкасига осди ва қора локи ялтиллаган камонини ҳам олиб, эгарининг олд тарафига кўндаланг қилиб қўйди-да, отига қамчи уриб, илгари-лаб кетди. Нафсонияти мудроқ гоининг Тосихитога бўйсунишдан бошқа чораси қолмади. У кимсасиз далага ҳадиксираб нигоҳ ташлади-да, ярми эсидан чиқсан “Каннон-ке” деган сутруни гўлдираб

ўқиганча қизил бурни эгариға тегар даражада буқчайиб олиб, чарчоқ отининг лўқиллашига монанд чайқалиб кетаверди.

Теварак-атрофда мискант бутазорлари сарғайиб ётар, туёклар овози кенгликларга акс-садо таратарди. У ер-бу ерда учраб қолган кўлмакларда бўз осмон совуқ акс этар, шунинг учун ҳам бугунги қиши кечасида улар муз билан қопланишига ишониш қийин эди. Қуёш узоқ-узоқлардаги тоғ тизмаларининг ортига яширинган, тоғлар тўқ нафармон соядай кўринар, эrimай қоллар одатдагидай ялтиллаб кўзга ташланмасди. Ҳарҳолда мискант бутазорлари гоҳ-гоҳида бу мунгли манзарани сайёҳлар кўзидан бекитиб турарди... Тосихито тўсатдан жонланиб, гои томон қайрилди:

— Ана, бизга керакли хабарчиям топилди! Ҳозир мен уни Цуругага юбораман.

Тосихито нимани назарда тутганини гои тушунмади. У Тосихито камони билан кўрсатган томонга қўрқа-писа қаради, атрофда одам зоти кўринмасди. Фақат ботаётган қуёш нурида қизғиши рангли юнги ялтиллаб куюқ новдалар оралаб ўтиб кетаётган бир тулкига қўзи тушди. Унинг қарави билан тулки чўчиб сакраб тушди-да, тирақайлаб қочди. Сабаби, Тосихито қамчисини ўйнатиб, унинг орқа-сидан от солган эди. Ҳамма нарсани унутган гои ҳам отини улар томон буриб, қамчи урди. Ўз-ўзидан аёнки, хизматкорлар ҳам жим қараб қолишмади. Бир қанча вақт ичиди түёқларнинг бир маромдаги дупури чўлу биёбонни тутиб кетди. Тулки кўлга тушганди. Тосихито уни орқа оёқларидан ушлаб, бошини ерга осилтириб эгариға тиркаб турарди. Тулки ҳолдан тойгунича Тосихито унинг орқасидан қувиб, ушлаб олган бўлса керак. Гои қаттиқ ҳаяжонда сийрак мўйлабига сизиб чиққан терларини артиб, унинг ёнига келди.

— Қани, тулки, мени яхшилаб эшит-чи! — деди Тосихито тулкини юзига яқин келтириб, жўрттага баландпарвозда овозда. — Шу кечадан қолмай цуругулик Тосихитонинг мулкига бориб, у ердагиларга айтасан: “Тосихито уйига меҳмон чорлашни ихтиёр этди. Эртага Илон вақтида унга пешвоз чиқиши учун одамлар юборилсин ва улар ўзлари билан иккита эгарланган от олиб келсин”. Эслаб қолдингми?

Охирги сўзини айтиб у тулкини бир силкитди-да, бутазорга қараб улоқтириб юборди. Ўша пайтда етиб келган хизматкорлар хохолаб чапак чалиб тулкининг орқасидан қичқиришди: “Югур, жонивор! Югур!”. Жонивор хазон рангли юнги билан лип-лип ялтиллаб, тош ва илдизлар орасида йўлга ҳам қарамай, жони борича қочарди. Одамлар турган жойдан бутун кенглик кафтдай кўринар, чунки айнан шу ердан текислик қиялаб, қуриган дарё ўзанига туташиб кетганди.

— Антиқа хабарчи, — деди гои.

У дўлворларча қойил қолиб, пастдан юқорига — ҳатто тулкиниям чув туширган ёввойи жангчининг юзига ҳаддан зиёд эҳтиром билан тикилди. Лекин ўзи ва Тосихитонинг ўртасида нечоғлик фарқ борлиги ҳақида ўйлаб кўришга унинг вақти йўқ эди. У фақат шуни аниқ билардики, Тосихитонинг инон-иродасида бўлган кенгликларнинг чегараси йўқ, унинг иродаси ҳам ўша кенгликларга тобе. Энди Тосихито ихтиёр этсагина у эркин бўлиши мумкин... Гоининг аҳволида ўзгаларга хушомад пайдо бўлиши табиий. Ва бундан кейин қизилбурнинг феъл-атворида масҳарабозга хос хусусиятларни кўриб ҳам унинг асл табиати ҳақида шубҳага бормаслик керак.

Улоқтирилган тулки қияликдан ўмбалоқ ошиб юргилаганча, тошлар орасидан жуда эпчиллик билан сирғалиб чиқиб, қуриган дарё ўзанидан нариги соҳилга ўтиб кетди. Югуриб кетаётиб орқасига қай-

рилиб қаради. Уни тутган самурайлар ҳалиям узоқдаги қияликнинг чўққисида ўз отлари устида туришарди. Узоқдан улар тулкига бармоқдай кичкина кўринишди. Айниқса, тўриқ билан саман аниқ кўзга ташланди: ботаётган қўёш нури остида улар худди қишининг совуқ ҳавосига чизилгандек кўринарди.

Тулки яна бир бор орқасига қайрилди-да, қуриган чакалакзор орасидан шамолдай елиб кетди.

Келишилгандек, эртасига Илон вақтида йўловчилар Такасимага етиб келишди. Бу Бива кўли соҳилида жойлашган осуда қишлоқча бўлиб, қовоги солиқ осмон остида ҳар ер-ҳар ерда томи похол билан ёпилган уйлар учарди. Сайқал берилмаган ойнага ўхшаш кўл енгил жимиirlаганча қулранг товланиб, соҳил бўйидаги қарагайлар орасидан совуқ гезариб турарди. Тосихито гоига қайрилиб, деди:

— Анави ёққа қара. Одамларим кутиб олишга чиқиби.

Гои қараса, ҳақиқатан ҳам соҳил томондаги қарагайлар орасидан енглари совуқ шамолда ҳилпираб, иккита отни етаклаб йигирма-ўттиз чоғли суворий ва пиёдалар келишяяпти. Белгиланган масофада тўхтаб, суворийлар шошиб отдан тушишди, пиёдалар эса йўл четида итоаткорона бошларини эгиб, Тосихитонинг келишини иззат-икром билан кута бошлишди.

— Тулки топширигингизни бажарибди-я.

— Бу тулки табиатан афсунгар экан, мен айтган топшириқни бажариш унга чўт эмаскан.

Тосихито ва гои шу ўйсинда суҳбатлашиб кутаётганларга пешвоз боришиди.

— Жиловдорлар! — чақирди Тосихито.

Итоаткорона бош эгиб турган одамлар чопқиллаб бориб отларнинг жиловидан олишди. Ҳамманинг юз-кўзида ажиб хурсандчилик зоҳир эди.

Тосихито ва гои отдан тушишди. Улар жун кигизга ўтиришлари билан жигарранг сўйкан кийган оқсоҳ хизматкор Тосихитонинг ёнига келиб:

— Кеча бир гаройиб воқеа рўй берди, — деди.

— Нима бўлди? — эриниб сўради Тосихито хизматкорлар олиб келган газак тўла кутилар ва бамбук идишларни гоига узатаётуб.

— Айтишга рухсат берасиз. Кеча оқшом Йт вақтида бекамиз бирданига ҳушдан кетиб қолдилар. Бехушликларида: “Мен Сакамотадан келган тулкиман. Яқинроқ келиб, яхшилаб қулоқ солинглар, сизларга бугун хўжайн нималар айтиб юборганини етказаман”, — дедилар. Ҳамма йифилганида бекамиз бизга лутф қилдилар: “Хўжайн кутилмагандан мөҳмон чақиришни ихтиёр этдилар. Эртага Илон вақтида Такасимага у кишининг истиқболига бир нечта одам ва иккита эгарланган от юбориш керак экан”.

— Ростданам қизиқ иш бўпти, — гои уларни хурсанд қилиш учун маъкуллаган бўлса ҳам дам хўжайнинга, дам хизматкорларига ишон-қирамай нигоҳ ташларди.

— Лекин бу бекамиз айтган гапларнинг ҳаммаси эмас. Шундан кейин улар даҳшатли қалтираб: “Кечга қолманлар, акс ҳолда хўжайн мени отамерос уйимдан ҳайдаб чиқаради!”, — дея бақирдилар ва хўнграб йиглай бошладилар. Уларни ҳеч овутиб бўлмади.

— Хўш, кейин-чи?

— Кейин уйқуга кетдилар. Биз чиқишимизда улар ҳали уйғониши лозим топмаган эдилар.

Хизматкор гапини тутатгач, Тосихито гоига қараб:

— Қалай? — деди тантанавор оҳангда. — Кўрдингми, ҳатто ҳайвонларам Тосихитога хизмат қиласди!

— Қойил қолиш керак, — деди гои боши эгилган кўйи қизил бурнини қашлаб. Кейин ниҳоятда ҳайратлангандай оғзини очиб, тошдай қотиб қолди. Мўйлабида сакэ томчиси илиниб турарди.

Кун ўтиб, тун келди. Гои Тосихито йийинг хоналаридан бирида уйқуси қочиб шамчироқ нурига паришон тикилиб ётарди. Кечаги таассуротлар — улар ўтиб келган Мацуяма, Огава, Карэн, ўт-ўланлар, хазонлар, тошларнинг ҳидлари, бултурги сабзвотлар поялари гулханлари туруни ҳамда уйга етиб келишганида елкасидан тоф ағдариликандай енгил тортгани ва туманли кеча қоронгисида қип-қизил ловиллаб кўринган ўчоқлардаги кўмир оташлари хаёлидан бирмабир ўтарди. Ҳозир тўшакда ётиб шулар ҳақида ўйларкан, унга ҳаммаси узоқ ўтмишда бўлиб ўтгандай туюлди. Сариқ иссиқ ёпинчиқ остида у оёқларини роҳатланиб чўзди ва ички нигоҳ билан ҳозирги ҳолатига ўйчан назар ташлади. Кўркам ёпинчиқ тагидан Тосихито вақтинча марҳамат қилган шойидан тикилган иккита паҳтали кимоно кийганди. Шу кийимнинг ўзидаёқ терлаб кетиш ҳеч гап эмасди. Бундан ташқари, кечки овқатда тўйиб ичилган сакэ ҳам унинг баданини қиздираётганди. Бош тарафидаги дераза ортида ҳайбатли ҳовли қирордан ялтиллаб ётибди, аммо бундай роҳатли дамларда бу унинг учун қўрқинчли эмас. Киотодаги самурайга шогирд тушган пайтлари билан бугунги куннинг ўртасидаги фарқ осмон билан ерча-я. Шунга қарамай, бизнинг гоимизнинг кўнглида қандайдир тушуниксиз ҳавотир уйғонмоқда эди. Биринчидан, вақт жуда секин ўтаётганди. Бундан ташқари, у худди тонг отишини истамаётгандай, ҳатто батат бўтқасидан лаззатланиш истаги тезроқ амалга ошишига ҳам иштиёқи йўқдай. Ва мана шу зиддиятли ҳис-туйгулар қуршовида, аҳволнинг кескин ўзгариши натижасида кечаги кучли ҳаяжони қаёққадир ғойиб бўлган, унинг дийдаси бугунги қиши ҳавосига монанд қотиб қолганга ўхшарди. Ва булар ҳаммаси бир бўлиб унга халал берар, ҳатто у йўл бўйи кутган уй ҳарорати ҳам унинг тинчгина ухлашига қўймасди.

Ҳовлида гумбурлаган товуш янгради. Афтидан, бу овоз кечаги уларни йўлда кутиб олган оқсоқол хизматкорники эди. Бу қуруқ овоз совуқда жаранглагани учунми, гоига жуда қўрқинчли туюлар, ҳар бир сўз изгирин шамол каби унинг суюк-суюгига санчилаётгандай бўларди.

— Ҳой югурдаклар, буйруқни эшитинглар! Хўжайниннинг истакларини ижобат этиш мақсадида эрталаб Қуён вақтида ҳар бирингиз уч сун энли ва беш сяку узуунликдаги тоф бататларидан бир қопдан олиб келишингиз шарт! Эсингииздан чиқмасин! Қуён вақтида!

Оқсоқол бу буйруқни бир неча марта тақрорлагач овози ўчди ва ташқари яна қиши ҳукмида қолди. Жимжитликда шамчироқ мойиннинг вижиллаши эштиларди. Қизил шойи тасмасига ўҳшаган чироқ милтилларди. Гои эснади, тамшанди ва яна узуқ-юлуқ ўйларга чўмди. Тоф бататларини олиб келиш буйруғи, албатта, батат бўтқаси пишириш учун... Гои шу ҳақида ўйлаши билан, ҳовлидаги овозга қулоқ солиб турганида эсидан чиққан безовталиқ ҳисси яна қалбига қайтди. Ўзиди батат бўтқаси билан сийланиш дамларини иложи борича орқага суриш ҳохиши пайдо бўлганини ҳис қилди ва бу ҳис унинг онтига ниҳоятда мустаҳкам ўрнашиб олди. “Батат бўтқасидан тўйиб ейиш” истаги осонгина амалга ошиш вақти келганида йиллар давомида сабртоқат билан кутгани энди унга мутлақо бемаънилик бўлиб туюла бошлади. Ейиш мумкин бўлганда нимадир тўсқинлик қиласди, ейиш-

га имкон бўлмаганда бу тўсиқ йўқолади, мана, кута-кута ниҳоят етиб келганида зиёфатни эсон-омонгина ўтказиб олишни хоҳлаб ўтирибди... Шунга ўхша什 фикрлар гоининг миясида у ҳолдан тойиб, бирдан ўлиқдай қотиб ухлаб қолгунича визвизакдай тинимсиз айланаверди.

Эртасига эрталаб уйғониб, у дарров тог бататлари ҳақида эслади ва шошганча дарпардаларни кўтариб деразадан қаради. Афтидан, у ухлаб қолганга ўхшайди, Қуён вақти аллақачон ўтиб кетибди. Ҳовлида узун-узун бўйраларда минглаб думалоқ ходага ўхша什 буюмлар том баравар уйилиб ётарди. Қараб туриб тушунди, буларнинг ҳаммаси эни уч сун ва узунлиги беш сяку келадиган гоятда ҳайбатли тог бататлари эди. У уйқусираган кўзларини ишқалаб, ҳайрат билан ва ҳатто даҳшатга тушиб ҳовлида бўлаётган ишларга анграйиб қолди. Ҳамма ерда янги ясалган чорпояларда қатор-қатор бўлиб беш-олтирадан қозонлар турар, атрофида ўнлаб оқ либосли майда-чуйда хотинлар куймаланиб юрарди. Улар батат бўтқаси пишириш учун тайёргарлик кўришарди – бири ўтин ёқсан, бошқаси ўчоқни қулдан тозалаган, яна бири янги ёғоч хумларда қозонларга узум шарбатини қўйган, уларнинг лип-лип югуриб-елишларидан гоининг кўз олди жимиirlаб кетди. Ўчоқдан чиқсан тутун, шиннидан чиқсан буг тарқаб улгурмаган эрталабки туманга қоришиб, бутун ҳовлини кулранг тўзонга тўлдирган, фақат бу тўзон ичида қозон тагидан ўrlаётган аланга қизил доғдай ёрқин кўзга ташланарди. Кўз кўриб, қулоқ эшитганларнинг ҳаммаси ё уруш бўлаётгани, ё ёнгин чиқсанни тасвирланган тўпалон саҳна кўринишига ўхшарди. Гои мана шу улкан бататлар улкан қозонларда батат бўтқасига айланишини аниқ ва тиниқ тасаввур қилди. Яна ўйладики, Киотодан шу ерга, Цуругага, узоқ Этидзэн вилоятига атай шу батат бўтқасини ейиш учун судралиб келди. Қанча кўп ўйлагани сари у шунчалик сиқиларди. Бу вақтга келиб гоимизнинг ачинишга лойиқ иштаҳасининг ярмигина қолганди, холос.

Бир соатдан кейин гои Тосихито ва унинг қайнотаси Арихито билан нонушта қилиб ўтиради. Унинг олдида биргина кумуш қозонча турар, бу қозонча оғзигача тўла бўлиб, унда оламжаҳон батат бўтқаси бор эди. Гои боягина ўнлаб ёш йигитлар чопқилар билан том бўйи йиғилган тоғдай бататларни апил-тапил майдалаб ташлашганини кўрганди. Яна кўргандики, оқсоқ аёллар майдаланган бататларни охирги бўлагигача қозонларга солиш учун ҳовлиқиб югуриб юришганди. Ва ниҳоят, бўйраларда биттаям батат қолмагандан қозонлардан бататлар ва узум шиннисининг ҳиди билан қоришиб кетган қайноқ бувлар тиниқ тонг осмонига ўrlаётганини кўрганди. У буларни ўз кўзи билан кўрганди ва ҳозир бўтқага лиқ тўла қозонча олдида ўтириб, ҳали унга кўл узатмасдан у ўзини тўқ ҳис қилишининг ҳеч ҳайратланарли ери йўқ эди... У ўнғайсизланиб пешонасининг терини артди.

— Сен ҳали батат бўтқасидан маза қилиб тўйиб еганинг йўқ, — деди Арихито. — Тортинмай олавер.

Хизматкорларига қайрилиб қараганди, унинг буйруги билан дастурхонда яна бир нечта кумуш қозончалар пайдо бўлди. Уларнинг ҳаммаси қулогигача батат бўтқаси билан тўлдирилганди. Гои кўзларини юмиб олди, унинг қизил бурни баттар қизарди, бўтқага сопол чўмични тиқиб, зўр-базур ярмигача ейишнинг уддасидан чиқди. Тосихито яна бир тўла қозончани унинг ёнига суриб қўйиб, бешафқатларча қулди:

— Отам сенга нима деганди. Бўл, уялмай ол.

Гои ишлар чатоқлигини тушунди. Бу ерда уялиш ҳақида гапириш

ортиқча, бошиданоқ ана шу бүтқаны күришга күзи йўқ эди. Ярим қозончасини бир амаллаб ютди. Унинг боши қотди. Агар ҳозир яна бир қошиқ еса, қайт қилиб юборади, ейишдан бош тортса, Тосихито билан Арихитонинг майлини қайтаришдан кўрқади. Гои яна қўзини чирт юмиб, қолган бүтқанинг уч қисмини ютди. Томогидан бошқа бир томчиям ўтмасди.

— Сизга чин дилдан ташаккур билдираман, — гўлдиради гои. — Қорним тўйди... Бошқа еёлмайман, чин дилдан ташаккуримни билдираман.

Унинг кўриниши жуда аянчли эди, мўйлаби ва бурнининг учидаги жазирама ёздагидай иирик-иирик тер томчилари осилиб туарди.

— Сен ҳали оз единг, — деди Арихито ва хизматкорларига қараб кўшиб кўйди: — Афтидан, меҳмон уялаётганга ўхшайди. Нимага қараб турибсизлар?

Арихитонинг буйруғи билан хизматкорлар энди чўмичга қўл узатиб тўла қозончадан бүтқа олмоқчи эдилар, гои бечора қўлларини худди пашшани ҳайдагандай силкитиб, хўрланиб рад этди:

— Йўқ-йўқ, энди етарли... Узр... узр, менга етарли.

Эҳтимол, Арихито гоини қайта-қайта сийлашда давом этарди, аммо шу пайт Тосихито тўсатдан қаршисидаги уйнинг томини кўрсатиб: “Оҳ-о, уни қаранглар!” деб қолди. Гоининг баҳтига, у ҳамманинг дикъатини чалғитди. Ҳамма Тосихито кўрсатган тарафга қаради. Том тонгги қўёшнинг заррин нурларига кўмилганди. Ва у ерда қўзни қамаштиргудек бўлиб аллақандай ялтироқ юнгли ҳайвонча тобланиб ўтиради. У Тосихито ўтган куни чўлда тутган сакамоталик тулки эди.

— Тулкиям батат бўтқасининг ҳидини олиб келди, — деди Тосихито.

— Эй, ким бор, анави ҳайвонгаям беринглар, савобга қоласизлар.

Бўйруқ тезда бажарилди. Тулки томдан сакраб тушиб меҳмондорчиликда иштирок этди.

Гои бўтқани чапиллатиб ялаётган тулкига ғамгин ийиб тикилиб ўтиаркан, хаёлан ўзини кўрди: бу ерга келишдан олдин у қанақа эди? У шундай эдикни, қўпгина самурайлар устидан куларди. У шундай эдикни, ҳатто кўча болалари ҳам масхаралаб, қизилбурун деб чақиришарди. У шундай эдикни, унниқсан суйкан ва йириқ ҳакамада Судзаку кўчаларида дайди итдай изғиб юрган ғамгин ва ёлғиз бир кимса эди. Ва лекин Батат бўтқасидан тўйиб ейиш орзусини юрагида опичлаб юрган инсон... У онгу шуурида энди умрида ҳеч қачон батат бўтқасини оғзига олмаслик ҳақида ўйлаганида юрагига осудалик инди ва терлари қотаётганини ҳис этди, ҳатто бурнининг учидаги томчи ҳам куриб қолди. Эрталаб бўлишига қарамай Цуруга қуёшли эди, аммо шамолнинг заҳри сувкни ёрарди. Гои шошилиб бурнини ушлади-да, кумуш қозончага қараб баланд овозда аксириб юборди...

А-ба-ба-ба-ба

Ясукити бу дўкон хўжайнини анчадан бери биларди.

Яъни, тахминан уни денгиз ҳарбий биримасига ўтказишган кундан бери. У ногаҳон бир қути гутурт олишга кирганди. Дўконда кичиккина пештахта бор эди; ойнак орқасида, адмирал байроби қадалган “Микаса” моделидаги крейсер атрофида кюрасо шишалари, какао идишлари, майиз қутилари тизилиб туарди. Озиқ-овқат дўкони бўлишига қарамай, эшик тепасига “Тамаки” деган қизил ёзув осил-

ган, демак, бу ерда гугурт ҳам сотилиши турган гап. Ясукити дўконга бош суқиб: “Бир қути гугурт беринг”, — деди. Эшик яқинидаги пештахта ортида кўзи гилай бир йигит зерикиб ўтиради. У ташриф буюрган кишини кўриб, чўтини жойидан жилдирмай, табассум ҳам қилмай жавоб берди:

— Афсуски, гугуртлар тугаган. Мана буни олинг.

“Мана бу” папирося қўшиб бериладиган миттигина қутича эди.

— Бироз ноқулайроқми, дейман... Унда бир қути “Асахи” ҳам беринг.

— Хечкиси йўқ, Олаверинг.

— Йўқ-йўқ, “Асахи” беринг.

— Гугурт зарур бўлса, беҳижолат олаверинг. Кераксиз нарсага пул сарфлашнинг хожати йўқ.

Филайнинг сўзларини, шубҳасиз, илтифотли деса бўларди. Аммо унинг оҳангига ва юз ифодаси фоятда совуқ эди. Ундан текинга бир нарса олишга нимадир йўл қўймайди, лекин олмасдан қайрилиб кетавериш ҳам нокулай. Ясукити истар-истамас бир сэнлик чақани пештахта устига қўйди.

— Унда шунака қутичадан иккитасини беринг.

— Иккита хоҳлайсизми, учтами, марҳамат. Фақат тўлаш шарт эмас.

Бахтига, шу дақиқада эшиқда осигелиқ турган «Кинсэн-сайда» рекламаси ортидан сотувчининг ҳуснбузар тошган ифодасиз юзи кўринди.

— Хўжайин, гугуртлар бу ерда.

Ясукити ички тантана билан бир қути оддий гугурт сотиб олди. Уларнинг нархи одатдагидай бир сэн эди. Аммо ҳеч қачон гугурт деган нарса унинг қўзига бунчалик чиройли қўринмаган. Сотув маркаси — учбурчак тўлқинлардаги елкан шунчалик гўзалки, хоҳласанг ромга осиб қўйишинг мумкин. Гугуртларни авайлабгина шимининг чўнтағига солган Ясукити галаба нашидасини суреб дўкондан чиқди.

Ясукити шу қундан бошлаб ярим йил мобайнида корпусга кетиши-қайтишда дўконга кириб ўтадиган бўлди. Ҳалиям қўзини юмса, уни аниқ-тиниқ тасаввур қилиши мумкин: шифтдаги тўсинларга дудланган чўчқа гўштлари осиб қўйилган. Деразанинг майда қўзларидан сувоқланган деворга яшилтоб қуёш нурлари тушиб турибди. Тахта полда қуолтирилган сут рекламаси туширилган қофозлар сочилиб ётибди. Эшик рўпарасидаги устунда осигелиқ соат тагига катта календарь илинган. Ва бошқалар — витринадаги “Микаса” крейсери, “Кинсэн-сайда” рекламаси, стул, телефон, велосипед, шотланд вискиси, америка майизи, манила сигаралари, миср папирослари, дудланган балиқ, соя ёғида қовурилган мол гўшти — деярли ҳаммаси унинг хотирасига муҳрланган. Айниқса, у кўравериб бадига уриб кетган хўжайнинг баланд пештахта орқасидан чиқиб турган тумшайган башараси. Нафақат бадига урган, у унинг барча одат ва хатти-ҳаракатларини — қандай йўталиши, сотувчига қай тарзда буйруқ бериши, бир шиша какао сотиб олиш учун кирган харидор билан қандай муомала қилишини икир-чикирларигача биларди. “Яхшиси, “Фрай”ни эмас, мана бунисини олинг. Бу голланд “Дрост”и”. Буларнинг барини билиш ёмон эмас. Аммо, турган гапки, жуда зерикарли. Баъзида Ясукити бу дўконга кирганида, унга ўқитувчи бўлиб хизмат қилаётганидан бери жуда кўп вақтлар ўтиб кетгандек туюларди. Аслида эса хизматга келганига ҳали бир йил ҳам бўлгани йўқ.

Бироқ ҳар жойда мавжуд ўзгаришлар бу дўконни ҳам четлаб ўтмади. Илк ёз кунларининг бирида эрталаб Ясукити папиросотиб олгани

кирди. Дўкон ҳар доимгидай, нам полда қуолтирилган сут рекламалари сочилиб ётарди. Аммо, лекин филай хўжайнинг ўрнида, пештахта ортида сочини европача турмаклаган аёл ўтиради! Унинг ёши ўн тўққизлар атрофида эди. Ёнидан қараганды у мушукчага ўхшарди. Кўёшда кўзини қисиб ўтирган оппоқ мушукчага. Ясукити ажабланиб пештахта ёнига келди.

— Икки пачка “Асахи”.

— Ҳозир.

Аёл уялибгина жавоб берди. Ва устига устак, унинг узатгани “Асахи” эмас, орқасига самога бош кўтараётган қуёш расми туширилган иккала кути ҳам “Микаса” эди. Ясукити беихтиёр кутилардан нигоҳ узуб, аёлнинг юзчасига қаради. Ва шу заҳотиёқ бурунчасининг тагида мушукчанинг диккайиб турган узун мўйлабини тасаввур қилди.

— Мен “Асахи” сўрагандим, бу эса “Микаса” экан.

— Ие, шунақами! Илтимос, кечиринг.

Мушукча, йўғ-ей, аёл қизариб кетди. Бу руҳий қалқиши худди балоғат ёшидаги қизчаларни киға ўхшарди. Йўқ, у замонавий ойимтилла қизчалардан эмас. “Кэньюса” дидига мос, беш-олти йиллардан бери топиш мушкул бўлган қизчалардан эди. Чўнтағидан майда чақа ахтарар экан, Ясукити негадир «Сверстников»ни, икки рангли фуросика ўрамини, тулсафсралар, Регоку квартали, Кабураги Киеката ва шунингдек бошқа кўп нарсаларни эслади. Айни пайтда аёл астойдил пештахта тагидан “Асахи” қидирарди.

Ичкари эшикдан илгариги филай хўжайнин кўринди. У “Микаса”-ни кўриши билан вазиятни тушунди. Ва одатдагидай ижирғанганд қиёфада қўлини пештахта тагига суқиб, Ясукитига икки кути “Асахи” узатди. Аммо унинг кўзларида билинар-билинмас бўлса-да табассумга ўхшаш бир нарса милтилларди.

— Гугурт?

Аёлнинг кўзлари хуриллашга тайёр турган мушукчаникидай хумор сузилди. Хўжайнин жавоб ўрнига номигагина бош қимирилатди, аёл шу заҳотиёқ пештахта устига кичкина гугурт қутисини қўйди. Сўнг яна бир марта уялинқираб жилмайди:

— Илтимос, кечиринг...

У фақат “Асахи”нинг ўрнига “Микаса” узатгани учунгина кечирим сўрамаётганди. Ясукити нигоҳини аёлдан узуб хўжайнинг қадаркан, ўзи ҳам табассум қилаётганини сезди.

Шундан кейин ҳар келганида аёл пештахта ортида ўтирган бўларди. Бироқ сочи биринчи галдагидек европача турмакланмаган эди. Энди улар марумагэ усулида йиғилиб, қизил bogич билан сипо қилиб боғлаб қўйилганди. Аммо у ҳалиям харидорлар билан муомала қилишни билмасди. Жавоб беришга қийналарди. Сотувдаги молларни алмаштириб юборарди. Устига устак, вақти-вақти билан қизариб турарди. У ҳеч дўкондор ўхшамасди. Аёл аста-секин Ясукитига ёقا бошлади. Бу уни севиб қолди, дегани эмас, албатта. Шунчаки, унинг уятчанлиги ёқарди.

Толиқтирувчи жазирама кунларнинг бирида кечга яқин Ясукити корпусдан қайтаётib бир банка какао олишга кирди. Аёл бу гал ҳам пештахта ортида “Кодан-қурабу” журналини ўқиб ўтиради. Ясукити юзига ҳуснбузар тошган сотуввидан “Ван Гутен” маркали какао борми, деб сўради.

— Ҳозир фақат мана бундан бор.

Сотувчи унга “Фрай” банкасини узатди. Ясукити дўконга кўз югуртиради. Мевали консервалар орасида европалик роҳиба расми ту-

ширилган маркали банка бор экан.

— Анави ерда “Дрост” борга ўхшайди?

Кўрсатилган рафга ўгирилиб қараган сотувчининг юзида эсанки-раш аломати пайдо бўлди.

— Ҳа, буям какао.

— Демак, фақат шунинг ўзи эмаскан-да?

— Йўқ, фақат шунинг ўзи... Бекам, бизда фақат “Фрай” какаоси бор-а?

Ясукити аёлга қайрилиб қаради. Аёл кўзларини бироз қисиб олган, юзлари яшилтоб жилоланаарди. Бунинг ҳеч ажабланарли жойи йўқ — дўкон деразасининг рангли кичик кўзчаларидан кечки қўёш нури тушиб турганди. Аёл журналдан тирсагини олмай, ҳар галгидай тутилиб жавоб берди:

— Мен фақат шунақаси қолган, деб ўйловдим, лекин...

— Биласизми, “Фрай” какаосидан баъзан қурт чиқиб қолади, — гапира бошлади Ясукити жиддий оҳангда. Аслида эса у қуртлаган какаони ҳеч қачон учратмаганди: шунчаки, бундай дейиш — «Ван Гутен» какаоси бор-йўқлигини аниқлашнинг энг яхши усули эканига амин эди. — Анчагина йириклариям чиқиши мумкин. Жимжи-лоқдай...

Аёл ҳадиксираб, пештахта орқасига эгилиб қаради.

— Анави ерда қолмадими кан? Орқа рафда.

— Фақат қизил банкалар. Бу ерда бошқаси йўқ.

— Мана бу ерда-чи?

Аёл гэталарини тақ-туқлатиб пештахта ортидан чиқди-да, ҳовликәнча дўёнини айланиб ахтара бошлади. Саросимага тушган сотувчи ҳам истаса-истамаса консервалар орасини излашига тўғри келди. Папирос чекиб турган Ясукити чўқقا ўтин қалаш учун дона-дона қилиб деди:

— Мабодо бунаقا қурт тушган какаони болаларга берса борми, қорни оғриб қолиши тайин. (У дала ҳовлидаги хонани ёлғиз ўзи ижарага олганди). Болалар у ёғда турсин, хотин ҳам бир куни ичиб қўйиб, азият чеккан. (Турган гапки, унинг ҳеч қанақа хотини йўқ эди). Тагин бу ўта эҳтиёткор киши экан, деб ўйламанглар...

Ясукити бирданига жимиб қолди. Аёл фартугига қўлини арта туриб унга хавотир билан қаради.

— Тўғриси, топа олмаяпман...

Унинг кўзларида тортинчоқлик бор эди. Лаблари жилмайишга уринарди. Айниқса, бурнининг устига тер томчилари сизиб чиққанини томоша қилиш мароқли эди. Кўзи кўзига тушаркан, Ясукитининг ичига шайтон оралади. Бу аёл гулдай нозик-ниҳол эди. Ясукити унинг ҳисларини қитиқлаб қўйиб, худди ўзи кутган таъсирни кўрарди. Ҳатто “қитиқлаш” жуда оддий бўлганида ҳам. Юзига синчков тикилиш ёки бармоқ учи билан тегиб кетишнинг ўзи унинг учун етарли эди. Ҳа, биргина шунинг ўзи Ясукити ундан нима хоҳлаётганини тушуниши учун кифоя. Нима хоҳлаётганини тушунгач эса у қандай йўл тутади, фақат ўзигагина аён. Мабодо қаршилик кўрсатмаса-чи? Йўқ-йўқ, мушукни уйда сақлаш-ку мумкин. Аммо мушукка ўхшаган аёл деб ўз жонини баттол шайтон ҳукмига топшириш ҳеч ақлга сифмайдиган иш. Ясукити охиригача чекилмаган папиросини ташлаб юбориб, ичига кириб олган шайтонни улоқтириди. Шайтон кутилмагандан ўмбалоқ ошиб, сотувчининг бурнига кирди — ва сотувчи ўзини ундан олиб қочолмай бир неча марта қаттиқ аксирди.

— Нимаям қилардик. Бир банка “Дрост” берақолинг.

Ясукити оғзини қийшайтириб жилмайғанча чўнтағини ковлаб, майда пул излай бошлади.

Шундан кейин Ясукити аёл билан бу мавзуда гаплашмади. У ҳақида қанча эсламасин, баҳтига, шайтон Ясукитини бир мартагина йўлдан озиришга уринганди, холос. Ҳатто у қайсиdir бир гал елкасига фаришта қўнганини ҳам сезиб қолганди.

Кеч куз кунларининг бирида Ясукити шомга яқин папиросга кириб, биратўла дўкондаги телефондан ҳам фойдаланмоқчи бўлди. Хўжайн дўкон ёнида тик тушаётган қўёш нурлари остида велосипеди билан овора, шинасига дам солаётган экан. Афтидан, сотувчи бирор юмуш билан кетганга ўхшайди. Аёл одатдагидай пештахта ортида аллақандай ҳисоб-китобларини тартибга солиб ўтиради. Мана шу ўзгармас дўкон манзарасида ёқимсиз ҳеч нарса йўқ эди. Голланд мактаби жанри тасвирларидағи каби ҳар тарафлама хотиржам баҳт уфуради. Аёлдан нарироқда телефон гўшагини қулогига тутиб тураркан, Ясукити ўзи яхши кўрган Де Хуга репродукциясини эслади.

Аммо ҳар қанча уринмасин, керакли рақамга улана олмади. Буям етмагандай, алоқачи аёл икки марта: “Рақам? Рақам?” – деди-да, сувга чўккандай жим бўлиб қолди. Ясукити қайта-қайта сим қоқди. Аммо гўшакдан тақир-туқирдан бўлак ҳеч нима эшитилмади. Энди Де Хугани эслашгаям унинг ҳафсаласи қолмади. Чўнтағидан Спаргонинг “Социализм бўйича қўлланма”сини чиқарди. Баҳтига, телефон аппарати ёнида китоб қўядиган тагликка ўхшаш қути бор эди. Ясукити унга китобни қўйди, қўзлари ҳарфлар устида юргурган қўйи қўли телефон ручкасини иложи борича шошмасдан тинмай айлантира бошлади. Бу унинг қайсар телефончи аёл билан курашиш усули эди. Бир куни Гиндза-Овари-тедаги телефон автомати ёнига бориб, керакли жойга қўнғироқ қилиб тушгунича бутун бир “Сабаси Дзингоро”ни ўқиб чиқишига улгурган. Бу сафар ҳам у телефончи аёл жавоб бермагунича қўлинни телефондан узмасликка қарор қилди.

У телефончи аёл билан астойидил уришиб, ниҳоят, уланиб сұхбатлашишга эришгунича йигирма дақиқача вақт ўтиб кетди. Миннатдорчилек билдириш учун Ясукити пештахта тарафга қаради. Аммо пештахта ортида ҳеч ким йўқ эди. Аёл эшик олдида туриб, эри билан гаплашарди. Афтидан, хўжайн ҳалиям кузги қўёш остида вилосипедини титкилаш билан оввора эди. Ясукити эшик томон юраркан, беихтиёр қадамини секинлатди. Унга орқаси билан турган аёл эридан сўрарди:

— Боя бир харидор арzon қаҳва кукуни сўради. Арzon қаҳва кукуни қанақа бўлади?

— Арzon қаҳва? — хўжайн хотинига худди харидорлар билан муомала қилгани каби совуқ оҳангда гапиради. — Балки хато эшитган дирсан: арпа қаҳвасидир?

— Арпа қаҳваси? Ҳа-а, арпадан тайёрланган қаҳва! Ўзимам ўйловдима-а, кукун озиқ-овқат сотадиган жойда бўлмайди, деб.

Ясукити дўконда туриб бу саҳнани томоша қилганди. Ана ўшанда у елкасига фаришта қўнганини сезиб қолганди. Фаришта дудланган чўчқа гўшти осилган шифт тагидан учеб ўтди ва ҳеч нарсадан бехабар шу икки одамнинг ҳақига дуо ўқиди. Тўғри, шўр балиқ ҳидидан у салгина бурнини жийириб ўтди... Ясукити бирданига шўр балиқ сотиб олишни унуганини эслаб қолди. Селд балигининг аянчли таначалари шундоққина бурнининг тагида фиж-фиж уюлиб ётарди.

— Менга шўрбалиқ бервординглар.

Аёл дарҳол ўгирилди. У арzon қаҳва кукуни озиқ-овқат дўконида бўлмаслигини анлаган пайтида бу рўй берганди. Шубҳасиз, сұхба-

тига қулоқ солинганини у фаҳмлади. Ҳали қараб улгурмасиданоқ мушукчаникига ўхшаш юзчаларига қизил югурди. Йилгари айтилганидай, Ясукити унинг қизаришига биринчи марта эътибор бераттанийтадай. Аммо бунчалик лоларанг тусга кирганини илгари ҳеч кўрмаганди.

— Шўрбалиқ? — эшитилар-эшитилмас қайта сўради аёл.

— Ҳа, шўрбалиқ, — бу гал алоҳида эҳтиром билан жавоб берди Ясукити.

Бу воқеадан икки ой ўтиб кейинги йилнинг январи кириб келди. Аёл тўсатдан қаергадир гойиб бўлди. Бир неча кунгагина гойиб бўлганийтадай. Ясукити қачон дўконга кирмасин, гилай хўжайн эски печга суюнганча ёлғиз зерикиб ўтиради. Нимадир етишмаётганини ҳис этган Ясукити аёлнинг йўқолиб қолиши ҳақида ўзича турли хил шубҳаларга бора бошлади. Аммо жўрттага ўзини қўрс тутувчи хўжайниндан: “Рафиқангиз?...” деб сўрашга ботинолмасди. Аслида эса у нафакат хўжайнин билан ҳеч қачон ҳеч нарса ҳақида гаплашмаган, ҳатто унинг тортинчоқ аёлига муомалада ҳам “уни беринг, буни беринг”-дан нарига ўтмаганди.

Шу тариқа музлаган ерлар кетма-кет икки кунлаб қуёш нури остида исина бошлади. Аммо аёл ҳалиям кўринмасди. Хўжайнин бўла туриб дўкон ҳувиллаб ётарди. Аста-секин Ясукити беканинг йўқлигига эътибор бермай қўйди...

Февралнинг охирларида қайсиdir бир оқшом инглиз тили дарси тугагач Ясукити иттифоқо дўкон ёнидан ўтиб қолди. Витрина орқасида, ярқираган электр чироғи остида европадан келтирилган виношишалари ва консерва банкалари тизилиб туради. Ўз-ўзидан маълумки, бу ерда ҳеч қандай гайриоддийлик йўқ эди. Аммо бирданига дўкон олдида бир аёл қўлидаги чақалогига қандайдир бемаъни “гуру”лаб турганига кўзи тушди. Дўкон чироқлари нури кўчани ёритиб туради, Ясукити бу ёш онани дарров таниди.

— А-ба-ба-ба-ба-ба-ба-а

У дўкон олдида айланиб юриб чақалогини ўйнатарди. Уни тебрати туриб кўзи Ясукитининг кўзи билан тўқнашди. Ясукити ҳозир аёлнинг қўзида тортинчоқлик ва юзларида қоронгида ҳам кўриш мумкин бўлган даражада қизиллик пайдо бўлади, деб хаёлидан ўтказди. Аёл эса пинагиниям бузмади. Унинг кўзлари сокин жилмаяр, юзларида эса тортинишдан асар ҳам йўқ эди. Буям етмагандай, у яна чақалогига қараб, бегона кўзлардан уялиб-нетиб ўтирмай такрорлади: бирор боласига тиллари бор теккизганда наф шеърга айланиб кетадиганлардан бири

— А-ба-ба-ба-ба-ба-ба-а

Аёлни орқада қолдириб кетаркан, Ясукити ўзи ҳам сезмаган ҳолда аччиқ киноя билан кулди. Бу у билган аёл эмасди. Бу шунчаки оддий меҳрибон она эди. Она бўлганда ҳам бирор боласига тил текизганда ҳамма замонларда нақ шерга айланиб кетадиганлардан бири! Йўлида давом этаркан, Ясукити томлар устидаги осмонга кўз тикди. Жануб шамоли эсаётган осмонда баҳорги бир парча кумуш ой заифгина нур таратиб туради...

Рус тилидан ОЙДИННИСО
таржималари



ОСМОН — МИСЛИ ГУЛНИНГ КОСАСИ

Блэз САНДРА

(Франция)

ОРОЛ

Орол.

Орол.

Орол, ҳеч вақт, ҳеч қайга бойланмаган жой.

Орол, йўлин топиб судраб бўлмагай зинҳор.

Орол, авжи зўр гуллар-ла бурканган замин.

Орол, бекингайдир қоплон мисоли.

Орол, сукут қаърида.

Орол, қимир этмагай,

Унутиб бўлмас макон

Ва номсиз хилқат.

Мен туфлимни иргитдим қайиқ ортига,

Сабаби, сенга боришни мен-да хоҳладим, орол.

Уильям БЛЕЙК

(Англия)

Дақиқада мангулик шоён,

Улкан дунё — қумнинг зарраси.

Чексизлик — бир ҳовучдир, аён,

Осмон — мисли гулнинг косаси.

Уильям КАРЛОС

(АҚШ)

ГЕОМЕТРИК ШАКЛ

Тераклар орасидаги қуш —
күёш.

Дарё бўйлаб сузаётган барглар —
миттигина сариқ балиқлар.

Қанотларида кўтариб кунни
чарх уради қуш улар тепасида.

Қақнус!

Ўшадир

олтин нур берган теракларга,
шамоллар жаранглатган
барглар шовқинин босиб кетган,
илло,
ўшанинг оҳанги.

Пабло НЕРУДА

(Чили)

* * *

Борди-ю, учратсанг майдаланган тош,
билгин,
мен —
ўшанинг битта зарраси.
Мен
чақмоқ билан,
тўлқин билан,
заминдаги ўт билан
яқинман жуда.
Майдаланган тошни ҳурмат қил.
Йўлингда йўлиқса агар,
болакай,
олмалар ўғриси
ёки
эски аккордеон қучоқлаган
гаранг қария,
ёдингда тут,
менман —
болакай,
қария
ва
олмалар.
Кувлаб солма қамчи билан болакайни ҳеч.
Қарияга қўл кўтариб юрмагин тағин.
Олмаларни ағдармагин дарёга зинҳор.

Рафаэль АЛЬБЕРТИ

(Испания)

ДЎСТ

Кўришиш насиб этган чогида,
сўрашамиз икки дўст туриб ёнма-ён:
(— Қайси манзиллардан келаяпсан, сен?
— Денгиздан. Яйловдан.)

Кўришиш насиб этган чогида,
донг қотиб сўраймиз бир-биримиздан:
(— Қандай хаёлларга банди бўлдинг, сен?
— Денгизга. Осмонга.)

ЖАҲОН АДАБИЁТИ

Кўришиш насиб этган чоғида,
хўшлашамиз фақат нигоҳлар ила:
— Қаерга чоғланиб, ўйл олгайсан, сен?
— Денгиз сари. Ёлқин сари.)

Сесар ВАЛЬЕХО

(Перу)

МАШАҚҚАТ

Тамом. Ва тагин — ҳаёт!
Тамом. Ва тагин — ўлим!
Тамом. Ва тагин — жимлик!
Тамом. Ва тагин — ҳечлик!
Тамом. Ва тагин — олам!
Тамом. Ва тагин — гард!
Тамом. Ва тагин — тангри!
Тамом. Ва тагин — хок!
Тамом. Ва тагин — нур!
Тамом. Ва тагин — дуд!
Тамом. Ва тагин — йифи!
Тамом. Ва тагин — кулги!
Тамом...

Жуппе УНГАРЕТТИ

(Италия)

ЖИМЖИТЛИК

Бир шингил пишди, ҳайдалди дала.
Булутдан халос бўлди тоғ.
Ёз ловуллаб ёнган ойнага тушди соя.
Бесўнақай бармоқлар орасидан
шуълалар кўринди тиниқ ва узоқ.
Илашди қалдирғоч қанотига охирги кукун.

Эдвард КАММИНГ

(АҚШ)

* * *

тўлин ой тун тўлин ой
шаҳар тепасида довушсиз
ҳосил қиласар шивирламоқ
ҳаракатини осмон ёқалаб

кимдир виқорли кимдир
денгиз юлдузи

ЖАҲОН АДАБИЁТИ

сузиб юрар шунчалик ёлғиз
ширин хаёлга чўмиб

ким ўзи бу осмонда сузаётган
бу атиги
фақат ой ёруғлик сочаётган
жон

Янис РИЦОС

(Греция)

АГАР БИЛГАНИМДАЙДИ

Осмон заҳил. Ой ғамгин
агар билганимдайди
қандай кўйлак кийганинг,
сенинг қайда эканингни

билганимдайди агар,
бошқача бўларди:
довушим ҳам,
осмон ҳам.

Октавио ПАС

(Мексика)

ҚАЕРДА КИМСАСИЗЛИК?

Рост,
чакалакзорда
нишон йўқ қалдан.
Калбим,
сен,
қаердасан
ва
қаердаман
мен?

Икром ОТАМУРОД
таржималари



Кнут ХАМСУН

Очлик

Роман

ИККИНЧИ ҚИСМ

Икки ҳафталардан кейин бир куни кечқурун мен уйдан чиқиб кетдим.

Яна қабристонда ўтириб бир газета учун мақола ёза бошладим; соат ўнгача ишладим, қоронги туша бошлади, ҳадемай қоровул қабристон дарвозасини қулғлаши керак. Бешафқат очлик менга азоб берарди. Фельетоним учун олган ўн крона пул, афсуски, кўпга етмади; мана, икки, деярли уч қундан бери туз тотмадим, дармоним қуриб, қоғоз устида қалам юритишга ҳам ҳолим қолмади. Чўнтағимда синиқ қаламтарош ва бир шода қалит бор-у, лекин бир чақа ҳам пул йўқ.

Қабристон дарвозаси ёпиладиган бўлганидан кейин, турган гапки, мен уйимга боришим керак; лекин ҳувиллаб ётган қоп-қоронги ётогимга, яъни вақтинчалик яшаб туришимга рухсат берилган ташландиқ тунукасозлик устахонасига боришни кўнглим ёқтираётгани сабабли, бошим оққан томонга – ратуша ёнидан ўтиб денгиз бўйига, ундан вокзал томонга йўл олдим ва ўша ерда бир ўриндиққа бориб ўтирдим.

Фамгин хаёллар зумда фойиб бўлдилар, мен кечки гира-ширада бағоят ҳаловатли ва мўъжизали бўлиб кўринган сокин денгиз манзарасига маҳлиё бўлиб, ўзимнинг қайғу-ҳасратларимни унудим. Мен азалий одатим бўйича, ҳали яқинда ёзганларимни яна бир бор ўқиб чиқмоқчи бўлдим, ўзимнинг қатъий ишонган тасаввуримга кўра, ёзган асарларим ичida бу энг яхшисиdek бўлиб туюлди. Мен чўнтағимдан қўллэзмамни олиб, қоронгидага яхшироқ кўриш учун, уни шундоққина қўзимга яқин олиб бордим-да, ёзилган саҳифаларни бирма-бир ўқий бошладим. Кейин чарчаб, варакларни яна чўнтағимга солдим. Ҳаммаёқ сукутга толган, денгиз садаф янглиғ товланар, қушлар ҳар томонга “пир-пир” учишарди. Анча нарида бир полициячи гоҳ у, гоҳ бу томонга юриб турар, атрофда бошқа қимир этган жон кўринмасди, бутун бандаргоҳ жимжит эди.

Мен яна ўз бисотимни кўздан кечираман: синиқ қаламтарош, қалитлар шодаси, лекин бир чақа ҳам пул йўқ. Шу пайт бирдан чўнтағимга қўл тиқиб, яна қоғозларни оламан. Бу гайришуурий жўшқин ҳаракат эди. Мен ёзуви йўқ тоза бир варақ қоғозни топаман – бу ният хаёлимга қаёқдан келганини фақат Худо билади – ва у қоғоздан халта ясайман, худди ичida бир нарса бордек қилиб, халта

Давоми. Боши ўтган сонда.

четларини пухталаб букиб чиқаман-да, кейин тош йўлнинг ўртасига уни отиб юбораман; қозоц халта шамолда бир оз учиб бориб ерга тушади ва қилт этмай ётади.

Очлик менга қаттиқ азоб бера бошлади. Мен гўё кумуш тангаларга лиқ тўладай дўмпайиб ётган оқ қофоз халтага тикилиб қараканман, ўзимга ҳам у бўш қофоз эмасдек туюла бошлайди. Мен қувонаман ва у халтада қанча пул борлигини топишга уринаман, — агар тўғри топсан, ҳамма пул менини бўлади! Тасаввур қилишимча, ўн эрелик майдада чиройли чақалар халтанинг тагида, зарб қилинган кроналар чақалар устида ётарди — о, бир халта тўла пул! Мен у халтага астойдил тикилиб қарайман ва уни ўғирлагим келади.

Шу маҳал бирдан полициячининг йўталгани эшитилади ва, — қаёқдан кўнглимга келдийкин, — мен ҳам йўталаман! Ўрнимдан туриб йўталаман, кетма-кет уч марта йўталаман, полициячи эшитсин деб. У ҳали яқин келганида, халтани кўриб унга қандай ташланаркин! Мен бу кашф этган ҳазилимдан хурсанд бўлиб кетдим, завқланиб қўлларимни бир-бирига ишқаладим, ва астойдил жон-жаҳд билан сўкиндим. Шошмай тур, сени шунақангি гел қилайки, кўппак! Жаҳаннамнинг энг теран қаърига равона бўласан ўғрилик қилганинг учун! Очлик кайфимни ошириди шекилли, сармаст бўла бошладим.

Бир неча дақиқадан кейин полициячи келади, ҳар томонга олазарак бўлиб қарайди, унинг темир нағал қоқилган пошналари тош кўчада “тўқ-тўқ” товуш чиқаради. У шошилмайди, ахир бутун тун унинг ихтиёрида-да; у фақат жуда яқин келиб қолганидагина, кўзи қофоз халтага тушади. Мана, у юришдан тўхтаб халтага тикилиб қарайди. Халта эса, кишини васвасага солгудек оқариб кўринади, о, ичиди бир талай пул бўлса-я? Ҳаммаси кумуш тангалардир балки? Ва у халтани кўлига олади. Ҳм! Ичиди қандайдир енгил нарса бор, жудаям енгил. Эҳтимол, қимматбаҳо патдир шляпага қадаладиган... У каттакон қўли билан халтанинг оғзини аста-секин очиб ичига мўралайди. Мен бўлсам хандон ташлаб, худди жинни одамдай, кафтларимни тиззамга уриб хохолаб куламан. Лекин “ғинг” деб ҳам товуш чиқармайман, бу кулгим унсиз, у пинҳона фигонга ўҳшайди.

Тош кўчадан яна темир нағал қоқилган пошналарнинг дўқиллаши эшитилади, полициячи соҳил ёқалаб нари кетади. Мен кўзларим жиққа ёш бўлиб ўтиарканман, бу асабий севинчдан нафасим қайтиб бўғиламан. Кейин ўзим билан ўзим баралла овоз чиқариб гаплаша бошлайман, қоғозхалта ҳақида ўзимга ўзим ҳикоя қиласман, бечора полициячини мазах қиласман, ўзимнинг қуп-қуруқ кафтимга тикилганча, ўзимча қайта-қайта такрорлайман: “У қофоз халтани отиб юбориб йўталди! Отиб юборганида йўталди!” Кейин бир оз кутиб туриб бу жумлага яна бир нечта нордон сўзларни илова қиласман-да, бир оз ўзгарираман, энди у анча оқилона янграйди: “У бир марта йўталди — қиҳ-хе!”

Ўриндиқда ётиб юлдузларни кузатаман, хаёлим ёруғлик тезлигида учиб кетади.

Шу ётганимча ухлаб қолибман, мени полициячи уйғотди. Демак, яна фақирона ҳаёт. Даставал очиқ ҳавода ётганим сабабини тушунмай ажабландим, лекин бу ажабланиш ўрнини тезда аламли ҳасрат эгаллади; мен ҳалиям тирик эканлигимдан ранжиб йиглаб юбораёздим. Ухлаб ётганимда ёмғир ёғиб кийимларим жиққа ҳўл бўлиди, аъзойи баданим совуқ қотиб дилдиради. Қоронғилик яна ҳам қуюқлашган, шунинг учун ҳам полициячининг юзини аниқ қўра олмадим.

— Ҳа-а-а, дуруст! — деди у. — Энди ўрнингиздан туринг.

Мен дарров оёққа турдим, агар у, ётинг, деб буюрса таппа ётиб олган ҳам бўлардим. Менинг дармоним қуриган, руҳий изтиробда эдим, бу ҳам етмагандай, қорнимнинг очлиги баттар азоблай бошлади мени.

— Ҳой, аҳмоқ одам, шошманг! — деб чақирди мени полициячи. — Шляпангиз қолибдию. Ҳа-а-а... дуруст. Энди бораверинг.

— Ўзимнинг ҳам кўнглимга келгандай бўлувди... бир нимам қолиб кетгани... — дедим мен чала-чулпа фўлдираб. — Раҳмат. Хайрли тун.

Ва мен сурдариб нари кетдим.

Оҳ, қанийди ҳозир бир бўлаккина нон бўлса! Ҳузурбахш қора нон бўлаги! Уни кўчада кетатуриб еган бўлардим! Ва мен, шунақанги мазали қора нон бўладики, уни еган маза қиласди, деб кўнглимдан ўтказдим. Очлик менга азоб берарди, ўлишни хоҳлардим, шунда ҳиссиётларга берилиб кетиб, йиглай бошладим. Қайғу-ҳасратимнинг чеки-чегараси йўқ эди. Мен бирдан кўчанинг қоқ ўртасида таққа тўхтадим ва ер тепиниб бўралаб сўкина бошладим. Ў мени нима деб чақирди? Аҳмоқ дедими? Ҳали ўша полициячининг додини бераман, мени аҳмоқ дегани учун! Шу маҳал бирдан орқамга бурилдиму югура кетдим. Газабим ўт олиб алангала нарди. Мен кўчада чопиб бораётганимда қоқилиб йиқилиб тушдим, лекин бунга эътибор бермай, сакраб ўрнимдан турдим-да, яна югура кетдим. Вокзал майдонига етиб борганимда шунчалик чарчаб қолган эдимки, денгиз бўйигача чопиб боришга энди ҳолим қолмаганди; бундан ташқари, газабим алангаси ҳам энди сўна бошлаган эди. Мана, мен югуришдан тўхтаб нафасимни ростлаб олдим. Аллақайси бир полициячи нима деса дебди-да! Ҳа, лекин мен бундай ҳақоратни ҳазм қиласдиганлардан эмасман! Ҳа, албатта-да! — деб ўз сўзимни ўзим бўлдим. — Нимани ҳам талаб қиласдим ундан!.. Шу узрнинг ўзи менга етарли эди; мен, ундан нимани ҳам талаб қилишим мумкин, деб ичимда такрорладим. Ва яна орқамга қайтдим.

“Ё тангрим, бу не балойи азим, — деб ўйладим аламим қўзиб. — Шундай қоронги тунда шилта-шалаббо кўчалардан тилни осилтириб юрганимга ҳайронман!” Очлик азоби чидаб бўлмайдиган даражада забтига олиб, мени тинч қўймасди. Мен, ҳеч бўлмаса азобимни салпал енгиллашибирар, деган мақсадда дам-бадам сўлагимни ютардим, бу ишим ёрдам бергандай бўлди. Мен бир неча ҳафтадан бери чалақурсоқ бўлиб кун кечираётган эдим, мана энди кучим қирқилиб заифлашганим сезила бошлади. Бирон бир ёзган ишим учун беш крона топган пайтларимда, бу пул дарров тугаб қоларди, шунинг учун ҳам, то янги очлик даврим бошланмасдан ўзимни ўнглаб олишга улгуролмасдим. Энг ёмон томони шуки, орқам билан елкаларим менга ҳеч итоат этмасдилар, кўкрагимнинг санчиб туриши унча кучли эмас эди ва мен қаттиқроқ ўталиб ё бўлмаса, бутун вужудим билан олдинга эгилиб кўкрак санчигини босишим мумкин эди; аммо орқам билан елкаларимнинг оғриғи қип-қизил дардисар бўлди. Нега ахир тақдир бу қадар бешафқат-а? Нима, мен ҳам ноёб буюмлар тўпловчиси Паша ва кема агенти Хеннхендеқ кун кечириш ҳуқуқига эга эмасманми? Ахир елкаларим бақувват, бир жуфт кўлим тогни толқон қилишга қодир эмасми? Ҳеч бўлмаса, Мёллергадга бориб ўтин арраловчи бўлиб ишлаб нон-насибамни топишга рози бўлмасмидим? Нима, мен ялқовманми? Ўзимга иш қидирмадимми, лекцияларни эшитмадимми, мақолалар ёзмадимми, кечаю кундуз худди савдои одамдай китоблар ўқимадимми, тинмай меҳнат қиласдимми? Ишим юришган кезларда пулни тежаб, фақат нон ва сут билан, ишим касод

бўлган пайтларда эса, қуруқ ноннинг ўзи билан кун кечирмадимми, пулим қолмаганида кунларим очлик азобида ўтмадими? Мен мәҳмонхонада ё катта бир хонадоннинг биринчи қаватида яшадимми? Йўқ, мен чордоқда кун кечирдим, кейин эса — ўтган қишида қор босиб, бутунлай ташландиқ бўлиб қолган тунукасозлик устахонасида тунаб юрдим. Энди бўлса ҳеч нимага тушунолмай қолдим.

Мен буларнинг ҳаммаси ҳақида йўл юриб кетаётганимда ўйларканман, қалбимда на қаҳру газаб, на ҳасад ва на аламдан асар қолган эди.

Мен бўёқлар дўкони олдида тўхтаб, кўргазмани томоша қила бошладим; қопқоқлари ёпиқ банкалардаги аломат ёзувларни ўқишга уриниб кўрдим, лекин қоронгида ўқиб бўлмади. Банкаларда нималар борлигини билолмаганимдан инжиқлигим тутиб дилим ранжиди ва кўргазма ойнасига бир мушт уриб, нари кетдим. Сал нарироқда кўчада полициячини кўрдим ва қадамимни илдамлатиб унинг олдига яқин бордим-да, ҳе йўқ, бе йўқ шундай дедим:

— Ҳозир соат ўн.

— Йўқ, икки бўлди, — деб эътиroz билдириди полициячи таажжубланиб.

— Йўқ, ўн бўлди, — дедим мен қатъий оҳангда. — Ҳозир соат ўн бўлди. — Фазабим қайнаб инграб юбордим ва бир неча қадам нари кетарканман, мушт туғиб яна дедим: — Эшитинг, сизга гапирияпман — ҳозир соат ўн.

Полициячи нима деб жавоб қилишни ўйлаб, менга узоқ вақт тикилиб турди. Кейин ювошгина оҳангда деди:

— Нима бўлганда ҳам, энди сиз уйга боришингиз керак. Нима дейсиз, кузатиб қўяйми?

— Йўқ, миннатдорман. Қаҳвахонада кўпроқ ўтириб қолибман. Беҳад миннатдорман сиздан.

Нари кетганимда, у менга честь берди. Унинг бу назокатли муомаласи мени лол қолдирди ва шу пайтда унга бергани беш кронা пулим бўлмагани учун куйиб йиғлаб юбордим. Мен тўхтаб унинг орқасидан анча вақт кузатиб турдим, сўнг пешонамга шапатилаб уриб юм-юм йиғладим. Ҳам ўзимга, ҳам гарифона ҳаётимга лаънатлар ўқидим, ўз шаънимга энг хунук лақаблар тўқидим, учига чиққан болохонадор ҳақоратларни ўйлаб топиб, ўзимни бўралаб сўқдим. Бундай кайфият то уйга етиб боргунимча давом этди. Дарвозага яқин борганимда, калитларни йўқотганим маълум бўлди.

“Тўғри-да! — дедим ўзимга ўзим аччиқ алам билан. — Мен йўқотмай ким йўқотсин калитларни? Мен отхонаси бор ҳовлида яшайман, юқорида тунукасознинг устахонаси; дарвозани кечасига қулфлаб қўядилар ва уни ҳеч ким, оча олмайди — келиб-келиб шунаقا вазиятда йўқотаманми калитларни? Мана, совуқдан итдай дийдираяпман, секинроқ айтадиган бўлсан, қорним жуда ҳам оч, тиззаларимда дармон йўқ, тиззаларим ғалати бир тарзда қалтирай бошлади — шу аҳволга тушганимда калитларни йўқотаманми? Бундоқ ўйлаб қараганда, нега ахир барча хонадон аҳли бу ердан кўчиб кетмади, мен уйга кирмоқчи бўлган пайтимда? Ва мен очлик ва ночорликдан дарғазаб бўлиб кула бошладим.

Мен отларнинг “турс-турс” тепинганини эшитдим, юқорида ўз хонам деразасини кўрдим, аммо дарвозани очолмас, ичкарига киролмас эдим. Силлам қуриган, қаттиқ ғамга ботган бўлсан ҳам, денгиз бўйига қайтиб бориб калитларимни қидирмоқчи бўлдим.

Яна ёмғир ёға бошлади, мен икки курагим ўртасидан сув оқа

бошлаганини сездим. Ратушага яқин борганимда миямга бир ажойиб фикр келди: полицияга мурожаат қилиб, дарвозани очиб беришни илтимос қиласман. Мен бир полициячи олдига бориб, агар имкони бўлса, мен билан бориб дарвозам қулфини очиб беришни илтимос қилдим ундан.

Имкони бўлганида албатта бажааркан. Лекин бу ишни қилолмас экан, чунки унда очқич йўқ экан. Очқичлар фақат қидирув бўлими агентида бўларкан.

— Энди нима қиласман?

— На чора, бугун меҳмонхонада тунашингизга тўғри келади.

— Лекин мен, очиги, меҳмонхонада тунай олмайман. Пулим йўқ. Биласизми, мен фақат қаҳвахонага бормоқчи бўлувдим...

Биз бир оз фурсат ратуша бўсағасида туриб қолдик. Ёрдам бериш иложини топишга уринган полициячи мендан кўзини узмади.

— Сиз полиция навбатчиси олдига кириб бугун ётишга жойингиз йўқлиги сабабини тушунтиринг, — деди у ниҳоят.

Ие, бошпанам йўқ деб айтайми? Бу ҳақда ўйламабман. Худо ҳаққи, ажойиб фикр. Мен полициячига бу берган маслаҳати учун ташаккур айтдим. Демак, мен бемалол кириб, бошпанам йўқ деб айтишим мумкин экан-да?

— Ҳа, мумкин...

Мен кирдим.

— Фамилиянгиз? — сўради навбатчи.

— Танген... Андреас Танген.

Нега ёлғон гапираётганимни ўзим ҳам билмасдим. Миямда айқаш-үйқаш фикрлар гимиirlар, улар мени, беихтиёр, ҳар турли найранглар ишлатишга, қувликлар қилишга ундардилар; мен бир зумда бу бегона фамилияни ўйлаб топиб, дангал айтдим. Шундан кейин, керак бўлса-бўлмаса нуқул ёлғон гапиравердим.

— Касбингиз?

Оббо, нокуляй аҳволга тушиб қолдим-у. Ҳм! Олдинига касбимни тунукасоз демоқчи бўлдим. Лекин деёлмадим, ахир топган фамилиям тунукасозларга хос эмас эди-да, ундан кейин, бурнимга кўзойнак қўндирилган эди. Шунда мен шилқим одамдай, бир қадам олга юриб, тантанавор янгроқ овоз билан дедим:

— Мен мухбирман.

Навбатчи бир сесканиб тушди, лекин айтган сўзимни ёзиб олди, мен бўлсан худди бошпанасиз қолган министрдек виқор билан керилиб турардим. Жавоб беришда бир оз тутилиб қолганимдан навбатчи шубҳаланмади. Ахир кимсан мухбирдай зотнинг бошпанасиз қолиб, ратуша маҳкамасига келиши ақл бовар қилмайдиган ҳол-ку!

— Сиз қайси газетага ёзиб турасиз, жаноб Танген?

— “Тонгги газета”га, — деб жавоб қилдим мен. — Таассуфки, бугун кечқурун уйдан чиққанимда...

— Э, қўяверинг, — деб у гапимни бўлди ва илжайиб туриб илова қилди: — Иигитчиликда бўлиб туради, уйдан чиқиб кетасан-у... Буни тушунамиз. — У ўрнидан туриб, эҳтиром ила менга таъзим қилди, сўнг бир полициячини чақириб буюрди: — Бу жанобни резерв камерага кузатиб қўйинг. Яхши ётиб туринг, жаноб.

Бу дангал қилган густоҳлигимдан баданим жимиirlаб кетди, мен муштларимни тугиб, ўзимни тетик тушишга ҳаракат қилдим.

— Газ фақат ўн дақиқа ёнади, - деб огоҳлантириди мени полициячи эшик олдида.

— Кейин ўчирасизларми?

— Ҳа, кейин ўчирилади.

Мен каравотга ўтиридим, шу пайт эшик қулфлангани эшитилди. Хона ёруг, шинамгина эди; энди бошпанам борлигини ҳис этиб, мамнун кайфиятда ёмғирнинг шариллаб ёфишига қулоқ солдим. Қанийди, ҳамиша бошингда шунақа яшашга қулай хонанг бўлса — бундан яхшироғини хоҳламасдим ҳам. Кўнглим анча таскин топа бошлади. Мен шляпамни қўлимга олиб деворга илинган газ чирогидан кўзимни узмай каравотда ўтиарканман, ўзимнинг биринчи марта полициячи билан тўқнашганим тафсилотларини ичимда такрорлардим. Ҳа, мен биринчи марта учрашдим улар билан ва ҳаммаларини боплаб лақиллатдим. Мухбир Танген, хизматингизга тайёрман! “Тонгги газета”дан! Мен “Тонгги газета” билан у жанобнинг эсини оғдириб қўйдим! “Ҳа, шунинг ўзи кифоя!” хўш, қалай? Жоме яқинида меҳмондорчиликда эдим, кечаси соат иккигача ўтириб қолибман, калитим билан ичидан бир неча минг кронага бўлган ҳамёним уйда қолиб кетибди! “Бу жанобни резерв камерага кузатиб қўйинг...”

Лекин, мана, газ чироги ўчди, мени огоҳлантирамадилар ҳам; мен қоронгида ўтирибман, ҳатто ўз қўлларимни, камеранинг оппоқ деворини, умуман, ҳеч нимани кўрмаяпман. Ётиб ухлашдан ўзга илож қолмади. Ва ечина бошладим.

Лекин мен ҳеч ухлай олмасдим — уйқум келмасди. Бир қанча вақт қоронгиликка — қуюқ, жуда қалин, тубсиз ва мутлақо мавхум зулматга тикилиб ётдим. Ақлим бу зимистон зулматни ҳеч идрок қила олмасди. Бу зилдай оғир қоронгилик ўз залвари билан мени қаттиқ эзарди. Шунда кўзларимни чирт юмиб сокин овозда қўшиқ ҳиргойи қила бошладим ва дилимдаги гашликни бартараф қилиш учун питирлаб дам у, дам бу ёнбошимга ағдарилавердим; лекин бу уринишларим фойда бермади. Зулмат менинг барча фикру хаёлларимни зулукдек сўриб олар ва мени бир лаҳза ҳам тинч қўймасди. Кейин бирданига менинг ўзим бу зулмат огушида эриб кетиб, у билан омухта бўлдим! Мана, мен каравотдан сакр турив қўлларимни силкитаман.

Бутун вужудимни асабий ҳаяжон батамом қамраб олган, қанча уринмай, унинг чангалидан ҳеч кутула олмадим. Мана, энди мен гайришуурый хаёллар тузогига илиниб ўтиарканман, алла қўшигини айтиб, ўзимни ўзим аллалардим ва қора терга ботиб, астойдил қалбимга таскин бермоқчи бўлардим. Мен умримда ҳеч қаҷон кўрмаган бу теран қоронгиликка қаттиқ тикилиб ўтиарканман, ҳали дунёдаги биронта кимса ҳам бу мутлақо бошқача энг мудҳиши фалокатли зулматга дучор бўлмаганлигига амин бўламан. Миямга ўта бемаъни хаёллар келар, атрофимдаги ҳамма нарса мени даҳшатга соларди. Мана, девордаги қандайдир бир кичкина кавак мени жуда қизиқтириб қолди. Бу деворга қоқилган михнинг ўрни бўлиши керак. Мен уни пайпаслаб кўраман, ичига пуфлаб, унинг қанчалик чуқурлигини аниқламоқчи бўламан. Йўқ, бу шунчаки бир нокерак кавак эмас, бунда бир гап бор; бу мавхум ва сирли кавак, ундан эҳтиёт бўлиш керак. Мен шу хаёлга бориб, айни пайтда, ҳам синчковлигим қўзиб, ҳам ҳавотирланиб, ниҳоят каравотдан турив кетдим ва бу кавакнинг қўшни камерага очилмаганлигига ишонч ҳосил қилиш учун, қаламтарошимни қидириб топиб, кавакнинг нечоғли чуқурлигини ўлчаб кўрдим.

Кейин яна ўрнимга ётиб ухламоқчи бўлдим, лекин уйқуни қолдириб, яна зулмат билан кураша бошладим. Ташқарида ёмғир тинган эди, энди “тиқ” этган товуш эшитилмасди. Мен узоқ вақт сукунатга қулоқ солиб ётдим ва ниҳоят, кимнингдир оёқ товушини эшитганимда кўнглим таскин топди — чамаси, полициячи юриб ўтди,

шекилли. Ана шунда мен бармоқларимни шиқиллатиб кулиб юбордим. Хо-хо! Жин урсин! Миямга ҳали ҳеч ерда учрамаган янги бир сўз келди. Мен ётган еримдан бошимни кўтариб: “Кубоа”, дейман. Бунақа сўз тилимизда йўқ, уни ўзим ўйлаб топдим. Худо шоҳид, бу сўз ҳам барча сўзлар каби ҳарфлардан ташкил топган. Ҳа, биродар, сен янги сўз яратдинг... “Кубоа”... грамматика учун жуда катта аҳамиятга эга.

Бу сўз кўз олдимда яққол намоён бўлиб турарди ҳаммаёқ қоронғи бўлса ҳам.

Энди мен қўзимни катта очиб каравотда ўтиарканман, ўз топилмамдан ҳайратланар ва суюнганимдан кулардим. Мен пичирлаб гапираман, бўлмаса, овозимни эшишиб қолишлари мумкин-да. Мен бу кашфиётимни одамлардан сир сақламоқчиман. Қорнимнинг очлигидан бутун вужудимни завқли телбалик қамраб олди: оғриқ мени забт этолмайди, тафаккурим тиним билмайди, у мен кашф этган сўзнинг маъносини аниқлаш ниятида файритаъриф ҳаракатлар қиласи. Йўқ, бу сўзнинг маъноси “худо” ҳам эмас, “тиволи” ҳам эмас, ахир бу сўз нега энди “ҳайвонот боғи” бўлсин? Мен мушт туғиб ўз фикримни такрорлайман: “Ахир қанақасига “ҳайвонот боғи” деган маънони билдирсан бу сўз?” Агар, чукурроқ ўйлаб қаралса, бу сўз “боғи муаллақ” ёки “қуёш балқди” деган маънони ҳам билдирмайди. Лекин бу сўзнинг маъносини излаб топиш унчалик қийин эмас. Мен кутаман, буни вақтнинг ўзига ҳавола қиласман. Унгача ётиб ухлаб олсан ҳам бўлади.

Мен ўрнимда товушсиз жилмайиб ётаман, индамайман, на “ҳа” дейман, на “йўқ”. Аммо бир неча дақиқадан кейин мени ваҳима боса бошлайди, янги сўз ҳеч тинчлик бермайди менга, у дам-бадам қайтиб келаверади, охир-оқибат менинг бутун ўй-фикрларимни ўзлаштириб олади ва мен қатъий тарзда жиддийлашаман. Энди мен бу сўз ҳеч қандай маънони билдириласлигини аниқ билардим, аммо унинг маъноси нима эканлигини ҳали ҳам аниқлаганимча йўқ. “Бу – аҳамиятсиз масала!” – дейман ўзимга ўзим баралла овоз билан, қўлим билан ўз қўлимни сиқаман-да, бу аҳамиятсиз масала, деб такрорлайман. Худонинг мадади билан топилди бу сўз – муҳими шу. Лекин, у қандай маънони билдириши мумкин, деган фикр мени безовта қилиб ҳеч ухлагани қўймасди; бу ўта ноёб сўз қаршисида мен лол эдим. Ҳеч иложим қолмагач, яна ўрнимдан туриб ўтираман, бошимни иккала кафтим билан сиқиб дейман: “Йўқ, бу сўзнинг маъноси “муҳожирлик” ҳам, “тамаки фабрикаси” ҳам бўлиши мумкин эмас!” Агар у шунга ўхшаш бирон сўзни ифодалаганида эди, мен аллақачон маъно қидиришни тўхтатиб, бирон тегишли хulosага келган бўлардим. Йўқ, бу сўз, хусусан, қандайдир руҳий ҳиссиёт, маънавий ҳолатни ифодалаш учун яралган – нега ахир буни шу пайтгача тушунмабман-а? Мен миямдаги хотираларни кавлаштириб бирон-бир руҳий тушунчани излайман. Шу чоғ бирдан кимdir менинг мулоҳазаларимга аралашиб луқма ташлаётганини ҳис этаман ва аччиғим чиқиб дейман: “Бу яна нима деган гап? Ахир бу гирт бефаҳмлик-ку! Қандай қилиб бу сўз “йигирилган ип” бўлиши мумкин? Даф бўл, лаънати! Нега энди мен бу сўзнинг “йигирилган ип” эканига розилик билдиришим керак? Ахир аввал бошдан қарши бўлганман-ку бу иборага! Бу янги сўзни мен ўйлаб топганман, демак уни қандай маънода эътироф этишга тўла ҳақим бор. Бу борада ўз фикримни ҳали айтганимча йўқ...

Ва лекин мулоҳазаларим ҳаддан зиёд асабийлашиб дарғазаб бўлардилар. Ниҳоят, каравотимдан туриб водопровод жўмрагини

қидира бошладим. Сув ичгим келмасди, лекин бошим алангай оташ бўлиб ёнар ва мени сув сари ундарди. Сув ичиб яна ўрнимга бориб ётдим-да, нима қилиб бўлса ҳам, ухлашга қарор қилдим. Кўзларимни юмиб, ўзимни тинч ётишга мажбур этдим. Шундан кейин бир неча дақиқа қимир этмай ётдим. Баданим терлаб кетган эди ва мен томирларимда оқаётган қоннинг қаттиқ куч билан тепаётганини сездим. Йўқ, буни қаранг-а, унинг бўш қоғоз халта ичидан пул қидиргани зўр томоша бўлди-да! У бир марта йўталди. Балки, у ҳали ҳам ўша ерда дайдиб юргандир? Эҳтимол, мен ўтирган ўриндиқда ўтиргандир?.. Садафранг фазо... Кемалар...

Мен кўзимни очдим. Ухлай олмаганимдан кейин кўзни юмиб ётганимдан нима фойда! Ҳали ҳам ўша зулмат оғушида эдим, ҳамон ўша тубсиз, бемисл зимистон бу ерда ҳукм сурар ва менинг фикрларим уни ёриб ўтишга ожизлик қиласди. Уни нимага қиёс қилсан экан? Мен бу зулматни таърифлаш учун энг қора, бадбуруш сўзни қидириб топгани жонимни аямай ҳаракат қилдим, у шу қадар совуқ ва даҳшатли қора сўз бўлсинки, уни тилга олиб гапирганимда оғзим ҳам қорайиб кетсин. Ё тангрим, мунча қоронги ҳаммаёқ! Мен яна бандаргоҳ, кемалар ва мени пойлаб турган қора маҳлуқлар тўғрисида ўйлай бошлайман. Улар мени авраб тутиб олмоқчи ва дengiz ортидаги ҳеч ким кўрмаган юртларга олиб кетмоқчи бўлган эдилар. Мен ўзимни кемага чиқиб дengизда сузиб кетаётгандай, кўкдаги булатлар сари парвоз қилиб, сўнг пастга тушаётгандек ҳис қилдим... Мен жон-жаҳд билан чинқириб юбориб, каравотнинг икки четини қўлларим билан маҳқам чанглайман; бу жуда хавфли парвоз ва мен тош тўлдирилган қопдек пастга “шув” этиб учиб туша бошлайман. “Бу ўлим, - дейман ўзимга. – Энди сен ўласан!” Бир оз фурсат мен ўз ўлимим ҳақида мулоҳаза юритаман. Кейин каравотдан тураман-да, жиддий овозда сўрайман: “Ўзи ким айтди, сен ўлишинг керак, деб?” Ҳамонки у сўзни ўзим ўйлаб топган эканман, унинг маъноси қандай бўлишини аниқлашга фақат мен ҳақлимани... Мен ўз овозимни, ўз фаразларимни эшитдим. Бу гирт телбалик эди, ноҷорлигим ва очликдан силлам куригани оқибатида вужудга келган босинқираш эди, лекин шунда ҳам ҳушимни йўқотмадим. Шу чоғ бирдан, мен жинни бўлиб қолдим, деган хаёл миямга келиб урилди. Қўрқиб кетиб каравотдан сакраб тушдим. Гандираклаб юриб эшик олдига бордим ва уни очмоқчи бўлдим, бутун вужудим билан бир неча марта эшикка урилиб, уни жойидан кўчирмоқчи ҳам бўлдим, кейин бошимни деворга тираганча, бармоқларимни тишлаб, бор овозим билан инграй бошладим, йиғладим, фўлдираб сўқиндим...

Ҳаммаёқ жимжит эди; фақатгина менинг гиштин деворларни бузишга ожиз бўлган овозим камера ичидан кезиб юради. Оёқларимда энди дармон қолмаганди. Ва мен “турс” этиб ерга йиқиламан. Бошим узра баландда гира-ширада деворда кулранг квадрат қўраман, у хиёл оқиши ранг қашф этади, шунда кўнглимда, кун ёриша бошлабди деган ҳиссиёт пайдо бўлади. Оҳ, мен енгил тортиб бир хўрсишиб қўйдим! Мен ерда узала тушиб ётиб, кун ёриша бошлаганидан суюниб йиғлаб юбордим, бу миннатдорлик кўзёшлари эди, мен деразага ҳавои бўса йўлладим ва жиннилик қилиб ўзимни ҳар кўйга сола бошладим. Лекин, бари бир, нима қилаётганимни яхши англардим. Менинг жамики сўниқ туйгуларим ўтиб кетди, ранж ва алам гойиб бўлди, энди менга ҳеч нима керак эмас эди, кўнглим нимани хоҳлашини сира тополмасдим. Мен ерда қўлларимни кўксимга чалиштириб ўтириб, ёруг кун келишини кутардим.

“Бу кеча қандай даҳшатли бўлди-я! Қизиқ, ҳеч ким овозимни эшитмади”, — деб ажабландим мен. Ахир мен резерв камерада эдимда, бу бошқа камералардан анча баландда. Камина бошпанасиз қолган министрман, агар таъбир жоиз бўлса. Энди кайфиятим чоғ, уни ҳеч ким буза олмасди, мен деразага тикилиб қарадим — ташқарида тонг ёриша бошлаганди, энди мен ўзимни нуфузли одамдек ҳис этиб, иссимимни фон Танген деб атаб, дилимни хушлар ва мансабдор кишилардек ўз фикримни дабдабали сўзлар билан ифодалардим. Орзуҳаёлларим ҳали ҳам бурунгидай амалда эди, лекин энди кўнглим анча хотиржам бўлганди. Лаънати паришонлик, шунинг қасрига ҳамёнимни уйда унтиб қолдирибман. Жаноб министр менга марҳамат кўрсатмайдиларми, жанобларини тўшакка таклиф қилишимга ижозат берадиларми? Мен файритаъриф дабдаба билан, намойишкорона юриб бориб каравотга ётдим.

Камера энди анча ёришиб қолган эди, мен деворларни, салдан кейин эса эшикнинг салмоқли тутқишини ҳам кўрдим. Бу мени анча овутди; мана, бағоят қуюқлиги билан дилимни ғаш қилган ва менга ҳеч нимани кўрсатмай қўйган доимо бир зайлда қорайиб турган қоронғилик энди тарқаб кетди; томирларимда қон энди сокинлик билан оқа бошлади, мен салдан кейин кўзларим юмила бошлаганини ҳис этдим.

Эшикни тақиллатиб мени уйғотиб юбориши. Йргиб туриб шошапиша кийина бошладим; кечаги ёмғирда ивиган уст-бошим ҳали унча куримаган эди.

— Илтимос, пастга, навбатчи олдига тушинг, — деди полициячи.

“Демак, турли расмиятчиликлар яна такрорланаркан!” — ўйладим мен бир оз чўчиб.

Пастга, катта хонага тушдим, бу ерда бошпанаси йўқ ўттиз ё қирқтacha одам ўтиради. Уларни рўйхат бўйича навбатма-навбат чақириб, қўлларига тушлик овқат талонини беришарди. Навбатчи ҳар бир одамни рўйхатда қайд қилганида, ёнида турган полициячига:

— Талон берилдими? Унутманг талон беришни. Ахир ҳаммалари очдирлар.

Овқат талонларини кўриб, зора менга ҳам битта талон насиб этса, деб умид қила бошладим.

— Андреас Танген, муҳбир!

Мен бир қадам олдинга чиқиб таъзим қилдим.

— Таажжуб, сиз қандай қилиб бу ерга тушиб қолдингиз?

Мен воқеа қандай бўлганини, яъни кеча айтган гапларимни сўзлаб бердим, энди мен ҳеч уялмай, бақрайиб турганча ёлгонни сувдай ичардим: қаҳвахонада кўп ўтириб қолибман, калитни йўқотиб қўйибман...

— Шунаقا денг, — деди навбатчи ва жилмайиб қўйди. — Тушунарли! Ишқилиб яхши жойлаштиришдими сизни?

— Худди министрдай, — жавоб қилдим мен. — Ҳа, худди министрдай!

— Фоят хурсандман, — деди навбатчи ўрнидан туриб. — Хайр бўлмаса!

Мен чиқиб кетдим.

Қани энди менгаям битта талон беришса! Уч кундан бери туз тотмаганман! Ҳеч бўлмаганда, бир бўлаккина нон беришсайди! Эвоҳ, ҳеч ким менга талон таклиф қилмади, ўзим сўрашга журъат этолмадим. Сўрасам, шубҳаланиб қолишилари мумкин эди. Ана унда шахсий варақамни титкилашар, аслида ким эканлигимни ипидан -игнасигача суриштира бошлашарди; кейин ёлғон гувоҳлик берганим учун мени

ҳибсга олишарди. Мен қадимни гоздек тутиб, қўлларимни чўнтағимга тиққанча ратушадан худди миллионер одамдай гердайиб чиқдим.

Қуёш энди анча қиздира бошлаган, соат ўн бўлган эди, майдон экипажлар, пиёда одамлар билан гавжум. Қаёққа борай? Чўнтағимга шапиллатиб уриб, унда ётган қўллэзмамни пайпаслайман – соат ўн бирда муҳаррир билан учрашишга уриниб кўраман. Ҳозир чиройли панжара ёнида туриб, пастда ҳаёт қайнаётганини кузатяпман: кийимларимдан буг кўтариларди. Очлик яна уйғонди, у кўкрагимни қаттиқ эзгилаб, баданимни тириштириб ўтгандай бўлди; бу қийноқ унча оғир бўлмаса ҳам, сезиларли даражада эди. Наҳотки, мурожаат қилгани биронта дўстим ё танишимни топа олмасам? Мен хотираларимни титкилаб, пул бериши мумкин бўлган одамни излайман, лекин ундай одамни тополмайман. Ох, бугун ҳаво шундай хушбаҳраки! Кун илиқ ва ҷароғон; тепамиздаги фазо худди тог тизмалари узра тўнкарилган денгиздай, ҳамма ёққа ёйилиб кетган.

Мен уйим томон кета бошлаганимни ўзим ҳам сезмай қолдим.

Жуда-жуда оч эдим, ерда ётган бир пайраҳани олиб уни чайнай бошладим. Бу сал ёрдам берди. Нега илгари ўйламаган эканман-а, бу ҳақда!

Дарвоза очиқ эди, отбоқар йигит, саломлашиб, хайрли эрта тилади менга.

— Бугун кун жуда баҳаво! – деди у.

— Ҳа, — дедим.

Унга айтгани бошқа сўз тополмадим. Қандоқ бўларкин ундан беш кронა қарз сўрасам? Агар пули бўлса, у ҳечам йўқ демайди. Мен ҳам унга бир марта хат ёзиб бериб яхшилик қилган эдим.

Назаримда, у менга бир нима демоқчидаи бўлиб турарди.

— Ҳа, бугун кун жуда баҳаво. Ҳм... Мен бўлсан бугун бекага ижара ҳақини тўлашим керак, сиз бир ҳиммат кўрсатиб, менга беш кронага қарз бериб турмайсизми? Фақат уч-тўрт кунга. Сиз илгариюм менга ёрдам қилгандингиз.

— Афсус, ҳеч иложим йўқ, Йенс Олай, — дедим мен. – Ҳозир ёнимда йўқ. Балки қейинроқ, масалан, кечқурун...

Ва мен зинадан оёғимни судраб босиб ўз хонамга чиқа бошладим.

Чиқиб ўзимни тўшакка таппа ташладиму ҳузур қилиб кулиб юбордим. Ох, қандай баҳтлиман-а; отбоқар мендан олдин гап очди! Хайрият, обрўйимга доғ тушмади. Беш кронага – шуям пул бўлибдими, азизим! Айни шундай муваффақият билан сен мендан жамоа ошхонасининг бешта акциясини ё бўлмаса, шаҳар ташқарисидаги биронта дала ҳовлини сўрашинг ҳам мумкин эди.

Мен ўша беш кронага ҳақида ўйларканман, борган сари қотиб-қотиб кулардим. Ҳўш, қойил қолдирдимми, а? Беш кронага! Роза топибман-ку, пулдор одамни! Ҳурсанд бўлганимдан ҳеч ўзимни тия олмасдим. Туф-е, жин урсин, тушликка пиширилаётган жаркопнинг иси димогимга урилди, туф, қуриб кетсин! Бу жирканч исни даф қилгани деразани очаман. “Официант, яримта бифштекс!” – деб мурожаат қиласман синиқ столимга (одатда уни тиззам билан тираб ўтираман ёзаётганимда) ва икки букилиб таъзим қилиб дейман:

— Мен Тангенман, министр Танген. Афсус, анча узоқ ўтириб қолдим бу ерда... дарвозам калитини унугиб қолдирибман...

Хаёлларим паришон бўлиб, худди телбалардек яна ҳар томонга дайдий бошладилар. Гапларимнинг қовушмаётганини ўзим ҳам сезардим-у, бари бир, оғзимдан чиқаётган гапларга диққат билан қулоқ солардим. “Мана, яна гапларинг пойинтар-сойинтар!” дедим

ўзимга ўзим. Шундай бўлса ҳам ўзимни эпақага келтиrolмадим. Мен уйғоқ эдим, лекин худди туш кўраётгандай гапирадим. Каллам қушдай енгил эди, на оғриқни, на бирон қийинликни ҳис этардим, ҳеч бир алам қалбимни доғламасди. Мен табиий ҳаёт оқимида сузаётгандим.

Марҳамат! Киринг, кираверинг! Кўриб турибсиз, бу ерда ҳамма нарса ёқутдан. Илаяли, Илаяли! Устига ипак мато ёзилган бежирим, антиқа кат! Илаялининг сийнаси жўш уриб кўпчимоқда! Ўп мени, суюкли маҳбубам! Яна! Яна! Олтин қўлларинг, азизам, қаҳрабо янглиг, лабларинг лов-лов ёнмоқда... Официант, мен бифштекс буюргандим...

Қўёш деразадан нур сочиб туарди, пастдан отларнинг “касир-кусур” сули еяётгани эшитиларди. Мен бўлсам, ўз пайраҳамни кемирарканман, худди гўдак боладай севинардим. Мен дам-бадам чўнтағимдаги қўлёзмамни ушлаб-ушлаб қўярдим; қаранг, у ҳақда бир марта ҳам ўйламабман, лекин унинг шу ерда эканини кўнглим сезар, бу ҳақда томиримнинг уриши менга хабар бериб туарди.

Қўлёзма нам эди, мен уни офтобга қўйдим. Кейин хона ичида у ёқдан-бу ёққа юра бошладим. Ҳаммаёқда кўнгилни гаш қилувчи манзара. Ерда, оёқ остида майдо-майдо тунука бўлаклари сочилиб ётарди, биронта ҳам стул йўқ, деворга бир дона ҳам мих қоқилмаган. Бу ерда бўлган нарсаларнинг ҳаммаси судхўрнинг дўконига жўнатилган, бари еб битирилган. Стол устига ёйилиб чанг босиб ётган бир неча варақ қогоз – бутун бисотим эди; каравотда ётган эски яшил адёлни бундан бир неча ҳафта бурун Ханс Паули менга вақтинча фойдалангани берган эди. Ханс Паули! Мен бармоқларимни шиқиллатиб қўйдим. Ханс Паули Петтерсен ёрдам қилади менга! Ва мен унинг турар жойини эслашга урина бошлайман. Нега унутибман-а, Ханс Паулини, ҳайронман! Турган гапки, у олдинроқ ундан ёрдам сўрамаганим учун мендан хафа бўлади. Мен шоша-пиша шляпамни кияман, ёзилган варакларни йиғиштираман ва зинадан чопқиллаб тущаман.

— Менга қаранг, Йенс Олай, — деб қичқираман отхона эшигидаги туриб, — гапим аниқ, бугун кечкурун сизга албатта ёрдам бераман!

Ратушага етганимда, қарасам, соат ўн бирдан ошибди ва мен дарҳол таҳририятга йўл оламан. Ичкарига киришдан олдин қўлёзмам саҳифалари чалкашиб кетмадимикин, деб текшириб кўраман. Саҳифаларни яхшилаб текислаб яна чўнтағимга соламан-да, эшикни тақиллатаман. Ичкарига кирганимда юрагим қаттиқ ураётганини сездим.

Қайчидор одам, одатдагидек, ўз иши билан машгул эди. Мен қимтинибгина муҳаррирни сўрадим. У жавоб бермади. У ҳали ҳам турли хил газеталарни титкилаб, майдо-чуйда хабарларни изларди.

Мен унга яқинроқ бориб саволимни тақрорладим.

— Муҳаррир ҳали келгани йўқ, — деди ниҳоят Қайчидор менга қайрилиб ҳам қарамай.

— У қачон келади?

— Айттолмайман, аниқ ҳеч нима деёлмайман.

— Таҳририят соат нечагача очиқ бўлади?

Бу саволимга ҳеч қандай жавоб қайтмади ва мен бу ердан чиқиб кетишга мажбур бўлдим. Қайчидор одам бу сухбатимиз давомида менга бир марта ҳам қайрилиб қарамади; у мени овозимдан таниган эди. “Саволингга жавоб беришни ҳам исташмас экан, — деб ўйладим мен, — демак, бу ерда сени хуш кўришмайди. Наҳотки, муҳаррир шундай кўрсатма берган бўлса?” Тўгри, мен ўша ўн кроналик машҳур фельетонимдан кейин, муҳаррирни янги ёзган мақолаларимга кўмиб

ташлаган эдим, деярли ҳар куни наридан-бери ёзилган ҳеч вақога арзимайдиган хабарларимни таҳририятга ташмалаб келардим, муҳаррир вақт сарфлаб уларни ўқиб чиқар, кейин ўзимга қайтариб берарди. Эҳтимол, у менинг кунда шундалигимга чек қўймоқчи бўлгандир-у, шундай кўрсатма бергандир... Мен шаҳар маркази томон йўл олдим.

Ханс Паули Петтерсен дехқон талаба беш қаватли уйнинг чордоғида турарди, бундан чиқди, Ханс Паули Петтерсен камбағал одам. Лекин у, ёнида бир кронга пули бўлса ҳам, қизғанмайдиган йигит. Ҳозир ўша бир кронга пул менинг қўлимда деб ҳисоблашим мумкин. Мен унинг олдига кетатуриб, йўл-йўлакай, ўша кронани олишимга аниқ ишонганимдан севиниб борардим. Уй эшиги берк экан қўнгироқ қилишимга тўғри келди.

— Мен талаба Петтерсеннинг олдига келувдим, — дедим ва ичкарига кирмоқчи бўлдим. — Ўзим биламан унинг хонасини.

— Талаба Петтерсенни айтапсизми? — сўради уй ходимаси. — Чордоқда турувчи талабами? У кўчиб кетган.

Ходима унинг қаёқча кўчганини билмасди; лекин кетаётганида, агар менга хат келса Тулбутгатендандағи фалон рақамли уйда яшовчи Хермансен номига жўнатинглар, деб илтимос қилган экан.

Мен Ханс Паулининг манзилини билишга умид боғлаб, Тулбутгатенга йўл олдим. Чўкаётган одам чўпга ёпишганидай, мен учун ҳам бошқа ҳеч қандай нажот йўли қолмаган эди. Мен курилиш бораётган жойдан ўтдим, у ерда дурадгорлар таҳталарни рандалашарди. Мен бир тўп қиринди ичидан иккита пайраҳани олиб бирини оғзимга солдим, иккинчисини захира сифатида чўнтағимга тиқдим ва йўлимда кетавердим. Мен очлик азобидан инграпдим. Нон дўкони кўргазмасида нархи ўн эрели каттакон нон кўрдим, бу ўн эре турадиган энг катта нон эди...

— Мен талаба Петтерсеннинг манзилини билмоқчи эдим.

— Берит Анкер кўчаси, уй рақами ўн, чордоқда... Сиз ўша ёқча борасизми? Ундан бўлса, унга келган мана бу хатларни ҳам олиб кетолмайсизми?

Мен ўзим келган йўлдан яна шаҳарга қайтаман, яна дурадгорлар ёнидан (энди улар декчаларини тиззаларига қўйиб, қайноқ ва мазали овқатларини еб ўтирадилар), кейин кўргазмасида каттакон нон қўйилган нон дўкони ёнидан ўтаман, ниҳоят, Берит Анкер кўчасига етиб борганимда, силлам қуриганидан йиқилиб тушишимга сал қолади. Эшик очиқ экан. Мен тик қилиб ўрнатилган узундан-узун зинадан чордоқча чиқаман. Хонага кирган заҳотим Ханс Паулини хурсанд қилиш ниятида хатларни чўнтағимдан оламан. У қандай аҳволга тушганимни эшитиши билан албатта менга ёрдам қўлини чўзади, бўлмасам-чи, Ханс Паули жуда қўнгилчан йигит, ҳамиша уни шундай деб келганман...

Чордоқ эшигига шундай лавҳа қоқилган эди: “Х.П.Петтерсен, теолог талаба, ватанига кетган”.

Лавҳани ўқидиму оёғимда туролмай, қуруқ ерга ўтириб қолдим, чарчаганимдан, очлик азобидан қимирилашга ҳолим қолмаган эди. Мен бир неча марта беихтиёр такрорлайман: “Ватанига кетган! Ватанига кетган!” Сўнг жим бўли б қоламан. Кўзларим қуруқ, миямда ҳеч қандай ўй, ҳеч қандай ҳиссиёт йўқ. Ерда қилт этмай ўтирганимча, ҳайрон бўлиб хатларга тикиламан. Орадан ўн, балки йигирма дақиқа ё ундан ҳам кўпроқ вақт ўтгандир, лекин мен ҳануз, ҳатто қимирилашга ҳам мажолим қолмай қоқ ерда ўтирадим. Менинг бу маънисиз донг қотиб ўтиришим худди хобимда бўлаётганга ўхшарди.

Шу чоғ бирдан зинадан чиқаётган оёқ товушини эшитаман, ўрнимдан тураман ва дейман:

— Бу ерда талаба Петтерсен турарди, мен унга иккита хат олиб келувдим.

— У кетган, — дейди аёл. — Лекин таътил тугаганда яна қайтиб келади. Ҳатларни бўлса, агар хоҳласангиз, менга ташлаб кетишингиз мумкин.

— Раҳмат, агар хизмат бўлмаса, — дедим мен. — Демак, келганида унга бериб қўярсиз. Албатта аҳамиятлидир унга бу ҳатлар. Яхши қолинг.

Мен уйдан чиқиб кўччанинг ўртасида таққа тўхтаб қолдим ва муштларимни сиқиб баралла дедим:

— Сенга шуни айтмоқчиман, эй раҳмдил худо: энди биламан мен қанақалигингни! — мен тишларимни фижирлатиб муштларимни кўкка қаратса дўлайтиридим. — Жин урсин мени агар билмасам!

Мен бир неча қадам юриб бориб, яна тўхтайман. Дабдурустдан гапим оҳангини ўзгартириб, кафтларимни мутеона қовуштираман, бошимни эгаман ва майнин мулойим овозда сўрайман:

— Сен ўзи Унга илтижо қилдингми, бўтам?

Бу гап сохта эштилди.

— Унга — катта ҳарф билан, — деб гапимда давом этдим мен. — Черков қўнгироқхонасидағи қўнгироқдай каттакон У ҳарфи билан. Сендан яна сўрайман: — Сен Унга ёлбордингми, бўтам?

Бу гап ҳам сохта бўлиб эштилди.

Сен тилёғламалик қилишни билмайсан, тентак! Сен: “Ҳа, мен парвардигоримга сифиниб илтижо қилдим!” — дейишинг керак эди. Кейин, бу сўзларни аянчли оҳангда, ўта мунгли овозда айтишинг керак эди. Қани, яна бир марта. Мана энди анча дуруст. Лекин гапираётганингда хўрсинишинг, худди толикқан отдек оғир-оғир хўрсинишинг керак. Ҳа, балли!

Мен йўл-йўлакай, ўзимга ўзим ақл ўргатиб кетиб бораман, бу ишим жонимга текканида, жаҳлим чиқиб депсинаман ва ўзимни “тўнка” деб ҳақорат қилиб, ёнимдан ўтиб бораётган одамларни ҳайрон қолдирман.

Мен кўчада мудом пайраҳа гажиб, ҳеч ерда тўхтамай кетавердим. Ҳаттоки вокзал майдонига бориб қолганимни ҳам сезмабман. Ҳалоскор ибодатхонасида соат бир ярим бўлган эди. Бир оз хаёлга толиб туриб қолдим. Пешонамда тер томчилари пайдо бўлди, улар кўзимга оқиб туша бошлидилар.

— Пристанга борсаммикин? — дедим ўзимга ўзим. — Агар вақting бўлса, албатта.

Мен ўзимга ўзим таъзим қилдим-да, пристан томонга йўл олдим.

Кемалар саф тортиб турардилар, денгиз мавжланар ва қуёш шуъласидан ялт-юлт қиласарди. Бу ерда ҳаёт қайнарди, кемаларнинг хуштаклари эштилар, елкаларига яшикларни ортмоқлаб олган ҳаммоллар дам у, дам бу томонга шошиб боришар, баржалардан шўхшўх қўшиқлар эштиларди. Мендан сал нарироқда бир аёл ширинилик сотиб турар ва тутундан қорайган бурнини ҳадеб сотаётган молига тиққудай бўлиб энгашарди; аёлнинг столига турли егуликлар уйиб қўйилган, мен йирганиб юзимни тескари бураман. Унинг моллари бутун пристанинни саситиб юборганди; уф-ф, соҳилни шамоллатинглар! Мен ёнимда ўтирган жанобга юзланаман ва дуч келган ерда пирожка сотавериш тўғри эмаслигини ишончли далиллар билан исботламоқчи бўламан... Нима, сиз фикримга қўшилмайсизми? Яхши, ундей бўлса, мен билан баҳслашмассиз агар... Лекин жаноб бунақа суҳбатдан барака

топиб бўлмаслигини сезди шекилли, гапимни охиригача эшитмай, ўрнидан туриб, нари кетди. Мен ҳам туриб, унинг орқасидан боравердим, чунки унинг янгишаётганини исботлашга астойдил қарор қилган эдим.

— Айни пайтда, бунга санитария нуқтаи назаридан ҳам йўл қўйиб бўлмайди, — дедим жанобнинг елкасига қоқиб.

— Кечирасиз, мен бу ерлик эмасман, ундан кейин, санитария масаласида ҳеч нимага тушунмайман, — деди у менга ҳайратланиб қарапкан.

— О, агар бу ерлик бўлмасангиз, унда тушунарли... Айтинг-чи, сизга бирон масалада фойдам тегиши мумкинми? Масалан, шаҳарни саир қилдирайми? Йўқ? Мен бу ишни бажонидил бажарган бўлардим, ҳеч қандай ҳақ сўрамай...

Жаноб мендан қутулмоқчи бўлди, шекилли, шоша-пиша қўчанинг нариги бетига ўтиб кетди.

Мен яна ўзимнинг ўринидигимга бориб ўтирдим. Дилем қаттиқ ранжиган эди, бу ҳам етмагандай, анча нарида баралла куй чалаётган шарманка таъбимни баттар тирриқ қиласарди. У композитор Вебернинг қайсиям бир асарини тўхтаб-тўхтаб чалар, кичкина бир қизча шу куй жўрлигига мунгли бир қўшиқ қуиларди... Шарманканинг ҳазин, чийилдоқ овози вужудимга сингиб, гўё мусиқа куйини такрорламоқчи бўлгандай, асабим торларини титратарди, ана шунда мен ўриндиқقا сяяниб, аста-секин мунгли бир куйни хиргойи қила бошладим. Нене гаройиб ҳиссиётларни бошидан кечирмайди қорни оч одам! Шарманка овози мени батамом қамраб олаётганини тұяман ва шу овозлар оқимиға гарқ бўлиб эриб кетаман; энди мен шу оқим ичидага фазога, баланд тоғлардан ҳам юксакка кўтарилаётганимни, нурафшон кенг далалар узра учеб бораётганимни аниқ тасаввур қиласман...

— Бир эре беринг! — Шарманка жўрлигига қўшиқ айтиётган қизча менга тунука тақсимчасини узатиб турарди. — Атиги бир эре!

— Ҳозир, - дейман мен нима дейтганимни ўйламай ва ўрнимдан туриб чўнтакларимни ковлай бошлайман.

Лекин қизча, бу одам мени мазах қиляпти, деб ўйлади, шекилли, индамай орқасига қайтиб кета бошлади. Қизчанинг бу унсиз мутелиги мени қаттиқ изтиробга солди; ундан кўра, мени қарғасайди, анча енгил тортган бўлардим; дилим оғриб, қизчани чақирдим:

— Ҳозир менда бир эре ҳам йўқ, лекин яқин орада, эҳтимол, эртага сени албатта эслайман. Ислам нима? Жуда чиройли исм, мен буни унутмайман. Демак, эртага...

Лекин жуда яхши тушунгандим: гарчи қизча индамаган бўлса ҳам, айтган гапимга ишонмаган эди; шунда мен зифирдаккина бир дайди қизчанинг берган ваъдамга ишонмаганидан руҳан эзилиб йиғлаб юбордим. Мен уни яна ёнимга чақириб олдим, унга нимчамни бермоқчи бўлиб, шоша-пиша камзулим тугмаларини еча бошладим.

— Мана ҳозир, — дедим унга. — Мана буни гаровга олиб қўй...

Лекин эгнимда нимча йўқ эди.

Нега энди нимчани эсладим-а? Ахир бир неча ҳафтадан бери нимчасиз юрибман-ку. Нима бўлди ўзи менга? Қизча чўчиб кетиб, шоша-пиша мендан ўзини олиб қочди. Энди уни ортиқ олиб туролмасдим. Атрофимга одамлар тўплана бошлади, ҳамма хо-холаб куларди, полициячи нима воқеа бўлганини билгани оломон орасини ёриб ўтиб менга яқинлашди.

— Ҳеч гап йўқ, — дейман унга. — Чиндан ҳам ҳеч нима бўлгани йўқ. Бор-йўғи, мен нимчамни хўв авави қизчага... ёки, аниқроғи, унинг отасига бермоқчийдим, холос... Сизлар бекорга куляпсизлар.

Үйимда яна битта нимчам бор.

— Яхшимас қўчада безорилик қилиш! — дейди полициячи. — Кетинг бу ердан, - деб у мени туртди. Кейин орқамдан қичқириб чақириб деди: — Тўхтанг, мана бу қофозлар сизникими?

— Ҳа, жин урсин, мени газета учун ёзган мақолам-ку у, жуда муҳим қўлёзма! Эҳ, нега мунча бепарво бўлмасам-а!

Мен қўлёзмани олиб саҳифаларини текшириб кўрдим-да, шу заҳотиёқ ҳеч ёқقا, қарамай, тўғри таҳририятга йўл олдим. Ҳалоскор¹ ибодатхонасидаги соат вақтнинг тўрт бўлганини кўрсатарди.

Таҳририят берк. Мен зинадан худди ўғри одамдай дағ-дағ қалтираб тушаман ва нима қиласимни билмай оstonада туриб қоламан. Энди нима қиласман? Мен деворга сұяноман, оғим остидаги тошларга тикилганча ўйга толаман. Оғим олдида битта тўғнағич ялтираб ётиби, эгилиб уни қўлимга оламан. Камзулимнинг тугмаларини кесиб олиб гаровга қўйсан қанча беришаркин? Э, йўқ, бу бўлмағур иш. Тугма тугма-да; шунга қарамай, мен тугмаларни диққат билан кўздан кечирдим: улар деярли ҳали янгидай эдилар. Нима бўлганда ҳам, бу яхши фикр, мен уларни қаламтарошим билан кесиб оламан-да, гаровга қўяман. Беш дона тугма учун пул олиш умиди мени кувонтириди ва мен: “Мана, ниҳоят иш юриша бошлади!” — дедим ўзимга. Бу кувончдан қўнглим ёришиб, дарҳол тугмаларни бирин-кетин кесиб ола бошладим. Ва айни пайтда товуш чиқармай ичимда дердим:

“Ҳа, биласизми, мен бир оз камбағаллашиб қолдим, бу қийинчилик ўтиб кетади... Нима, сиз тугмаларни сийқаланган деяпсизми? Қўйсангиз-чи. Ишонинг, дунёда ҳеч бир кимса тугмаларни мендек аяб, асрармайди. Сизга айтсам, мен камзулимни ҳеч қачон тугмасини солмайман; бу менга одат бўлиб қолган... Майли, агар сизга керак бўлмаса, унда... Лекин мен, ҳеч бўлмаса, ўн эре олишим керак бу тугмалар учун... Йўқ,вой, тавба, ким сизни гапиряпти? Илтимос, бас қилинг шу гапларни, тинч қўйинг мени... Майли, яхши, қақириңг полицияни. Полициячини бошлаб келгунингизча шу ерда кутиб тураман. Ҳеч нимангизни ўғирламайман... Ҳа, яхши, хайр, яхши қолинг! Айтмоқчиманки, менинг фамилиям Танген, қаҳвахонада бир оз кўпроқ ўтириб қолибман...”

Зинадан тушаётган оёқ товуши эштилади. Шу заҳоти мен хушимни йиғиб олиб, ҳақиқий ҳаётга қайтаман; тушаётган Қайчидор Одам экан, уни қўришим билан дарров тугмаларни чўнтағимга яшираман. У ёнимдан ўтиб кетмоқчи бўлади, ҳатто таъзимимга жавоб ҳам қайтармайди-ю, тўсатдан ўзининг бармоқларини синчковлик билан кўздан кечира бошлайди. Мен уни тўхтатиб муҳаррирни сўрайман.

— У келмади.

— Ёлгон гапиряпсиз, — дейман мен. Сўнг ўзимни ҳам ҳайрон қолдирган сурбетлик билан дейман: — Мен у билан албатта гаплашиб олишим керак. Кечиктириб бўлмайдиган иш. Муҳим маълумот бор менда.

— Менга айтаолмайсизми ўша маълумотни?

— Йўқ! — дедим фижиниб ва унга бошдан-оёқ разм солиб чиқдим.

Бу қилиғим унга таъсир қилди. Шу заҳоти у мени юқорига таклиф қилиб эшикни очди. Ҳаяжонланганимдан нафасим бўғилиб қолганди. Мен ўзимни дадилроқ тутиш учун, тишими тишимиға босдим-да, эшикни тақиллатиб муҳаррир хонасига кирдим.

— Салом! Ие, сизмисиз? — деб саломлашди мен билан муҳаррир.

¹ Ҳалоскор — Исо Масиҳ

— Марҳамат, ўтириңг.

Агар кирган заҳотим у мени ҳайдаб чиқарганда эди, анча енгил тортган бўлардим; мен кўзларимга ёш қалқиганини ҳис қилдимда,

— Мени афв этгайсиз... — дедим.

— Ўтириңг, - деб такрорлади у.

Мен ўтиридим ва ниятимни унга изҳор қилдим:

— Мен янги мақола ёзиб келган эдим, уни сизнинг газетангизда бостирмақчиман. Бу мақолам устида кўп ишладим, роса тиришиб ҳаракат қилдим.

— Албатта ўқиб чиқаман, — деди у ва мақоламни олди. — Сиз ҳамма мақолаларингизни ҳам кўп тиришқоқлик билан ёзяпсиз, лекин сиз ҳаддан зиёд тезкорсиз. Ҳовуриңгиз жуда баланд. Шундай бўлса ҳам ўқиб чиқаман.

Сўнг у яна стол устига энгашиб, ўз иши билан шугулланаверди.

Мен бўлсанм ҳануз ўтирадим. Ундан бир кронада сўрасам қандоқ бўларкин? Нега ҳовурим баландлиги сабабини тушунтиурсаммикин? Айтсан, албатта ёрдам қиласди у, менга; ахир биринчи марта эмас-ку бу.

Мен ўрнимдан турдим. Ҳм. Лекин охирги марта унинг олдига келганимда, пулдан сиқилиб қолгани ҳақида ҳасрат қилган, ҳатто мен учун озгина пул топиб келгани кассирини қаёққадир жўнатган эди. Ҳозир ҳам аҳволи шу бўлса керак. Йўқ, уят бўлади. Ахир унинг иш билан бандлигини кўриб турибман-ку!

— Яна бирон гапингиз бормиди? — деб сўради у.

— Йўқ! — дедим мен қатъий овозда. — Қачон келсан бўлади?

— Масалан, вақтингиз бўлганида. — деди у. — Тахминан, икки кунлардан кейин.

Мен бу одамдан қарзга пул сўрай олмасдим. Назаримда, унинг илтифоти беназир эди, мен буни қадрламогим керак. Очдан ўлганим яхши эмасми бундан кўра?

Эшикдан чиққанимда очлик азоби яна мени қийнай бошлади, лекин шунда ҳам муҳаррирдан бир кронада сўрамай чиқиб кетганимдан афсусланмадим. Мен чўнтағимда ётган иккинчи пайраҳани олиб оғзимга солдим. Шунда яна бир оз енгил тортдим. Нега илгари шундай қилмаган эканман-а?

— Бу қандай шармандалил! — дедим ўзимга ўзим баралла овозда.

— Ахир сен бу одамдан бир кронада сўрасанг, уни жуда ноқулай аҳволга солиб қўяр эдинг-ку! Наҳотки шуни ўйламаган бўлсанг? — Ва мен бу беҳаё ниятимни қоралаб, ўзимга ўзим танбех бера бошладим. — Азбаройи худо, умрим бино бўлиб бундай қабиҳликни учратмаганман!

— дедим мен. — Бу қанақаси, сен бир кронада пул ундириш учун, бу инсонга итдай ташланишга, ҳатто унинг кўзларини ўйиб олишга ҳам жазм қилмоқчи бўлдинг-а, ярамас кўпак! Қорангни ўчир бу ердан. Бўл тез! Даф бўл, аҳмоқ! Ҳали кўрсатиб қўяман сенга пул сўрашни!

Ва мен ўзимни ўзим жазоламоқ учун югура бошладим, хаёлан ўзимни ўзим қувиб, бир неча кўчадан чопиб ўтдим, агар чарчаб секинроқ чопа бошласам, газабланиб бақира бошлардим. Бу аснода мен Пилестредетга етиб борган эдим. Энди чопишга ҳолим қолмаганидан қаҳрим қайнаб сал қолди йиғлаб юборишумга, сўнг тўхтадим-да, бутун вужудим даф-даф титраб, энг ноқулай бир пиллапояни топиб ўтиридим.

— Йўқ, шошма ҳали! — дедим мен ва ўзимни яхшилаб жазолаш ниятида, яна ўрнимдан туриб, ўзимни тик туришга мажбур қилдим, ўз устимдан мазах қилиб қулдим ва мажолим куриганидан қувона бошладим. Ниҳоят, бир неча дақиқадан кейин бош иргаб, ўтиришимга ижозат

бердим, лекин шунда ҳам энг нокулай, ғадир-будир жойни танладим.

Эй худо, мунча шириң бўлмаса дам олиш! Мен юзимдан теримни артиб, тоза ҳаводан тўйиб-тўйиб нафас олдим. Ўзим ҳам ўлгудек юргурган эдим-да! Шундай бўлса ҳам ўзимга ачинмадим – ажаб қилдим. Нега ахир пул сўрамоқчи бўлдим муҳаррирдан? Мана энди адабимни беряпман! Бир оздан сўнг кўнглим юмшаб, ўзим билан ўзим мулоийим сухбатлашиб, худди она ўз боласини юпатгандай, ўзимга ўзим таскин бера бошладим. Бу қилмишимдан ўзим таъсиrlаниб кетдим ва кўнглим юмшади, ахир мен тинка-мадорим куриб, қаттиқ толиқкан эдим-да; йиглаб юбордим. Бу сокин, дохилий қалб йигиси эди, кўзёшсиз.

Мен бир ерда чорак соатча ё ундан ҳам кўпроқ вақт ўтиридим. Одамлар у ёқقا-бу ёқقا ўтиб туришар, аммо ҳеч ким менга парво қилмасди. Болалар атрофимда ўйнашар, кўчанинг нариги бетидаги дараҳтда қандайдир қушча тинмай сайранди.

Кейин олдимга бир полициячи келди.

— Нега бу ерда ўтирибсиз? — деб сўради у.

— Нега бўларди? — дедим мен. — Шунчаки, ўз ҳаловатимни кўзлаб дам олиб ўтирибман, холос.

— Сизни ярим соатдан бери қузатаман, — деди у. — Чиндан ҳам сиз бу ерда ярим соатдан бери ўтирибсиз, тўгрими?

— Ҳа, ярим соатча бўлди, — жавоб қилдим мен. — Нима бўпти?

Шундай деб дик этиб ўрнимдан турдим ва кета бошладим.

Майдонга чиққанимда тўхтадим-да кўчани бошидан охиригача кўздан кечирдим. Ўз ҳаловатимни кўзлабман! Шуям жавоб бўлдими? Йўқ, аянчлироқ оҳангда: силлам қуриб қаттиқ чарчаганман, шунинг учун ўтирибман, — дейиш керак эди. Фирт аҳмоқсан, ҳеч қачон муғомбирилик қилишни ўргана олмайсан. Негаки, жуда қаттиқ толиқканман! Кейин худди чопавериб ҳолдан тойган отдай ҳансираб нафас олишим керак эди.

Ўт ўчирувчилар депосига етганимда яна тўхтадим, чунки шу пайт миямда янги бир фикр пайдо бўлди. Мен бармоқларимни шиқиллатиб хоҳолаб кулиб юбордим ва ўткинчи одамларни ҳайрон қолдириб дедим:

— Йўқ, сен албатта пастор¹ Левисоннинг олдига боришинг керак. Ҳозироқ. Сўраганнинг айби йўқ. Ҳеч нима йўқотмайман. Ҳаво ҳам файзли жуда.

— Мен Пашанинг китоб дўконига кириб, манзиллар рўйхати ёзилган китобдан пастор Левисоннинг турар жойини топдим ва уникига йўл олдим.

— Етар, энди ўзимни кўлга олишим керак, — дедим мен. — Майнавозчиликни бас қил! Виждон нима бўлади, дейсанми? Бемаънилик, сен энг нотавон қашшоқсан, виждонли бўлиш сенга тўғри келмайди. Сен очсан, жуда муҳим иш билан, яъни ўзинг учун энг зарур бўлган нарсани сўрагани кетяпсан. Сен бошингни елкангга қисиб, аянчли овоз билан гапиришинг керак. Нима, хоҳламайсанми? Ўндан бўлса, сен билан бошқа дўстлашмайман, билиб қўй. Қулоқ сол: сенинг қалбинг изтиробда, кечалари зулмат кучлари ва баҳайбат гунг маҳлуқлар билан олишиб чиқасан, очликдан ўлар ҳолатга келгансан, май ва сутга ташнасан, лекин ҳеч вақоинг йўқ. Аҳволинг чатоқ. Мана, сўппайиб турибсан-у аммо ёнингда ҳемири ҳам йўқ. Шунга қарамай, худога шукрки, сен одамларда шафқат, марҳамат борлигига ишонасан, ҳар ҳолда, ҳали сен имонингни йўқотмагансан! Тангри марҳаматига имон келтириш учун, қўлларингни қовуш-

¹Пастор — протестантизм мазҳабида руҳоний оти.

тиришинг ва иблисдан ҳам айёрроқ бўлишинг керак. Дуолар мажмуи билан бирга икки кронада пулни ёдгорлик сифатида олиш — бу бошقا гап... Мен пасторнинг эшиги олдида тўхтаб унда: “Қабул соат 12дан 16гача” деган лавҳани ўқидим.

— Энди бас қилиш керак майнавозчиликни! — дедим ўзимга. — Ҳазилакам иш эмас бу! Қани, бошингни эг...

Кўнғироқ қилдим.

— Пасторни кўришим мумкинми? — дедим мен эшикни очган оқсоқ хотинга, лекин “Худо йўлига” деган калимани илова қила олмадим.

— У кетган эди, - деб жавоб қилди оқсоқ.

Кетибди! Кетибди! Тузган режаларим бирваракайига барбод бўлди, айтмоқчи бўлган гапларимнинг ҳаммаси чиппакка чиқди. Шунча узоқ йўл босиб келиб нима наф кўрдим? Мен турган еримда “қилт” этмай қотиб қолгандим.

— Мұҳим иш билан келганимдингиз? — сўради оқсоқ хотин.

— Йўқ, йўқ! — дедим мен. — Арзимаган бир гап! Шунчаки, бугун ҳаво фоят ёқимли, шунинг учун кўчага сайдрга чиққанимда пастор ҳазратларини ҳам бир зиёрат қилмоқчи бўлувдим.

Мен ҳамон жойимдан жилмасдим, оқсоқ ҳам. Шунда унинг диққатини камзулимга қадалган тўғногичга қаратиш ниятида атайлаб кўкрагимни кериб турдим; нимага келганимни тушунсин деб, нигоҳларим билан илтижо қиласдим оқсочга; лекин шўрлик аёл ҳеч нимани тушунмасди.

— Ҳа, бугун кун жуда баҳаво. Нима, хоним ҳам йўқмилар уйда?

— Фру уйда, ҳозир унинг бод касали қўзиган, диванда ётипти, ўрнидан туролмайди... Сиз ёзиб қолдиролмайсизми нега келганингизни?

— Йўқ-йўқ! Шунчаки аҳён-аҳёнда тоза ҳаводан нафас олиш учун сайдргани кўчага чиқиб тураман. Бугун кун чинданам жуда баҳаво.

Мен оёғимни судраб изимга қайтдим. Гап сотиб турганимдан нима фойда? Бу ҳам етмагандай, шу маҳал бошим айланиб, кўзим тина бошлади; бу энди ҳазилакам гап эмас эди, ҳушимдан кетиб йиқилиб тушишим мумкин эди. Қабул вақти 12дан 16гача; мен бир соат кечикиб борибман.

Мен майдонга етиб бориб, черков олдидағи ўриндиққа ўтирдим. Эй худо, келажагим кўзимга шу қадар мудҳиш бўлиб кўриндики! Мен йиғламасдим, чунки ҳолим қолмаганди йиғлашга ҳам; силлам қуриганидан ва очлик азобидан ўлар ҳолатга бориб ҳеч нимани ўйламай, қимир ҳам этмай ўтирадим. Айниқса, кўкрагим чўғ бўлиб қизир, ичимни чида бўлмайдиган даражада жизгинак қилиб куйдирарди. Мен пайраҳа чайнай бошладим, лекин энди ундан фойда бўлмади; самарасиз чайнашдан чакагим толиқди ва энди уни ортиқ зўрламадим. Мен тақдирга тан бердим. Боя кўчадан бир бўлак қорайиб кетган апелсин пўчоғини топиб олган эдим, шуни чайнай бошлагандим, у ҳам ёрдам бермади: кўнглим айниб қусгим келди. Мен касал эдим, кўлимдаги кўкимтири томирлар бўртиб-бўртиб шиша бошладилар.

Ўзи нимани умид қилган эдим? Мен ҳаётимни яна бир неча соатга узатириши мумкин бўлган бир кронада топиш ниятида кун бўйи шаҳар кездим. Лекин ўша муқаррар ўлим бир кун олдин келадими ё бир кун кейин — нима фарқи бор? Менинг ўрнимда бошқа диёнатли одам бўлганида, аллақачон уйига бориб ётиб олар ва тақдирга тан бериб, қазои муҳаққақни кутарди. Шу пайт фикрларим бирдан ойдинлашиди. Энди мен ўлишим керак. Куз фасли эди. Табиатни мудроқ босган, у

гафлат уйқусига кетмоқчи. Мен барча воситаларни қўллаб кўрдим, ўзимга таниш бўлган одамларнинг ҳаммасининг олдига бориб кўрдим. Мен шундай хаёлга берилиб тентираф юарканман, ҳар гал янги бир умид кўнглимда куртак очганида маъюс пичирлаб: “Тентак, ҳадемай ўласанку!” дердим. Вақт ғаниматида бир-иккита мактуб ёзишим, ҳамма нарсаларни тартибга келтиришим ва ўлишга ҳозирлик кўришим керак эди. Бошим тагига икки варақ оппоқ қоғоз ёзаман — менда қолган энг покиза нарса шу варақлар. Яшил адёл билан эса мен...

Яшил адёл! Мен бирдан сесканиб кетдим, миямга қон қўйилди ва юрагим қаттиқ-қаттиқ тепа бошлади. Ўрнимдан туриб шоша-пиша кета бошладим, яна жон кирди менга ва йўл-йўлакай кета туриб, нуқул: “Яшил адёл! Яшил адёл!” — деб тақрорлардим. Мен худди бирорвинг орқасидан қувиб етмоқчи бўлгандай, шошилиб борардим ва тезда ўзимнинг ётогимга — тунукасоз устахонасига етиб ҳам олдим.

Хужрамга кира солиб, ўз қарорим ҳақида ҳеч тараддулланмай каравотим ёнига яқин бордим ва Ҳанс Паулининг адёлинни йиғиб ўрай бошладим. Жуда ажойиб бир фикр келган эди миямга, мана, ахийри очлик азобидан кутулдим ҳисоб! Мен табиатимдаги бемаъни ланжликни даф этдим, воз кечдим унақа андишадан. Ахир мен авлиё ҳам, қандайдир муруватпеша тентак ҳам эмасман-ку. Мен эси-ҳуши жойида одамман...

Мана, мен адёлни қўлтиғимга қистириб, Стенерсгатен кўчасидаги бешинчи рақамли уйга йўл оляпман.

Эшикни тақиллатиб каттакон нотаниш хонага кирдим. Эшик кўнғироги бошим узра қаттиқ жиринглади. Кўшни хонадан оғзи тўла овқат бир одам чиқиб, пештахта ортига келиб турди.

— Мана шу кўзойнагимни ярим кронага ижарага қўяман! — дедим.
— Икки-уч кундан кейин албатта уни қайтариб оламан.

— Нима? Гардиши пўлатдан эканми?

— Ҳа.

— Йўқ, мен бу кўзойнакни ололмайман.

— Тушунарли. Мен ҳазил қиливдим, холос. Мана, адёл олиб келгандим, очиги, менга кераги йўқ унинг, ундан воз кечмоқчиман.

— Афсуски, омборимда адёллар қалашиб ётити, — деди у одам ва адёлни ёйиб кўрсатганимда фақат кўз қирини ташлади-ю деди: — Афв этгайсиз, лекин менга ҳам керак эмас бу адёл.

— Мен атайлаб сизга унинг тескари томонини кўрсатдим, ўнг томони анча кўримли.

— Шундай бўлса ҳам, уни ололмайман, чунки бу адёлни атиги ўн эрге оладиган харидор ҳам топилмайди.

— Тушунарли, демак, у ҳеч нимага ярамайди, — деб судхўрнинг фикрини маъқулладим. — Лекин бошқа биронта эски адёлга илова қилиб сотиб юборишингиз мумкин-ку.

— Йўқ, йўқ, бехуда оворагарчилик бу.

— Ҳеч бўлмаса, йигирма беш эре беринг! — деб илтимос қилдим мен.

— Йўқ, ололмайман бу адёлингизни, азизим, менга мутлақо керак эмас у.

Яна адёлни қўлтиғимга қистириб уйга жўнадим.

Гёё ҳеч нима бўлмагандай, адёлни каравот устига ёздим, уни ҳеч қаёққа олиб бормагандай, яхшилаб текисладим. Мен ақлдан озган бўлсам керакки, найранг ишлатишга журъат этдим; бу ҳақда қанча кўп ўйласам, қилмишим шунча тутуруқсиз бўлиб туюла бошлади. Назаримда, бу ночорлик аломати, қандайдир эсанкираш бўлса керак.

Лекин мен буни ўзимга қўйилган тузоқ деб ҳис этдим ва эсим оғаётганини тушундим, шунинг учун ҳам олдинига қўзойнагимни судхўрга тавсия қўлгандим. Мана энди мен жиноятга қўл урмаганимдан ўзимда йўқ севиниб кетдим; агар қўл урганимда умримнинг охирги соатларини заҳарлаган бўлардим.

Мен яна шаҳар кезгани чиқиб кетдим.

Халоскор жомесига етганимда яна ўриндиққа ўтиридим-да, бояги бошимга тушган мусибатлардан ғамга ботиб, очлик азобидан ўлар ҳолга етиб, бошимни кўксимга эгдим. Вақт эса ўтиб борарди.

Очиқ ҳавода бир соатча ўтиридим; бу ер менинг кулбамдан ёругроқ эди; ундан ташқари, кўқрагимнинг сирқираб оғриши очиқ ҳавода анча пасайгандай бўлди; уйга шошилмасдим.

Мен мудраб хаёлга толиб ўтирадим, жуда ҳам аянчли аҳволда эдим. Ерда ётган кичкина бир тошни олиб, артдим ва оғзимга солиб сўра бошладим; шу аснода мен қимир ҳам этмадим, ҳатто киприк ҳам қоқмадим. Олдимдан одамлар у ёқ-бу ёққа ўтиб туришарди, извош ғидирақларининг гулдираши, от туёқларининг дукур-дукури эшитиларди.

Яна бир марта бахтимни синааб кўрсам қандоқ бўларкин тугмалар билан? Тўғри, бундан ҳеч нима унмайди, бунинг устига-устак, жуда оғир хастаман. Лекин чўқурроқ мулоҳаза қилиб кўрилса, бари бир ҳам, уйга кетатуриб, танишим судхўрнинг дўкони ёнидан ўтаман; илгари ҳам уникига тез-тез қатнаб туардим.

Ниҳоят, ўрнимдан турдим ва оёғимни зўрга судраб қўчама-қўча кета бошладим. Пешонам чўғдай қизиб, иситмалай бошладим; мен имконим борича шошиб борардим. Яна нон дўкони ёнидан ўтдим, унинг кўргазмасида ҳали ҳам бўлка нон туарди.

— Бас, биз шу ерда тўхтамиз, — дедим ўзимга ясама қатъият билан. — Бордию дўконга кириб бир бўлак нон сўрасам қандоқ бўларкин? — Бу бир лаҳзали фикр чақмоқтош учқунидай ялт этдию ўҳди; аслида, мен бу ҳақда ўйламаган ҳам эдим. — Туфе, жин урсин! — деб пицирладим ва бошимни сарак-сарак қилиб нари кетарканман, ўз устимдан кулдим. Бундай илтимос билан нон дўконига кириш мутлақо бефойда эканлигини жуда яхши билардим.

Бир тор қўчадаги дарвоза олдида ошиқ-маъшуқлар пицирлашиб туришарди; сал нарироқда бўй етган бир қиз деразадан бошини чиқарди. Мен ўзимни авайлаб шу қадар секин юриб борардимки, гўё бирон нимани умид қилаётгандай бўлиб қўринишм ҳам мумкин эди, - ана, деразадан қараган қиз кўчага чиқди.

— Аҳволлар қалай, қария? Нима бўлди, касалмисиз? Вой тавба, рангингиз қув ўчиб кетибди-ю!

Қиз гизиллаб уйига кириб кетди.

Мен шу заҳоти таққа тўхтадим. “Рангинг ўчиб кетибди” – бу билан нима демоқчи бўлди? Наҳотки ўлсам? Юзимга қўлимни теккизисб кўрдим: ҳа, мен чўпдай озиб кетганман. Эй, тангirim, ўзинг асра! Мен яна судралиб кета бошладим.

Сўнг яна тўхтадим. Озгинлигим жуда ҳам даҳшатли қўринаётган бўлса керак. Кўзларим ҳам киртайиб қолган. Қизиқ, қандай маҳлуқقا ўхшаётган эканман? Мунча пешонам шўр бўлмаса, эй шум тақдир, дуппа-дуруст тирик одамини оч қолдириб, шарти кетиб парти қолган чалажон қарияга айлантирдинг-а! Яна ачигим чиқиб газабим қўзий бошлади; бу энди энг сўнгги тириклик учқуни, ўлим талvasаси эди. Нима, рангим ўчибдими? Менинг каллам ақлли, бунақа калла бутун мамлакатда ҳам бошқа топилмайди, яна менинг бир жуфт энг зўр муштларим бор – уларга рўпара бўлишдан худо асрасин – бу муштлар

ҳар қандай мардни ҳам янчиб кукунга айлантира олади; ҳа, ана шундай одам, яъни мен Христианиянинг марказида очликдан ўлмоқдаман! Ақл бовар қилмайди! Мен чўчқаҳонада кун кечириб, Эрталабдан то қоронги кечгача тер тўкиб ишладим худди қора хўкиздай. Китоб ўқийвериб қўзларим хиралаши, очликдан миям қовжираб қолди – хўш, нимага эришдим бу қийинчиликлар эвазига? Ҳатто қўча қизлари ҳам аҳволимни кўриб, ҳайратланиб “Вой, тавба!” деб ҳайратга тушишаяпти. Энди буларнинг ҳаммаси тугайди – тушуняпсанми? Тамом бўламан, жин урсин!.. Мен қаттиқ газабланганимдан қалт-қалт титраб, тишларимни фижирлатиб, қўзларим гилт-филт ёшга тўлиб, оғзимга келган ҳар қандай қарғиши ва таҳқир сўзларни фижиниб айтиб, энг нотавон, хокисор бандадек, йўлимда учраган одамларга парво қилмай судралиб кетиб борардим. Кейин мен яна ўзимни қийнаб, бошимни атайин фонар устунига гурс-гурс урдим, тирноқларимни жон-жаҳд билан кафтларимга ботирдим, тутуруқсиз гапларни алжий бошлаганимда тилимни гарчча тишладим ва ҳар сафар оғриқ зўрайганида қотиб-қотиб кулдим.

— Хўш, энди нима қилишим керак? — дедим ниҳоят ўзимга ўзим ва бир неча марта ер депсиб яна қайтардим: — Нима қилиш керак ахир?

Шу пайт тасодифан менга рўпара келган бир йўловчи тиржайиб туриб деди:

— Илтимос қилинг, сизни қамоқقا олишсин.

Мен унинг орқасидан қараб қолдим. Бу “Ҳерцог” лақабли машҳур гинеколог эди. Ҳаттоки у ҳам менинг аҳволимни тушунмабди, ваҳоланки, бизлар таниш эдик, қўл узатиб кўришардик. Мен гунг бўлиб қолдим. Бориб “мени қаманглар”, деб илтимос қиласайми? Ўйлаб қарасам, у ҳақ; ҳа, мен эсимдан айрилиб қолибман. Томиримда оқаётган қонимда телбалик аломатларини ҳис этдим, миямда унинг учқунлари чақилганини сездим. Демак, менинг кунларим шу йўсунда якунланар экан-да? Ҳа, тўғри! Мен қадам ташлаб, аста-аста юриб кета бошладим. Менга раво кўрилган тақдир – пешонамга ёзилгани шу экан-да!

Бирдан яна таққа тўхтаб қолдим.

— Йўқ, фақат қамоқ эмас, — дейман ўзимга. — Фақат қамоқ эмас!

Қўрқанимдан овозим бўғилиб қолди. Ўтиридим, барча авлиёларга илтижо қилиб, улардан менинг қамалишимга йўл қўймасликларини сўрадим. Бўлмасам, яна қамалишим мумкин-ку, мени қоп-қоронги камерага тиқадилар. Йўқ, қамалишни хоҳламайман! Ҳали мен синааб кўрмаган бошқа имкониятлар ҳам бор, ахир. Мен уларни ҳам албатта синааб кўраман, вақтимни аямай, тиним билмай уйма-уй юраман, матонатли бўламан. Масалан, Сислернинг мусиқа магазини туриби, ҳали у ерга борганимча йўқ. Мана сенга мушқул аҳволдан кутулиш йўли... Мен йўл-йўлакай ўзимча гўлдираб борардим, кейин ўзимга раҳмим келиб, яна пиқиллаб йиглаб юбордим. Фақат қамашмаса бўлгани!

Сислер? Балки осмондан тушадиган мадад шудир? Сислерни тасодифан эслаб қолдим, жуда узоқда турарди у; лекин, барибир, аста юриб, йўлда дам олиб-дам олиб бўлса ҳам унинг олдига бораман. Ўша мусиқа магазинини биламан, яхши кунларда кўп бўлганман у ерда, ноталар сотиб олганман. Магазин хўжайинидан ярим крона сўрасам қандоқ бўларкин? Лекин бу арзимаган пул уни ҳижолат қилиши мумкин, бир крона сўрай қоламан.

Мана, мен магазинга кириб, хўжайнини кўрмоқчи бўлганимни

айтдим; менга унинг хонасини кўрсатиши. Хонада сўнгги мода бўйича жуда шинам кийинган бир одам столдаги қоғозларни титкилаб ўтиради.

Мен гўлдираб узр сўрадим ва ташрифим сабабини изҳор қила бошладим. “Жуда мушкул аҳволга тушиб қолиб, сизга мурожаат қилишга журъат этдим... Тезда қайтариб бераман пулингизни... Ёзган мақолам учун қалам ҳақи олишим билан... Менга бемисл саховат кўрсатган бўлардингиз агар...”

Мен гапимид айтиб улгурмасимдан, у яна бошини эгиб қилаётган ишини давом эттираверди. Мен жим бўлиб қолдим, шунда у менга бир қиё боқиб қўйиб чиройли бошини чайқади-да;

— Йўқ! — деди.

Фақат “йўқ” деди, холос. На изоҳ берди... на бир оғиз сўз айтди.

Тиззаларим қалтираб, кичкина бир локланган жавонга суюниб қолдим. Яна бир марта гапиришга уриниб кўрдим. Бу ердан жуда узоқда — Ватерланнада турсам ҳам, нега айнан шу одамни эслаганимни унга айтдим. Чап биқиним санча бошлади, қора терга пишдим.

— Ҳа... Ишонинг, ҳолим ҳароб, — дедим. — Оғир дардга чалингандман. Лекин икки кундан кейин олган қарзимни қайтариш имкони бўлади менда. Илтимос, бир илтифот кўрсатсангиз...

— Азизим, нима сабабдан айнан менинг олдимга келдингиз? — деди у. — Мен сизни ҳеч қачон кўрмагандман, танимайман ҳам, мен учун мутлақо бегона одамсиз. Яхшиси, сизни биладиган газетага мурожаат қилинг.

— Мен фақат бугунги кечқурун учунгина сўрайпман! — дедим. — Тахририят аллақаҷон ёпилган, мен бўлсам жуда очман.

У нуқул бошини чайқар, ҳатто эшик тутқичини ушлаганимда ҳам бошини чайқарди.

— Яхши қолинг! — дедим мен.

Мен ўқтин-ўқтин учраган пиллапояда ўтириб дам олиб, кўчама-кўча кетиб борардим. Фақат мени қамашмаса бўлгани! Зим-зиё камеранинг ваҳимаси мени бир лаҳза ҳам тинч қўймай, таъқиб қиласди; ҳар гал кўчада бирон полициячини кўриб қолсам, у билан учрашмаслик учун, дарров бирон чекка кўчага бурилиб, кириб кетардим.

— Мана энди юз қадам босиб ўтамиш-да, яна баҳтимизни синаб кўрамиз! — дедим мен. — Ахир менга ҳам бир кунмас-бир кун баҳт кулиб боқар...

Бу мўъжазгина дўконга илгари ҳеч кирмагандман. Пештахта ортида одмигина бир одам турарди, унинг орқасида лавҳа ёзилган эшик ва моллар терилган узун-узун токчалар бор. Бу ердаги охириги харидор — ёноқларида кулгичлари бўлган ёш бир хоним дўкондан чиқиб кетгунича кутиб турдим. Аёл бирам хушбаҳт кўринардики! Мен унинг эътиборини ўзимга қаратишни хоҳламай тескари ўтирилиб турдим.

— Сизга нима керак? — сўради гумашта.

— Хўжайнингизни кўрмоқчи эдим.

— Йўқ, у Потунхеймга, тоққа кетган, — деб жавоб қилди у. — Нима, муҳим иш билан келганимдингиз?

— Менга бир неча эре керак, нон олиб ейишим учун, — дедим зўрма-зўраки жилмайиб. — Мен очман, чўнтағимда ҳемири ҳам йўқ.

— Мен ҳам сиз кабиман, — деди у ва калава ипларни токчаларга жойлаштира бошлади.

— Жуда оғир аҳволдаман, мени ҳайдаманг! — дедиму бирдан муз бўлиб кетдим. — Ишонинг, очликдан ўлар ҳолга тушганман, бир

неча кундан бери оғзимга нон ушоғи ҳам кирмади.

У индамай, жуда жиддий тарзда чўнтакларини ағдариб кўрсата бошлади.

Нима, мен унинг гапига ишонмасмидим?

— Атиги беш эре бериб туриңг, — дедим. — Икки кундан кейин ўн эре қилиб қайтараман.

— Мұхтарам афандим, нима, пулни сизга дўкон кассасидан ўғирлаб олиб берайми? — деди у аччиғланиб.

— Ҳа, — дедим мен. — Ҳазинасидаги пулдан олақолинг.

— Бунаقا одат йўқ менда, — эътиroz билдири у ва: — Дарвоҷе, дўконни ёпадиган пайт келди, — деб қўшиб қўйди.

Мен очлик азобидан абжагим чиқиб, шарманда бўлганимдан ўзимни қўярга жой тополмай дўкондан чиқиб кетдим. Йўқ, етар! Ҳожати йўқ энди! Шунча йилдан бери чидаб келдим, не-не оғир дамларда обрўимга зарра доғ туширмадим, энди бўлса энг разил қашшоқлик ботқоғига ботиб ўтирибман. Шу бир куннинг ўзида беҳаё ҳаракатларим билан ўзимнинг теран фикр-мулоҳазаларимни барбод қилдим, пок қалбимга доғ туширдим. Ҳеч уялмасдан, кўзимга ёш олиб, қандайдир бир дўлвар гумаштадан пул сўраб ўтирибман-а! Хўш, бу ишимдан нима фойда кўрдим? Барибир, бир бурдагина нонни ҳам менга раво кўрмадилар-ку! Энди мен ўзимдан ҳазар қила бошладим. Ҳа, мутлақо барҳам бериш керак бунга! Ҳадемай мен турадиган уйнинг дарвозаси ёпилади, шошилишим керак. Бўлмаса кўчада қолиб кетаман.

Бу фикр мени оз бўлса-да, суюнтириди. Мен санчиб оғриётган чап биқинимга қўлимни босиб, қаддим икки букилганча кета бошладим. Кўзим йўлкада: мабодо биронта танишим учраб қолгудек бўлса, ўзимни танитмоқчи эмасман; мен ўт ўчирувчилар депоси томон шошилиб борарадим. Худога шукур, Ҳалоскор жомесидаги соат вақт энди етти бўлганини кўрсатарди. Демак, ҳали уч соат вақт бор дарвозанинг ёпилишига. Бекорга ҳавотир олибман!

Демак, ҳамма чора-тадбиrlар синаб қўрилди. Барча имкониятлардан фойдаланилди. “Ахир бу қандай бадбаҳт кунки, эрта тонгдан то қора кечгача бирон марта ҳам омадим юрмаса-я”, — деб ўйладим. Агар шу машъум кунимни одамларга сўзлаб берсан, ҳеч ким ишонмасди, борди-ю бу ҳақда ёёсам, бу гапларнинг ҳаммаси ўйдирма дейишарди. Илож қанча; энди ҳеч ҳам ўзимни аянчли аҳволда кўрсатмаслигим керак. Туғ-е, жин урсин, нақадар жирканч ҳолатки... ҳали сен менга нафратланишни тавсия қилмоқчимисан! Умид қилиш бефойда эканми, демак, узиш керак умидни. Шошма-чи, агар отхонадан бир ҳовуч сули ўғирласам нима бўларкин? Бу фикр миямда бир лаҳзали чақиндай ёндиу ўчди. Ҳозир отхона ёпилган — буни яхши билардим.

Лекин буни ўйлаганимдан ҳеч хафа бўлмадим ва уйим томон судралиб кетавердим. Шу чоғ бироз дилим ёришиб, бугун фақат эндинигина сув ичгим келди; мен сув бор жойни қидира бошладим. Бозор бу ердан жуда узоқда эди, одамларнинг ўйига кириб сув сўрашни хоҳламадим; тўғри, уйга етиб боргунча чидасам бўларди; бунинг учун чорак соат вақт етарли. Ундан кейин, ичганим бир култум сув ҳали менга қандай таъсир қиласкин, номаълум; ошқозоним энди ҳеч нимани ҳазм қилмай қўйган эди, ҳатто ютган тупугим ҳам ўқчиғимни келтиради.

Ие, тутгалар-чи? Ҳали тутгаларимни пуллаш баҳтига мусассар бўлганимча йўқ эди! Шуни ўйлаб жилмайиб қўйдим. Шояд иложи

топилса! Демак, ҳали умид бор! Бу тұгмалар учун албатта ўн эре оламан, әртага яна бирон ердан шунча пул униб қолар, чоршанба куни эса мақолам учун қалам ҳақи түлайдилар. Мен бутун файратимни жамлашим керак, шунда иш юришиб кетади! Буни қара-я, нега ахир тұгмалар ҳақида ҳеч әсламабман-а! Йўлда кетиб борарканман, уларни чўнтағимдан олиб кўздан кечира бошладим; севинганимдан кўзларим хирадашди, кўчани яхши кўролмай қолдим.

Каттакон ертўла яхши эсимда, қўпинча қоронги оқшомларда у ер менга бошпана бўлган, бу менинг дўстим ва айни чоғда, қонимни сўрвчи зулук эди! Менинг бутун мол-мулкларим: жамики хўжалик, рўзгор буюмлари, уйимдаги бошқа икир-чикирлар, ҳамма китобларим битта қолмай шу ертўлага кўчиб ўтган. Ким ошди савдоси бўладиган кунлари мен бу ерга томоша қилгани келардим ва ҳар гал менинг китобларим яхши одамлар қўлига тушаётганини кўриб, қувонардим. Соатимни артист Магелсен сотиб олганида бундан жуда фаҳрланиб кетган эдим; биринчи шеърим босилган календарни бир танишим сотиб олганди, палтомни сураткаш олганди; кейин уни ательєга ижарага берадиган бўлди. Қисқаси, ҳамма буюмларим яхши жойларга тушганди.

Мен тұгмаларни кафтимга қисиб ертўлага тушиб бордим. Судхўр стол ортида ёзиб ўтиради.

— Шошаётганим йўқ, кутиб туришим мумкин, — дедим мен унга халал беришдан кўрқиб. Зўрга хириллаб эшитилган овозимни ўзим ҳам танимай қолдим, юрагим дукирлаб ура бошлади.

Судхўр ҳар доимгидай тиржайиб менга яқин келди ва икки қўлини пештахтага кўйиб, бир сўз ҳам айтмай юзимга тикилди.

— Мен сизга баъзи нарсаларни олиб келувдим кўрсатгани, балки сизга асқотиб қолар... уйда ғашимга тегиб фақат халақит беради менга... мана бу тұгмаларни айтяпман.

— Ўзи қанақа тұгмалар улар? — шундай деб судхўр кафтимга қаради.

— Шу тұгмалар учун бир неча эре беролмайсизми? Имконингизга қараб... Хоҳлаганингизча...

— Шу тұгмалар учунми? — деб у менга ажабланиб қаради. — Шу тұгмаларга-я?

— Битта сигарет пули бўлсаям ё атиги уч-тўрт эре бўлса ҳам...

Кекса судхўр кулиб юборди ва ҳеч нима демай, ўз столи олдига қайтиб борди. Мен турган еримда қилт этмай турардим. Очигини айтганда, ундан ёруғлик чиқишига унча кўзим етмасди, шундай бўлса ҳам, чиқмаган жондан умид, дейдилар-ку. Лекин судхўрнинг хохолаб кулгани худди ўлим ҳукмидай бўлиб эшитилди менга... Борди-ю сийловига кўзойнагимният қўшиб берсам-чи?

— Мен кўзойнагимни ҳам қўшиб беришга розиман, — деб уни кўзимдан олдим. — Менга атиги ўн, ҳеч бўлмаса, беш эре керак, холос.

— Мен кўзойнагингизни ололмайман, буни ўзингиз ҳам яхши биласиз, — деди судхўр. — Буни сизга илгари ҳам айтганман.

— Лекин менга почта маркаси жуда зарур, — дедим эшитилар-эшитилмас паст овозда. — Ҳатто ёзган хатимни юборолмаяпман тегишли жойга; албатта, юборишим шарт уни. Менга ўн ё беш эрели марка бераколинг.

— Худо хайрингизни берсин, кетинг бу ердан! — деди судхўр менга қўл силтаб.

“Бу ёғига энди бошга тушганини кўравераман!” — дедим ўзимга ўзим. Шартта кўзойнагимни тақдим, тұгмаларни олдим ва судхўрга хайрли тун тилаб, доимий одатимга қўра, ертўла эшигини зич қилиб

ёпиб, чиқиб кетдим. Энди ҳеч нима қилиб бўлмасди! Зина бошига чиққанимда тўхтаб яна бир марта тугмаларимга кўз ташладим.

— Шундай тугмаларни олгиси келмади-я! — дедим. — Ҳолбуки, деярли янгидай қўриняпти. Ҳайронман, нега олмади-я?

Мен шундай хаёлга толиб турганимда, ёнимдан ўтиб пастга, ертўлага тушаётган бир одам бехосдан мени туртиб ўтди; биз бир-биримиздан узр сўрадик, мен ўгирилиб унга қарадим.

— Ие, сенмисан? — деди бирдан у одам менга қараб.

Кейин у яна қайтиб чиқди ва мен уни танидим.

— Эй худо, аҳволинг бир ҳолатда-ку! — деди у. — Бу ерда нима қилиб турибсан?

— Шундоқ ўзим, озгина ишим бор эди. Лекин сен ҳам ўша ерга тушиб кетяпсан шекилли?

— Ҳа. Сен нима олиб қелган эдинг унга?

Мен тиззаларим қалтираб деворга суюндим ва унга кафтимдаги тугмаларни қўрсатдим.

— Вой-бў, шу аҳволга тушдингми ҳали? — деди у ҳайратланиб. — Йўқ, бу энди ҳаддан ташқари!

— Хайр! — дедим мен ва кетмоқчи бўлдим, сабабки, унинг ёнида яна бир лаҳза турсам кўзёшларимни тия олмасдим.

— Йўқ, кетма, кутиб тур мени, — деди у.

Лекин мен ниманиям кутардим? Худо билади, дўстимнинг ўзи ҳам, эҳтимол, бир неча кун оч ўтириб ва уй бекасига ижара ҳақини тўлай олмаганидан ўзининг никоҳ узугини судхўрга сотгани олиб келгандир.

— Яхши, кутаман, — дедим. — Агар дарров чиқсанг.

— Бўлмасам-чи, — деди у қўлимдан ушлаб. — Лекин, очигини айтсан, гапингга унча ишонмаяпман, сен аҳмоқсан, юр, яхшиси бирга тушамиз.

Унинг нима демоқчи бўлганини тушундим албатта ва ўзимни бир оз таҳқирлангандек ҳис этиб шундай жавоб қайтардим.

— Иложим йўқ. Мен соат етти яримда Берит Анкер кўчасида бўлишга сўз берганман, шунинг учун...

— Етти яримда, дегин! Ахир ҳозир соат саккиз бўлди-ку. Кўряпсанми қўлимдаги соатни, ҳозир уни бир зумда ертўлага олиб тушиб топшираман, вассалом. Қани юр мен билан, қорни оч дайди! Мен сенга камида беш крона топиб бераман.

Шундай деб, у мени судхўрнинг эшиги томон судраб кетди.

УЧИНЧИ ҚИСМ

Бир ҳафта беармон ва шодон яшадим. Мен оғир фалокатдан зўрга жон сақлаб қолдим, ҳар куни овқатланиб турдим, руҳан тетикландим, бирин-кетин ҳар турли мавзуларни ўйлаб топа бошладим. Бир пайтнинг ўзида учта ё тўртта мақола устида ишларканман, қовжираган миямда пайдо бўлган ҳар қандай учқун, ҳар бир янги фикр билан шу мақолаларимни бойитишга уринардим; назаримда, ишларим аввалги пайтдагига нисбатан яхшироқ юришаётгандек эди. Не-не эзгу умидлар билан жуда кўп куч ва вақт сарфлаб ёзганим охирги мақоламни муҳаррир қўлимга қайтариб берди; мен қаттиқ ғазабланиб ва таҳқирланаб, шу заҳотиёқ уни ўқиб ҳам кўрмай бурда-бурда қилиб йиритиб ташладим. Энди бошқа газета билан алоқа боғламоқчиман — бири бўлмаса иккинчиси... Агар бу ниятим ҳам иш бермай қўйса, бирон кемага матрос бўлиб ёлланаман; ана, бандаргоҳда “Монах”

кемаси сафарга шайланиб турибди, мен ҳам шу кемада Архангелскка ё бўлмаса, бошқа бирон жойга сузис кетишим мумкин. Хуллас, ниятларим ошиб-тошиб ётибди.

Охириги марта бошимга тушган очлик азоби менда ёмон асорат қолдирган эди: соchlарим тўкила бошлади, бошим тинмай зирқираб оғрир, асабим бўлар-бўлмасга қўзийверарди. Кундуз кунлари қўлимни латтага ўраб ёзардим, сабаби, қўлим ўз нафасимни ҳис қилса ҳам ғашим келарди. Отбоқар Йенс Олай пастдаги отхона эшигини қаттиқроқ тарақлатиб ёпса ёки орқа ҳовлида кучук вовулласа, сұйксуякларимни муз қоплагандай бўлар ва бу ҳиссият бутун вужудимни дилдирата бошларди. Соглигим анча ёмонлашиб қолган эди.

Мен кун-уззу кун тўхтовсиз ишлардим, овқатлангани ҳам зўрга вақт топардим-да, яна ёза бошлардим. Нафақат шалоқ ёзув столим, яна бутун каравотим усти ҳам қисқа хабарлар, ёзиб тўлдирилган варақларга тўлиб кетган эди; мен бу ёзган мақолаларимдаги ҳар битта жумла устида қайта-қайта бош қотириб, уларни тузатар, қайта ишлар, баъзи жумлаларни ўчириб ташлар, қўпол чикқан жойларни чиройли сўзлар билан жонлантирадим-да, уларни шу куни ёзга бошлаганим янги мақоламга киритардим. Бир куни кечқурун шу ёзаётган мақолаларимдан биттаси тайёр бўлди ва мен севинганимдан теримга сифмай, мақолани чўнтағимга солдим-да, “Командор” газетасига йўл олдим. Пул топиш ҳақида аллақачон бош қотиришим керак эди, чунки, деярли ҳеч вақоим қолмаган эди.

“Командор” (яъни “Командор”нинг муҳаррири) бир неча дақиқа кутиб туришни илтимос қилди... Узи ёзишдан тўхтамади.

Мен бу торгина хонани қўздан кечирдим: бюст ҳайкаллар, литографиялар, газета қирқмалари, ҳатто бутун бошли одамни ҳам ютиб юбора оладиган чиқинди қофозлар учун мўлжалланган каттакон сават... Мен бу саватни — рад этилган асарларни ямламай ютиб юборишга, одамларнинг умидларини пучга чиқаришга доимо шай бўлиб турган, ҳамиша ўрадай ланг очиқ даҳшатли аждаҳо комини кўриб руҳим тушиб кетди.

— Бугун ойнинг нечанчи куни? — бирдан сўраб қолди “Командор” столга эгилган бошини кўтармай.

— Йигирма саккизинчи! — деб жавоб бердим мен, унга яхшилик қилаётганимдан мамнун бўлиб.

“Командор”:

— Йигирма саккизинчи, — дедиую яна ёзишда давом этаверди. Мана, ниҳоят, у бир нечта мактубларни конвертга солиб елимлади, қандайдир қофозларни саватга ташлади ва қаламни қўлидан қўйди. Кейин ўзи ўтирган оромкурсида бурилиб менга қўз ташлади. Ҳали ҳам эшик олдida турганимни кўриб, ярим жиддий, ярим ҳазил имо билан мени ўтиришга таклиф қилди.

Мен эгнимда нимчам йўқлигини сездирмаслик учун, тескари бурилиб камзулимнинг тугмаларини ечиб, қўйин чўнтағимдан қўлёзмамни оламан.

— Бу кичкина очерк Коррежо ҳақида, — дейман мен. Афсуски, — у бутунлай бошқача услубда ёз...

“Командор” қўлимдан ёзганларимни олиб варақлай бошлади. У менга юзини ўтиради. Бу одамнинг исмини мен ўш йигитлик пайтимда эшитгандим, унинг газетаси кўп йиллар давомида менга жуда катта таъсир кўрсатган эди, ўзи эса ғалати одам экан. Унинг сочи жингалак, қора қўзлари салгина безовта; ўқтин-ўқтин пишиллаб қўядиган одати бор экан. Узининг ништардай ўткир қалами билан ҳеч аямай жазолашга

қодир бўлган бу одам кўринишидан худди пастордек беозор кўринарди. Мен унга қарапканман, идрокимни ҳам ҳадик, ҳам таажжуб қамраб ола бошлади, мен кўзимга филт-филт ёш олиб, беихтиёр “Командор”га яқинроқ бормоқчи, менга жуда кўп ибратли нарсаларни ўргатгани учун унга миннатдорлик изҳор этмоқчи бўламан ва менга мурувват кўрсатишини истайман — ахир мен шундоқ ҳам жуда мушкул аҳволда қолган аянчли бир қашшоқ одамман-ку...

У менга тикилиб қарайди ва теран хаёлга толгандай, қўлёзмамни секингина столга қўяди. Унинг рад жавобини беришга қийналмаслиги учун, ўзим қўлёзмага кўл чўзаман ва:

— Тушунаман, бу сизга тўғри келмади-а? — дейман

Ва мен ўзимни бу салбий ҳолатга ҳеч парво қилмагандай қилиб кўрсатиш учун илжаяман.

— Биз фақат оммабоп мақолаларнигина босишимиз мумкин, — деб жавоб қилди “Командор”. — Ўзингиз биласиз-ку газетхонларимизнинг қанақалигини. Соддороқ қилиб ёසсангиз қандоқ бўларкин? Ё бўлмаса бошқа тушунарлироқ мавзуни танларсиз?

Бу огоҳлантирувчи танбеҳ мени ҳайрон қолдирди. Мақолам маъқул бўлмаганини тушуниб турибман, шундай бўлса ҳам, сал назокатлироқ гап билан рад этса бўларди-ку. Унинг вақтини олмаслик учун шоша-пиша жавоб қиласман:

— О, тўғри айтасиз, шундай қилсам ҳам бўлади.

Мен кетмоқчи бўлиб эшик томон юраман. Йўталиб олиб, безовта қилганим учун ундан узр сўрайман... Таъзим қилиб эшик тутқицидан ушлайман.

— Агар истасангиз, — дейди “Командор”. — Мен сизга бир оз пул тўлашим мумкин олдиндан. Кейин ишлаб берарсиз.

Мендан ёзувчи чиқмаслигини унинг ўзи ҳам кўриб турибди, шу боис бундай таклиф мени камситгандай бўлиб туюлди ва мен шундай жавоб қайтараман унга:

— Йўқ, раҳмат, ҳозирча тирикчилигим бир амаллаб ўтиб турибди. Шундай бўлса ҳам, сиздан беҳад миннатдорман. Яхши қолинг!

— Яхши боринг! — дейди “Командор” ва шу заҳоти ёзув столи томонга ўтирилиб олади.

Нима бўлгандаям, мен бундай назокатли муомалага арзимасдим ва беҳад миннатдор бўлдим ундан; мен унинг огоҳлантирувчи гапини қадрлашим керак. Шунга кўра, фақат ўзимни батамом қониқтирадиган мақола ёзганимдан кейингина мен унинг қабулига келишга аҳд қилдим; ана унда мақолам “Командор”ни ҳайрон қолдирари ва у, ҳеч ўйлаб ўтирмай, ўн крона таклиф қиласди менга. Мен уйга кетдим ва бориб яна қаламни қўлга олдим.

Шу кейинги кунларда, кечқурун соат саккизларга яқинлашиб, кўчаларда газ фонусларини ёқа бошлашганда мен ҳамиша шундай бир воқеанинг шоҳиди бўламан.

Кундузги тинимсиз меҳнатларим, ғам-ташвишларимдан холи бўлиб, бир оз очиқ ҳавода дам олгани дарвозадан чиқаман, шунда дарвоза яқинидаги фонус устуни тагида қора кийинган бир хоним турган бўлади, у менга ўтирилиб қарайди ва ёнидан ўтиб бораётганимда орқамдан кузатиб қолади. Мен шу нарсани пайқадимки, бу хоним доимо битта қора кийимда бўлар, унинг юзини тўсиб турувчи узун ва қалин ўртуқ ҳам, қўлидаги дастаси фил суюгидан ясалган кичкинагина шамсия ҳам ҳеч қачон ўзгармасди.

Мана, учинчи куни кечқурун ҳам у шу ерда, ҳар кунги жойида турарди; мен унинг ёнидан ўтиб кетишим билан, у тескари ўтириларди-

да, мен кетаётган йўлнинг қарама-қарши томонига юра бошларди.

Мана, калламдан ҳар турли хом хаёл ва афсоналар бамисоли булоқдай қайнаб чиқа бошлади, кўнглимга, бу хоним мени деб келяпти, деган тутуруғи йўқ фикр келади. Мен у билан гаплашишга жазм этмоқчи бўламан, “сиз бирон кишини излаётганингиз йўқми, балки ёрдамим керакдир сизга ё уйингизгача кузатиб қўяйми?” деб сўрамоқчи бўламан, лекин афсуски, уст-бошим бир ҳолатда, балки ҳали уни қоронги кўчада безорилардан ҳимоя қилишинга тўғри келар. Лекин ёнимда бир эре ҳам пулим қолмаганини, агар бу хоним билан бирга бўлсан, уни вино билан меҳмон қилишим, извоща сайд қўлдиришим кераклигини, ўйлаганимда юрагим орқамга тортиб кетаётганимни ҳис этаман. Бу ахволим мени тизгинлайди ва мен хонимнинг ёнидан ўтиб бораётганимда унга сал тикилиброқ қарашга ҳам журъат эта олмайман. Очлик мени яна азоблай бошлади. Кечадан бери нон ушоғи ҳам оғзимга кирмади; тўғри, бу ҳали унча кўп вақт эмас, ахир мен илгарилари бир неча кунлаб сурункасига бардош берганман-ку очликка, лекин энди мен бир куннинг ўзида ҳайратомуз заифлаша бошладим, ҳозир мен илгари пайтдагидек оч яшай олмасдим; шу бир кунгина овқат емаганимнинг ўзи обдан тинкамни куритди, агар бир қултумгина сув ичгудек бўлсан, албатта кўнглим айниб, қайт қилгим келаверарди. Бундан ташқари, кечалари совуқ қотардим, уйқуга ечинмасдан ётардим, шунда ҳам, барибир, муз қотиб дийдираф чиқардим. Эски адёл мени елвизак изғиринидан ҳимоя қила олмасди, эрталаб уйғонганимда ташқаридан фуриллаб кирган совуқдан бурним худди сумалак бўлиб музлаб қолгандай бўларди.

Кўчада кетиб борарканман, ҳозир ёзаётганим мақолани тутатганимча, ишқилиб, кўнглим озиб йиқилиб тушмай-да, деб ўйлардим. Агар шам бўлганида кечаси ҳам ишлайверардим; агар ишлашга қурбим етса, фақат икки соатгина вақт кифоя; ана унда, эртага яна “Командор” олдига борардим.

Мен ортиқ ўйлаб турмай, қаҳвахонага кираман ва банқда хизмат қилувчи танишимни кутаман – шам сотиб олгани ундан ўн эре қарз олмоқчиман. Қаҳвахонанинг ҳамма бўлимларини айланиб чиқишимга рухсат беришди, мен столлар атрофида еб-ичиб, сұхбатлашиб ўтирган хўрандаларнинг ҳаммасини бир-бир кўздан кечирдим, ниҳоят, қаҳвахонанинг охиригача, яъни “қизил хона”гача бордим, лекин танишимни ҳеч ерда кўрмадим. Дилем вайрон бўлиб, фижиниб яна кўчага чиқдим ва тўғри қаср томон йўл олдим.

Жин урсин, қачон тугаркин бу бадбаҳт қора кунларим! Мен камзулим ёқасини кўтариб, мушт қилиб тугилган қўлларимни шимимнинг чўнтағига тиқиб, катта-катта қадам ташлаб фижиниб борарканман, ўзимнинг бадбаҳт тақдиримга лаънатлар ўқирдим. Кейинги саккиз ой ичидаги бир дақиқа ҳам хушбаҳт бўлолмадим-а, доимо оч бўлдим, азоб чекдим, оқибат, чалажон ҳолатга туша бошладим. Бу ҳам камдек, қашшоқликда кун кечиришимга қарамай, мен виждонлиман, ҳе-ҳе, ҳамиша ва ҳар ишда виждоним пок! Ё барҳақ тангрим, ҳали мен шунчалик бетайин одамманми? Кейин мен бир куни Ҳанс Паулининг адёлини пуллагани судхўрга олиб борганимни эслаб, виждон азобида қийналганим ҳақида гўлдирай бошладим. Мен ўзимнинг хаста виждонимни мазах қилиб хохолаб кулдим, ундан ҳазар қилиб ерга тупурдим, бўралаб сўкингани аччиқроқ сўз тополмай, ўзимнинг тентаклигим устидан иршайиб кулдим. Оҳ, кошкийди, бу воқеа ҳозир содир бўлса! Агар шу дамда мен бирон бева хотиннинг мактабда ўқийдиган қизи кўчада тушириб кўйган ичидаги тангагина пул бўлган ҳамёнини топсан, уни олиб

чўнтағимга солардим, яъни виждон азобига тушмай ҳамённи ўғирлардим ва бу кеча ҳеч нимани ўйламай тинчгина ухлардим. Ахир мен шунча вақт бекорга изтироб чекдимми... ҳозир мен ҳар қандай гуноҳ ишни ҳам қила оламан!

Мен қасрни бир неча марта айланиб чиқдим, кейин уйга кетмоқчи бўлдим, паркда бир оз вақт тентираб юрдим-да, ниҳоят, Карл-Юхан кўчасидан кета бошладим.

Соат ўн бирга яқинлашиб қолган эди. Теварак-атроф нимқоронги, ҳамма ёқда одамлар ё жуфт-жуфт бўлишиб, ё тўдалашиб сайр қилиб юришарди. Ҳаётнинг энг буюк ва муҳим пайти етиб келганди, қалблар ими-жимида бир-бири билан қовушадиган ва ҳаёт масъуд эртакка ўхшаб кетадиган муҳаббат они бошланди. Аёллар юбкасининг елпиниши, қалбларни гулгулага соловчи қисқа, эҳтиросли кулги, қизғин, энтикувчи ҳансирашлар эштилиди. Узоқда Гранд яқинида кимдир “Эмма!” деб чақиравди. Бутун кўча ўзидан қайноқ буг чиқараётган катта ботқоққа ўхшарди.

Мен, шояд бир-икки кронага бекиниб ётган бўлса, деб беихтиёр чўнтақларимни ковлайман. Ҳар қайси тирик одамнинг қалбида милтиллаб турган ишқ чўғи, ҳаттоқи газ фонусларининг гира-шира ёруғи ва эҳтиросга фарқ бўлган сокин тун – буларнинг бари менга ўз таъсирини ўтказа бошлайди, теварак-атроф эса гўнгир-гўнгир товушлар, пиҷирлашлар, қучоқлашувлар, энтикиб-энтикиб севги изҳор қилишлар, айтилмай чала қолган изҳори ишқлар, узуқ-юлуқ инграшлар оламига айланган эди; бир нечта мушуклар Блумквист дарвозаси тагида вағиллашиб, миёвлашиб никоҳ тўйи ўтказмоқдалар. Менда бўлса атиги икки кронага ҳам йўқ. Бу даражада қашшоқлашиб қолганим энг оғир фалокат, энг мудҳиш баҳтсизликдир, албатта! Қандай хўрлик, қандай шармандалик! Шунда мен яна хаёлимдаги бева хотиннинг мен ўғирлашим мумкин бўлган бир танга пули ҳақида, кейин мактаб боласи ўйқотиб қўйган қалпоқ ё дастрўмол тўғрисида, яна бирон бир гадонинг тўрvasи ҳақида ўйларканман, ҳеч ҳам андишага бориб ўтирамай, уларни дарров яканчига олиб бориб сотардим-да пулига мазза қилиб майшат қилардим. Мен ўзимга таскин бериб, қўнглимни бир оз кўтариш ниятида, ёнимдан у ёқ-бу ёққа турунглашиб ўтиб турган баҳтиёр одамларга тикилиб уларнинг ҳар хил қусурлари, камчиликларини ахтариб топа бошладим; улар ёнимдан жуфт-жуфт бўлиб ўтиб боришаётганда, мен аччиғланиб елкаларимни учирар, орқаларидан сўкиниб кузатиб қолардим. Ўзига бино қўйган бу ширин ҳаёт шайдолари – талабалар биронта уй ходимасининг сийнасига қўллари тегиб кетгудек бўлса, ўзларини худди европалик олифталардек ҳис қила бошлайдилар. Бу “азаматлар” – банк ходимлари, савдогарлар, шилқим хотинбозлар, дуч келган хилват жойда бир кружка пиво учун номусларини сотувчи узоқ сафарда юрган матросларнинг хотинларидан ҳам, оғилхонада мол боқувчи бақбақалоқ жононлардан ҳам ҳазар қилмай, дуч келган хилватроқ жойда улар билан “дийдорлашаверадилар”. Вой ярамас таннозлар-е! Уларнинг тўшаги ўт ўчирувчи ё отбоқардан кейин ҳали совимасдан... Хуллас, тахт доимо бўш, унга ҳар қандай одам ҳам чиқиб ўтириши мумкин, марҳамат, келинглар чиқаверинглар!.. Мен ёнимдан ўтаётган одамларнинг биронтасига бориб тегиши мумкинлигини ўйламай, кетма-кет азза-базза тупурадим, зеро, бир-бирининг пинжига кириб кетаётган ва кўзим олдида бир-бири билан қовушаётган бу одамлар ғашимни келтирас ва мен улардан нафратланардим. Мен бошимни адл тутиб турадим, зеро, ўз

виждонимни пок сақлаганимдан фахрланардим.

Стортинг (Норвегия парламенти) олдида менга тикилиб қараб турган бир бўйга етган қизни қўриб қолдим, мен у билан ёнма-ён кета бошладим.

— Хайрли кеч! — дедим унга.

— Хайрли кеч!

У тўхтади.

— Ҳм... Нега бир ўзингиз бемаҳалда юрибсиз? Ахир ёш қизлар учун хавфли эмасми бунақа пайтда кўчада юриш? Йўқ? Наҳотки ҳеч ким сизни гапга тутмаган, ҳақорат қилмаган, уйига таклиф қилмаган бўлса?

Қиз нима демоқчи бўлганимни тушунмоқчи бўлгандай, менга ҳайрон бўлиб тикилиб қолди. Кейин у бирдан қўлтиқлаб олди-да:

— Ҳа, майли, кетдик! — деди.

Мен у билан бирга кета бошладим. Биз извошчилар тўпланиб турадиган жойдан, узоқлашганимизда, қўлимни қизнинг қўлидан бўшатиб олдим-да унга шундай дедим:

— Менга қаранг, яхши қиз, менда бир эре ҳам йўқ, яхшиси, мен йўлимдан қолмай.

Олдинига қиз менинг гапимга ишонқирамади; лекин чўнтакларимни титкилаб қўриб ҳеч нима топмагац, тумшайиб бошини орқага бир силкиди-да:

— Лапашанг! — деди.

— Хайрли тун! — дедим мен.

— Тўхтанг! — деб қичқирди қиз. — Кўзойнагингизнинг гардиши олтинми?

— Йўқ!

— Унда даф бўлинг!

Мен кетдим.

Лекин у орқамдан етиб келиб:

— Ҳа, майли, юрақолинг, шунақа бўлсаем, — деди.

Кўчада фоҳишлиқ қилиб юрган бу қизнинг таклифи мени ерга уриб топтагандай бўлди ва мен унинг таклифини рад этдим. Қолаверса, ҳозир вақт яrim кечадан оғган, мен бошқа бир ерга шошилаётган эдим; ундан кейин, текинга фидойилик қилиш имкони йўқ эди бу қизда.

— Лекин мен хоҳлайман сиз билан бўлишни.

— Аммо мен бундай шартга рози бўла олмайман.

— Сиз бошқа аёл олдига кетяпсиз, шекилли, — деди у.

— Йўқ, — дея жавоб қилдим мен.

Жин урсин, бунақа ишга менда ҳеч қандай эҳтиёж йўқ эди, қизлар мен учун худди эркак одамдай бўлиб қолган эдилар, муҳтоҷлик мени сиқиб, бутун сувимни ичиб бўлган эди. Лекин мен бу кўча қизи кўзига жуда аянчли бўлиб кўринаётган эдим, шу боис обрў сақлашга қарор қилдим.

— Йсмингиз нима? — деб сўрадим. — Мария, дeng? Бўлмаса, гапимга қулоқ солинг, Мария! — Ва мен унга ўз феъл-атворимни тушунтира бошладим. Қиз борган сари кўпроқ ҳайратланарди. Наҳотки у мени ҳам ҳар кеча кўчама-кўча юриб, қизларга шилқимлик қиласиган йигитлардан биттаси деб ўйлаётган бўлса? Наҳотки у чиндан ҳам мен ҳақимда ёмон фикрда бўлса? Нима, мен унга биронта беадаб гап айтдимми? Ё бўлмаса, нияти бузуқ одамлар ҳам ўзларини худди мендек тутадиларми? Бир сўз билан айтганда, у қиз билан суҳбатлашиб, сал нарироққача кузатиб бордим — мен унинг бундан

кейин нима қилишини билмоқчийдим. — Хулласи қалом, каминанинг исмим палончи пистончи ўғли, мен пасторман. Хайрли тун! Бор ўйингга, энди ҳеч гуноҳ иш қилма!

Шундай деб жўнаб кетдим.

Мен ўйлаб топган баҳонамдан мамнун бўлиб, кафтларимни бирбирига ишқадим-да, ўзим билан ўзим фўнгиллаб гаплаша бошладим. Шаҳар кезиб юриб яхши амаллар қилиш қандай қувончли ҳол! Худо билади, эҳтимол, мен танини сотиб кун кечираётган бу хилқатнинг қайта ёруг дунёга келишига кўмаклашгандирман! Аминманки, ҳали у эсини йиғиб олиб, менинг бу қилган яхшилигимдан мамнун бўлади, ҳатто жон таслим қилаётган чоғида ҳам каминага чин дилдан миннатдорлик изҳор этади. Оҳ, ҳар қандай ҳолатда ҳам виждонли бўлиш, ҳа, виждонли ва диёнатли бўлиш қандай яхши!

Кайфиятим жуда ҳам чоғ эди, ўзимни забардаст, довюрак одам деб ҳис қиласдим, шу топда ҳар қандай мардлик кўрсатишга ҳам тайёр эдим. Агар шам топсан эди, мақоламни шу бугуноқ албатта ёзиб битирган бўлардим! Мен дарвозанинг янги калитини қўлимда ўйнаб борарканман, қўшиқ хиргойи қилас, ҳуштак чалардим ва шамни қаердан топиш ҳақида ўйлардим. Лекин мақоламни кўчада, газ фонуси тагига ўтириб ёзишдан ўзга чора тополмадим. Дарвозани очиб қозозларни олгани хонамга йўл олдим.

Кейин кўчага қайтиб чиқиб, дарвозани қулфладим-да, фонус тагига бориб ўтиредим. Атроф сув қуйгандай жимжит, фақат қўшни тор кўчада юрган полициячининг гурс-гурс қадам қўйган залварли оёқ товуши, узоқдаги Авлиё Ҳенрих тепалигидан эса бир кучукнинг акиллагани эшитилиб туради, холос. Менга ҳеч нима халақит қиласди; шунда мен камзулим ёқасини кўтариб, бутун дикқатимни бир ерга жамлай бошладим. Агар шу кичкинагина мақоламни ёзиб битирсан, дунёда мендан баҳтлироқ одам бўлмайди. Мен жуда қийин жойга келиб тўхтаб қолгандим, энди астагина биронта янги мавзуга ўтишим, сўнгра мақолани узоқ давом этувчи изтиробли нотада майнин ва нозик сўзлар билан аста-аста якунлашим лозим бўладики, таърифланаётган воқеа худди замбарак овозидек ё тоб кўчкисининг даҳшатли гумбурлашидек ўқувчини ҳаяжонга солиши, сўнгра биргина қатъий жумла билан шартта узилиб қолиши шарт. Нуқта.

Лекин миямга ҳеч сўз келмасди. Мен энг аввал мақоламни бошидан бошлаб баланд овозда, ҳар бир сўзни дона-дона қилиб ўқиб чиқдим, лекин, барибир, керакли жумлани ўйлаб топишим учун фикрларимни бир ерга тўплай олмадим. Шу зайлда ишлаб ўтирганимда полициячи келиб, мендан анча нарида кўччанинг ўртасида туриб олди ва ишлашга бўлган иштиёқимни расво қилди. Ахир нима иши бор экан унинг менда, “Командор” учун ажойиб бир жумлани ўйлаб топаётган қисталанг пайтимда? Э худо, чўкаётган чўпга ёпишар, деганларидек, мен ҳам ўлмай жон сақлаб қолишим учун, нимага ёпишишим, нимадан умид қилишимни билмайман! Мен фонус тагида бир соатча қақайиб турдим, ахирни полициячи кетди, совуқ забтига олиб, суюксуякларимни сирқирата бошлади, энди бу ерда ортиқ қололмасдим. Бугун ҳам омадим юришмаганидан қаттиқ эзилиб, ғамга ботиб, дарвозани очдим ва ўз кулбамга чиқиб кетдим.

Кулбам совуқ эди, мен зим-зиё қоронгида деразани зўрға қидириб топдим. Пайпаслаб-пайпаслаб тўшагимга етиб бордим, бошмоқларимни ечиб, оёқларимни уқалаб иситишга уриндим. Кейин анчадан бери одат қилиб олганимдек, ўрнимга ечинмасдан ётдим.

Эртаси куни эрталаб тонг фира-шира ёриша бошлаганида мен

каравотимда ўтириб олиб яна мақоламни ёза бошладим. То туш пайтигача шу алпозда ўтириб, атиги йигирма сатрча ёздим. Лекин, барibir, уни охиригача ёзib тугатолмадим.

Мен ўрнимдан туриб оёғимга бошмоқларимни кийдим ва салпал исиниб олиш учун уй ичида у ёқдан бу ёқقا юра бошладим. Деразани қиров босганди; ташқарига қарадим: қор ёғарди, бутун ҳовли, қудуқ боши ҳам қорга қўмилган эди.

Мен бетоқат бўлиб тинмай фимирлар, гайри шуурий тарзда ўёқ-бу ёқقا танда қўяр, тирноқларим билан деворни тимдалар, астасекин пешонамни эшикка қўяр, кўрсатгич бармоғим билан полни чертиб-чертиб диққат билан қулоқ солардим – бу ҳаракатларимнинг бари ҳеч қандай самара бермаслигини яхши билсан ҳам, гўё жуда аҳамиятли бир ишга қўл ураётгандек, бағоят эҳтиётлик билан, теран хаёлга толиб ҳаракат қиласдим. Ва айни пайтда ўз овозимни эшитгани баралла нидо қилиб дердим: “Ё барҳақ тангри, ахир бу гирт телбаликку!” Шундай дердим-у, яна давом эттираверардим телбалигимни. Орадан, чамамда икки соатча вақт ўтгач, ахири ўзимни қўлга олдим, лабимни тишлаб, дадил бўлишга ҳаракат қилдим. Бас қилиш керак бу тентакликни! Мен чўнтағимда қолган пайраҳани топиб ғажий бошладим ва қаламни қўлга олиб астойдил ишга киришдим.

Мен зўр машаққат билан ўйлаб топганим ўнтача арзимас сўздан тузилган атиги иккитагина қисқа жумла ёза олдим, холос – тўхтаб қолган ишимни юргизиб юбориш учунгина ўзимни зўрлаб, бу сўзларни худди анорни сиққандай, миямни эзғилаб қашф этдим. Лекин шундан кейин ҳеч ишломадим, миям ҳувиллаб бўм-бўш бўлиб қолган, дармоним қуриган эди. Қимирашга ҳолим қолмаган эди; мен кўзларимни катта-катта очганча ҳали ёзib тўлдирилмаган саҳифадаги сўзларга қаарканман, бу аломат қингир-қийшиқ ҳарфлардан кўзимни уза олмасдим – қофоз бетидаги бу ҳарфлар худди тукларини хурпайтирган жимит ҳайвонларга ўхшардилар – тикилиб қаардим-у ҳеч нимага тушунолмасдим, чунки ҳеч нима хаёлимга келмасди.

Вақт ўтиб бораради. Энди кўчадан ғовур-ғувур товушлар, арава ғилдиракларининг шалдираши, от туёқларининг дуқур-дуқури эштила бошлади, отхонада эса, отлар билан гаплашаётган Йенс Олайнинг овози қулоғимга чалинди. Мен тамомила ҳолдан тойган эдим, қимирашга қурбим етмаганидан фақат лабларимни чўпиллатардим. Кўкрагим яна қаттиқроқ ачий бошлади.

Кўзларим хиравлашди, толиқиб дармоним қуриганидан яна ўрнимга ётдим. Кўлларимни иситиш учун дам пешонамдан энсамгача, дам у чаккамдан бу чаккамга сочимни ишқалай бошладим; бу ҳаракатим пайтида сочим тутам-тутам бўлиб юлиниб ёстиғим устига тўқиларди. Бундан мен безовта бўлмасдим, чунки бошимда ҳали сочим кўп эди. Мен бутун вужудимни худди тумандек қамраб олаётган бу аломат гафлат тузогини ёриб чиқишига ҳаракат қилдим; ўрнимдан туриб ўтириб, тиззаларимга шапатилаб урдим, кўкрагим санчиб оғриётган бўлса ҳам томоқ қириб қаттиқ-қаттиқ йўталдим ва яна ўзимни тўшакка таппа ташладим. Ҳеч қандай нажот йўқ эди; энди тамомила ночор аҳволда шифтга тикилиб ётардим ва ўлаётганимни ҳис қилардим. Кейин кўрсатгич бармоғимни оғзимга тикиб сўра бошладим. Миямда нимадир гимирлагандай бўлди – бемаъни, тутуруқсиз фикр сиртга отилиб чиқмоқчи. Уни гарчча тишлаб олсаммикин? Үзоқ ўйлаб ётмай кўзимни чирт юмдим-да, тишларимни маҳкам сиқдим.

Ва иргиб ўрнимдан туриб кетдим. Ниҳоят, ҳушимга қелган эдим. Бармоғимдан қон тирқираб оқарди, мен бу қонни ялай бошладим.

Бармоғим оғримасди, жароҳат ҳам зигирдаккина эди; лекин мен дарров ўзимга келдим, бош чайқаб қўйиб, дераза олдига бордим ва бир парча латта топиб, бармоғимни боғладим. Шу аснода қўзларим филт-филт ёшга тўлди ва ичимда ўзимга ўзим аза тутиб йиглай бошладим. Бу тишлаб қонатганим чўпдай озгин бармоғим жуда аянчили кўринарди. Эй худо, не аҳволга тушиб қолдим!

Қош қорая бошлади. Агар шам топсам, эҳтимол, шу бугун мақоламни ёзиб битиравман ҳам. Ақлим яна равшанлаша бошлади, фикрларим ҳар доимгидай қуиилиб кела бошлади, энди унча қийналмаётган эдим; ҳатто бундан бир неча соат олдин мени заптига олган очлик ҳам энди унча сезилмасди; демак, энди мен эртага эрталабгача бемалол чидашим мумкин. Агар мен дўконга бориб қандай аҳволда эканлигимни тушунтириб, қарзга шам сўрасам, илтимосимни ерда қолдиришмас. Мени у дўкон ходимлари яхши билишади; илгари, яхши кунларимда, яъни қашшоқлашиб қолмасимдан олдин мен кўпинча шу дўкондан нон сотиб олардим. Агар бориб ҳозир қандай мушкул аҳволда эканлигимни тушунтирам, ишончим комилки, берган чин ваъдамни инобатга олиб менга албатта шам беришади қарзга. Мана, анча вақтдан бери биринчи марта қоронғида тимирскиланиб кийимимни тозалай бошладим, камзулимнинг ёқасига тўкилган соч толаларини қоқиб ташладим-да, кейин зинадан пастга тушдим.

Дарвозадан кўчага чиққанимда, балки нон сўраганим яхшидир, деб ўйланиб тўхтаб қолдим.

— Йўқ, асло! — дедим ўзимга ўзим.

Ахир ҳозирги аҳволимда ҳеч нарса ейишим мумкин эмас-да; есам яна қўзимга аллақандай шарпалар кўрина бошлайди, бемаъни ҳиссиётлар, алаҳлашлар яна такрорланади, ана унда мақоламни ёзиб тутага олмайман, аввалам бор, албатта мени унтиб юбормасидан “Командор” олдига боришим керак. Ҳеч қачон нон сўрамайман! Фақат шам сўрашга аҳд қилдим. Ва шу ниятда дўконга кириб бордим.

Пештахта олдида турган бир аёл мол харид қиласарди; унинг олдида, пештахтада анча-мунча ранг-баранг кичик-кичик тутунчаклар ётарди. Мана, мени яхши таниган гумашта (илгари мен доимо фақат ундан нон сотиб олардим — унутмаган экан) харидор аёлни ёлғиз қолдириб, мендан ҳеч нима сўрамай, қофозга битта нонни ўраб олдимга қўяди.

— Йўқ, менга бугун кечқурга битта шам керак, — дейман мен. Бу гапимни жуда паст овозда бениҳоя эҳтиром билан гапираман: бўлмасам, у аччиғланиб шамни бермай, қўйиши ҳам мумкин-да.

Бу гапимдан гумашта ҳайрон қолгандай бўлиб кўринди — бугун мен ундан биринчи марта нон эмас, бошқа нарса сўраётган эдим.

— Ундан бўлса, бир оз кутиб туришингизга тўғри келади, — дейди у ва яна харидор аёл олдига қайтади.

Аёл ўзи харид қилган нарсаларни олиб, сотувчига беш кронагузатади, қайтимни олади-да, чиқиб кетади.

Энди дўконда гумашта билан икковимиз қоламиз.

У дейди:

— Демак, сизга шам керак.

Кейин у бир ўрам шамлар ичидан биттасини олади. У менга қарайди, мен унга қарайман, лекин ўз илтимосимни изҳор этишга журъат эта олмайман.

— Ҳа-я, ахир сиз ҳақини тўловдингиз-ку, — дейди сотувчи кутилмаганда.

Ҳақ тўлаганимни, шунчаки, одмигина бир муносабатдек гапирди; мен унинг айтган ҳар бир сўзини аниқ эшилдим. Шундай деб у касса

тортмасини очди-да вазмин, ялтироқ кумуш тангаларни битта-битта санай бошлади ва менга беш кронанинг – харидор аёл берган беш кронанинг қайтимини узатди.

— Марҳамат! — дейди у.

Мен бир зумгина пулга тикилиб тураман, гумаштанинг янгишаётганини тушунаман, лекин бу ҳақда ўйламайман, миямни ачитиб ҳам ўтиромайман, зеро бундай катта бойликни кўриб қўзим қамашган, ўзим телба бўлиб қолган эдим. Беихтиёр пулни қўлга оламан.

Мен лол қолган, ер билан яксон бўлган ҳолда пештахта олдида аҳмоқона ажабланиб тураман; кейин эшик томон бир қадам босаманда, яна тўхтайман. Рўпарамдаги деворга тикилиб қарайман; эшик тепасидаги қўнгироқ тасма ипга осилиб турипти, унинг тагида бир тўп каноп бор. Мен бўлсан буларнинг ҳаммасидан кўз узмай тураман.

Анча вақт туриб қолганимни кўрган гумашта, бу одамнинг менга айтадиган бирон гапи бўлса керак, деб ўйлайди ва пештахтада уйилиб ётган ўрама қофозларни тартибга келтираркан, — дейди:

— Қиши яқинлашиб қолди чоги.

— Ҳм. Ҳа, — дейман мен. — Эрта-индин қиши ҳам кириб келса керак. Об-ҳавонинг кўринишидан шунақага ўхшайди. Ҳа, сезилиб турибди. Нимасини айтасиз, вақтиям бўлди ўзи.

Ўзимнинг бу валдираб айтган гапларимга қулоқ соларканман, мен эмас, гўё бошқа одам гапираётгандай бўлиб туйилди.

— Шунақа деб ўйлайсизми? — дейди гумашта.

Шу чоғ мен пулни чўнтағимга солдиму эшикни очиб, ташқарига чиқиб кетдим; гумашта хайрли тун тилаганимни ҳам, унинг менга шундай тилак билдирганини ҳам ўз қулогим билан эшилдим.

Лекин ҳали икки қадам ҳам босишга улгурмаган эдим, дўкон эшиги очилиб, гумашта мени чақириб қолди. Мен орқамга ўтирилдим — ажабланмадим ҳам, қўрқмадим ҳам: чўнтағимдаги тангаларни сиқимлаб олиб, қайтариб бермоқчи бўлдим.

— Шамни унугиб қолдирибсиз-ку, — дейди сотувчи.

— О, миннатдорман сиздан, — дейман хотиржам кайфиятда. — Кўп раҳмат.

Ва мен шамни кўлимга ушлаб, яна катта кўчадан кета бошладим.

Миямда вужудга келган ягона соғлом фикр пул ҳақида бўлди. Мен фонус тагига бориб, тангаларни бошқатдан санаб чиқдим, уларни кафтимда салмоқлаб кўриб жилмайиб қўйдим. Ахир бу катта бойликку, анчага етади, жуда кўп вақтгача баҳузур яшайман! Пулни яна чўнтағимга солдим-да йўлимда кетавердим.

Мен Стургатен кўчасидаги ошхона олдида тўхтадим ва ҳозир бир озгина тамадди қилиб олсан қандай бўларкин, деб бамайлихотир пухта мулоҳаза қила бошладим; ичкиридан тақсимчалар, пичоқ ва қошиқларнинг шақир-шуқури эшитирарди; турган гапки, иштаҳа карнай эди, мен ичкарига кирдим.

— Бифштекс! — деб буюртма бердим.

— Битта бифштекс! — деб қичқириди официант қиз ошхона туйнугига.

Мен шундоққина эшик олдида алоҳида турган кичкина стол ортига ўтириб, овқат келишини кута бошладим. Бу ер нимқоронги эди ва мен ўзимни хотиржам ҳис қилиб, хаёл суро бошладим. Официант қиз ўқтин-ўқтин мен томонга қараб-қараб қўярди.

Шундай қилиб, мен биринчи марта беҳаёлик қилиб жиноий ишга кўл урдим, биринчи марта ўғрилик қилдимки, шу пайтгача қилиб келган барча ножӯя қилиқларим бу қилмиш имолдида эсга олишга

ҳам арзимайдиган икир-чикир ишлар эди; бу менинг биринчи кичкина ва айни пайтда бениҳоя катта гуноҳга қўл уришим эди... Илож қанча? Энди ҳеч нима қилиб бўлмайди. Айтгандай, ҳаммаси ўзимга боғлиқ, ахир мен имконим бўлган чоғда боққолнинг пулини қайтариб беришим ҳам мумкин-ку. Лекин бу билан мен, бундан кейин ҳам шу йўлни тутмоқчиман, демоқчи эмасман; қолаверса, мен бошқалардан кўра виждонлироқ бўлишга мажбур ҳам эмасман, бунақа қасам ичмаганман...

— Бифштекс қачон тайёр бўлади?

— Мана, ҳозир.

Официант қиз ошхона туйнугини очиб ичкарига қарайди.

Ие, бордию бу сир ошкор бўлиб қолса-чи? Агар гумаштада шубҳа пайдо бўлиб, у нон, беш кронা, харидор аёлга берилган қайтим пул воқеасини бирин-кетин эсига тушира бошласа-чи? Турган гапки, мен қачон бу дўконга кириб борсам, гумашта шу заҳотим ҳамма бўлган воқеани эслайди, албатта. Вой, тавба, хўш, нима бўпти шунга?.. Мен ўйланиб туриб, елкамни салгина қисиб қўяман.

— Марҳамат! — дейди официант қиз илтифот билан ва столимга буюртмамни қўяди. — Кўшни хонага ўтсангиз яхши эмасми? Бу ер жуда тор.

— Йўқ, раҳмат, ижозат этсангиз, шу ерда ўтирақолай, — деб жавоб қиласман.

Мен бу қизнинг хушмуомалалигидан таъсиrlаниб кетдим ва овқат учун ҳозирнинг ўзида ҳақ тўламоқчи бўлиб қўлимни чўнтағимга тикдим-да, кафтимга илинган тангаларни санаб ўтирмай, бу қизга бердим ва унинг қўлини сиқиб қўйдим. У менга жилмайиб боқди, мен бўлсам, кўзим намланиб унга дейман:

— Бу чой пулига дала ҳовли сотиб оласиз... Йўқ-йўқ, ҳожати йўқ миннатдор бўлишнинг!

Сўнг мен овқатга ҳамла қилиб, унинг катта-катта бўлакларини худди очкўз одамдай чайнамай ютаверман, бамисоли одамхўр ҳайвондай гўшт бўлакларини ражий бошлайман.

Официант қиз яна тепамга келади.

— Бирон нима ичишни истайсизми? — деб сўрайди у астагина қулоғимга энгасиб.

Мен бош кўтариб унга қарадим: у жуда паст овозда уялинқираб гапирди; кўзи кўзимга тушиб бошини ерга эгди.

— Масалан, яrim шиша пиво ё бирон бошқа ичимлик... мендан сизга совга... ундан кейин... агар сиз хоҳласангиз...

— Йўқ, раҳмат! — дедим мен. — Бошқа сафар... Мен ҳали яна келаман бу ерга.

Қиз мендан узоқлашиб пештахта ортига бориб ўтирди; энди фақат унинг боши кўриниб турарди менга. Жуда ғалати қиз экан!

Мен овқатимни еб бўлиб, дарров турдиму эшик томон юрдим. Ҳалитдан кўнглим айний бошлаган эди. Официант қиз ўрнидан турди. Қашшоқ одам эканлигимдан бехабар бўлган бу қизга яқинроқ бориб, ўзимни ёргугоқ жойда кўрсатишдан кўрқардим мен. Шунинг учун, унга таъзим қилиб, шоша-пиша хайрли тун тиладим-да, ташқарига чиқдим.

Еган овқатим ҳалитдан таъсирини кўрсата бошлаганди, ўқчиғим келиб, томогимга тиқиларди. Йўлимда учраган ҳар бир хилват жойда бу дардни енгиллаштириш иложини қидирар, ўқчиқни даф қилишга уринардим: қусаверганимдан ошқозоним яна бўшаб қолаётган эди; мен муштларимни маҳкам туғиб, ўзимни бардошли бўлишга мажбур этардим, ер тепиниб, томогимдан отилиб чиқмоқчи бўлган қусугимни

жон-жаҳд билан яна ютардим – лекин барча уринишларим зое кетди! Ниҳоят, мен қандайdir бир дарвоза орқасига чопқиллаб кирдим-да, кўзларим ёшга тўлиб, икки буқчайган ҳолда, ҳамма еган овқатимни қайт қилиб юбордим. Жуда мушкул аҳволда эдим, кўча бўйлаб йиғлаб борарканман, мени тинмай таъқиб қилаётган жамики қабиҳ кучларга лаънатлар ўқирдим, менга қилаётган бу ёвузиқлари учун, уларнинг жаҳаннам оловида ёниб мангубазоб чекишиларини тилардим. Мен дўкон кўргазмасини томоша қилиб турган бир одам олдига бордим ва ундан:

— Узоқ муддат очлик азобига чидаган одамни қандай боқиши керақ? – деб сўрадим. – Билсангиз тезроқ айтинг. Бу саволим замирида ҳаёт ва мамот масаласи турибди.

— Бир пайтлар эшитгандим, бундай вазиятда сут жуда фойдали экан – қайнатилган сут, – деб жавоб қилди у одам ҳайрон бўлиб. – Ўзи ким ҳақида гап боряпти?

— Раҳмат! Раҳмат! – дедим мен. – Гапингиз тўғрига ўхшайди, қайнатилган сут жуда фойдали.

Сўнг яна йўлимда давом этдим.

Биринчи учраган қаҳвахонага кириб, қайнатилган сут сўрадим. Менга қайноқ сут беришди, мен уни бир томчисини ҳам қолдирмай ютоқиб ичдим, ҳақини тўлаб чиқиб кетдим. Энди уйимга йўл олдим.

Ана шунда ҳайратомуз воқеа содир бўлади. Қарасам, дарвозам олдида фонус устунига суюниб кимдир турибди – бу ўша қора кийинган хоним эди. Қора кийим кийган бу хоним илгари ҳам бир неча марта дарвозам олдига келган эди. Янгишмасам, унинг бу ерга тўртинчи марта келиши эди. У қимир этмай турарди.

Бу менга жуда ғалати туюлди ва мен беихтиёр қадамимни секинлатаман; фикрларим кундай равшан бўлса ҳам, қаттиқ ҳаяжондаман, еган овқатим асабларимни безовта қиласди. Мен, ҳар галгидай, хонимнинг ёнидан ўтиб дарвозам олдига бораман ва ичкарига кирмоқчи бўламан. Лекин бирдан тўхтайман. Мени шиддатли журъат васвасага солади. Шунда беихтиёр орқамга ўгириламан-да, хоним олдига йўл оламан ва унинг юзига тикилиб қараган ҳолда таъзим қилиб дейман:

— Хайрли кеч, фрекен!

— Хайрли кеч! – деб жавоб қиласди у.

— Мени афв этгайсиз, сиз бирон кишини излаб юрибсизми? Мен сизни анчадан бери кўраман; айтинг, бирон ёрдамим тегиши мумкинми сизга? Агар янгишашётган бўлсан – узр.

— Нима дейишният билмайман...

— Бу ҳовлида мендан ва уч-тўртта отдан бошқа ҳеч бир жонзот турмайди; бу ерда фақат отхонаю тунукасознинг устахонаси бор, холос. Агар бу ердан бирон кишини топмоқчи бўлсангиз, янгишасиз.

Хоним юзини ўгириб туриб дейди:

— Мен ҳеч кимни қидираётганим йўқ, шунчаки ўзим турибман.

Буни қаранг-а, шунчаки ўзи турганмиш, тавба, бир марта эмас, неча марта лаб келиб туряпти – нима, инжиқлиқми бу? Бу антиқа ҳол; Бу ҳақда қанча кўп ўйласам, шунча кўп ҳайрон бўлардим. Ахири мен дадилроқ бўлишга жазм қилдим. Чўнтағимдаги тангаларни шиқиллатиб, ҳеч нимани ўйлаб ўтирмай бу хонимга, бирон ерга бориб бир қадаҳдан май ичишни таклиф қилдим ... зеро, мана, қиши ҳам бошланди, ҳаво совуқ, ҳе-ҳе... бу кўп вақт олмайди... агар сиз рози бўлсангиз, албатта.

— Вой, йўқ, раҳмат, мумкин эмас. — Йўқ, ҳеч ҳам бундай қилолмайман. — Агар илтифот кўрсатиб сизни сал нарироққача кузатиб

борсам-чи, унда... Мана, қоронги тушиб қолди, шундай бемаҳалда Карл-Юхан кўчасида ёлгиз юриш ноқулай ахир сизга.

— Майли.

Ва биз бирга кета бошладик; хоним ўнг томонимда бораарди. Бутун вужудимни қандайдир ёқимли, бемисл ҳиссиёт қамраб олди — мен шундай навниҳол аёл билан ёнма-ён бораётган эдим. Ундан ҳеч кўз узмасдим. Унинг соchlаридан анқиётган хушбўй атир ҳиди, баданининг илиқлиги, ундаги фақат аёлларгагина хос бўлган ширин ҳид, ҳар сафар юзини менга ўтирганида, уфурган нозик нафаси билан мени ўзига жазб қилиши, — булаrнинг ҳаммаси вужудимга сингиб, қалбимнинг энг теран еригача кириб бораарди. Мен унинг тўр панасидаги хиёл рангпар, лўппи юзини, этнидаги ёпинчиғи тагида дўмпайиб турган сийналарини гира-шира кўз олдимга келтирадим. Тўр ва ёпинчиқ панасига яширинган кўнгилни фулгулага соловчи бу ажаб ҳиссиёт мени эсанкиратиб қўйган эди ва айни пайтда ҳеч бир сабаб бўлмаса ҳам, ўзимни баҳтиёр ҳис қиласдим; шунда мен ўзимни тия олмай, унга қўл теккиздим, ҳатто елкасига ҳам қўлимни қўйдим ва худди тентак одамдай тиржайдим. Мен ўз юрагимнинг уришини эшитардим.

— Сиз жуда галати экансиз! — дедим.

— Вой, нега энди?

— Негаки, биринчидан, сиз кечқурунлари ҳеч бир сабабсиз отхона дарвозаси рўпарасига келиб қимир этмай туришни одат қилиб олибсиз, чунки кўнглингизга келган қандайдир...

— Ҳм... бунинг ўз сабаби бўлиши мумкин. Ундан ташқари, тун қоронғисида сайр қилиш жуда ёқимли бўлади. Бундай сайр менга жуда ёқади. Нима, ҳали сиз соат ўн икки бўлмасдан уйқуга ётасизми?

— Менми? Дунёда энг ёмон кўрганим — ўн иккidan олдин ётиб олиш. Ҳа-ҳа!

— Ҳа-ҳа! Ана кўрдингизми! Мен кечқурунлари сайр қилишга одатланганман, чунки уйда бошқа қиласдиган ишим йўқ. Мен Авлиё Улаф майдонида тураман...

— Илаяли! — деб юбордим.

— Нима дедингиз?

— Шунчаки бир сўз — Илаяли... Сиз гапираверинг!

— Мен Авлиё Улаф майдонида тураман; онам икковимиз, лекин у билан гаплашомлайман, чунки у кар бўлиб қолган. Сайр қилишни ёқтирганим сизни ҳайрон қолдирияптими?

— Асло! — жавоб қилдим мен.

— Яхши, унда сизни нима ажаблантиряпти?

Аёлнинг бу овозидан, илжаяётганини фаҳмладим.

— Опа-сингилларингиз йўқми?

— Бор, битта опам бор, — лекин сиз буни қаёқдан билдингиз? У яқинда Ҳамбургга жўнаб кетган.

— Яқинда денг?

— Ҳа, бундан беш ҳафта бурун. Лекин сиз қаёқдан билдингиз опам борлигини?

— Мен буни сира ҳам билмасдим, шунчаки, сўрадим, холос.

Биз жим қолдик. Ёнимиздан қандайдир бир одам бошмоқларини кўлтиғига қистириб ўтиб кетди; кўчанинг кўзимга кўринган энг чекка ерлари ҳам кимсасиз эди. Узокда, Тиволи яқинида ранг-баранг фонуслар сафи тизилиб турарди. Қор тинган, ҳаво очиқ эди.

— Вой, ўлмасам, сиз совуқ қотмадингизми, палто киймабсиз? — дейди бирдан хоним ва тикилиб қарайди.

Нега этнимда палто йўқлигини унга айтайми? Ҳозирнинг ўзида

аҳволимни очиқ сўзлаб, ҳалитдан уни чўчитиб қўя қолганим яхши эмасми? Нима қиласман пайсалга солиб? Лекин бу хоним билан ёнмаён юриш, уни сирдаримдан ғофил тутиш жуда-жуда ширин туюларди менга. Ва ёлғон сўзлай бошладим:

— Йўқ, ҳеч ҳам совуқ қотганим йўқ. — Кейин суҳбат мавзуини ўзгартириш учун, ундан сўрадим: — Сиз Тиволидаги ҳайвонот боғида бўлганмисиз?

— Йўқ, — жавоб қилди хоним. — Томошабоп, қизиқарли жойми у?

Оҳ, қанийди рози бўлса боришга! У ер шундай чароғон, гавжум жойки! Э, йўқ, агар бу хоним мен билан бошлашиб борса, увадаси чиққан уст-бошимдан, икки кундан бери сув тегмаган қоқ суяқ юзимдан уялиб, дарров қайтиб кетарди; бу ҳам камдай, эгнимда ҳатто нимчам ҳам йўқлигини пайқаб қоларди. Шуларни ўйлаб унга дедим:

— Э, йўқ, томоша қиладиган ҳеч нима йўқ у ерда. — Хайрият, ўзимнинг гапга бийронлигимни ишга солишига улгурдим. — Шу бир парчагина боғда ниманиям кўрардингиз? Ундан кейин, мен қафасда ётган ҳайвонларни кўришни хоҳламайман. Бу ҳайвонлар, одамлар фақат уларни томоша қилгани қелишганини сезишади ва бу нарса уларга ёмон таъсир қиласи. Йўқ, мен қузатувдан холи бўлган ҳайвонларни афзал кўраман, улар уя-уяларида биқиниб ётишади, уларнинг кўм-кўк кўзлари лоқайд чақнаб туради, улар панжаларини сўрганча хаёлга толадилар. Сиз нима деб ўйлайсиз?

— Ҳа, сиз ҳақсиз албатта.

— Табиатан бадқаҳр ва қаттол бўлган ваҳший ҳайвонларгина қизиқарли бўлиши мумкин. Уларнинг зулмат тунда ваҳимали қалин чангальзор оралаб, товуш чиқармай пусиб юриши ҳам, тунги қушларнинг тинмай чуғуллашлари ҳам, шамолда ҳар ёқдан учириб келаётган қон ҳиди ҳам, даҳшатли ўқириклар ва бўроннинг увиллаши ҳам, бир сўз билан айтганда, ёввойи табиат жамики тунги ҳайвонлару паррандаларни ўз оғушига қамраб олган пайтда...

Лекин мен хонимни зериктириб қўйишдан қўрқардим; шунда мен ўзимнинг нотавон бир қашшоқ одам эканимни яна ҳис эта бошладим ва бу ҳиссиёт мени хароб қилди. Агар кийимим дурустгина бўлганида, бу жононни Тиволига бошлаб бориб, кўнглини хушлаб айлантириб келардим. Таажжуб, бу аёл ўзининг Карл-Юхан кўчасидан бу жулдурақи дайди одам қузатувида кетиб бораётганига қандай чидаётган экан? У нимани ўйлаяпти ўзи? Хўш, ўзим-чи? Ўзим аҳмоқона, бемаъни тиржайиб, нима мақсадда у билан ёнмаён кетиб боряпман? Бу жононга эргашиб шунча узоқ йўл босиб ўтишимнинг маъниси нима? Ахир бу мен учун оғир азоб эмасми? Ахир рўпарамиздан фувиллаб эсиб келаётган совуқ шамол менинг суяксуякларимни сирқиратмаяптими? Ахир бир неча ойдан бери мунтазам равишда очликда кун кечирганим оқибатида энди миямда телбалик аломатлари уйгониб жўш урмаяптими? Очифини айтганда, мен шу аёл туфайли уйимга киролмадим ва сут ичиб, сал бўлса-да томоғимни ҳўллай олмадим-ку! Сут ичганимда ошқозоним ғалвасини сал тинчитган бўлармидим. Нега ахир бу хоним мендан юз ўтиргмади, нега, йўқол, қоранг ўчсин деб мени ўзидан қувмади?..

Қодир МИРМУҲАМЕДОВ
таржимаси

Давоми бор

Кўшиқларим мамнун қабул қилсин инсонлар

Николаз БАРАТАШВИЛИ

(1817 – 1845)

МЕРАНИ

Чопар йўлсиз асов тулпор, учар гумбир-гум,
Кўзи куюқ қора қарга қарғаб қолар шум.
Уч, Мерани, сенга чек йўқ, олга! Олиб қоч!
Қора қайгум пўртанаисин соч, шамолга соч!

Елни ёргин, сувни қоргин,
қоялардан ўт, инмагин.
Олга! Бесабр бир йўлчиман,
йўл танобин торт, тинмагин!
Ёлқинда ҳам, ёгинда ҳам,
учагоним, бекинмагин.
Гар жонбозинг, чавандозинг
толса — аяб, чекинмагин.

Тарк этайин ватанин мен,
майли қолса тенг-тӯш, дўст-ёр,
Туғишганни қўрмам ортиқ,
тул қолгуси ҳатто дилдор.
Тун етганда — тонгим отсин,
шу жой бўлсин тугма диёр,
Дил сирларим юлдузларга,
йўлдошларга айтгум ошкор.

Дил ноласи, қолдиқ севги, фидо денгизга,
Сендек эсар чопаонга, кўрки тенгсизга.
Қора қайгум пўртанаисин соч, шамолга соч,
Уч, Мерани, сенга чек йўқ, олга! Олиб қоч!

Кўмилмай ўз ватанимда,
бобо қабри — соз тупроқда,
Майли, аза очмасин ёр,
ёш тўқмасин зил фироқда;
Қора қарга қабрим қазур
чет яйлоқда, бўш ўтлоқда,
Суягимни кўмгай қуюн
ўкириб зор тим йироқда.

Ўксиз ўлик йиги кутмас,
шудринг томса бас-да гоҳ-гоҳ,

ЖАҲОН АДАБИЁТИ

Қавм-қариндош учун йўқлар
гала қузғун-чинқироқ оҳ;
Уч, Мерани, олиб ўтгин,
қолсин тақдир аталмиш чоҳ,
Бош эгмовди, бош эгмагай
сенинг эганг, бўлгин огоҳ!

Тақдир зайли, майли, ўлсам якка ва ёлғиз,
Қайсар ёвман, тиф тортса ҳам тақдир, буқмам тиз.
Уч, Мерани, сенга чек йўқ, олға! Олиб қоч!
Қора қайғум пўртanasин соч, шамолга соч!

Ўлимга дуч жон нияти
Ҳеч бехуда кетмас, ёлғон.
Сен топтаган мاشаққат йўл
қолади-ку, ахир инон;
мендан кейин касбдошимга
йўл, шубҳасиз, бўлур осон.
Арғумоги шум тақдирдан
олиб ўтар дадил, омон.

Чопар йўлсиз асов тулпор, учар гумбир-гум,
Кўзи куюқ қора қарғаб қолар шум.
Уч, Мерани, сенга чек йўқ, олға! Олиб қоч!
Қора қайғум пўртanasин соч, шамолга соч!

АБАЙ

(1845 – 1904)

* * *

Мен ўланни ёзмайман эрмак учун,
Ўтган-кетган гапларни термак учун.
Мен ўланни ёзаман тушунганга,
Авлодимга бир сабоқ бермак учун.
Сўзимни тентак уқмас, зийрак уқар,
Кўнглининг кўзи очиқ, сергак уқар.

Кийшиқ-қингир йўллардан келма менга;
Тўғри кел, кўп сир очиб ташлай сенга,
Эҳтимол, биринчи гал уқмассан ҳам,
Ўлан алифбесидан бошлай сенга.
Айтиб қўяй, ёқмаса, шу замон айт;
Янги ўлан сўрамай, овулингта қайт.

Мен ўланда афсона куйламадим,
Олтиндан қуйма қизни ўйламадим.
Кексаларга ҳеч ўлим тиламадим,
Ёшларга ёмон бўл, деб сўйламадим,
Жирканмайин, сўз аслин мендан сўра,
Сўзимнинг таги теран, пайқаб қара.

Ўлан кўп, тузсиз ўлан тегди жонга
Ёлгон гап тўлиб кетди бу жаҳонга.
Оқинлар, ялинаман, ақлга кир,
Асл сўз, сайлаб сўйла ёш инсонга.
Ўлан бор — ўланларнинг ўланидир,
Ўлан бор — бемаънидир, бемаънидир.

Рабиндренат ТАГОР

(1861 – 1941)

ҲАЁТ

Шу қутлуг кенг дунёда сира ўлмасам дейман,
Одамлардан бир умр жудо бўлмасам дейман!
Балки ёруғ ўрмонда тирик қалблар ичида
Мангалик ўрин олгум... четда қолмасам дейман!

Ҳаёт оқими мангу, қувноқ унинг ўйини,
Айрилиқлар, висоллар, қувонч, кулгу ва қайғу!
Мен тўқиб баҳт куйини ва баҳтсизлик куйини,
Эҳтимолки, дунёда барҳаёт қолгум мангу?

Асрлар хотирида қолиш бўлмаса тақдир,
Барибир, ўлгунимча айнимайин сира ҳам.
Инсонларга улашгум кўшиқларни бирма-бир,
Кўшиқлар гултожида ўзим қолгум мужассам.

Кўшиқларимни қувноқ қабул қилсин инсонлар,
Майли, тупроққа отсин агар бўлса хазонлар!

Самад ВУРҒУН

(1906 – 1956)

ОЗАРБАЙЖОН

Кўп ўтганман бу тоғлардан,
Турна кўзли булоқлардан,
Эшитганман узоқлардан
Жимжит оқсан Оразларни,
Синаганман дўсту ёрни...

Эл биларки, сен манимсан,
Юртим, элим, масканимсан,
Онам — тугма Ватанимсан!
Айриларми кўнгил жондан,
Озарбайжон, Озарбайжон!

Мен ўғлингман, сен бир она,
Ўғлингманки, мен парвона,

Олис-яқин, ҳар томона —
Кўп учсам-да ошёнимсан,
Элим, куним, маконимсан.

Йўлим сендан йироқ тушса,
Үртамизга фироқ тушса,
Ажабмас сочга оқ тушса,
Бўғар ойлар, йиллар мени,
Айб этмасин эллар мени.

Тоғларингнинг боши қордир,
Қоплаган оқ булатлардир,
Буюк бир ўтмишинг бордир,
Минг-мингдадир сенинг ёшинг,
Неларни қўрмади бошинг!

Тушдинг сен ёвуз тилларга,
Ёмон ой, ёмон йилларга,
Насллардан-наслларга
Ўтган бир шуҳратинг бордир,
Ўғил-қизлар баҳтиёрдир...

Қарайман кенг андизларга,
Шаҳло кўзли қундузларга,
Қора холли оқ юзларга —
Кўнгил истар: ёзсин газал,
Яшараман ёзсан ҳар гал...

Бир ёнингда Хазар ётар.
Яшилбош сухсурлар юзар,
Хаёлим айланар, кезар —
Мугон, Элдор... Озар юрти...
Манзил узок, — умр-чи, ярти!

Қатор тоғлар, кенг даралар,
Кўнгил очар манзаралар,
Жайрон сакрар, пода маърар,
Қанча кўп ўтлогинг сенинг,
Чаманинг, яйлогинг сенинг!

Ўтдинг тоғу гулистондан,
Астрадан, Ланкарондан,
Африкадан, Ҳиндистондан
Бизга меҳмон бўлар қушлар,
Зулмдан озод, кўнгли хушлар...

Бутогини ёзиб ҳар ён,
Сап-саргайиб пишар лимон.
Тоғларда оқ қор ҳар қачон,
Тоғларимиз пўлат қўргон,
Ўта олмас ёвуз душман.

Ланкарондир бир гулистон,
Қизларимиз кўркам, хандон.
Чойни қуйиб узат, жонон —
Ўзгага очмас дилини,
Онамнинг дилбар келини!

Зар бошоқлар нону чўрак,
Оқ пахтамиз чечак-чечак,
Узумзорда шарбат чак-чак —
Саҳарларда е беармон,
Белингга ҳам бўлур дармон.

Қазаҳда мин саман отга,
Ёлларига ёта-ёта,
От кўпикка бота-бота
Кенг яйловлар белига чиқ!
Кавказ тог, Кўк қўлига чиқ.

Эй озод кун, озод инсон,
Тўйғунча ич бу баҳордан.
Бизнинг гулдор шолчалардан
Ёз, чинорнинг кўлкасига!
Олқиши қуёш ўлкасига?

Кўнглим ўтар Қорабоғдан,
Гоҳ у тоғдан, гоҳ бу тоғдан,
Оқшом пайти кўп узоқдан —
Кўкка учсин баҳт овози,
Қорабоғнинг жаранг сози.

Юрт! Минг йиллар қўшиғисан,
Гўзалларнинг бешигисан,
Бахшиларнинг маъшуғисан,
Ўзинг қуёш қучогисан,
Шеъру санъат ўчогисан!

Ўлмас кўнгил, ўлмас асар,
Низомийлар, Фузулийлар,
Қўлинг қалам, сийнанг дафтар,
Айтгил, дилда ниманг бордир,
Айтилган сўз ёдгордир.

Қани, бизнинг Бокуга боқ!
Соҳилларда нурли чироқ,
Гудоклари ҳайқиравоқ —
Наъра солар бўз чўлларга,
Нур сочар дарё, кўлларга.

Нозланади ел эсарак,
Соҳилларда керинг кўкрак.
Бизнинг Боку — бизнинг юрак,
Ёруғлиқда құдрат сўзи,
Саҳарларнинг ҳулкар кўзи.

Гўзал Ватан! У кунки сан
Ол байроқли ёруғ тонгдан
Илҳом олдинг... Туғилдим ман,
Кулар тупроқ, кулар инсон,
Кекса Шарққа дарвозасан.

*Миртемир
таржималари*

ИККИ ҲИКОЯ

Важа ПШАВЕЛА

Гуржистон

ДАРИЖОН

Дарижоннинг ёши элликдан ошганди, лекин бир қараашда уни ўттиз-ўттиз бешларда деб ўйлашарди. Қорамагиз, гайритабиий баланд бўйли, дадил ва қатъиятли аёл эди. Унинг нигоҳига дуч келган одам довдираб қолиши ҳеч гап эмасди. Бунинг устига Дарижон кучли, эркакона овоз соҳиби бўлиб, ўзига хос кийиниб юрарди. Камдан-кам учрайдиган бундай гавдали аёл баъзан битта ридода юрарди, шунинг учун ҳам бўйи икки баравар узун бўлиб кўринарди. Белига боғлаб юрадиган энли камарида ҳамиша ханжарга ўхшаш узун пичоқ қини билан осиғлиқ юрарди. У ёқ, бу ёққа чиққанида найзасини қўлидан қўймасди. Унинг ёғоч дастаси шунаقا узун эдики, учи бошидан баланд чиқиб турагди.

Дарижон ўз қишлоғининг посбони ва сардори бўлиш учун тугилганди. У барчадан олдин уйгонар ва ўрнидан турар, шу заҳоти унинг ҳукмфармо ва кучли овози бутун қишлоқ бўйлаб жарангларди.

– Ҳой, қаёққа гумдон бўлдинглар, баҳти қора ялқовлар? Бузоқлар бутун полизни пайхон қилибди-ку! – деб бақиради кимгадир.

– Тетруа, қарасанг-чи, бола ҳозир йиқилиб тушади. Одам ҳам шунаقا овсар бўладими? – дэя уришарди бошқа бировини.

Борди-ю ҳамқишлоқларнинг учтаси дардлашиш учун тўпланса Дарижон дарҳол уларнинг орасига тушар биттасини койиб берарди:

– Ер кимга кўп, кимга оз тегиши керак деб баҳслашгунча, ҳой бадбахт, ўша жойга қўл теккизсанг-чи! Худо одамга иккита қўлни ишлатиш учун берган, гўр қурт қумурсқаларига ем бўлсин деб эмас!

Ва дарҳол ўзини намуна қилиб кўрсатарди:

– Сизлар ҳаммангиз бир бўлиб менгаи ер бермадинглар, энди хув анув ёққа, Жануб томонга бир қараб қўйинглар, ана арпа бошоқлари шовуллаб турган ерни кўряпсизларми? Хўш, ўша ерни ким ҳайдади? Мана бу – кўряпсизларми, мана шу қўллар! Кун демай, тун демай тер тўкиб меҳнат қилдим. Худога шукур. Уйда ноним етарли. Сизлар бўлсаларинг, ердан ким кўпроқ юлиб қолиши учун жанжаллашайпсизлар. Бунақа жанжалдан ер кўпроқ ҳосил берадими? Эҳ, гумроҳлар!

Ҳамқишлоқлари Дарижонни кўплаб хилма-хил, таҳқирлашдан кўра кўпроқ мақтовчи лақаблар билан аташарди. Улардан иккитаси: “Дэв” ва “Кема” лақаблари яхши эсимда қолган. Лекин уни шу лақаблар билан атаганларнинг ҳаммааси албатта қўшиб қўярди: “Алам қилади! Дарижон, аслида сен эркак бўлиб тугилишинг керак эди!”

Дарижоннинг қисматига кўп қайгу ва ташвишлар тушди. У умрини ҳам жуда қайгули тутатди.

Дарижон ўн саккиз ёшида бева қолди. У бутун атрофга чиройи ва ақли билан донг таратганди, яхши меҳнатсевар уй бекаси эди. Қўплар тақдирини у билан боғлаш ҳақида орзу қиласади. Лекин биргина Уржук буни айта олди.

Уржун бошқа уруғ жамоасидан бўлиб, қўшни қишлоқда яшар эди. У Дарижонга совчи юборди.

Бу вазифани одатда кампирлар бажаради. Қишлоқ йигитлари уйланмоқчи бўлсалар ана шундай совчиларга мурожаат қиласадилар. Чунки кекса аёллар инсон ҳис-туйғуларини яхши тушунадилар ва қиз билан йигитнинг қалбини бир-бирига қандай жалб қилишни биладилар.

Дарижон турмушга чиққач, эри яшаган Г. қишлоғига қўчиб борганди. Уржукнинг Шамандух деган кўпдан бева бўлиб қолган холаси ҳам ана шу қишлоқда яшарди. Уржук орага тушишни ўз холасидан илтимос қилмай кимдан ҳам сўрарди?

Шамандух Дарижоннинг уйига кириб келганида у энди нон ёпай деб турган эди. Остонадан хатлаб ўтар ўтмас, кампир Дарижонни мақташга тушди:

— Вой ширин қизим, мунчалар яххисан, ўзиям қўли гул бекасанда!— деди ялтоқланиб.

Шу ерда, ўчоқ ёнида Дарижоннинг икки яшар ўғли Гамахаре ҳам ўтирган эди. У иккита чўп билан ўчоқдаги чўғни титаётган эди. Шамандух болакайни қучогига олиб, бағрига босди, қўлига ёнғоқ ва олма қоқи тутқазди. Кўз ёши қиласкан минфирилади:

— Жоним сенга садаға, етимча, сен менинг шўрпешона боламсан!
— шундан кейингина у Дарижонга мурожаат қиласди: — Ўзинг қандайсан, азизам. Соғ-саломат юрибсанми, мол-жонинг қаторидан бехатоми, эркатойинг ўйнаб-кулиб юрибсими?

— Худога шукур, ўргилай, тинч, омонмиз. Ўзингизга тангридан соғлиқ сўрайман. Яратганинг ўзи ёрлақасин. Ўзингиз қандайсиз, яхши юрибсизми? — сўради ўз навбатида Дарижон.

— Ҳа, бизлар ҳам юрибмиз, тинч-омон, умрингдан барака топ!

Меҳмон ва мезбон ўчоқ ёнига ўтирилар. Дарижон меҳмонга кигиз тўшади. Шамандух қўлтиги тагига қистириб олган қайин пўстлоғидан тўқилган саватчани урчуқ билан бирга олди-да ип йигиришга тушаркан Дарижоннинг ҳол-аҳволидан сўраб суриштиришда давом этди.

— Сенга раҳмим келади-да,— деди ниҳоят Шамандух, чуқур хўрсиниб.— Ачинаман-да, қоқиндик, худо ўтганларимизнинг охиратини обод қиласин. Сен ҳали ёшсан, қизим. Кучинг кўп. Лекин ҳамиша шундай бўлавермайди. Агар ўзингга эгалик қилувчи бир эркак топмасак, мен буни сенга, она қизига айтгандай гапирияпман, ҳеч ёруғлик кўрмайсан. Мен сенга шундай эркакни топиб бераманки, ҳамма сенинг тақдирингга ҳавас қиласин.— Шамандун сўнгги сўзларини шивирлаб айтди.

Дарижоннинг жаҳли чиқди. У эрга тегиши ҳақида ҳеч ўйламаганди. Дарижон марҳум эри хотирасини жуда эъзозлар, унга садоқатини асрарди, бунинг устига эридан ўғли бор эди.

Шамандухнинг таклифи уни ранжитди.

— Гарчи сен билан бу оҳангда гаплашиш ўринсиз бўлса-да,— деди Дарижон ғазабидан қизариб,— лекин нима қиласдим, гапиришга мажбурман. Мен бунақа гапларни эшитишни ҳам истамайман! Агар сен тентак бу ерга шу ниятда келган бўлсанг, тур, тур ўрнингдан ҳозироқ ва тезроқ қорангни ўчир. Акс ҳолда, шундай адабингни бераманки, уятдан киргани тешик тополмайсан. Гамахаре ўғлим ҳаёти

билаң онт ичаман!

— Ўз фойдасини билмаган ношукур-ей?.. Хоҳламасанг бор, ер ютсин сендақаларни!— деди Шамандух эшикдан чиқаётib.

Дарижон умрининг охиригача марҳум эрига содиқ қолди.

Г. қишлоғида ҳар хил миш-мишлар юрарди ва Дарижоннинг ўзи аслида у билан нима юз берганини ҳеч қаҷон яширмасди. Ҳолбуки, у қизи Нене қабрини қандай очганлиги ҳақидаги воқеа мана бундай юз берган эди.

— Дарижон, нимага доим галати ишларни қилиб юрасан? — сўради ундан Салия.— Қизинг мозорини қандай кавладинг, бунга қандай кўлинг борди?

— Ўша йили қандайдир туманлар ичида яшардим,— дея гап бошлади Дарижон. Ақлдан озгандай юрардим. Бир вақт кечаси осмонни булат қоплади, ҳаво айниди, жала қўйди. Уйқум қочди, қани энди кўзимни юмолсам: қизим Нене кўз ўнгимдан кетмасди., онанг ўлгур, шўрлик болам-а! Бирдан миямга: “Нега бу ерда, уйда ётибсан, бадбаҳт, у ерда бўлса қизинг қабрини сув босди!”— деган фикр келди. Унинг мозорига қурбақа, илонлар бостириб кираётганини тасаввур қилдим. Ўрнимдан қандай турганимни, қабристонга қандай югуриб борганимни эслай олмайман. Мозоррни ковлаб бўлганимдан кейин ўзимга келдим. Тобутнинг қопқогини сугуриб, унинг пешонасидан ўпдим. Бурнимга ҳалиги ҳид урилди... Шунда аста-секин ўзимга келдим. Атрофга кўз югуртирдим, бирдан мени кўркув босди, даҳшатга тушдим: “Ё алҳазар! Бирортаси қўриб қолса-чи! Одамлар нима дейди?” Қабрни кўмдиму бор кучим билан уйга чопдим. Жилғача бўйига тушгач, тўхтаб, қулоқ солдим, кимнингдир йигиси эшитилди қулоқларимга, қизчам йиғлаётганга ўхшарди. Орқамга қайтмоқчи эдим, ўйлаб қолдим: “Қандай қилиб йиғлаши мумкин, ахир у ер остида чириб ётиби-ку!” Менга ором ва осойишталик бер, деб илтижо ва дуолар ўқиганимдан сўнг бутунлай ўзимга келдим.

Орадан бир йил ўтиб Дарижоннинг қайноаси вафот этди. Ҳар сафар яқинларининг дағғи маросимини Дарижоннинг ўзи ўтказарди. Қурбонликка сўйиладиган молни ипидан етаклаб ўзи олиб бораради, тоат-ибодатини ўзи қиласарди.

Дарижон қишлоқда ҳақиқий меҳнаткаш деб ном чиқарганди.

Унинг қўли сира тиним билмайди, дерди ҳамқишлоқлари. Жувон ўғли Гамхарени ҳам ёшлигидан меҳнатга ўргатди, унинг бекор тентираб юришига сира йўл қўймасди. Бола имкон топди дегунча тенгқурлари олдига югуриб борар, лекин онаси уни дарҳол топиб оларди ва найзаси билан қуролланиб, даҳшатли қасоскор фаришта каби Галахаренинг тепасига келарди:

— Нима қилиб ўтирибсан бу ерда,— дерди у газаб билан,— ҳеч бўлмаса гариб кулбанг ҳолидан хабар олмайсанми?!

— Ойи, жон ойи, озгина ўйнай,— ялинарди Гамахаре.

— Ўртоқлари боланинг ёнини олишади, Дарижондан Гамахарени дарҳол олиб қетмасликни илтимос қилишарди.

— Бизлар билан яна озгина ўйнасин! Бироз гаплашиб ҳаммамиз тарқаламиз,— дерди болалар.

Дарижон, баъзан болаларни уришиб берар, ўғлини уйига етаклаб кетарди.

Гамахаре ўсиб улгайди, катта бўлганида ҳам бирор марта онасига овозини кўтариб, гап қайтармади, Дарижон бўлса ҳатто тўй-томушаларда ҳам уни уришиб, ўрнидан турғизиб уйигша жўнатиб юборарди.

— Қачонга тўйларда маза қилиб ўтирасан, бадбаҳт! Бунаقا зиёфатлар тезда тугайди. Ўз уйинг — ўлан тўшагинг — мана сенинг тўйинг, билдингми, нега тушунмайман шуни?!

Гамахаре тўй-томушани ҳам, дам олишни ҳам билмай, мана шундай яшарди. Тўғри, бунинг учун одамлар уни мақташарди, лекин у ўзини хўрланган деб ҳисобларди.

II

Дарижон ҳарқандай олиб-сотарлар ва жаллобларни қўргани кўзи йўқ эди. Шунинг учун ҳам уларнинг додини берарди. Ўз навбатида улар ҳам Дарижонни “Дев хотин” дейишарди. Шунга қарамай, Дарижон улардан у-бу нарса сотиб оларди. Лекин барибир жанжаллашиб қолишарди.

Нега уларни бунча ёмон қўрасан деб сўралса, Дарижон шундай жавоб берарди: “Шунинг учунки бу итваччалар уялмай-нетмай биз оддий одамларни алдашади”.

У ҳаммадан кўра кўпроқ Арутинга зугум қиласарди. Бу савдогар ўта кетган алдамчи эди. Арутин мана йигирма беш йилдирки Пшавияда савдо-сотиқ қиласди, бу ерда ҳаммани танийди, дехқонлар ҳам унга ўрганиб қолишган, ўз одамлари ҳисоблашади. У пшавча гаплашишини ўрганиб олди, ҳатто қасамни ҳам пшавчасига ичади.

— Лашар хочининг марҳамати билан қасам ичаман, — ишонтиарди Арутин, — чит умуман чиримаган!

— Ҳа, майли, сен Лашар хочига қанча ишонсанг, у ҳам сенга шунча мададкор бўлсин, — жавоб берарди Дарижон.

— Арутин зўр бериб қисиқ сичқон кўзларини пирпиратади, калта ва сийрак қошлирини учиради ва матосини ўлчашга тушиб кетади, ўзини дадил тутади, баъзан ҳазиллашса-да, ҳеч қачон қулмайди. Бироқ кўпни кўрган ва сезгир қўз унинг турган-битгани ёлғондан тўқилганини, ўта маккор ва айёр экани дарҳол сезади. У эгнига шўрлаб кетган камзул, бошига бўри талаган қўй терисига ўхшаган тешик телпак кияди. Арутин савдолашаркан ана шу ўйлик телпакнинг аҳволини кўрсангиз: ҳали қошига қўндиради, ҳали энсасига суриб қўяди, чаккасига ёпишириди, умуман телпак унинг бошида рақсга тушади. Бундай пайтларда Арутиннинг кўриниши жуда кулгили (ва жирканч) бўлади. Айниқса, у савдони битириб, читдан керакли ўлчамини кесиб бергач ва иш мато ҳақини беришга етганда: бирдан никоҳдан ўтаётган қизга ўхшаб мулоим бўлиб қолади, уятчанлик билан лабларини қисиб ва унинг олдида чўккалашиб ўтирган пшава аёлларига қарамай, нигоҳини олис-олисларга қадайди. Ана шунда унинг телпаги дам олар, баланд чимирилган қошлири эса жойида қотиб қоларди.

Шундай дақиқаларда Арутин ўлжа қуш сари писиб бораётган баҳорда туллаган тулкига ўхшаб кетарди.

Бир сафар Дарижон боплаб унинг адабини бериб қўйди. Албатта, бунинг ўзига яраша сабаблари бор эди.

Ўша Г. деган қишлоқда Жабана исмли бир тул киши яшарди. Жуда соддадил, ҳалол одам эди. Икки йил давомида ўша Жабананинг бутун моли ўлатдан қирилиб кетди. Иккитагина бузоги тирик қолди. Бу қайгуни кўтаролмай у ётиб қолди. У похол тўлдирилган тўшакда ётарди.

Ёзда уни болохонага олиб чиқишар, қишда ичкари хонага киритиб қўйишарди. Жабананинг Анука деган қизидан бошқа бирорта яқин

кишиси йўқ эди. Шўрлик қиз шол бўлиб қолган отасини боқиш учун тиним билмай ишларди. Дарижон шу қизни жуда яхши кўрарди ва ҳар сафар уни учратганда:

— Ажойиб қизсан-да, ҳақиқий заҳматкаш, — дерди. — Шунинг учун ҳам сени яхши кўраман. Тўғри қиласан, қизим. Ахир меҳнатсиз ҳеч нарсага эришиб бўлмайди...

Баъзан Дарижонни бадавлат хўжайнларникига ёрдамга чақиришганда рад этарди.

— Яхшиси мен Жабанага ёрдам бераман,— дерди у,— бир-иккита боғ пичан боғласам ҳам фойдалида... Ва камбағал Жабананикига ёрдамга шошиларди.

Жабана Арутинга тўрт рубл қарз бўлиб қолганди. Арутин икки марта келиб қарзини сўради. Лекин қуруқ қайтиб кетди. Қарзни тўлолмаётганидан Жабана ўзини қўярга жой тополмасди. Баъзан у ўзича хитоб қиласан: “Қаранг-а, бу одам олдида шарманда бўлиб қолдим. Пулинни қайтариб беролмаяпман”.

Арутиннинг ўзига эса шундай дерди:

— Нима қилиш керак, барака топкур, Арутин. Қандай балога қолганимни тасаввур ҳам қилолмайсан. Ўзинг кўр, ахир. Мана икки йилдирки, уйда ётибман. Бир чўпни мана бу ердан олиб, ана у ерга қўёлмайман. Кўл-оёғи йўқ бир одамга қанчалик қийинлигини тушунасанку, ахир. Қизим қарамогида қолдим. Уни ҳам қийнаб юбордим. У бечорага ҳам қийин бўлди. Кимдандир қарз олиб сенга берсам, бундан менга осон бўлади дейсанми? Сени кўрсам уялганимдан ерга кириб кетгим келади. Уят менга, Эҳ, қанчалик уят! Нима қилай, сенинг қарзингни қандай узай?

Арутин узоқ бош қотириб ўтирамади. Қишлоқ оқсоқолига бир рубл “қистирди” да, Жабанадан қарзи эвазига иккита бузогини тортиб олиб беришни илтимос қилди.

Оқсоқол рози бўлди ва кунларнинг бирида миршаблар Арутин билан биргаликда бузоқларни ҳайдаб кетишли. Анука бу пайтда кўшниларникида ишлаётган эди.

— Нима қилай? — зор қақшарди Жабана, охирги умиди ҳам қўлидан чиқиб ктаётганини тушуниб. — Сизларга нима ҳам дердим, ҳатто худодан ҳам кўрқмасангиз!

Анука уйига кечқурун қайтди. Узоқ йиглади бечора қиз, Арутинни узоқ қаргади. Қўлига олган таёғига суюнганича худди марҳум тепасида йиглаётгандай ўқсиб-ўқсиб нола қилди:

— Шўрим қуриди, шўрим. Вой менинг Толғиргинам,вой эрка Олғиргинам, бекаларинг ўлса яхшимасмиди?! Сизларни олиб кетганилар тангрининг газабига учрасин. Ер ютсин сизларни илойим!

Анука йиглаганича Дарижонни излаб борди. Дардини бошқа кимга ҳам айтарди.

— О шўрим қурисин, шўрим,— йиглаб илтижо қиласан Анука.— Арутин Олғирим билан Толғиримни олиб кетганида Дарижон хола ҳам ёрдам беролмасди. Лъянатлар бўлсин сенга, Арутин, Илоҳим сени қора ер ютсин!

— Вой кўппаклар,вой ваҳшийлар-е! Наҳотки рост бўлса? Вой бечора, нега мен бадбаҳт буни билмай қолдим. Сенинг бузоқларингни олиб кетишиларини бир томоша қиласдим! Ҳой, қиз, сен аралашма, ўзим кўрсатиб қўяман ўша кўппакка зўравонликни,— овутди Анукани Дарижон.

Бир ҳафтадан кейин Арутин яна қишлоқда пайдо бўлди. У бор овози билан жар соларди:— “Ҳой келинглар, югуринглар елинглар.

Келтирдим тоза мато, олиб қилмайсиз хато. Тоза мол, қизил парча, келиб кўринглар барча!” – дея иккита отни етаклаб келарди.

Дарижон худди шу пайт эрталабки ўтловдан қайтган сигирларини согаётган эди. Арутинни кўриб, оғил ёнида ётган итларни чақирди:

– Хой Цобана, ҳой Олабош, ол киш!

Олабош билан Цобана бутун қишлоқда энг қопагон бўрибосарлар эди. Итлар бирдан қулоқларини диккайтирдилар-да, Арутинга ташландилар. Учурум устида ерга афдариб роса таладилар.

Арутин дод деб ёрдамга чақирди. Отлар ҳуркиб шаталанг отдилар, бири устидаги юкини, бошқаси эритилган ёғ солинган чарм қопларни ташлаб қочди. Буларнинг ҳаммаси жарга қулаб тушди. Чарм қоп йиртилиб, ёғ оқиб кетди.

– Ёрдам беринглар, насронийлар! – хирилларди Арутин.

“Ўлиб қолмасин тағин, яшин ургур! Гуноҳи менга урмасин тағин”, – ўйлади Дарижон ва ёрдамга шошилди. Тепачага чиқиб қараса, Арутиннинг юзи қонга беланган, раҳми келиб, итларга ўшқирди:

– Йўқолинглар, ҳе бўрилар сарқити!

Кўпраклар дарҳол қочиб уйга киришди.

Бадбаҳт савдогар бир амаллаб ўрнидан турди-да, чўлоқланиб бир неча қадам босди.

– Йтларни нега боғлаб қўймайсизлар, илоҳим ер ютсин сизларни, – бақирди Арутин. – Уларнинг қандай қопогонлигини наҳотки билмасанглар? Эҳ, қўлимда ханжар бўлгандайди!

Арутиннинг нигоҳи тўқилган ёғга тушиб йиглаб юборди ва Дарижонни қўпол ҳақорат қила бошлади.

– Ўзингни ер ютсин, ўзинг кўпраксан! – бақирди жавобан Дарижон. – Ўзинг шундай ўлакса бўлсанг, ўзингдан бўлак ким айбдор? Бу ердан озмунча одам ўтадими, ер юткур, кимга ташланибди менинг итларим? Афсус, менга урмадинг-да, мен сенга кўрсатиб қўярдим, уриш қандай бўлишини. Нега ер ютмайди сендақаларни. Урармидинг! Мен-чи, мен нима қилиб турибман бу ерда? Мана бу найзани ифлос оғзингга тиқиб олардим.

Дарижон тез-тез шундай дўқ қилиб турарди. У ўша заҳоти тепалиқдан тушиб кетди. Юзида табассум жилва қиласарди. Унинг юзида бундай қувноқ табассумни биринчи бор кўришим: афтидан сал бўлсада кўнглини ёзиб олганга ўхшарди.

Ит талаган Арутин бўлса, қиялиқдан жарликка сирганиб тушди-да тўқилган ёғни йифиштириб яна қопга сола бошлади.

Шу пайт жилгача оқими бўйлаб қўлида қармоқ билан бир болакай келаётган эди. Арутин уни ёрдамга чақирди. Қопларни ва боғламларни отларга ортишди, савдоргар нималарни дир тўнғиллаб йўлида давом этди. Дарижон яна бир ўғирилиб қаради-да, унинг орқасидан қарғаб қолди.

– Ҳу чақмоққа чақилгур!

III

Бозор куни эди. Ҳали қуёш чиқмаган. Бераант уйининг орқасида, қандағочзорда, жилгадан тегирмонга сув айиргич устида Дарижоннинг газабли овози эшитилди. Жаҳидан юzlари қизариб кетган Дарижон иккита боланинг қўлидан маҳкам ушлаганича. Жавараға нималар дерди. Жавара унли чарм қопни орқалаб олганди.

– Уларни қаёқча судраяпсиз, опажон? – сўради ундан Жавара.

– Мана олиб бораяпман. Ер ютсин илоҳим оналарини, – деди

Дарижон ва йиглаётган болаларни овутишга тутинди.— Йигламанглар қоқиндиқлар, онангиз тезда қайтиб келади.

— Тўхта. Айтсанг-чи, нима бўлди ўзи?

— Э-э, нима бўларди, буларнинг онаси Гамихарда билан қочиб кетибди. Гёё Гамихарда уни ўғирлаб кетганмиш, болаларни эса, кўраяпсан-ку, ташлаб кетишибди.

— Буни қара-я,вой шарманда!

— Ахир мен умримни бева ўтказмадимми? Бошқа бевалар оз эмас! Қани, бизлардан қайси биримиз бу суюқоёққа ўҳшаб иш қилдик?.. Эҳ, мен нима кўрдим, нималар кўрдим-а, қадрдонларим! Раҳмим келганидан юрагим ёрилиб кетай деди-я! Бугун эрталаб уларнинг кўргони ёнидан исмалоқ тергани ўтиб кетаётгандим. Болалар чирқираб йиглаётганини эшитиб қолдим. Эшик эса ташқаридан тамбалаб қўйилибди. Очиб ичкари кирдим... Мана бу кичкина йиглайвериб ҳолдан тойибди, юзини ерга қўйганича ётибди. Каттаси — қизалоқ эса бор овози билан бақириб йиглаяпти. “Вой, шўрим қурсин, онангиз қаерда?” дедим. “Қандайдир битта эркак билан кетиб қолди,— деди қизалоқ.— Нарсаларини олиб хуржунга солди-да кетди...” Қайноғаси ҳам уйда йўқ экан, бу шарманданинг..

Ранги оқариб кетган Жавара ҳайратланиб Даражонга қаради.

— Эҳ!— давом этди Дарижон. Қани эди уйида эркак, бўлса сочидан бураб калтакласа, мияси йўқ бошини тошларга уриб ёрса!.. “Пшава дарёсида худонинг марҳамати қолмади дейишади”. Одамларда орномус, виждан бўлмагандан кейин қанақа марҳамат қолиши мумкин. Бизнинг давримизда инсон яшашга лойиқми? Ўлгани яхшироқ эмасми?

— Энди болаларни нима қиласан?

— Уйимга олиб кетаман. Амакиси келганча қараб тураман. Нима қилай бўлмаса.

— Бу ҳимматинг яхши, онажон,— деди жавара.— У тез орада қайтиб келади. Йоруга кетди шекилли.

Дарижон болаларни етаклаб ўйига олиб кетди. Кичкинани кўтариб олди, қизчани қўлидан етаклади.

Болаларни кўриб бутун қишлоқ аҳли ҳаяжонланди, даҳшатга тушди.

— Худо жазосини берсин, Тангри юз ўтирган бу аёлни болаларни ташлаб кетиб, етимликка маҳқум этишга нима мажбур қилди экан?

Дарижон сут қайнатди, болаларнинг қорнини тўйғазди, уларни тинчлантириди. Энди уни фақат битта ташвиш қийнарди: Мзвениари билан қандай қилиб учрашса бўлади. Айтишларича, улар ростдан ҳам учрашибди. Дарижон бу аёлни қаттиқ сиқувга олибди, йиглашга мажбур қилиби ҳам. Лекин иккинчи эридан воз кечдира олмабди.

— Мени тинч қўй, Дарижон, ўтган яқинларинг охирати обод бўлсин!— деди йиглаб Мзвениари, бир яловда Дарижон уни учратиб койий бошлаганда. Нима қилай, хато қилдим. Лекин менинг ҳамма нарсадан қўлимни ювигиб қўлтиққа уришимни, ўзимни ўлдиришимни истайсизларми ?

Одамларнинг ҳикоя қилишларича, бир сафар Дарижон олдида ҳатто “амалдар ҳам чекинган эмиш”.

Амалдор билан Дарижон жанжали унинг ўғли Гамахарс туфайли юз берган экан. Дарижон ўтин тергани ўрмонга борган эди. Уйга қайтаётиб, қандайдир бир одам унинг ўғлини қамчидаги савалаётганини, бола эса қўли билан бошини яшираётганини кўриб қолди. Елкасидаги ўтин боғини ерга ташлаб, амалдор оти жиловидан маҳкам ушлади.

— Сен кимсан ўзи?— сўради жувон дўқ қилган овозда. — Нега ўғлимни қамчиласпсан, имонсиз?

Амалдор қамчи билан бошига туширмоқчи эди, лекин дарҳол қўлини туширди. Дарижон бир қадам орқага тисарилди-да, отлиқقا найза ўқталди.

— Қани, уриб кўрчи, Гамахаре номи билан от ичаманки...

Амалдор чиндан ҳам “чекинди” ва кейин бу воқеа ҳақида гапириб яқинларини кулдириб юрди: “Бошқа нима ҳам қила олардим, дўстим? У қари бир аёл эди. Лекин мен бунақа аёлни сира учратмагандим. Худди ажал фариштаси, бирдан менга ташланиб қолди — шундай дев, ёввойи, чинакам ёввойи!”

— Нима, сенинг қўлинг йўқми, бадбаҳт анқов? — дўқ қилди ўғлига Дарижон.— У сени калтакляяпти, сен бўлсанг индамай турибсан?!

— Мен нима қилишим керак эди, ойи? У шундай катта одам бўлса, мен унга қандай қўл кўтараман?— деди Гамахаре. Кейин ўзини бекорга хафа қилганларини тушуниб ўнгланди: — Бизникига бостириб киришга, мени уришга, нима ҳақи бор унинг?— деди жаҳл билан кечикиброқ бўлса-да.

— Бўлди бас, гапирмаганинг маъқул, бадбаҳт! Сендан нимани умид қиласман. Мен ётиб қолсам нима бўлади? Ҳамма сенга зўравонлик қиласди, ахир,— қўшиб қўйди Дарижон хўрсиниб.

IV

Дарижоннинг ўз уйида турли ташвишлар ва тўқнашувлар ошибтошиб ётганига қарамай, у ҳар замонда бўлса-да бирорлар ишига аралашуви фақат ўз қишлоғидагина эмасди. Бу ўринда мен Дарижон Кизикияга қандай ва нега боргани ҳақида гапириб бермоқчиман. Ўша пайлар мен ўқувчи эдим ва қишлоқда яшардим. Бир сафар, қайси кун экани эсимда йўқ, Дарижон саҳар пайти меникига келди.

Тур ўрнингдан, болакай, тур! — бақириди тортинмай қулогимнинг тагида.— Бу қанақаси, шу пайтгача ҳам ухлайдими одам деган? Сизларга тушгача ўқиши мактабда ўргатадими? Тур, шошиб турибман, ишим бор, ахир!

Дарижон бу гапларни шу қадар қатъий ва ишонч билан гапирдики, гўё мен унинг ишларида қатнашишга мажбурман. Ҳа мен чиндан ҳам мажбур эдим, чунки Дарижон менинг ёрдамимга муҳтож эди.

— Нима бўлди, Дарижон, сенга нима керак? — сўрадим мен.

— Гап шундаки, дардингни олай, менга қоғоз, яъни чипта ёзиб беришинг керак. Чиптамиди, нима деб аталишини ўзим ҳам билмайман: Кизикияга бормоқчиман.

— Эҳ, қанақа тиниб-тинчимаган аёлсан ўзинг? Кизикияда нима бор сенга,? У ерга боришинг мумкинди, лекин кучинг етармикан?

— Нима деяпсан ўзи болакай,— бақириб берди менга Дарижон.— Тиниб-тинчимас эмиш! Керак бўлгани учун бораяпман у ерга...— деди у овозини бироз пасайтириб. Қоғозда мен Бежаннинг холаси эканлигим, жиянимни қидириб Кизилкияга бораётганим ёзилиши керак,— дея сўзини тугатди Дирижон найзаси билан ерни дўқиллатиб.

— Қанақа Бежанни? Нега энди уни қидиришинг керак?

— Афтидан, сен ҳеч нарса билмайдиганга ўҳшайсан, болакай?

— Нима бўлди? Билмайман, эшитганим йўқ...

— Бежан йўқолиб қолди,— тушунтириди Дарижон.— Ҳеч ким билмайди. Ўзиникилар ҳам, бегоналар ҳам. Ҳатто чўпон ўртоқлари ҳам билишмайди. Амакилари ва амкиваччалари — итнинг ўлигидан

кўп, ҳеч қайсинаси бу одам қаёқса кетди, нима бўлди, ўликми тирикми?— деб ўйлашмайди ҳам. Йиловдан қайтиб келганларнинг ҳаммаси бир овоздан уни Кизикиядаги майхонада ўлдиришган деяпти. Унинг ёнида пули бор экан. Пули бор бўлса аяб ўтиришмайди. Бирорта уруғи, одами йўқ деб ўйлашгандир-да... Айтишларича, уни ўша ерда, дуҳан¹ орқасидаги ахлатлар орасига кўмид кетишибди. Бориб, ўша жойларни кўришим керак... Эҳ, ҳозир меҳр ва ишонч қолди дейсанми, Дарижон! Бу оламда фақат чўчқалар ва кўпраклар қолди. Кўшни пойлаб туради, ўз қўшнисининг мўрисидан тутун чиқиб турибдими, йўқми деб. Тезроқ ҳаммаси қирилиб кетсайди деб кутиб туради, ермулкларини дарҳол эгаллаб олиш умидида. Худо сенга омад берсин, менинг етимичамга ҳам,— Дарижон ўз боласини “етимча” деб атарди. Қанча одам бошқаларнинг ўлиб кетишларини орзу қилишади: “Фақат менинг болаларим кўпайса, уларнинг бойлиги бизга қолса” деб. Бежаннинг бедарак йўқолганига саккиз ой бўлляпти. Тўйма-тўй, байрамма-байрам юрган унинг амакиваччалари одамлар кўзига қандай қарашади? Худо сенга ҳам, менга ҳам раҳм қилсин, яқинда Тирузанни бопладим. Биласанми, болакай, меникига югуриб келиб қолди, қорни тўқ, ичиб олган, тагин ёнида қандайдир паканагина, тўнкага ўхшаган, бўйни қийшиқ, турқи совуқ, бошида эски шўрлаб кетган қалпоқли бир одам билан. Цихегорадаги байрамдан қайтиб келишаётган экан. Тарада бедод ашула айтишиб, қийқиришиб, дарвозамни қоқишиди. Ўша беномус Тирузан уялмай-нетмай менга бақириди: “Қани, куда, арақдан йўқми сенда? Озгина олиб чиқ, сенинг омадинг учун ичайлик, худо умрингни узоқ қилсин!”

— Қоч, қоч, йўлингдан қолма, нотавон имшёқмас,— дедим унга,— бўлмаса, уриб бошингни ёраман. Бу дунёда қандай яшаб юрибсан, ўзингга, афт-башарангга нега бир қараб қўймайсан? Бу одам қаерда йўқолди, нега изламаяпсан?”— “Нима ҳам қилардик қуда,— деди у,— жуда ёмон замон бўлди-а!” эмиш. Гўё замон ёмон бўлса, демак ўз яқинларимизнинг ташвишини тортмаслигимиз, ўлик ё тиригидан хабар олмаслигимиз керак экан-да!— ҳаяжон билан хитоб қилди Дарижон.— Бежан ўлган жойларни бориб, қидириб кўрса, уни бирор еб қўярмиди? Мен фолбинга бориб, фол очдирдим. У ҳам ўша одамлар айтган гапни такрорлади.

Кейинги қуни Дарижон, одатдагидек, ўзига хос кийиниб, уловда Кизикияга йўл олди. Қишлоқма-қишлоқ юриб Бежанни сўраб суриштириди. У ҳарбир дуҳанга бирма-бир кириб чиқди. Аввал майхонаси бўлган одамлардан ҳам сўради. Эришган нарсаси шу бўлдики, Пшавадаги унинг “Дев” ва “Кема” деган лақаблари ёнига, бу ерда янги — “Бўри одам” лақаби ҳам қўшилди. Дарижон ўз кўриниши билан ҳаммани лол қолдирди — кўплар улар олдида турган аёл эканигна ишонгилари келмасди. Бу атрофда афсун билан турли қиёфага кирадиган одамзод пайдо бўлиби деган миш-мишлардан кўз ўнгларида Дарижон турганини кўрганлар ҳам шубҳалана бошладилар.

V

Ҳаммаёқда баҳор нафаси. Арагва дарёси бўйидаги қандагочлар ям-яшил барглар билан қопланди. Какку сайраб қолди.

Арагвада сув кўтарилиди, тўлиб-тошиб оқаяпти. Ҳатто жилғачалар

¹ Д у х а н — Кавказда кичик ресторон, майхоналарни шундай аташади.

ҳам қирғоқларидан тошди. Жўшқин оқим ҳарсангларни думалатиб, қояларни қўчириб, дараҳтларни илдизи билан қўпориб, шовқин солиб оқизиб кетаяпти.

Ёш чўпон болалари қандағочзор орасида ўйинга берилишган. Қўлларида от думидан қилинган тузоқ. Болалар беданалар кетидан қувиб юришибди; майсалар ҳали яхши ўсмаган, беданалар яширинолмайди.

Ана, иккита бола писиб беданага яқинлашиб келишшаяпти. Улардан бири қалхатга ўхшаб овоз читқариб, беданани писиб ётишга мажбур қиласяпти, иккинчиси тузоқ билан нишонга олаяпти. Бедана ерга қапишганча қотиб қолди. Миттигина пшав қўлини чўзиб тузоқни қушчанинг бўйнига илди, бошқаси уни ҳуркитди – ш-ш-ш! – бедана учди-ю, тузоқда осилиб қолди, худди қармоққа илинган балиқдай.

Катталардан бу ерда фақат Дарижон бор эди. У бир чеккада майсазорда ўтирибди, атирофида қўзичоқлар ўтлаб юришибди. Улар қишида анча озиб қолишган, эндиғина ниш урган майсаларни чимдиб-чимдиб ейишмоқда.

Дарижоннинг ёнида унинг ажралмас дўстлари – Олабош кучуги ва найзаси, қўлида урчук, ип йигираяпти. Болалардан бири тантанавор юришда Дарижоннинг ёнига келди:

– Қаранг хола, мана! – дейди у тузоққа илинган беданани кўрсатиб.

– Қўйиб юбор, қўйиб юбор уни, чақмоққа чалингур, бўлмаса ҳозир тазириингни бераман! Бу бечораларнинг сенга қандай зарари тегаяпти? Нега қувлаб, уларга тинчлик бермаяпсизлар? Борди-ю, сизларни ваҳший одамлар қувиб, асир олишса, қийноққа солишса, яхши бўладими?

Бирдан Дарижоннинг овози ўзгарди. Юмшоқ-мулойим товушда боладан сўради:

– Қани, набирагинам, кўрсатчи, қанақа ўзи? Вой-бўй, бечорагинам менинг...

Дарижон беданани учирив юборди, болакайни юпата бошлади:

– Бу савоб иш болам! Ахир сенга ҳалақит бермаяпти-ку?! Ахир бу бизнинг меҳмонимиз, қувонч элчиси. Мана энди у учеб сенга раҳматлар айтади: “Тезроқ катта бўл, униб ўсгин, ота-онанг узоқ кўриб, баҳтиңдан қувониб юришсин”. Бунинг ҳамаси сен уни қўйиб юборганинг учун...

Кўёш тоғ чўққилари томон энгашди. Чўпон болалар, молларини тўплаб, қишлоққа ҳайдадилар. Сигирларнинг мўлаши, қўй-эчкиларнинг маъраши болаларнинг жарангдор товушлари билан қўшилиб кетди.

– Ҳой, ёрдам беринглар! Қичқирди кимдир бирдан.– Дарё Хвтисони оқизиб кетди. Хвтисони ҳам, қўзичоқни ҳам оқизиб кетаяпти!..

Қўйлар дарё соҳилида ўтлашаётганди. Тошқин дарё Хвтисонинг қўзичогини оқизиб кетди. Бола қўзичоғи орқасидан ўзини сувга ташлади. Бироқ жўшқин дарё уларни олиб кетди.

Дарижон нима қиларини билмай, чўпонга ёрдамга шошилди. Караса, Арагва тўлқинлари ўз ўркачидаги Хвтисони ҳам, қўзичоқни ҳам гоҳ иргитиб, гоҳ тортиб олиб қочаяпти. Дарижон шошимлиб ўзини дарёга ташлади, олдинга қараб юрди. У тўлқинлар билан мардана курашар, сув борган сари чуқурлашиб бораради. У кўкрагидан ошганда дарё уни чирпирак қилиб тортиб кетди. Муздек сув Дарижонни Хвтисо билан бирга гирдобга тортди-да, қояга олиб бориб урди...

Дарижон қарийб хушидан кетди, лекин қўли билан сувни эшиб,

қиргоққа интиларди.

У яна бир неча бор, оёғи билан ерни пайпаслаб кўришга, тик туришга уриниб кўрди, лекин бефойда... Иккаласи – Дарижон ҳам, Хвтисо ҳам ҳалок бўлди. Мен уни бошқа кўрмадим, – фақат анча пастроқда оқим унинг қора рўмолини соҳилга чиқариб ташлаганди: Дарижон ҳаётдан мангуга кетган эди.

Кеч кирди. Қоронгилиқ қуюқлашди. Ҳайбатли тоғлар қора чакмонларига бурканиб, тепалиқдан Арагва дарёсига мағрур қараб турардилар.

Лоқайд Арагва эса тўлқинларини елкасига ортмоқлаганича пастга шошарди. Атрофда бирор овоз, жонли товуш эшитилмас, фақат қандайдир қуш ўроқ янглиғ қанотларини Арагва узра қоқиб, “тиутиу” деб учид борарди.

Собир РУСТАМХОНЛИ

Озарбайжон

ШАҲНОЗНИНГ ЁДГОРИ

Ўша оқшом куз қуёшининг ёругида ўтмишининг қайси азиз кунидан бўлса ҳам бош кўтарган жуда ширин бир хотира уйгонган эди. Бутун борлиқ юракни ларзага солувчи табиийлик билан шовулларди. Тоғларнинг сийнасида барқ урган ўрмон улкан ўчоқдай ловуллаб ёнар, қоялар олов шуъласи сингари осмон остида жилваланарди.

Қияликлардан, учурумлардан пастга отилаётган шалолалар оқариб кўринар, дараларнинг торлигидан шоша-пиша, уриниб-суриниб, водийга қараб чопарди.

Бу гўзалликда иккаласини ҳам жимликни бузмасликка ундалан сир яширинганди...

Машинани ота ҳайдарди. Куннинг кўзи очилгандан бери йўл босаётган бўлса-да чарчагани билинмасди. Бурилишларда, дараларда зўриқиб-зўриқиб юқорига ўрмалаган қадим тоғ йўлларида уни ҳаяжонли туйгулар судраб бораарди, ярим асрлик муддатнинг у томонидан таниш бўлган ерлар меҳрибонлик билан уни чорларди. Рулни тутган йирик ва оғир қўллари орасидан нигоҳи тепаликларга қадалган, йўлнинг тиклашган унгурларига илашиб қолганди. Камрон отасидан кўзини узмас, хаёлдан чалғитиб, учурум устида унинг диққатини йўлга қаратишни истарди.

— Ота, балки мен ҳайдарман. Чарчагандирсиз.

Машина қайрилишда бурилгандан сўнг Қарибали юзини ўтирмасдан гапирди:

— Бу ер Муғон эмас. Тоғ-тошда қийин. Нотаниш йўл... Бирор марта ҳам оёғинг тегмаган жойда машина ҳайдамоқчимисан..

Қамрон пешонасига тушган соchlарини кафти билан четга суриб қўйди-да отасига бурилди:

— Аслим қаерданлигини қачон эшигтанман, қаерда туғилганман билмайман-ку, ахир. Мени иш деб юборишмагандা, бу ерларга келиш хаёлингизда йўқ эди...

— Кўп нарса менинг хаёлимдан ўчиб кетадиган пайт ҳозир. Бусиз ҳам кўп нарса менга ортиқчалик қиласяпти. Навбат сеники...

— Кўяяпсиз-ку, мен ҳам етиб келдим бу ерларга!

— Киндигинг шу ерда кесилган ахир...

— Авваллари болалар уйда туғиларди, энди тугруқхоналарда.

Киндиклар ҳам ўша ерда кесилади.

Қарибали негадир кулимсиради. Боядан бери илк марта ўғлига ўтирилди. У кенг юзли одам эди. Пешонасини, кўзларининг атрофини ўраган ажинларга қараган заҳоти синовлардан ўтган бақувват одам бўлганига ишонч ҳосил қиласан. Бошига ота-буваларидан қолган қоракўл телпак кийганди. Калта қирқилган соchlari оппоқ оқарган эди.

— Қидирувларингиз қандай ўтди?..

— Ё биринчи бор бўлгани учун ёки эски қишлоқларга келганимдан бўлди. Билмадим, мен қониқиши ҳосил қилдим. Аммо қийин. Тўртбешта молнинг еми эмас бу. Буни илмий қидирув дейдилар, керак бўлса тонгдан кечгача чўкич урасан...

— Сизлардагилар мактаб битирган, кўли ишдан чиққан одамлар.

— Мендан бошқа барчаси эски геологлар эди. Масала эса кўли ишдан чиққанлиқда эмас. Машина бизнинг илмдан бошқа ҳамма жойга осон йўл топади. — Қаерда ишлагандингиз?

— Моранқалъада.

— Қояларнинг тепасидами? У ерлар эсингиздами, ота?

— Кўй боққанимиз, турли ўйинлар ўйнаганимиз ерлар эди...

— Айтишларича, чўпонлар йигиладиган жойи бор экан. Теп-текис экан.

— Яхши тўшама тошлари бор эди, кафтдай текис бўларди. Ўти ҳам ширин эди, сурувларни жалб қиласди. Нимасини айтасан, эски қабристон эди. Тошларнинг қайси бирини кўтarsак, тагидан фор оғзидаи йўл очиларди. Бир вақтлар одамларни катта хумларда кўмишарди. Эркак киши ўлганда хотинини ҳам тириклай унинг ёнига кўярканлар. Мол-мулкини ҳам хумларга жойлашаркан.

— Мусулмонликдан аввалги воқеа бўлса керак.

— Ҳа, анча олдин.

— Яхши аёлларнинг уруғи қуриганди. Мундоқ бир ўйлаб кўр, ҳар бир шарти кетиб, парти қолган эркакнинг ёнида уч-тўрттадан гўзал келинни кўмишган бўлишса...

Ота бироз ўйлаб туриб илова қилди:

— Ким билади дейсан, бу қоидани чиқарганлар нимани ўйлашган экан. Одат йўқ жойдан яратилмайди... Мардон бўларди, Ҳусайнзода, эшитган бўлсанг керак... Халқнинг, давлатнинг молини ўзлаштириб, ўзиники қилиб олган. Отасининг молидай. Охири фош бўлди. Судгача чидай олмади, юраги касал экан. Ёш хотини қолди, битта боласи билан. Кейин болани ҳам қайнонасига ташлаб шаҳарга кетиб қолди. Ўқишга. Пул бор, таниш бор... Иймонимни куйдира олмайман, мен ҳам бирордан эшитганман, Айтишларича, ўқиш баҳона, қўл-қанотини ёзгиси келган экан, ўйнаб-кулиш дегандай. Шунақасини эри билан кўмишса, яхши бўларди. Мол-давлат қўлнинг кири. Ота мисоли на яхши ўғилга керак, на ёмон ўғилга...

Камрон отасининг олисдан бошлаган гурунгини чўзиб усталик билан ўгит-насиҳат-ла тугатганини кўриб, суҳбат мавзусини ўзгартирди:

— Текис тогдан юқори кўтарилиганда, қадим бир шаҳарнинг изини топдик, у ердаги ўчоқ эсингиздадир, баланд, бино. Битта қоя ҳам бор, боргандар ният қилиб майда тош ёпиштирадилар.

— У ер муқаддас жой...

— Қазишишлари олиб бордик. Уйлар, тош тўшалган йўллар чиқди. Одамларнинг айтишича, пайғамбар ўтган жой эмиш. Тошларнинг устида тиззаларининг, бармоқларининг изи қолган. Эгари ранги

сополга айланибди, сопол узангиларда оёқ изи...

— Одамлар бехуда гапни айтмайдилар. Бизнинг катталар аввалдан ўқимишли бўлганлар. Ардабил, Машҳад мадрасаларида. Тўгри эскича савод чиқаришарди. Лекин билимли эдилар. Бугунгиларга ўҳшамаганлар. Бир бурда нон учун динни ҳам сотадилар, иймонни ҳам. Ҳақни ноҳақга алмаштирадилар. Улуғларимизнинг оғзидан эшитганман, айтардиларки, муқаддас нарсага бепарво бўлманглар. Баъзан юзлаб шоҳнинг, юзлаб саркарданинг қўриқлай олмаган обидани, китобни, ёзувни биргина “Муқаддас” сўзи асрайди...

Камрон отасининг юзига қаради. Унинг ҳафсаласини пир қилган масалаларнинг отаси учун бунақа ойдин бўлиши, одамнинг ҳар бир нарсага содда, бемалол ёндашуви Камронни таажжублантириди. Балки шунинг учун ҳам отасининг айтганини қадрлар, гапини икки қилмасди. Кўпдан бери кўришмаганлари учун отасининг бу гапларидан завқланарди.

— Ҳали анча узоқми, ота?

— Йўқ, ҳув анави қоя остига бораяпмиз.

— Телеграмма бермасам келмасдингизми?

— Энди мазам йўқ. Юрагим чидамайди деб қўрқаман. Ўзинг ҳам кеч ҳаракат қилибсан.

— Йиҳдан қўл бўшамасди.

— Ўртоқларинг қачон жўнашибди?

— Бугун. Тумандан кузатиб қўйдим уларни. Сизни кутиб қолдим. Тўғриси йўлланма қофозини деб.

— Авваллари кимнинг ёнига боришингни айтишарди. Энди сени қидириш олдидан ҳеч гап айтилмади. Ота-бобо юртимизга йиллар бўйи бир парча қофоз деб ҳасрат яшаймиз.

* * *

Дарё пастда, учурумнинг чуқурлигида қолиб кетганди, етиб келаётган шарқираши олис тоғларда бошланаётган бўрон сингари ваҳимали эди... Ҳар икки соҳил бўйлаб бօғ-рөглардан қизил фишт рангидаги ажралиб турган уйлар саф тортганди. Қишлоқлар орасидаги йўллар дарёга қўйилаётган ариқлар сингари оқариб қўринади. Ҳосилдан бўшаган полиз ерлари қарагайзорларда яланглар сингари тизилган. Бу ердан қишлоқ уйлари кичик-кичик оқ қутиларга ўҳшайди. Ота-боба ўртасида суҳбат тўхтаб машина ҳаракати секинлашди.

Ҳа, Таза канд, янги қишлоқ деганлари мана шу. Туппа тузук шаҳар экан бу. Биз кетганимизда бу ерда сел олиб келган тошдан, шоҳшаббадан бошқа нарса йўқ эди. Тоғдан қайтиб тушиб дарё бўйида уйлар тикилашибди. Қайтиб келганлар орасида бизниклар ҳам бор.

Йўл тепага кўтарилган сари қишлоқнинг кенг бағри очилиб бораётир. Уйлар, ҳовлилар сой бўйлаб, дарё жилгачалари ёқалаб тоғларга, қиёликларга ёндашиб, тик қояларга, ғрмоннинг ўтиб бўлмас дараҳтларигача етиб борибди... Янги экилган ниҳоллар орасидан ўтиб боришаётди. Кўчатларнинг кўм-кўк гуллари бўй чўзган. Ёз гуллари ниҳоллар қўлида юзларча майда бодаларга ўҳшайди. Гўё кўчатлар тоғлар соғлиги учун қадаҳ кўтараётгандай. Машинага нам тупроқ ва хас-ҳашак ҳиди уриларди.

Офтоб олддан, сўқмоқларнинг устидан туша бошлади. Ёруғликдан ёки нигоҳидаги аччиқ ҳасратни оғриқни яшириш истагидан Қарибалининг қўзлари сузилади.

Зич эманзор билан қопланган даралар ортда қолди. Довондан

бурилиб, текис кўндаланг йўлга тушишди. Олдинда қоялар уч томондан ўраб турган кенг қия текислик намоён бўлди. Бу кенгликни ёнгоқ дараҳтининг зич қаторлари тўлдирганди. У ер-бу ерда чинорлар юксалиб турарди.

* * *

Қарибали машинани ўзига таниш бўлган хотиралар бўйича ҳайдарди. Бу хотиралар уни қишлоққа кираверишдаги улкан ёнгоқ дараҳти остида тўхтатди. Бир-бирига индамасдилар. Афтидан ҳар бири ўз хаёли билан банд эди. Майдончанинг пастки чеккасида тошлар орасидан чашма жилдиради. Ёғоч новга тушарди.

Қарибали оёқларини тошга қўйиб сувни ҳовучлади. Бир икки қултум ичди, кейин шапиллатиб юзига урди. Бармоқларини қовоқларига сурди. Сувнинг салқинлиги билан кўз қовоқларининг чарчонини ювмоқ истарди ёки қорачифини қоплаган ёшни сувгаа аралаштириб ўглидан яширишга ҳаракат қилаётганмиди – аниқ эмасди... У яшил майсаларни қизил ғунча каби ёпган баргларни фирчиллатиб эзиз ўтарди.

— Ўзингга шукур, ё Тангри...

Унинг бу ерга қайтганига, келиб шу булоқни ўз жойида, аввалги ҳолида, ҳамон ўша салқинлигига кўрганига шукур қиласяптими, ёки бу бир эътиrozми, билиб бўлмасди.

Камрон қўлларини новдаги сувга тўлдириб ичди. Новдан оқаётган кўм-кўк сув ичра мовий само тўлқинланар, ёнгоқ дараҳтининг шохлари титрарди, япроқлар орасидан қора қарға қараб турарди. Куш қанот қоқди ва қудуққа тушган тош каби сувнинг шаффоғлигига гойиб бўлди. Ота-бона маймунжон қоплаган эски четан тўсиқлар орасидан юриб кетишиди.

Қарибали олдинда борарди. Айлана четан тўсиқларнинг, қулаган деворларнинг ораси билан вақт совута олмаган иссиқ бир ўзоққа қараб интиларди. Оёқлари оғирлашганди, бу ерда ўтган кунлари билан ҳозирги дамлари орасида ўтган хаёлга сизмаган кенглик бирданига унга умрнинг ўтиб кетганини, кексалик келиб ёқасидан олганини ҳис эттиради. Қадам босгани бу дунёда ўща пайт ҳали оталик ҳиссини сезмаганди, ўзи ҳам ёш болага ўхшарди. Одамга бўй бермайдиган ўт-ўлан босиб, йўқолиб кетган йўллар, хароба қишлоқ уни ўз ўтмиши билан учрашираётганди. У бир вақтлар учрашув учун йўлга отланар ва ушбу тўсиқлар устидан йўлга энгашган кунгабоқар каби рўмолча ҳилпиради... Очиқ турган кўча эшигини босиб ўта олмади, чириган устунга суюниб қолди...

Тоғларнинг кун ботишидан дарак берган еллари бошланганди. Дарапардан чийиллаб ўтган шамол қишлоқ оралаб айланар, боғларни шовуллатиб ҳазин, мунгли навога айланарди...

Кичкина пирилдоққа ўхшаган ўрама илон кўча эшик олдидан шиддат билаб ўрмалаб ўтди. Буталар орасига кириб, кўздан гойиб бўлди. Унинг орқасидан кўтаришган қуруқ ҳас-чўплар ҳавода айланаб қолди. Йирик-йирик, оғир ёнгоқ япроқлари ҳовлида сочилиб ётарди. Гўё тупроқ остида оҳанрабо юритишаяпти-ю, унинг таъсирида бу темир вараклар беихтиёр титрашар, учиб-кўнишарди.

Рўпарада турли мевали дараҳтлар анчадан бери қўл теккизилмаганидан ёввойилашиб йўғонлашган, шоҳ-шабба ёзиз чангалозорга айланганди. Узоқдан диққатни тортувчи бир жуфт ёнгоқ дараҳти алвон чодир сингари ҳовлини қанотлари остига олганди.

Пастки бурчақда эса уч туп финдиқ¹ новдаси баҳордаги каби ям-яшил турарди. Боф майдони йўлга қадар чўзилганди. Йирик олма дараҳтларининг ҳали узилиб тушмаган мевалари қизариб турарди. Дараҳтларнинг ҳеч кимдан, ҳеч нарсадан мадад кўрмай, уларни экиб ўстирганлардан бехабар эмин-эркин гуллаши, мева солиши, шоҳ ёзиб, қад ростлаши гаройиб кўринарди. Ташлаб кетилган, кулаб тушган уйларнинг олдларида дараҳтларнинг фариб, танҳо туришида соҳибининг қабри узра бош эгиб мунгайиб турган отнинг эътиборига ўхшаш зирқироқ бир жозиба бор. Ҳовлиниң ўртасида қуриб қолган дараҳтнинг пўстлоги ҳам тўклиб кетибди. Ҳовлини ажриқ босибди. Ясси тошлардан ўрилган зинапоя иккинчи қаватда айвоннинг чеккасига ёндашиб турибди. Уйнинг томини ўзи бузиб, фиштини олиб кетганди. Тоғ эманидан ўйнилиб ётқизилган оғир тўшама йўсин босиб кетган, лекин чириб тўклимаганди. Эшик-деразаларнинг уринлари кўр одамдай ном-нишонсиз олисларга қараб турарди.

Қарибали зинанинг ер билан туташган учиди — биқинидан майда оқ қўзиқоринлар бўй чўзган тошнинг устига ўтириди. Папирос чекди. Жаҳли чиққан пайтларда бўлгани каби қўли билан чап тиззасини силай бошлади.

Табиий, илиқ бир ҳаракат Камроннинг қалбини титратиб ўтди. Гўё унинг бир яrim-икки ёшли бола хәёлининг қайсиидир қунжида бу ҳаёт шундайлигича қотиб қолган, энди бўлса, ўткинчи, лаҳзалик хотира қудуқ тубида милтиллаган сув сингари ялтирашга, даврнинг жуда олис уфқларидан товус патларидай товлана бошлади. Оёқлари остида қуриган ёнгоқ пўстлоқлари сочилиб ётарди. Шудрингда ювилган, тозаланиб, оппоқ бўлиб ётган майда ёнгоқлар бир-бирига урилиб шарақларди. Ҳовучидаги қўш ёнгоқни синдириб, тозалаганича дараҳтлар орасидан юриб кетди.

Бофнинг ичидан сўқмоқ йўл тушганди. Четан тўсиқ тагидан кўкариб чиққан маймунжондан ҳатлаб ўтиб тўхтади. Йўл кўндаланг чўзилиб, кичик тепалик орқасига ўтиб кетарди. Камрон тепачага кўтарилиб, чуқурликдаги уйни кўрди. Икки қаватли уйнинг ҳовлисида товуқлар ер титкиларди. Сут машинаси қўзга ташланарди. Қаланган ўтинлар устида оғзи пастга қаратилган идишлар оқариб турарди.

Чуқурлиқда қишлоқ манзарасидан кескин фарқ қилувчи беш-олтита уй бир-биридан аразлаган каби орали-орали туришарди. Ҳаммасининг пештоқи бир томонга қаратилганди. Ҳовлида дараҳтдан-дараҳтга тортилган ипдан ювилган кийимларни йиғишириётган қиз Камроннинг атрофни кузатаётган назарига тушди. У бу ерда бирорни учратаман деб ўйламаганди. Қизнинг юзи нариги томонга қарагани учун йигитни кўрмасди. Енгиза ипдан олинган кийимлар бор эди. Юқори чўзилганда тиззаларидан баланд кўтарилиган қизил кўйлаги кечки шабадада ҳилпирап, бўйнига тушган дурраси остида икки ўрим сочи тўлғанарди.

Орқага бурилиб кўйлакларни бўш тогорага жойлаётганда уни кўрди. Қўлини кўйлаклардан олмасдан юзини елкасидан осилиб турган ўриклари орасидан Камронга томон ўтириди..

Аста-секин бошини кўтарди. Сийнасидан пастга осилиб, бели узра чулғанаётган соч ўримларини қўли билан орқасига ташлади. Бошининг кескин ҳаракати билан курагига жойлади. Тепалик устида, куз оқшомининг оқарган уфқлари оғушида Камроннинг қомати катталашганди, бўйи-басти янада аниқ қўзга ташланарди.

¹ Ф и н д и қ – тўғ ёнғоги.

— Хуш келибсиз!

Қизнинг жарангдор ва титроқ овозида бу уйнинг, эҳтимол бутун қишлоқ номидан гапира олиш ҳиссисидан пайдо бўлган бамайлихотирлик ва сабитлик сезиларди. Кўриниб турибдик, орасира келиб бирор нарса сўраган одамларга жавоб бериб кўнишка ҳосил қилган, малака оширган ва рўпарасидаги одамнинг кимлиги уни унчалик ҳам қизиқтирмасди. Қайсиdir эгасиз уйнинг меҳмони бўлса керак. Демак уларнинг меҳмони...

Орасидаң ўтиб келган бўм-бўш bog, уйлар каби қиз ҳам Камронга жуда табиий туюлди. Бу эгасизлик, кимсасизликда ўз иши билан банд қизнинг сиймоси йигитнинг юрагида марҳаматга мойил қадарли бир ҳис ўйғотди.

— Хушвақт бўлинг!

Бу сўз юзида майнин табассумга айланди. Айтадиган бирор гапи, сўрайдиган бирор саволи йўқ эди. Келган йўли билан аста-аста орқага қайтди.

Қарибали ҳамон ўша жойида ўтиради.

— Бу ерда яшाइтганлар ким, ота?

— Фермага қараётганлар бўлса керак. Шундай деб эшитганман...

* * *

Булоқ ёнида ўн-тўрт-ўн беш ёшли икки бола турарди. Улар машинани томоша қилишарди.

Йигитчалар дагаллашган кўлларини узатиб, одоб билан кўришиб, саломлашдилар.

— Кимсизлар, болам?

— Байларнинг ўглимиз, амаки.

Эшитган исми тилига келган бошқа бир саволга монелик қилди. Озгин, баланд бўйли, очиқ чехрали тоғлик болаларни бошдан-оёқ кўздан кечирди.

Думалоқ юzlари, чағалай қаноти каби учидан қайрилиб пастга эгилган узун қошлари тагида катта кўзлари билан қарашарди. Қисилган лаблари юзларига жиддийлик бахш этар, уларни бўй етган йигитларга ўхшатарди.

“Қош-кўзлари мунча оналарига ўхшаб кетибди... Шаҳнознинг болалари”. Олис йилларнинг, чанг йўлларнинг нафасини янгитдан туйгандай бўлди. Қишлоқнинг охиридаги четан тўсиқнинг нариги томонидан йиғлаётган аёлларнинг боши узра Шаҳнознинг рўмоли Байларнинг эмас, унинг орқасидан силкиниб қолганди...

Нигоҳи беихтиёр ўша томонга қадалди. Ўша жойда, айни Шаҳноз турган жойда энди олча дарахти силкиниб турарди. Уруш йўли оғир мусибатларда ўтганди. Ленинград қамали... Ўзига ҳам туш каби эсланаётган қора, азобли кунлар.... Уни ўлим чангалидан ва асирилик асоратидан бир тасодиф қутқарганди. Буларнинг барчаси ҳаётининг оқимини тўхтатган, уни урушдан кейин ҳам анча ур-сурларга рўпара қилганди. Урушдан кечикиб қайтди. У келганда Шаҳноз йўқ, Байларнинг хотини бор эди.

Ҳали ҳозирнинг ўзида ҳам ойдинлаштира олмасди. Ўша пайт Байлардан хафа бўлишда, адоват сақлашда ҳақлилашди? Ахир, унинг истагидан Шаҳноздан бошқа кимнинг хабари бор эди? Унга энди ҳеч қандай қўл етолмайди. Совуқ тупроқ устига тортилган пардани ҳеч хоҳиш-ирода кўтара олмайди. Қақшаб қуриган баданинг, ҳамманинг кўз ўнгидаги шамдай эриб сўнган гўзалликнинг ёдгорлари

Қарибалининг олдида туришибди. “Шаҳнознинг ёдгорлари...”

Байлар колхоз раиси эди. Юқорида, чўққиларга элтувчи сўқмоқларда, чегара ёқаларида бўлган қадимий қишлоқлар ер майдонлари, экин-тикин ерлари етишмайди баҳонасида чўлга кўчирилганда, Муғонда йирик хўжаликлар ташкил этилганда, у тоғдан кўчиб кетмаган, дарё бўйидаги қўшни қишлоққа тушган, хўжалик кичиклашса-да, ишни ташламаганди.

— Байлар қаерда, аҳволи қандай, нима иш қиласяпти?

— Ферма мудири, овлуларга кетганди, қайтадиган пайтлари бўлди.

Байлар билан учрашуви энди унга авваллар бўлгани сингари кўнгилсизлик тугдирмасди...

* * *

От туёғининг товушига ўгирилдилар.

— Отам келди,— деди болалардан бири.

Байларнинг оти йўргалиб келарди. Эгар чарчатганидан ёнлаб ўтириб олганди. Елкасида эски ов милтиги. Озғин, соғлом юзидағи табассуми ўшлигидан қолганди, ўзгартмаганди.

Хой бола, меҳмонни булоқ ёнида ушлаб ўтирадиларми?!— ўшқирди раис болаларига.

Отнинг бошидан ошириб юганни уларнинг устига ташлади. Телпагини пешонасидан орқароққа сурди-да, меҳмонларга диққатла қаради. Баланд, суяқдор гавдасини олдинга энгаштириб, қўлларини кенг очди. Уларни танидими, танимадими, кучоқлашиб кўришмоқчи эди. Ҳар икковини диққат билан кўздан кечирди.

— Нима, шунчалик танилмайдиган бўлиб қолибмизми, Байлар?

— Қарибали!

Ўтган йиллар ҳеч қайсининг овозини ўзгартирмаганди.

Кучоқлашишди. Байлар севинчидан гапини тўхтата олмасди.

— Хўш келдинг, жўра, сафо келтирдинг, Марҳабо. Барибир шайтонга ҳай бердинг, оёгини синдиридинг-а. Шунчалар эътибор бўладими?!

Камронга юзланди:

— Бу ҳам сизлардан чиқар, Камронми ёки?!

— Ўҳшайди шекилли.

— Ҳа, холаси гўзал, нега четда турибсан. Одам қишлоқи амакисини ёқтирамайдими? Олдимда ўйнаб, югуриб юрардинг.

Камронни қучоқлаб, юзидан ўпди. Орқага тисарилиб бўй бастига қаради.

— Мошоллоҳ, отангта тортибсан. Еганларинг бўйингга берибдида. Аммо лекин ақулдан уларга ўхшамабсан. Таърифингни эшитганман. Тоғликмиз дема. Бу гап бизларга тегишли! Булар менгинг Тарлан, Элмон болаларим. Келиб амакиларингиз билан танишсаларингчи, ҳой аҳмоқлар!

— Кўришганмиз.

— Унда югуринглар уйга. Милтиқ билан ўйнашманглар, хўпми. Гулшанг айтинглар, меҳмонимиз бор деб. Эгардаги қушларга ҳам қарасин. Чўл одамлари каклик димламасига ўч бўлишади.

Қарибалига томон бурилди.

— Машинани нега бу ерда қолдирдинг?

— Четанлар орасидан ўтолмаймиз деб кўрқдик.

— Қишлоқнинг чеккасидан айланамиз. Юқоридаги йўл текисроқ. Машина эшигини очиб, олдинга, Қарибали ёнига ўтирди. Кун

ботиш томондан Қизилқояга қараб юришди. Қояларнинг этакларида мармар сингари силлиқ тошлар қалаб ташланганди. Шу ердан қабристон бошланарди.

Машина тўсатдан тўхтади.

— Тушиб, бу ёқقا кел, Байлар!

Қабристоннинг катталиги Комронни ҳайратга солди, гарбда бир учир қояга бориб тақалган сўқмоқ бўйи чўзилиб кетганди. Қабр тошларининг усти бошдан-оёқ ёзувлар билан тўла эди. Эски алифбода битилган тошлар ёзуви ўқиб бўлмас даражага келганди. Гўё дунё яралгандан бери бу тошлар ҳам шундай безакли — ёзувли саф тортиб турардилар. Уфқа энгашган куннинг сўнгги нурлари тошларнинг сояларини қишлоққача узайтирганди. Камрон чўккан оқшомда, харобаликларда, янги йўнилган қабр тошлари каби қишлоқ устида юксалган чинорларда, бу эгри-буғри эски ёзувларда қандайдир сезилмас, кўзга кўринмас бир боғлиқлик туярди.

Отасининг ўз қавмларини йўқлаб зиёратга келганини ҳис қиласарди. Бир-биридан унча ажратиб бўлмайдигани жалб қилувчи туйғу вакт деворини бузиб, наслининг руҳи ётган қишлоқ қабристонининг чекка бир гўшасига сени оёқларинг беихтиёр этаклайди.

— Бизникилар шу ерда ётишибди...

Камрон қабр тошларининг устидаги ёзувларни ҳижжалай бошлади: “Қоражали Жаҳонгир...” Байлар унга таажжубла қараб турарди.

— Бу ёзувларни қандай ўқияпсан? — сўради у.

Камрон эса жавоб бермай ўз ичидаги давом этарди: “Қоражали.. Қоражали... Қоражали Камрон”. У бу номни ҳайрат-ла баланд овозда ўқиди. Отаси:

— Бўлибди, — деди. — Шундай бир одам... Бундан анча олдин. Исмини сенга қўйишишган. Бувангнинг истаги эди.

* * *

Боя Камрон кўрган уйга келишди.

Кенг хонага гилам, шолчалар тўшалганди. Девор бўйлаб ерга қуроқ кўрпачалар ташланганди.

Қарибали билан Байлар тўрда ёнма-ён ўтиришди. Комрон Байларнинг чап томонида, курсига ўтириди.

— Ўтира олмаяпсанми, ҳой йигит! Кўча-кўчлик-да, биродар. Ёз-куз эса уйимиз. Қуий қишлоққа келсанг, иншоллоҳ... Чўлчиликни кечирасан, албатта.

— Ҳа, менинг куним ҳам чўлда ўтаяпти,— жавоб берди Камрон гиламнинг ўсиқ тукларини қўли билан текисларкан.

— Хунарлари шунаقا. Кўхна юрт ерларини қазишиади. Ёзда бизнинг Моранқальда ишлашди.

— Унда нега хабар бермадинглар. Ёки бизларни бегона санай-сизларми?

— Ўғлим танимайди, менинг эса ҳеч эсимга келмабди.

Гулшан ўрталиққа дастурхон ёзаркан, суҳбатга қулоқ соларди. Хона тўлитб кетди. Меҳмонлар билан кўришиб, ўтиридилар. Кейин аёллар рўмолларининг учи билан кўзларини арта-арта битта-биттадан чиқиб кетишиди.

Дастурхонга капалак қанотидай юпқагина Юха¹ қўйилди. Каттакатта идишларда буғи чиқиб турган қовурма қўзи гўшти тортилди.

¹ Юҳа — юпқа ёйилиб темир ўчоқда пишириладиган нон.

Каклик чигиртасини¹ мемонлар олдига суришди. Қатлама, пишлоқ, мева-чева дастурхонни безади.

– Ҳой, Гулшан қизим, бурчакларни бир ахтариб кўп, томоқ ҳўллайдиган бирор нарса топилармикан?

Гулшан қалин бардоқлар ва бир неча “томуқ ҳўллагич”лардан келтириб қуиди.

Байларнинг узоқ йиллар дарди, қувончи, бир бўлган ён қўшниси билан қанча вақт айрилиқдан сўнг учрашишдан ҳис этган севинчи, ширин меҳмоннавозлиги ўтиришни янада қиздириб юборганди.

Қарибалининг ҳаёти, Камроннинг Бокудаги иши – касби тог қишлоқларини янгидан ободонлаштириш учун чўлдан қайтиб кўчиб келган одамларнинг умргузаронлиги ҳақидаги сухбатлар даврадагиларга алоҳида кўтаринкилик бахш этганди. Қарибали ҳамқишлоқларидан бўлак тушганди, ҳамиша сўраб суриштиролмасди. Энди бўлса янги хабарлар эшитиб турибди. Аҳоли аҳволининг яхшиланиши уни севинтиради.

– Кўйи қишлоқни кўрдим, туппа-тузук шаҳарча бўлибди-қолибди.

– Ҳали жануб томонларни кўрасан! Билсанг агар қанча уйлар курилиб, ҳовли жойлар солинган. Ҳаммаси ҳам чўлда яхши яшаган эканлар. Анчагина йифиниб, машинали бўлиб қайтишибди.

– Машинаси борларга бу йўлларда юриш анча қийин бўлади-да.

– Ҳамма нарса турмушга боғлиқ, биродар. Ҳаёт ўзгарса, уй-жой бўлса, нон-намак бўлгандан кейин йўл ўз-ўзидан тузалиб кетади. Юрган оёқ ўзига из топади. Энди, барака топгур, ширкатларимиз чўлдаги қайси хўжаликдан кам? Тоза ҳавомизни, сувимизни, ўтин-ўчогимизни айтмаяпман. Бу соҳани тезроқ йўлга солиш керак эди. Ёзда кўрасан яйловларимизни. Буғдой бўй баравар кўтарилади. Картошка майдонларининг боши-охири кўринмайди. Шунча экин майдонларининг эгасиз ётишига кимнинг кўзи қияди.

Қарибали папиросини тутаганича қулоқ солиб ўтиради. Кўз ўнгиди Қизилқояннинг йигирма-ўттиз йил олдинги қиёфаси гавдаланаради.

– Ҳой, Гулшан, самоварни олиб келсанг-чи...

Қарибали бу сафар хаёлида уйғонган хотиралари таъсири биланми ёки нимагадир қизга диққат-ла қаради... “Ё тавба, худди онасининг ўзи-я”. Пойгақда ўтирган Алиш ўрнидан туриб самоварни олди. Бардоқ-чойнаклар турган патниснинг чеккасига ўрнатди.

– Демак чойнинг азобини ўзим тортарканман-да.

– Ҳо золим ўғли, намунча оғир ишга урдинг ўзингни, – сўз отиб кулди Байлар.

Алишнинг қисилган нозик лаблари овқатдан кейин ялтираб туради. Қарибали қишлоқда ўтган ёш-яланлар кечаларини эслади.

– Ҳой Алиш, балабанинг² турибдими?

Алиш кулди.

– Эсингиздан чиқмабди-да.

– Ё Оллоҳ, уни сўраттири. Сен чалган наволарни эсласам бурнимнинг уни ачишарди.

Байларнинг юрагидагини топишганди.

– Куйсанг-чи, нозингни. Шу одатинг қолмади-қолмади-да!

Алиш қаддини ростлади, пижжагининг чўнтағидан қорайиб кетган, устида бармоқларининг изи қолган ялпоқ балабанни олди.

– Қарибали келибди деб эшиздим, эҳтиёт чорасини кўрдим. Ўша

¹ Ч и ф и р т а — тухум билан димлаб пишириладиган парранда димламаси.

² Б а л а б а н — сурнайга ўхшаш мусиқа асбоби.

пайттлардаги одатларимиз эсимдан чиққани йўқ.

Ясси балабан йўғон, юракни титратувчи табиий товуш билан куйлай бошлади. Шикаста куйида кечанинг тароватидан, олис юлдузлар шуъласидан, тоғларнинг сўзсиз наволаридан йигилган бир жозиба бор эди. Шикаста наво ой шуъласида даралар бўйи чўзилган тоф жилгалари сингари сут рангини таратар, уйга теварак атрофнинг, баҳмал чаманларнинг атрини, ҳавосини уфурарди. Аёллар айвонда, дераза олдида ўтиришарди. Гулшан ичкари ўтганди. Эшик олдида деворга суяниб турарди.

Камрон йиллар оша отасининг хотирасида яшаган бу ҳавонинг кучини, сирини туюшни истардим. Бирданига унга шундай туюлдики, бу ҳаво топиб юзага чиқарганлари хум қабрларининг тарихидан сўзлайди. Бу товушда қадимий шаҳарнинг деворларида акс-садо бергувчи баятиларнинг¹ ҳазинлиги яшайди. Қабристондаги мозор тошлари сингари шикастада ҳам неча наслнинг номи, муҳри бор. Нигоҳлар эшик олдида ўзини унугиб турган қизга қаратилди. Боядан бери илк дафа қизга диққат билан қаради. Алиш чалаётган наво тоф булоқларининг суви сингари қизнинг юзидан чарчоқни, қайгуларни ювиб кетганди. Кўзининг олдида умрининг энг гуллаган чогини яшаётган бир гўзал турарди.

Камронга шундай туюлдики, бу наво билан унинг қулоқларига неча замон шу мўъжазгина қишлоқда қад ростлаб ўсган ёнгоқ, чинор дараҳтларининг тупроққа сингган узоқ шитирлашлари, юз йиллар давомида булоқлар бўйида жилваланган гўзалларнинг мозор тошлари остида яширинган наволари янграмоқда.

Қарибалининг папироси тутаб турарди. Байларнинг кулги аримайдиган юзи жиддийлашганди. Сукутни балабанни чўнтағига жойлаган Алишнинг ўзи бузди.

— Мана шундай ишлар...

* * *

Байларнинг барча эътиrozларига қарамай, Қарибали ўз уйи айвонида ётиш фикридан қайтмади. Даврада ўтирганлар ҳам унинг орзуисига қарши чиқолмадилар.

— Кўй, ҳовлида бир чироқ ёқсин,— дейишиди.

Байлар Гулшанни чақирди.

— Чироқ олиб бор, болаларнинг ҳар бирига бир сидрадан кўрпашак бер. Амакингларнинг айвонини тозала, шолча тўша, ётишга жой тайёрла.

Қарибали Камронга ўтирилди.

— Сен ҳам тур, ёрдамлаш. Балки машинадан чодирни оларсан?

Кимдир эътиroz билдириди.

— Худди ёз ҳавосига ўхшайди. Очиқ ҳавода ухлаш ҳаммасидан яхши.

* * *

Айвоннинг бир чеккасига қўйилган чироқ тўлин ой ёруғида хирадашганди. Гулшан айвонга жой солди.

Тарлон билан Элмон четан атрофидан хас-хашак келтириб ҳовлида ўт ёқишиди. Оёқлари билан кураб олиб келган хазон оловда ловуллар, барг излари нозик сим каби оқарар, ўчоқнинг устида нақшлар чизарди.

¹ Б а я т и — терма тўртликлар (фольклор).

Ой ёруғи парда мисол боғлар устига қўнганди. Қишлоқнинг бўшлиги сезилмасди. Сўқмоқ бўйлаб чегара соқчилари манзилларининг чироқлари қаторлашиб кетганди.

Гулшан кириб келди. Гулхан олдида туриб совқотгандай қўлларини оловга тутди. Юзи гулхан ёруғини кўзгудай акс эттиарди. Камронга агар қизга яқинроқдан қараса унинг ёноқларида ўз аксини кўриши мумкиндай туюлди.

— Кечаси сизларга совуқ бўлади. Қарибали амакини ўз айтганидан қайтара олмадик.

- Тоғларнинг аёзигаа қўникканман.
- Бутун ёз бизнинг воҳада ишлабсизда?
- Ҳа.
- Бизларникига эса энди келдингиз...

— Сизларни танимасдим. Ҳеч қайси қишлоқни ҳам танимасдим.

Қиз бошини кўтарди, бўйинни сал эгиб, оловнинг устидан унга қаради. Унинг кўзларида бир савол чақнагандай бўлди. Буни Камрон “Танисангиз келармидингиз?” – деган маънода тушунди.

Камрон ҳамишаги одати – соchlарини пешонасидан четга суриб кўйди. Кулимсиради. Гўё танимаганининг гуноҳи унда эди.

Боғ ораси йўлда Қарибалининг папироси ёришиб келарди. Байлар билан гаплаша-гаплаша яқинлашардилар.

Байлар қизига ўгирилди:– Бор, болаларнинг жойини сол. Ухлашсин. Ҳадемай дарсга боришади.

Қарибали гулхан ёнида юзма-юз турган ёшларга қаради. Ҳар бирининг юзи оловдан қизарганди. У бирданига Камрон билан Гулшан бир-бирига жуда ҳам ўхшаркан деб ўйлаб қолди ва миясига келган бу фикрдан фаҳрланиб кўйди. Энди унинг тасавурида ўғлига ёнмаён турадиган Гулшандан, “Шаҳнознинг ёдгори”дан лойиқ қиз топилмасди.

Гулшан укалари билан кетди.

— Ҳа, – деди Байлар, – болалар ҳам менинг аҳволимга тушиб қолишди. Ҳар куни пастдаги қишлоққа қатнашади. Қиз бултур мактабни битирди. Институтга бормади. Сизни ёлғиз қолдиролмайман, деди. У бўлмаса фермада ишлай олмасдим.– Бироз жим қолгач, илова қилди. – Авлодингнинг яххиси баҳтинг экан. Қизим онаси тириклигида жафокаш эди. Кейин эса болаларга оналик қилди.

Камрон истар-истамас, кетганларнинг ортидан бўйинни чўзиб қаради... Улар дарахтларнинг панасига ўтишганди.

* * *

Каттакон, юмшоқ болишга тирсакланиб, ҳовлига қаради. У ерда отаси билан Байлар секин гаплашиб туришарди. Камронга уларнинг ёнида Гулшан ҳам бояги вазиятда турганича бўйинни сал ён томонга эгиб, оловнинг ёруғидан янада йириклашган кўзларини олиб унга қараётгандек туюлди. Кўрпага маҳкам бурканиб олди. Юмшоққина тўшак жонига ора кирди.

* * *

Отаси ундан олдин уйғонганди. Папиросини тутатганча ҳовлида юради.

Айвоннинг пастидан кимдир келарди. Камрон эрта тонгда умрида ҳеч қачон туймаган бир гўзаллик ва севинч ҳис этди. Устунлар

орасидан чиққан Гулшан эди. Икки-уч қунлик қўнғир қўзичноқнинг олд оёқларидан қўтарганча олиб келаётганди. Қарибали билан саломлашиб ўтди.

— Чой тайёр, амаки...

Қамронга бу овоз узоқ йиллардан бери танишдек туюлди.

Ўрнида бурилиб тиккайди. Кўзларига ишонмади. У томонда, пастбаланд тоғларнинг устида ўй-хаёллар етиб боролмайдиган юксакликда оқарган чўққи тонг шафаги остида барқ ураг, оппоқ мўъжиза каби ял-ял ёнарди.

Ўглининг қаерга қараётганини сезган ота:

— Саваланг тоги шу,— деб қўйди.

Бу сўзда изоҳсиз, иловасиз ҳар нарсага ойдинлик киритадиган бир кудрат бор эди...

* * *

— Бир-икки кун қолсангиз, осмон узилиб ерга тушармиди, Қарибали!

— Йўқ, ҳаво яхшилигига қайтиб борганимиз дуруст. Қамрон ҳам ишга шошяпти.

— Ҳеч бўлмаса тез-тез келиб тур...

— Саломатлик бўлса...

Қамрон машинани юргизди. Булоқ ёнида Байлар ва ўғиллари кутиб турарди. Сал нарида Гулшаннинг қизил кўйлаги кўзга ташланарди. Ёнроқ дарахтининг шохидаги патларини хурпайтириб ёлғиз бўз чумчук чий-чийларди. Қамрон нимагадир ўйга толиб турган қиз билан шу кичкинагина қушча орасида яқинлик борлигини ҳис этди.

Қизилқоя бутун бир тош каби юксалар, саҳар ёруғида кўз қамаштиради. Бошқа-бошқа рангларда товланаётган тошлар, қоянинг сийнасидаги қия-қия йўллари Қамронга қабр тошларидаги ёзувларни эслатди...

Узоқ йўллар қат-қат бўлиб очилар, водийда оқарган дарё билан кўшиб кетарди. Кузнинг тиниқ сувлари пўлат эритмаси каби кумушланарди. Лекин тоғлар эриб тугайдиганга ўхшамасди.

*Русча ва озарбайжончадан
Файзи ШОХИСМОИЛ
таржималари*



Шри Сатья Сай БАБА

Иймон сарчашмаси

*Фақат битта ирқ бор – одамлар ирқи,
Фақат битта тил бор – қалбларнинг тили,
Фақат битта дин бор – муҳаббат дини,
Фақат бир Ҳудо бор – У Биру Бордир.*

Шри Сатья Сай Баба

Ушбу китобни Шри Сатья Сай Баба ёзган, дунёдаги миллионлаб одамлар Уни Буюк Авлиё, Муаллим ва XX асрнинг Аватараси¹ деб хурматлайдилар. Китоб Дҳарма (тақвадорлик, иймон) тўғрисидаги таълимотни очиб беради, инсон хулқ-атвори ва фаолиятининг барча жиҳатларига тааллуқли ҳар томонлама руҳоний ҳақиқат ва қонун-қоидаларни ўз ичига олади. Дҳармага риоя қилиш ҳар бир алоҳида шахснинг баҳтли бўлиши ва умуман жамиятнинг гуллаб-яшнаши учун зарурий шартлар ҳисобланади.

БИРИНЧИ БОБ

(1) Одамзот ўзини Дҳарма²га бағишлиши ва ҳар доим Дҳармага кўра амал қилиши керак, токи унинг ўзи дунёда яшай олсин ва токи бутун умр дунёдан лаззат ола билсин. У фақат дҳармача ҳаёт билан яшасагина Тангри муруватига ноил бўлади, бошқа ҳеч қандай йўли йўқ. Дҳарма – бу инсоният фаровонлиги учун пойдевор, бу барча замонларда ўзгармайдиган ҳақиқатдир. Дҳарма инсон ҳаётини ўзгартиришга муваффақ бўлмаган вақтда дунё қийноқ ва қўркув билан заҳарланади ва шиддатли инқилоблардан изтироб чекади. Дҳарма ёфуси инсоний муносабатларни ёрита олмаган пайтларда

¹ А в а т а р а – Кришнанинг ердаги тажассуми.

² Д ҳ а р м а – сўзма-сўз таржимада – иймон.

Таржимондан

Буюк мутаффакирларнинг таълимотлари ҳар доим умумбашарий маъно касб этиб келган. Мутаффакирнинг ўзи инсон сифатида муайян бир халқ, элат ё қабила ичидаги тугилади, таълимотини ўзи мансуб бўлган дин, эътиқод воситасида баён этади, ўзининг мисолида эса барча одамларнинг улар яшаб турган замондаги ҳаёт муаммоларини баҳоли қурдат диний ёки дунёвий қарашларда акс эттиришга ҳаракат қиласи. Қарашлар ва таълимотлар нечогли юксак бўлса, улар олдидағи муаммолар ҳам шунга яраша катта, ечими ҳам мураккаб бўлади. Муаммолар ва уларнинг ечимидағи мураккабликлар кишилар ажлини шошириб кўйиши оқибатида жамият ичидаги ихтилофлар келиб чиқиши ўз-ўзидан маълум. Айниқса сўнгги йилларда ўтмишдаги алломаларнинг авлодларга мерос қилиб колдирган мумтоз таълимотларига бот-бот мурожаат қилинаётгани эътиборга молик. Мумтоз таълимотларни шундайлигича олиб ва тарғиб этиб бўлмайди, аввал уларни алломалар ёрдамида чукур илмий ўрганиш чиқиш, замон талабига жавоб берувчи жиҳатларидан истифода этиш мақсадга мувофиқиди.

инсоният қайгуниг зим-зиё тунига маҳв бўлади.

(2) Худо Дхарманинг тажассуми ҳисобланади, унинг муруватига Дхарма ёрдамида эришилади. У ҳар доим Дхармани қўллаб-қўлтиқлайди, у ҳар доим Дхармани барқарор қиласди, У Дхарманинг ўзи ҳисобланади. Ведалар, Шастралар, Пуранлар ва Итиҳаслар¹ Дхарма шонини овоза қиласдилар. Турли динларнинг битикларида Дхарма диндорлар учун таниш ва тушунарли тилда баён этилган. Ҳар бир одамнинг бурчи – ҳамма жойда ва барча замонларда Дхарма-Нааяна, яъни Дхарманинг шахсийлашувига ҳурмат билан муносабатда бўлишdir. Дхарма фаолиятининг булоги ҳеч қачон қуриб қолмаслиги керак; унинг тетиклаштирувчи сувлари қуриб қолганда, баҳтсизлик юз бериши тайин. Башиятнинг ҳозирги даражага етишувига боис шундаки, Сарасватий дарёсига ўхшаб, Дхарма кўзга кўринмасдан ер остидан оқади, илдизларни сугоради ва булоқларни сув билан матьмур қиласди. Баҳтли бўлиш ва қувноқ яшаш учун на фақат одамзот, балки күш ва ҳайвонлар ҳам Дхармага риоя қилишлари керак.

(3) Дунё аҳли баҳт лаззатини тотиши учун Дхарма чашмалари узлуксиз ва тўлиб-тошиб оқиб турмоги керак. Одамларнинг ҳақиқатни писанд қиласликлари ва Дхармача ҳаёт асосларига ишонмасликлари сабаб жаҳон айвонида мусибатлар ўзининг телба рақсини ижро этмоқда. Инсон Дхарма қалбини аниқ тушунмоғи керак.

(4) Дхарма деганда нимани тушунилади? Дхарманинг моҳияти нима ҳисобланади? Оддий одамлар Дхармага риоя қилса, узун ва баҳтли умр кечира оладими? Бу иштибоҳлар, табиийки, бутун умри давомида инсон ақлини ўйлантириб туради. Буни ҳал этиш керак, ҳозир бу жуда ҳам зарур.

(5) “Дхарма” сўзи тилга олинганда, оддий одам бундан қуидагини тушунади: садақалар улашиш, мусофиirlарга бошпана ва егулик бериш ва ҳ.к., қасб ва ҳунар анъаналарига риоя қилиш, қонунга итоат этиш, тўғри-нотўғрини фарқлаш, ўзининг қалбига эргашиш, ўз ақлига ишониш ҳамда ўзининг энг эзгу истакларини рўёбга чиқариш ва ҳ.к.

(6) Дхарма чеҳраси таниб бўлмайдиган даражада тиниқлангунча, албатта, орадан ҳаддан ташқари кўп вақт ўтган. Гўзал дала ё боғни ўз ҳолига ташлаб қўйилса, у кўп ўтмай бутазор ва тўқайзорга айланади; сара дарахтларни очкўз одамлар кесиб кетадилар ва теварак-атроф манзараси ўзгача тус олади. Вақт ўтиши билан одамларда мавжуд ҳолатга қўникиш пайдо бўлади-да, ўзгариш ва таназзулни сезмайдиган бўлиб қоладилар. Дхарма ҳам шундай бўлди.

(7) Ҳар бир одам Ведалар, Шастралар ва Пуранларда баён этилган

³ Ҳинд тарихий фалсафасига оид йирик маданий мерос — китоблардир.

Жамият тараққиётига монелик қиласдиган иллатларнинг асосий сабабини, масалан, ўзимизга замондош бўлган ҳинд алломаси Сай Баба инсоннинг энг олий фазилати – Иймонга пуртур етганликда кўради. Иймониз ёки иймони суст одам Худодан кўрқмайди, Худодан кўрқмаган одамнинг қўлидан эса шайтоннинг ҳам қўлидан келмайдиган ёмонликлар келади, дея ер юзидаги барча одамларни огоҳлантиради.

Диний мутаассиблик ва экстремизм деган бало, мана, неча йиллардирки, Ер куррасининг катта қисмida халқлар бошига турли мусибатлар ёғдирмоқда. Табиийки, бу бирорваларга яхшиликини раво кўрмайдиган шахсларга кўл келади. Бундайларга қақшатқич зарба бериш йўли – Иймон этагидан маҳкам тутиш эканини Сай Баба бир умр уқтириб ўтди. Ислом таълимотида комил мусулмон бўлмоқнинг беш фарзидан биринчиси Иймон эканини эътиборга оладиган бўлсак, Сай Бабанинг башарият тақдиридан бежиз хавотирга тушмаганига гувоҳ бўламиш. У қалб туйғуларини, тафаккури оҳангларини руҳоний ваъзлари йўсунинида изхор этса-да, асарлари гояси ва унда баён этилган фикр-мулоҳазалар чукур фалсафийлиги билан ажralиб туриши эътиборга молиқдир.

Тезкор замон одамларини маънан бойитишида, ҳаётга теранрок назар солишга даъват этишда Сай Баба асарлари, шунингдек, унинг ушбу рисоласи ҳам мухим қимматга эга, деб ўйлаймиз.

Дҳарманинг асосий тамойиллари билан танишмоги керак. Билимсиз ақл, тубан ҳиссиёт ва нопок мулоҳазалар томонидан нотўғри тушунилиб, улар маълум даражада маъносини йўқотади ва уларнинг шони ачинарли ҳолда хиралашади. Ёмғир томчиси ерга тушаётганда бўялиб, ифлослангани каби қадимги риши¹ларнинг мусаффо ҳукмлари, уларнинг порлоқ ҳикматлари, амаллардан келиб чиқувчи бегубор ва тиниқ даъволари – булар барчаси жоҳил таржимонлар ва олимлар томонидан дастлабки улуғворликларига қарама- қарши ўлароқ тасқарали қиёфа касб этиб қолган.

(8) Болалар учун ёзилган китобларда матнни тушунтириб берувчи сувратлар бор, бироқ болалар уларни тушунтириб берувчи матнни унутиб, фақат сувратларини томоша қиласидар. Шунга ўхшаб, мулоҳазасиз ва саводсиз одамлар ҳақиқатнинг улуғлигини тасвирлаши учун берилган урф-одатларни хато тушунадилар, уларнинг қанчалик муҳимлигига эътибор қилмайдилар, бу расм-руслар тушунтириб берган ҳақиқатни писанд этмайдилар. Йўлда кетаётган сайёҳлар йўл четидаги бостиurmада ҳордик чиқаргани тўхтайдилар, аммо тўхтаган вақтларида бегамликлари, нотўғри фойдаланишлари оқибатида уларга паноҳ бўлган уйни ё жойни бузадилар. Шундайин, аҳмоқ ва ўжар одам веда²вий ахлоқнинг ташқи қиёфасини ўзгартиради, менга бундай қилишни Ведалар ўргатди деб одамларни ишонтиради ва алдайди!

(9) Дҳарма ана шундай мажруҳ ҳолга тушиб қолди, Худога қаршилар қўлида Дҳарма чеҳраси хунуклаштирилди, Тангри иймонли ва тақводор одамларнинг илтимосларига жавоб берган ва дунёни вайронага айланишдан қутқарган, Дҳарма ва Карма³ соҳасида ҳақиқат ва адолатни қайта тиклаган, кўнглида қандай ўйлаган бўлса, амалда шуни бажо этган.

(10) Демак, мавжуд сўқирликни ким даволаши мумкин? Инсон уни васваса, газаб, очкўзлик, ёлғон, кибр ва нафрат кучлари билан ҳалокат сари элтувчи олти бошли аждарҳони ўлдириш керак.Faқат шу йўл билан Дҳармани тиклаш мумкин.

(11) Ведалар Тангри ҳақида Дҳарма ҳақида гапиргандек гапирган, Будда У ҳақида Вижнан ҳақида гапирганидек гапирган. Бунинг боиси, ўша вақтларда “Ведалар” сўзини ёқтиргмаганлар. Самак исмли асур⁴ замонида ҳам Ведаларга риоя қилганларни “Ведалар” деб атамасликка ҳаракат қилганлар. Ўлим даҳшат солиб турганда бундай ҳолатни тушунса бўлади. Аммо Будда Ведаларни қаттиқ ҳурмат қиласидар, у ҳар доим Худога тўлиқ бўлган. Будда ҳақида аксар худосиз, Настика ҳақида гапиргандай гапирганлар. Агар Будда Настика бўлса, унда Астика, художўй ким? Будданинг бутун ҳаёти – бу Дҳарма ҳақидаги достон. Баъзилар Шанкар⁵ни Дҳарма ва Кармага қарши тургани учун танқид қиласидар. Аммо Шанкар ҳоҳишлар ижросини назарда тутувчи Дҳарма ва Кармагагина қарши бўлган. Аслида у Буюк Устоз бўлиб, Дҳарма ва Карма ўйларини, Ҳақиқат асосида ётувчи тушунча келтириб чиқарган интилиш йўлларини ўргатган.

(12) Шанкарнинг Дҳарма ва Кармага нисбатан Ҳақиқатга асосланган ихлосини, Будданинг Ведаларнинг асосий тамойилларира садоқатини ўқимишли одамларгина тушуниши ва эъзозлаши мумкин.

¹ Р и ш и – зоҳид донишманд.

² В е д а – қадимги ахлоқий – маданий ёзма ёдгорликлар бўлиб, тўрт қисмдан иборат.

³ К а р м а – фаолият. Банданинг савоб ва гуноҳ ишлари.

⁴ А с у р – бадфеъл қабила номи ва аҳли.

⁵ Ш а н к а р – барбод этувчи Тангри

Бусиз одам шарҳларда калаванинг учини йўқотиб қўяди. Катта баландликка чиқиш учун шундай баландликдаги нарвон керак, шундай эмасми?

(13) Манманлигини енгган одам ўзининг худбинона хоҳишлирини ҳам енгади, ҳайвоний туйгулари ва майлларини ўлдиради ва ўзини тана деб қарайдиган табиий мойилликдан воз кечади, ундай одам албатта Ҳарма йўлида турган бўлади, Ҳарманинг мақсади – тўлқинли денгизда ёйиб юбориш, “Мен”ни “Ўта – Мен”га сингдиришdir.

(14) Дунёвий фаолиятингизда яхши юриб-туриш қонун-қоидаларидан чиқмаслигингиз учун эҳтиёт бўлмоғингиз керак, юрагингиз амрига бепарво бўлмаслигингиз лозим, виждонингиз кўрсатмаларини ҳар доим ҳурматлашга тайёр турмоғингиз даркор; сиз биронта одамнинг йўлида туриб олмадингизми, шуни вақтида кўриш учун ўз ҳаракатларингизни кузатишингиз керак; мана шу барча ялтироқ хилма-хилликлар ортида турган Ҳақиқатни топиш учун сиз ҳар доим ҳушёр бўлмоғингиз шарт. Инсоннинг бурчи, сизнинг Ҳарманинг шундан иборат. Сизга ҳамма нарса Браҳман¹ деб айтиб турдиган Жнананинг² ёрқин олови сизнинг худбинлигингиз ва дунёга ҳирсингизни куидириб кул қиласди. Сиз Браҳман билан бирлашиш лаззатини тотиб кўришингиз керак, бу Ҳарма ва Карманинг Ҳарма руҳлантирган сўнгги мақсадидир.

(15) “Ажнана-нодонлик ва аҳамкар-худбинликни Жнана меҳробига қурбонлик қил ва у ерда Ҳармани ўрнат”, – бу Ведалар ҳукми. Жонни Олий Жон билан қўшиш учун замин тайёрлаётган ҳар бир алоҳида бегараз амал дунёқарашибизни бойитади, ҳамма нарсанинг замирида ётган ҳозири нозир Браҳманни англашга ёрдам беради, бу – Ҳарма амали ҳисобланади. Ҳар бир шундай амал – бу муқаддаслик дарёсини тўлдирувчи жажжигина ирмоқ, дарё эса Браҳмажнана денгизи томон гувиллаб оқади. Сизнинг амалларингиз ва фаолиятингиз – булар бари Коинотдан ўтиб турувчи Параматмага³ сифиниш расм-русумларидир. Ихlos ва парҳезгарлик билан қилинган ҳамма нарса амалга ошишга олиб борадиган Ҳарманинг таркиби ҳисобланади. Ҳиндистон ҳаёт тарзининг олисни қўзлаган мақсади ҳар бир дақиқа ва ҳар бир сўзни, фикр ва қилмишни поклашга қаратилгани, бу амалга ошириш томон қўйилган бир қадам кабидир.

(16) Рамзий маъносига чуқурроқ кириб бора туриб, сиз қадимги Ҳармакармани тушунмоғингиз керак. Маънавий соҳа ўзининг алоҳида қўшимча маънолари билан кўплаб техник атамаларга эга: Шастрлар таълимотини англаш учун уларни яхшилаб тушуниш керак. Келинг, шундай бир мисол олайлик. Қадимги замонларда одамлар одатда Яжнани⁴ байрам қилганлар ва шу Яжналар вақтида Пашу, яни ҳайвонларни қурбонлик қилганлар. Аммо ҳақиқий жониворларни эмас, бор-йўғи унинг рамзини. У тилсиз-забонсиз маҳлуқ эмаски, сўйиб, нимталанса. Ҳатто инсон ўзининг ҳаёт йўлини қурбонлик устуни олдида ниҳояласа-да, жонивор ана шу тариқа қурбонлик ҳаётини кечиради! Ўлдирилиши ва қурбонлик келтиришли керак бўлган жонивор бутунлай бошқа нарса. Руҳоний тилида жонивор “жисмни англаш”, “мен – онгман” деган маънони англатади ва у ўлдирилиши керак. Тангри Пашупати ёки Говинда яъни,

¹ Браҳман – борлиқ субстанцияси.

² Жнана – билим, илм.

³ Параматма – Олий жон, Парвардигор.

⁴ Яжна – қурбонлик маросими.

жониворларга мөхрибон сифатида машҳур; Пашупати барча Живаларнинг¹ Тангрисини англатади, чунки Пашу Живани билдиради; Говинда сигирлар ёки Живалар ҳимоячиси дегани, чунки “Го” ҳам Живани англатади. Сигирларга ғамхўрлик қилиш – бу Кришнанинг Живаларга ғамхўрлигини ўз ичига олувчи Унинг вазифасини билдирадиган рамзий лила² дир.

(17) Шастраларнинг маъноси ғоят чуқур. Ҷҳарманинг мақсади – Живани ташқи оламга мөхр қўйишдан ва шундан келиб чиқувчи рўёдан воз кечишга ундаш ва уни ўзининг Борлигини англашга ёки кўпроқ айни вақтда у ўзининг ҳақиқий табиатини намоён этиши мумкин бўлмоғи учун бор деб қабул қилинишига ишонмасликка ундашдир.

(18) Буни ёшлар ҳам, кексалар ҳам тушуниб олмоқлари керак. Мисол учун Шива эҳромини олайлик. Шива ҳайкалининг шундоқ рўпарасида Нанди яъни, Ҳўқиз сиймосини кўрамиз. Сизга айтишганки, Муқаддас Ҳўқиз – бу кўчиб юриш, Ваҳан, Шиванинг воситаси ва айнан шу боисдан ҳам у шу ерда турибди. Бироқ, нафсиламрини айтганда, Ҳўқиз ёки Пашу ўзи Живанинг зухури эди, айни вақтда Лингам Шиванинг тимсолидир. Айтишадики, “ҳеч ким Ҳўқиз ва Лингам³, яъни Жива ва Шива ўртасидан ўтмаслиги керак”, чунки улар бир-бирига қўшилиб кетиши лозим. Айтишадики, Шивага шундай қарашиб керакки, У Нандининг иккала шохи орасидан кўриниб турсин. Одамлардан бундай жойлашув маъноси ҳақида сўрашганда, улар шундай жавоб беришади: “Нима қипти, Лингамга бундай қарашиб бошқалардан кўра табаррукроқ-да”. Бироқ ботиний маъно қуидагича: “Сиз Шивани Живада кўрмогингиз керак” – Пашу ва Пашупати битта нарсадан иборат: Нанди ва Ишвара⁴ Нандишвара бўлади. Униси ҳам ва буниси ҳам – бу ягона моҳиятни англатишининг икки усули, холос. Боғланган ҳолатда бу Нанди; боғлардан холос бўлгандা Нанди Ишварага этишади, бу Ишвара бўлиб қолади, унга сигинадилар ва кераклича ҳурмат-эҳтиром кўрсатадилар. Пашуни Пашупатига қурбон қилишни таклиф этишганида ва уларнинг бўлинишлари йўқолганида, бу ҳақиқий Яжна ҳисобланади. Бунинг маъноси ҳозирги вақтда унтилиб кетган.

(19) Бугунги қунда рамзий амаллар таниб бўлмас даражада ўзгариб кетган. Бугунги амалиёт ва кечаги тамойиллар бир-биридан жуда узоқ. Ҳатто энг майда-чуйда нарсаларда ҳам дунёвий ҳаёт руҳий ютуқларнинг олий ғоялари билан илҳомлантирилмоғи керак. Шундайин, оддий ҳалқ ҳам қадам-бақадам мақсадга яқинлашаверади. Борди-ю, сиз ҳар бир нарсада жараён ва мақсад ўртасидаги тафовутни ҳис қилмас экансиз, боз устига бу амалларни бажариб борар экансиз, у жоҳилликнинг мароқли намунасига айланади. Бир гал ҳатто аллома Праҳлада бундай деганди: “Худбинликни йўқотиш қийин бўлгани боис одам, бунинг ўрнига безабон ҳайвонни ўлдириш осонроқ, деб ҳисоблайди. Жониворни қурбонлик қилиш бу – тамасгунан⁵ нинг зоҳир бўлиши, бу – боғловчи йўл. Ўзининг жонли худбинлигини қурбонлик қилиш – бу Сатва Яжна, бу ҳалоскорликка элтувчи илоҳий йўл”.

(20) Шундай қилиб, ўша қадим замонлардаги Парамартҳа бугунги кунлардаги Паарамартҳага айланган! (Парамартҳа олий мақсадни

¹ Ж и в а – тирик мавжудот.

² Л и л а – луг. маъноси “Ўйин”. Ёруг дунё ишлари.

³ Л и н г а м – эркак жинсий аъзоси.

⁴ И ш в а р а – Тангри.

⁵ Т а м а с г у н а – луг. маъноси “қора сифат”, гуноҳ.

билиради; Паарамартҳа эса нодоннинг мақсади дегани). Шундай қилиб, бир вақтлар ботиний маънога тўлиб-тошган барча қадимги амалиётчилар ваҳшийлашиб, таниб бўлмас даражада ўзгариб кетганлар. Дараҳт — шоҳлари ҳар томонга қараб тарвақайлаб ўсаверади. Ҳозирги вақтда бу дараҳтни илдизи билан қўпориб ташлаб, ўрнига янгисини ўтқазишнинг иложи йўқ. Шу боис мавжуд дараҳтни қаллаклаб ташлаш ва тўғри ўсиши учун қаддини ростлаш керак. Олий мақсад ҳақида муттасил эслаб туриш ва уни зинҳор тубан мақсадларга тушириб қўймаслик керак.

ИККИНЧИ БОБ

(1) Дҳармани қандайдир муайян жамият ёки миллат билан чегаралаб қўйиш мумкин эмас, чунки у бутун дунёдаги одамлар тақдири билан узвий боғлиқ. Бу ўчириб бўлмайдиган — ловуллаб турувчи олов. Унинг хосиятили таъсирларини ҳеч нарса билан тўхтатиб бўлмайди. Кришна Гита¹дан Аржуна га сабоқ берди. Аммо бу бутун башариятга мўлжаллаб берилган сабоқ эди. Аржуна бор-йўғи бир баҳона эди. Худди ўша Гита бугун бутун инсониятни бошқариб бораяпти. У қандайдир маълум тоифа, дин ё миллат учун мўлжалланмаган. У барча одамлар учун, қаерда турган бўлишларидан қатъи назар, нафас олишнинг ўзига ўхшайди.

(2) Дҳарма ўзини ранг-баранг шаклларда намоён этади. Бу шакллар ушбу билимларни бир тизимга соглан муайян одамларга боғлиқ, масалан, Манудҳарма; изидан борган гуруҳларга боғлиқ, масалан, Варнадҳарма; улар амалда қўлланадиган ҳаёт босқичларига боғлиқ, масалан, Гриҳастҳадҳарма, ва ҳоказо. Аммо булар бари иккинчи даражали амалий қисмлардир, асос солувчи меъёрлар эмас. Мен гапираётган нарса Атмадҳарма, яъни илоҳий Дҳармадир. Амалий Дҳарма ёки Ачарадҳарма вақтинчалик нарсаларга, муаммоларга ва жисмоний эҳтиёжларга, инсоннинг ёруг олам билан ўзаро ўткинчи муносабатларига дахлдордир. Бу барча қоидаларнинг дастаги одам бадани, унинг абадий эмаслиги ўз-ўзидан маълум: унда бу Дҳармалар қандай қилиб абадий бўлиши мумкин? Унинг табиатини қандай қилиб ҳақиқий деб ҳисоблаш мумкин? Абадийни ўткинчи деб ифодалаш мумкин эмас, ҳақиқат ўзини ёлғонда намоён этиши мумкин эмас, зулматдан ҳеч қачон ёруғлик чиқиши мумкин эмас. Абадият фақат абадиятдагина зоҳир бўлади, ҳақиқат фақат ҳақиқатдан келиб чиқа олади. Шу боис Дҳарманинг дунёвий фаолиятга ва кундалик ҳаётга тааллуқли маълум қонун-қоидалар, уларнинг тегишли соҳадаги муҳимлигига қарамай, ботиний асос солувчи Атмадҳарма ҳақидаги туганмас билим ва онг билан тўлдирмоги керак; фақат шундагина ички ва ташқи майлар бир-бирига ҳамкорлик қила олади ва бир маромдаги тараққиётнинг фарогати сари олиб кела олади.

(3) Борди-ю, кундалик фаолиятингизда абадий Дҳарманинг ҳақиқий қадриятларини муҳаббат ила тўлиқ амалга ўтказаётган бўлсангиз, бу билан сиз ботиний воқеликка, Атма-Дҳармага нисбатан бурчингизни бажарган бўласиз. Ҳаётингизни ҳар доим атма асосига кулинг, шунда олга ҳаракат қилишингиз кафолатланган бўлади.

(4) Худони тошга айлантириш — мана қанақанги ҳаракатлар бўлмаяпти бугун! Ҳақиқий вазифа тошни Худо сифатида кўришдан иборат бўлганида бундай уринишлар қандай қилиб ҳақиқатга олиб

¹ Г и т а ё ки Б ҳ а г в и т а — Тангри суралари, ҳиндуларнинг энг муборак китоби.

келиши мумкин? Худо зеҳнга муҳрланиб қолиши учун аввало Унинг қиёфаси зикрда бўлмоғи керак; сўнгра бу қиёфа тошда идрок этилади, тошнинг ўзи эса бунда эсдан чиққан бўлади, чунки уни Худога ўзгартириш керак-да. Шу тариқа онгингизга асос солувчи Дхармани муҳрлаш керак, Атма ягона Моҳият экани инкор этиб бўлмас далилдир. Сўнг шу ишонч ва шу тасаввурга тўлган ҳолда сиз ташқаридаги нарсаларнинг ранг-баранг дунёси, жозибадорлиги ва инжиқлиги билан ишлай бошлайсиз. Энг олий фояни фақат шу йўсинда англаш мумкин. Агар шунга риоя қилсангиз, ҳақиқий маънонинг бузилиш хавфи содир бўлмайди, Атмадхарма ўз шонини йўқотмайди.

(5) Тошга Худодай сигинганларида нима бўлади? Чексиз, абадий мавжуд, ҳамма нарсада жо Моҳият, Мутлақлик, алоҳида, муайян тарзда кўзга ташланиб туради. Худди шундайин ҳар тарафлама, ўзгармас ва эркин ҳисобланган Дхарма ҳар бир муайян амалда зоҳир бўлиши мумкин. Бунинг иложи йўқ деб ўйламанг. Нукул ташвиш ва қўрқувингизни кўпайтирадиган кўплаб мураккаб ишлар қилмайсизми, ахир? Агар одамда донолик бўлса, у бунинг ўрнига унинг ақлига ором берувчи хийла арзирли ишлар қила олмасмиди?

(6) Сизнинг тугма ҳуқуқингиз – бу тобе эмас, балки эркин бўлишdir. Ҳар тарафлама чексиз Дхарма билан покланган йўлга оёқ қўйиб юриб кетганингиздагина сиз ҳақиқатан ҳам эркин ҳисобланасиз; борди-ю, нурдан юз ўғиргудек бўлсангиз, сиз боғланган бўласиз, қўлга тушасиз. Айримларда бир иштибоҳ пайдо бўлиши мумкин: фикр ва сўзларимизни чеклаб қўядиган, бошқарадиган ва назорат қиласидиган Дхарма қандай қилиб одамга эркинлик багишлайди? “Эркинлик” – бу сиз ихлослиликнинг маълум турига бериладиган ном, ҳақиқий эркинлик эса гумроҳлик йўқолгандагина, жисм ва туйгулар билан қиёслаш бўлмагандагина, ташқи олам томонидан эзилиш барҳам топганидагина қўлга киради. Бу қулликдан ёриб чиққан ва том маънодаги эркинликка етишган одамлар жуда кам. Қулларча тобелик ўз жисмини ўзининг “Мен” и деб англаган ҳолда содир этилган ҳар бир амалда ётади, чунки бундай ҳолда инсон туйгулар қўлида қўғирчоққа айланади. Бундай қисматдан қутулиб қолганларгина эркин саналадилар; бу эркинлик Дхарма олиб борадиган олий даражадаги ҳолат ҳисобланади. Бу ҳолатни муттасил хаёлида ўйлаб юрар экан, ҳатто агар кундалик ташвишлар гирдобида бўлганида ҳам инсон озод, Муктипуруша бўла олади.

(7) Ўзингизни боғлаганингиз сабабидан ҳам қулларча тобеликка тушиб қоласиз ва Дхарма йўлидан тойилиб кетасиз. Бу ҳар доим шунаقا: ҳеч ким сизни боғламайди, буни сиз ўзингиз қиласиз. Борди-ю, Худонинг ҳозиру нозирлигига ишончингиз сизда чукур илдиз отганида эди, У сизнинг ўз “Мен”ингиз эканини ва сиз ҳеч қачон боғлиқ бўлмаслигингизни тушунган бўлардингиз! Бу ишонч ортиши учун сиз Атмананда¹га қаттиқ амал қилишингиз керак. Атманинг борлиги – бу асосий тамойил, муқаррар билим, Нишчитажнанадир. Бу асосдан маҳрум бўлгач, инсон иштибоҳлар, тушкунлик ва гумроҳликлар уясига айланади. Дхарма бундай бандага қўлини ҳам, юрагини ҳам раво кўрмайди.

(8) Шу боис энг аввало эркин бўлишга ҳаракат қилинг. Бошқача айтганда, яхши ҳаётнинг зарурий шарти сифатида ишончингизни Атмага кўчат қилиб ўтқазинг, у шахсиятингиз ўзаги бўлиб қолсин,

¹ Атмананда – маънавий лаззат.

сўнгра эса шу ўзакка етишиш учун зарурий интизомни билиб олинг ва амалда қўлланг. Шу сифатга эга бўлгач, уни бошқариш учун олдиндан белгилаб қўйилган Дҳармага риоя қўлган ҳолда сиз бутунлай дунёвий фаолиятга киришиб кетасиз. Шунда сиз ахлоқли одам, Дҳармапурушага айланасиз. Жисмоний борлиқ оламни ҳаётнинг асосий мазмуни, танасини ўзининг “Мен” и деб қаровчи одам умрини зое кетгизган бўлади, бу Худони тошга айлантиришдек бемаъни нарса. Тошни Худога айлантириш – бу анча табаррук ва савобли иш. Борди-ю, ҳар бир муайян ҳаракатингизда Атмадҳармани эслаб турсангиз, у сигиниш амалига айланади, у юксакликка кўтарилади ва ўзининг боғловчилик хусусиятидан маҳрум бўлади. Борди-ю, дунёвий ҳаёт мажбуриятлари ҳақиқий Сатъядҳармага нисбатан хурматсизлик ила бажариладиган бўлса, бу ҳам Худони тош деб билгандек иллатлидир. Сатъядҳармасиз Ачарадҳарма ва Ачарадҳармадан маҳрум Сатъядҳарма ҳеч қандай самара бермайди. Уларнинг ҳар иккаласи ҳам ўзаро боғланган бўлади ва фақат мана шундай қараб чиқилмоғи керак. Кичик хизматчи катта хизматчининг ёрдамига муҳтоҷ бўлганидек, катта хизматчи ҳам кичик хизматчининг ёрдамига муҳтоҷ бўлади. Унда уларнинг қайси бири боғлиф-у, қайси бири эркин? Уларнинг ҳар иккаласи ҳам ўзларининг баҳт ва фаровонлиги хоҳишлари билан боғлиқ. Атманинг асосий сири англаб етилмагунча боғлиқликнинг ташқи ҳолати сақланиб қолаверади. Борди-ю, у англаб етилгудек бўлса, туйгулар ва ташқи оламга қулларча тобелик камаяди. Бу ҳолда ташқи оламга нисбатан яратилган ҳукмлар ички илоҳий табиатимизга нисбатан яратилган ҳукмлар билан бирлашиб кетади ва ўшанда барча майл-истакларимиз бир-бири билан ҳамоҳанг ҳаракат қила бошлайди.

(9) Веданта, Адҳятма Шастрлари, Дҳарма – булар барчаси инсонни қулдек эмас, балки Худодек яшашга ва ҳаракат қилишга чорлайди. Шунда бу ҳаракатлар Камякарма (шу ҳаракатлар мевасига эга бўлиш истаги билан бажарилган амаллар) эмас, балки Дҳармакармага айланади. Фаолиятни шунчаки ўзгартириш йўли билан бу тобелик кишанларини четлаб ўтиб бўлмайди. Уларни нуқтаи назарни ўзгартириш йўли билангина четлаб ўтиш мумкин: Деҳадан Девага, яъни Яратилувчидан Яратувчига. Бу шунга олиб келадики, ахлоқий сифатлар ҳам кучлироқ бўлади. Айрим одамлар шундай фикрда бўладиларки, борди-ю, улар ишга ёлланишса, бу – тобеликдир, борди-ю, улар уйда ҳеч нарса қилмай ўтиришса, бу – эркинлик! Бу калтабинлик аломатидир. Киши ишга ёлланса, у ўз бошлигининг гапига қулоқ солиши керак. Бироқ агар уйда ўтиrsa, киши қариндошлиқ муносабатлари зиммасига юклаган талаб ва мажбурият-лардан кутулиб қолиши мумкинмикан? Ҳаттоқи кимдир бор-йўғи дўстлари даврасида бўлганида, уларнинг хоҳиш-иродаларига кўра ҳаракат қилиш заруриятидан четлаб ўта олармикан? Кимдир ҳеч бўлмаганда ўз жисмiga ғамхўрлик қилиш мажбуриятидан озод бўлиши ва ўзини қулавилк билан таъминлаши мумкинмикан? Киши турли-туман тобеликлар қафасида бўлиб туриб, ўзини эркин ҳис қила олармикан? Ҳукмларда мавжуд бўлган тафовутдан қатъи назар бутун ҳаёт қамоқхонага айланади. Токи ўз “Мен”ини жисм билан қиёслаш сақланиб қолар экан, шундай бўлиб қолаверади.

(10) Шу боисдан ҳам Шанкар бир куни айтган эдики, “жисмга асосланган худбинлик – бу Нарака, яъни Дўзах деб тушуниладиган нарсадир”. Бу хилдаги худбинлик файриилоҳий муносабатнинг яна бир шакли ҳисобланади. Ер юзидан барча тикану чақиртошларни ким йўқота олади? Улардан қутилишнинг ягона усули – бу пойафзалда

юришдир. Веданта фалсафаси, Ведантадаршанада ҳам шу ҳол кечади. Сатья, яъни воқеликда акс этган хаёлот билан, сизнинг ҳақиқий табиатингиз ҳисобланган Браҳманга тўла иймон билан сиз ташқи дунёнгиз баҳт ва Сатьядхармага етишувдек орзунгизга мос келиши учун уни ўзгартириш заруратини бир четга йигиштириб қўя оласиз. Кимки ўз худбинлигини тийса ва: “Мен ўз жисмим, яъни ҳар қанақанги қулларча тобелик уясининг қули эмасман, жисмим менинг қулим. Мен хўжайнман ва ҳаммасини мен бошқараман. Мен – Эркинлик тажассумиман”, – деб комил ишонч билан айта олса, ўша одам озод, эркинdir. Бурчнинг барча қонун-қоидалари бу йўлда эго, худбинликни барбод этишга ёрдам бермоғи керак, улар уни қўллаб-куватламасликлари ва унинг кучга тўлишига имкон бермасликлари керак. Бу эркинлик сари бориладиган йўл. Борди-ю, ота ўғлинико турниб баҳтли бўлолмаса ва яшагани қизиникига кетса, у эркинликка эга бўлолмайди. Бу ўз эго, худбинлигини авж олдиришнинг йўли, холос. Ҳиссий баҳтнинг бундай изланиши Дхармагача юксала олмайди.

(11) Бундоқ қараганда, уй нега керак ўзи? Тангрини идрок этишдан олинадиган фарогат билан ҳузурланиш учун керак, тинчгина Тангрига тоат-ибодат қилиш имконига эга бўлиш учун керак. Бундан ташқари қолган ҳамма нарсани ҳисобга олмаса бўлади. Инсоннинг ҳақиқий Дхармаси шундан иборатки, Мутлақ билан қўшилиш ва чинакам ҳалоскорликка эришиш фарогатини тотиб кўриш лозим. Бу ҳолатга этишган инсон, борди-ю, у энг қоронги зинданда ётганида ҳам, бошқа ҳеч нарса билан боғлиқ эмас, бошқа томондан, ўз жисмининг қули ҳисобланган одам учун ҳатто майса ҳам ажал куроли бўла олади. Ҳақиқий Дхарма доимий тарзда атма фарогатида, ички хаёлотда бўлиш, ҳақиқий табиатимизнинг Мутлақ билан ўхашлигига қаттиқ ишонишимиз ва ҳамма нарса Браҳман эканини англашимиздан иборат. Мана шу барча тўрт банд ҳақиқий Дхармани ташкил этади. Бизнинг жисмоний вужудимизда алоҳида индивидуумлар сифатида мана шу тўрт банд амалиёт қулайлиги (атма воқелигининг тўйдирилган ички Дхармаси) учун Сатья, Шанти, Према ва Аҳимса¹ деб аталган, бу Мутлақнинг бор-йўғи тажассумлари ҳисобланиши, алоҳида индивидуумлари уларга Худонинг бермиш куни риоя қилиб боришлиари учун керак. Ўтмишда ҳам, ҳозир ҳам Дхармага риоя қилиш усули бу олий тамойилларга ҳар бир ҳаракат ва тафаккурда амал қилиб боришдан иборат. Бугунги кунда Сатья, Шанти, Аҳимса ва Према – бу Атмага узлуксиз ботиб боришдан, ички ҳақиқатда кўзга ташланган шарпадан, ўзининг ҳақиқий табиатини идрок этишдан ва ҳамма нарса Браҳман, у яккаю ягона эканини билишдан бошқа нарса эмас. Асосий деб ҳисобланувчи ҳам, ҳосиласи ҳам – барча-барчиси бир-бирига мослаштирилган ва уйғунлаштирилган бўлмоғи керак. Ана шундагина буни Атмадхарма деб атаса бўлади.

(12) Сизнинг фаолиятингиз қанақа, қандай исм ёки шакл танлагансиз, бу муҳим эмас. Нимадан ясалган – темирданми ёки олтинданми, занжир занжирлигича қолаверади, шундай эмасми? Гап ишнинг бир тури ҳақида кетаётидими ё бошқа тури ҳақидами? Борди-ю, Атмадхарма негизни, Атмататва эса (Атманинг моҳияти) – илдизни ташкил этса, унда бу, шубҳасиз, Дхарма ҳисобланади. Бундай иш инсонни Шанти самаралари билан сарафroz этади. Худбинлик ваҳимаси ёки очқўзлик балолари инсонни ҳаракатга келтирганида, у хоҳ уйда қўмилиб олган бўлсин, хоҳ ўрмонда ёки бошқа пана жойда

¹ С а т я – ҳақиқат, Ш а н т и – тинчлик, П р е м а – муҳаббат, А ҳ и м с а – зўрликсиз.

бўлсин, изтироблардан қочиб қутуолмайди. Кулча бўлиб ётганда илон илон бўлмай қолмайди. Бундай ҳолда у албатта илонлигича қолаверади. Атма Ҳақиқатнинг асосий тамойили ҳаракатга келганда кундалик амалиётда ҳар бир ҳаракат Дҳарманинг муҳри билан белгилаб қўйилади. Бироқ ҳаракатлар қулайлик ва ғаразли манфаат билан йўналтирилса, Дҳарма сохта Дҳармага айланади. Қанчалик жозибали бўлиб кўринмасин, бу тобеликнинг турли кўринишлари, холос. Қамоқдаги маҳбусларни қоровуллар якка камерага олиб боришадими, сўроққа олиб боришадими ё тушликка олиб боришадими, шунга ўхшаб, ҳислар лаззати ўз қулини ё қайгу масканига, ёки вақтинчалик ҳаловат масканига судраб боради.

(13) Демак, ҳатто “бу дўст” ёки “бу душман” деган туйгу ҳам хато экан. Бундай гумроҳликдан воз кечиши керак. Муҳаббат тажассуми Тангри ягона доимий дўст, қариндош, ўртоқ, маслаҳатгўй ва ҳимоячи ҳисобланади. Шуни билинг-да, шу билимда яшанг. Бу — англаш пойдеворига қурилган Дҳармадир; бу — Дҳарма пойдеворига қурилган ҳаёттир. Борди-ю, бу мустаҳкам асослар писанд этилмаса, борди-ю, усти ялтироқликка кўпроқ эътибор қилинса, мақсадга етиш чегараси учиб кетади. Фақат Тангрига ихлос билан дунёга бўлган ҳавас барбод топиши мумкин. Осмондан сира кўз узмай туриб, нега ерни кўрмаяпман деб ёзгишинингиздан нима фойда? Ерга қаранг ва осмон акс этиб турган сув бетига қаранг, шунда сиз бир вақтнинг ўзида баландликдаги осмонни ҳам, пастдаги ерни ҳам, кўришининг мумкин. Борди-ю, Сатъядҳармага (пировардида ботиний атма тамойили амалиёти ҳисобланади) риоя қилишингиз керак бўлса, ҳар бир ҳаракатда Атма Шонини кўришингиз шарт, шунда Тангрига ихлосингиз дунёга бўлган ҳавасингизни соф қурбонликка айлантиради. Мақсад қадрсизлантирилиши ёки ўзгартирилиши керак эмас, бошқача айтганда, моҳият дахлсиз қолмоғи керак. Дҳарма қўлланиш натижасида юзага келувчи турли номлар ва шаклларга боғлиқ эмас; улар белгиловчи ҳисобланмайди, у кўпроқ уни бошқарадиган ва унга шакл берадиган сабаб ва туйгуларга боғлиқ бўлади.

УЧИНЧИ БОБ

(1) Токи чуқур жаҳолат, машғулотларнинг кўпроқ қулайлик истаги ёки қандайдир ўткинчи ҳою ҳавасни қондириш заруриятидан келиб чиққан алмашинуви сақланиб қолар экан, ҳеч ким нотинчликдан халос бўла олмайди, бундай ҳою ҳаваслар бирдек қониқиши бахш этолмайди. Бу зимзиё хонада жиҳозлар ўрнига алмаштириш йўли билан уй ичини бўшатишга уринишга ўхшайди. Борди-ю, чироқ ёқиб қаралса, жиҳозлар ўрнини алмаштирасдан ҳам бемолал юрса бўлавераркан. Бунинг учун сандиқ-кўрпаларни у ёқдан-бу ёққа олишнинг ҳеч кераги йўқ экан.

(2) Зулматга тўла бу дунёда ҳақиқат, ҳурмат, тинчликка риоя қилган ҳолда у ёки бу тўсиққа уринмай-қоқилмай ҳаракат қилиш қийин. Бундай бўлмаслиги учун нима қилиш керак? Чироқни ёқинг, вассалом! У борлиқни кўрсатсан, Жнана нурини қўлга киритинг. Бу барча қийинчиликларни бир ёкли қиласди. Сиз Дҳармага мувофиқ яшяяпман деб дъяво қилишингиз мумкин. Бироқ сизнинг асосий ҳаётингиз шундан иборатки, сиз бу амалларни ихлос руҳида адо этмаяпсиз, агар улар ихлос руҳида адо этилганида эди, уларга Дҳарманинг ҳақиқий муҳри босилган бўларди. Айрим ақлли одамлар

иккиланишлари ва: “Худо номини ниқоб қилиб ва амалларимизни Унга бағишилаб, биз бошқа одамларга зарар етказамиз ва уларни ўлдирамиз, аслида шундай бўлиши мумкинми?” – деб сўрашлари мумкин. Бироқ одам ўз амалларини Худога бағишиласаю айни вақтда фикр, сўз ва иш софлигига риоя қилмаса, бу қанақаси бўлди энди? Мұҳаббат, хотиржамлик, тўғрилик, сулҳарварлик – булар барчаси Парвардигор хизматкорининг доимий ҳамроҳларидир. Бу саховатлар шафқатсизлик ва тошбағирлик билан қандай чиқиша олсин? Ихлосли муносабатлар учун талаб этиладиган бегаразлик, фидойилик руҳи ва маънавий улуғворликка эга бўлиш учун одам аввал тўрт тавсиф: Сатья, Шанти, Према, Аҳимсани қўлга киритиши керак. Бусиз қуруқ номни қўллаш ҳеч бир ишни кўнгилдагидек қурбонлиққа айлантиrolмайди.

(3) Дҳармани ифода этувчи амаллар мангудир ва кимки уларнинг мангалигини билса, ўша одамгина уларни амалга ошира олади. Бу инсоннинг энг олий вазифаси. Унга етишиш ўрнига у Дҳармага қарши ишлар қиласи. Одамлар ҳамма жойда мангалик фарзандлари мақомини беҳудалик фарзандлари мақомигача, Амритапутрани Амритапутрагача тубанлаштирадилар! Қўл узатса етадиган обиҳаётга эга бўлган ҳолда улар ҳиссий лаззат оғусини ичадилар. Фалакнинг буюк атма воқелигини идрок этиш севинчидан юз ўғирган ҳолда улар бу ёруғ оламнинг ташқи жилваси ва безаклари ичиди каловланиб қоладилар: одамларни сарсон қиласиган бундай ҳаётга йиғлашдан бошқа илож тополмайсан, киши!

(4) Гитада яна бундай дейилади: “Мен Браҳманнинг, мутлақ абадиятнинг, вақтдан ташқари Дҳарманинг фарогатиман ва фарогат абадийдир”. Мана бу байт эса XIV бобда жойлашган:

Brahmanohi prathishta – aham amrithasya -avyayasya cha
Saaswathasya cha dharmasya sukhasya- aikaanthikasya cha

(1) Айнан шу Амритадҳарма Упанишадларда тасвирланган, Гита Упанишаднинг мағзи ҳисобланганидан Гитада ҳам шу нарса таъкидланади. Ҳаётнинг Дҳармача усули – бу нафас олишнинг ўзи, бу ўз қудратини намоён қилиш йўли. Ундан юрган одамни Худо ёрлақайди; ким ҳақиқатга тўлиб-тошган, ҳар бир иши Дҳармадан бошланган бўлса, У ўшалар билан бўлади. Гитанинг Аржунни Атма Дҳарма амалиётига ёрдам берувчи маълум сифатларни ривожлантиришга даъват этиши сабаби шунда. Улар XII бобнинг 13дан 19 бетигача тавсифланган. Гита чашмасидан сув олиб ичганлар буларни яхши эслайди. Ушбу ўринда энг муҳим байт қуидагидир:

Ye thu dharmyaamritham idam yathoktham Paryupaasathe
Sraddhadhaanaa math paramaa bhakthaasthe atheeava math praah

(XII боб, 20 байт: “Бу ерда ўлмас Дҳармани, тўлиб-тошган иймонни-хурмат қилувчилар мўътабар, Мени олий мақсад деб билганлар Мен учун ҳаддан ташқари азиздирлар”.)

(6) Бу шлокага¹ бизга қандай буюк гояни тақдим этмоқда! Шлоклар турмушдаги бу ўзида инсонни ривожлантиришга зарур сифатлар ҳақида гапиравчи сўнгги шлокадир. Бу барча шлокларни Дҳармапритам, мангаликка элтувчи дҳарма йўли деб айтиш мумкин! Тангри уларга эълон қиласики, бундай сифатларга эга бўлганлар, унга ягона сўнгги мақсад сифатида ишонганлар ва Унга тамомила

¹ Ш л о к а – Ҳинд қадимги шеъриятидаги вазн, қўшқатор байтга ўхшаш.

содик бўлганлар Унинг учун энг азиз ва яқин одамлар саналадилар.

(7) Бу ерда қўлланилган “Дҳармиямритам” иборасига эътибор қилинг. Уни яхшилаб фикр тарозусига солинг ва ундан илҳом олинг! Тангри Дҳармасига риоя қилганларгина илоҳий мурувват обиҳаётига мусассар бўлгайлар. Оддий одамлар Тангрига садоқатли муҳаббат, Бҳакти қўйғанмиз деб биладилар, аммо улар Тангрининг уларга муҳаббати борми ё йўқми деб сўрамайдилар! Буни билишга интилган одамлар жуда кам учрайди. Биргина одам ўз фуқароларининг қироли, ўз ота-онасининг фарзанди, ўз душманларининг душмани, ўз хотинининг эри, ўз ўғлининг отаси ҳисобланар. У кўплаб ролларни ўйнар. Бироқ агар ундан кимсан деб сўраганингизда у сизга ўзига тегишли фазилат сифатида мана шу ўзаро боғлиқлардан фақат биттасини айтиб жавоб бериши мумкин. Чунки бу хислатлар жисмоний ўзаро боғлиқликка ёки фаолиятга тааллуқлидир. Жисмоний қариндошлик ёки касб муносабатларини тавсифловчи бу барча атамалар вақтингчалик мақомга тааллуқли номлардир. Оташ, оёқлар, қўллар ва ҳоказолар нима ҳисобланади деган саволга ҳам у жавоб бера олмайди, чунки бу жисмоний шаклнинг бир қисмидир, холос. Барчasi асосида ётган бутун Браҳманні ажратиб турган хатолар ҳисобланувчи ном ва шакллардан ташқарида тургани ўлароқ бу барча бадан қисм (узв) ларидан кўра у кўпроқ реалдир, у ўзи тўғрисида “мен” дейди, бу моҳият устида яхшилаб бош қотиринг ва бу “мен” аслида ким ҳисобланишини билиб олинг.

(8) Ўзингизнинг моҳиятингизни таҳлил қилиш ва тушуниш шу қадар қийин экан, бошқа моҳиятлар тўғрисида бирон-бир аниқ мулоҳаза кирита олармиканмисиз? “Мен” ёки “сен” деганда сиз назарда тутган нарса жисмга, кўринадиган нарсага тааллуқли; улар Сат бўла олмайди. Атма ягона ва бўлинмасдир; унга асосланган Дҳарма эса ҳақиқий Дҳарма ҳисобланади.

(9) Баъзилар шундай савол беради: “Барингиз “Атма”, “Атма” дейсизлар, бу Атманинг шакли яъни рупаси нима ҳисобланади?” Аммо Атма қаёқдан олиши керак шаклни? У абадий, ўзгармасдир. У самимий, ҳаққоний, хосиятли ҳисобланади. У доимий, соф. У ҳеч қанақанги муайян ном ёки шакл билан чеклаб қўйилиши мумкин эмас. У Кармадҳа, яъни фаолият натижасида қўлга кирган бадан орқали юзага келади ва намоён бўлади. Бу жисм шаклга эга ва шу боисдан ҳам баданнинг ҳар бир ҳаракатида Атма онгига асосланган Атмадҳарма, Дҳармани намоён этишингиз керак.

(10) Айтиладики, “Атма эркак жинсига ҳам, аёл жинсига ҳам тегишли эмас. У ҳўқиз эмас, қуй эмас, от эмас, фил эмас, қуш эмас, дараҳт эмас. У бундай таснифлардан ташқаридадир. Бу тафовут ва хусусиятлар фаолият асосида юзага келади. Атма модификацияларга қодир эмас. У ҳақда фақат бир нарсани айтиш мумкин, айнан шу нарсаники, У бор. Булар барчасининг туб моҳияти шундан иборатки, Атма – бу Мутлақ, Парамартҳа (Олий мақсад)дир. Барча қолганлари – бу қисман, арзимас, ёлғон, рӯё, белгиланадиган ва қиёсланадиганлардир.

(11) Мисол учун тахтиравонни олайлик. Шу буюм шаклини олгунча у дараҳт бўлган эди, кейинчалик фўлаларга, тахтага ва пировардида тахтиравонга айланган. Ҳар гал шакл ўзгарганида номи ҳам ўзгарган. Тахтиравонда ўтирас экан, ҳеч ким ўзини фўлада ёки ёғочда ўтирибман деб айтмайди. Ташқи нарсалар ўзаришга дучор бўлади, улар абадий эмас. Улар Сат, бор нарса эмас.

(12) Ташқи нарсалар, объектларни фақат ном ва шакли ёрдамида

фарқлаш мумкин, уларни тавсифлари орқалигина тасвиirlаш мумкин. Бу шунданки, улар сунъий ва муваққатдир.

(13) Стул ўзида нимани намоён этади? Бир қарашда бу ёғочнинг муайян шакл ўзгариши. Аммо ёғочни йўқотсангиз, стул ҳам гойиб бўлади. Асосда ётган ёғоч ҳақида ўйланг ва стулнинг қиёфаси йўққа чиқади. Бундай хусусият Дҳарма муносабатига ҳам таъсир қиласди. Варнадҳарма, Гриҳастҳадҳарма, Ванапрастдҳарма, Санясадҳарма, Браҳмачарядҳарма, у дҳарма, бу дҳарма... стул, скамейка, тахтиравон ва ҳ.к.ларга ўхшаб, булар асосий Дҳарманинг бор-йўғи шакл ўзгаришлари холос. Сиз уларнинг табиатига чуқурроқ кириб борсангиз, айрим шакллар гойиб бўлади, ашёвий Дҳарма кўздан йўқолади ва фақат Атмадҳарма қолади. Мебель шакллари йўқолади ва ашё сифатида фақат ёғоч қолади, худди шундайин ташки Дҳармалар гойиб бўлади ва фақат ўзининг бемисл шонида Атмадҳарма порлаб тураверади.

(14) Албатта, ердаги машгулотлар учун ашёвий дҳармалар мухим. Мен бунинг аксини такрорлаб ўтирумайман. Ёғоч мебелга айланиб, ундан кейин ишлатилган каби Атмадҳарма ҳам ёки Шантидҳарма, ёки Сатъядҳарма, Гриҳастҳадҳарма, Винапрастҳадҳарма, Варнадҳарма, Стридҳарма, Пурушадҳарма ва ҳ.к.ларнинг шаклини қабул қилиш керак. Асос ҳамма жойда бир, модда бир ва уларнинг ҳам ҳар бири алоҳида шаклга эга. Моддадан қандай фойдаланиш мумкин? Уни фақат ўзгаририш, қайтадан тиклаш ва улардан турли мақсадлар учун фойдаланганда турли номлар билан аташ мумкин, холос. Дараҳт қирқилгани, арралангани, турли усууллар билан туташтирилгани каби Атмадҳарма турли мақсадлар учун бўлак ва қисмларга парчаланади, аммо бу нима бўлганда ҳам Атмадҳармадир. Токи Дҳарманинг турли тизимлари ўша “ёғоч”нинг ўзидан келиб чиқар экан, бунинг ҳеч нимасидан кўрқмаса бўлади; бир нарсани унутмангки, мебелдан даставвалги дараҳтни қайта тиклаб бўлмайди! Атмадҳармани дунёвий фаолият соҳасида қўлланг, аммо дунёвий Дҳармани Атмадҳарма деб атаманг! Бу энг олий, Мутлаққа нисбатан бўхтон бўлади.

(15) Дҳарма – бу ахлоқ йўли. Ахлоқ йўли – бу нур. Нур – бу Ананда. Дҳарма муқаддаслик, тинчлик ва руҳ кучи билан тавсифланади. Дҳарма – бу йога, бирикиш, сингиб кетишдир; бу Сат्यя. Адолат, ҳисларни назорат қилиш, ҳурмат туйгуси, муҳаббат, қадр-қиммат, самимият, мулоҳаза, яхши кўриш, куч ишлатмаслик унинг хоссалари ҳисобланади. Асрлар оша яшайверадиган Дҳарма ана шундай. У башариятни осмоний муҳаббат ва бирликка олиб боради. Бу энг олий интизом ва энг ёқимлисиdir. Бу барча “очилиш” Дҳармадан бошланади, буларнинг барини Сат्यя барқарорлаштиради – Сат्यя Дҳармадан ажралмасдир. Сат्यя – бу Коинот қонуни, у қўёш ва ойни ўз меҳварида ҳаракат қилишга мажбур этади. Дҳарма – бу Ведалар ва мантр¹лардир, улар гапирадиган Жнаний²дир. Дҳарма – бу йўналиш, йўл, қонун. Ахлоққа риоя қилинадиган ҳамма жойда амалдаги Сатъядҳармани кўриш мумкин. Ҳағават пуранада айтилган: “Дҳарма қаерда бўлса, Кришна ўша ерда; Дҳарма ва Кришна бирга бўлган жойда ғалаба бор. Дҳарма – бу Тангри тажассумининг ўзи; чунки дунёнинг ўзи Тангрининг танаси ҳисобланади; дунё – бу ахлоқий тартиб учун бошқа ном, холос. Ҳозир ҳам, бундан кейин ҳам ҳеч ким буни инкор эта олмайди”.

¹ Мантр – луг. маъноси “Дуо” дегани.

² Жнаний – донишманд, билимдон.

ТҮРТИНЧИ БОБ

(1) Одамлар бурч, ҳуқуқ ва мажбуриятнинг турли зухурларига таянадилар, лекин булар барчаси асосий Сатъядхарма ҳисобланмайди; бу фақат ҳаёт мураккабликларини тартибга солиб турувчи восита ва услублардир. Улар энг муҳим нарсалар эмас. Бу барча ахлоқий қонун-қоидалар ва хулқ-атворнинг белгилаб қўйилган қоидалари икки хил хилқат, икки хил табиат, хусусан эркак ва аёлнинг муносабатларини тартибга солиш заруриятидан келиб чиққан.

(2) Улар ҳамма нарсага жо бўлувчи Пракрити ва Параматмага, дагал ва нафисга, жонсиз ва жонлига мос келади. Маълумки, бу барча хилқатлар жонсиз ва жонликнинг ўзаро алоқаси туфайли юзага келган. Ўз навбатида, кейинги хилма-хиллик шу иккига бўлиниши жараёни билан пайдо бўлган. Дҳарманинг мана шу шоҳобчаларига бўлиниш ва мураккаблашуви айнан мана шу эркак ва аёл жиҳатлар билан изоҳланади.

(3) Шу боис дунё амалий ривожланишнинг бош Дҳармаси шу икки хилқатнинг ахлоқий йўл-йўриғиyo хулқ-атворидан иборат; қайсиdir устоз нимагаки ўргатмасин, унинг таълимоти бу икки турли хилдаги табиатни эътиборга олмай иложи йўқ.

(4) Эркаклар учун Пурушадхарма ва аёллар учун Стридхарма – бу юқорида тилга олинган Сатъядхарманинг муҳим амалий қўлланишидир. Қолган қонун-қоидалар ва тартиб-интизомлар худди дарё ирмоқларига ўхшаб, иккинчи даражали ва тобедирлар. Улар вақтинча ҳисобланувчи турли ҳолатларга, воқеаларга ва муҳитларга тегишли. Сиз асосий ўзанга эътибор беришингиз керак, унинг ирмоқларига эмас. Шунга ўхшаб, ҳаётнинг бош раҳбарларига қандай муносабатда бўлсангиз, эркак ва аёл Дҳармаларга ана шундай муносабатда бўласиз ва ҳаёт ўйинида иккинchi даражали Дҳармаларига ҳал қилувчи рол деб қарамайдиган бўласиз.

(5) Стридхарма – аёл тамойили тўғрисида Тангри таъсиб этган рўё ҳақида, У ўз ихтиёри ила Ўзига мансуб берган қувват тўғрисида гапиргандек гапирилади. Бу Майя аёл шакли. Бу сабаб, унга кўра аёлга Прашакти Сварупа деб қаралади. Аёл – эркакнинг вафодор умр йўлдоши, унинг баҳтли қисмати. Чунки аёл – Тангри иродасининг моддий қўриниши, у сирли, тилсимли хилқат, муҳофаза қилувчи тамойил зуҳури, унинг масканидаги малика, эркакнинг фаровонлиги, унинг рўзгорининг ўчмас чироғи. Шактисварупа хазинабони саналмиш аёллар ҳеч бир маънода тубан ҳисобланмайди, уларнинг табиати руҳий қудратга, сабр-тоқатга ва муҳаббатга лиммолим! У ўзини назорат қилиш қудратига эга, бу нарса эркакларда кам учраши мумкин. Улар эркакларнинг маънавий йўлдан юришларида улар учун ибрат ва раҳбар саналадилар. Соғ самимий муҳаббат аёлнинг тутма хусусияти. Билимли, тарбияли каби севишдан мустағриқ, оқ билан қорани яхши ажратадиган аёлларнинг гап-сўзлари ва хатти-ҳаракатлари хонадонга баҳт ва бойлик келтирувчи Маъбуда Лакшмийга ўхшаб, Дҳармага мос келармикан? Эр ва хотинни муҳаббат ришталари боғлаб турган, ҳар куни улар китоб ўқийдиган, бир- бирларининг жонига оро кирадиган, Худо исмини тараннум этадиган ва Унинг шони алқанадиган шундай уй ҳақиқатан ҳам Тангрининг уйи – Ваикунтҳадир! Ўз эрига Муҳаббат кучи билан боғланган аёл ҳақиқатан ҳам ўзидан маст қилувчи баҳт таратган атиргул, у хонадонга зеб бериб турувчи тобдор жавоҳир; хотин хайру баракот кони, давлату сарват тимсоли.

(6) Иффат – аёл учун энг олий неъмат. Мана шу неъматдан ҳосил бўлувчи куч билан аёл истаган ниятига эриша олади. Савитрий шу куч ёрдамида эрига баҳт келтирди, у чиндан ҳам ажал Фариштаси – Азроил билан олишди. Донишманд Атрининг хотини ва Даттатреянинг онаси Анасуя ўз иффатининг илоҳий қудрати билан Учликни чақалоқларга айлантириб қўиди. Ўзининг мохов эрига вафодор Налаяна қўёшни ҳаракатдан тўхтатиб қўиди! Иффат – бу аёлларнинг бебаҳо жавҳари. Бу шундай улуғ неъматки, шу неъмат туфайли аёл шаъни кўкларга кўтариб мақталишга лойиқдир. Бу неъматнинг ёқимли ва хуштаъм мевадари ҳар қандай таърифдан ортиқ. Бу неъмат унинг ҳаёти нафаси. Ўз иффати ёрдамида ва унга ато этилган қудрат ёрдамида аёл ўз эрини фалокатлардан асрай олади. Аёл ўз неъмати билан ўзини муҳофаза қиласи ва шубҳасиз, ўз иффати воситасида фалакларга ноил бўлади. Дамаянтий ўз сўзининг кучи билан унга қўл чўзган овчини қулга айлантириди. У эри Нал тўсатдан тақдир тақозоси билан уни ташлаб кетгандан кейин ўрмонда якка ўзи оғир ҳаёт кечирди.

(7) Самимилик аёл учун гоят муҳим, бу унинг бебаҳо бойлиги. Борди-ю, аёл самимилик чегарасидан чиқиб кетгудек бўлса, у Ҳармага шак келтирган бўлади, бундай чегарарадан чиқиши кўплаб мусибатлар келтиради. Боз устига, аёллик шаънининг ўзи ер билан яксон бўлади. Самимиликсиз аёл гўзаллик ва маданиятдан маҳрум. Итоат, тоза фикр ва тоза хулқ, камтарлик, олий орзуларга мойиллик, сезгирилик, юмшоқ табиатлик – ушбу сифатларнинг ўзига хос омухтаси камтарликни ўзида намоён этади. Бу аёлнинг барча хазиналари ичida энг қимматлисиdir.

(8) Самимиий аёл ҳамиша ўзини оқилона тутади, тўғриликнинг ички ҳиссиётiga риоя қиласи. Қайси хулқ-атвор вазиятга муносиб-у, қайсиси йўқ – аёл буни дарҳол сезади. Аёл фақатгина яхши ишлар ва хулқ-атворга қараб иш тутади. Самимилик – бу аёл улуғворлигининг мезони. Агар аёл самимиий бўлмаса, ўз аёллиги манфаатларига зарар келтиради, бундан ташқари у ўз шахсий гурурига ҳам шикаст етказади. У ҳидсиз гулга ўҳшаб қолади ва одамлар бу гулни севмай, хурмат қилмай ва ҳатто унга бутунлай қарамай қўядилар. Самимиликнинг йўқлиги аёл ҳаётини бўшлиққа ва фойдасиз нарсага айлантиради, аёлнинг кўплаб ютуқлари ўз-ўзидан сувга уриб кетади. Самимилик аёлни авлиёдек улуғвор қиласи. Самимиий аёл уйида ва ундан ташқарида, жамиятда ва дунёда хукмдорлик рутбасига ноил бўлади.

(9) Айримлар шу ўринда гапга аралашиб, луқма ташлашлари мумкин: “Самимиликнинг барча қоидаларини итқитиб ташлаган аёллар бугун иззату ҳурматда-ку, бунга нима дейсиз? Улар бошларини баланд кўтариб юрадилар ва одамлар уларни ҳеч камситмайдилар, алқайдилар”. Мени ҳозирги дунёдаги бундай ҳодисалар билан таништиришнинг ҳожати йўқ. Мен учун уларнинг ҳечам қизиги йўқ. Эҳтимол, улар қандайдир ҳурмату иззатга лойиқ бўлиб тургандирлар, аммо бу иззату ҳурмат ўзини англамайди ва таърифу тавсифга муносиб эмас. Муносиб бўлмаган, ўзини оқламаган иззату ҳурмат ҳақорат билан баравар: уни қабул қилиш эҳсоннинг ўзини камситиш дегани. Бу иззату ҳурмат эмас, бу очкўз ва гаразгўй одам уятсиз одамга қиласиган тилёғмалик. Бу ҳаром тупук.

(10) Албатта, самимиий аёл ўзини ҳурмат ва иззат қилишларига интиқ эмас. Унинг бутун фикру зикри у ҳатлаб ўтиб бўлмайдиган чегарада бўлади. Ҳурмату иззат унга билдирамасдан ва ҳеч қандай илтимоссиз ўзи келади. Нилуфар гулидаги шира боларини чақиргани йўқ, гуллар уларни менга келинглар деб илтимос қилмайди. Гуллардаги

ширанинг ҳидини олган боларилар ўзлари уни қидириб кетадилар ва шунга қараб интиладилар. Ўзлари ва шира ўртасидаги мойиллик туфайли улар учиб келадилар. Керакли чегарани билган аёл ва унга кўрсатиладиган ҳурмат ўртасидаги ўзаро боғлиқлик ҳам ана шундай.

(11) Агар бақа нилуфар гули устида ўтириб, буни бутун дунёга жар солиб эълон қилаётган бўлса, демак бу бақа шу гулнинг гўзаллиги ва хушбўйлигини билар экан дегани бўладими? Бақа шу лаззатдан тотиб кўрганмикан? У нилуфар гулига ширин сўзлар айтиши мумкиндири, лекин у лоақал гулнинг таркибида нималар борлигини билармикан? Бугунги аёлга кўрсатилаётган ҳурмату иззат ана шу тоифага киради. Бундай ҳурмату иззатлар нимани қадрлаш керак ва қандай қадрлаш кераклигини билмайдиган одамлардан келмоқда. Булар ҳукм чиқариш учун асосларга эга эмаслар, уларда тугал қадриятларга ишонч йўқ, улар ҳақиқатан ҳам яхши ва буюкка нисбатан ҳурмат билан муносабатда бўлмайдилар. Улар таклиф этган нарсани “ҳурмат” ёки “иззат” деб қандай айта оласиз? Буни фақат “касаллик”, ёки, юмшоқ қилиб айтганда, “урф-одат” деб аташ мумкин, холос, бор-йўғи шу.

(12) Атмадҳарма тамойиллари самимий бўлмаган аёлга нисбатан “аёл” сўзини ишлатишни рано кўрмайди. Борди-ю, Атмадҳармага риоя қилмайдиган одамни иззату ҳурматларга кўмиб юборсалар, бу ҳаёт асари қолмаган баданни безакларга кўмгандай гап. Баданни тарқ этган жон баданга кўрсатилган ҳурмату иззатни қаёқдан ҳис этсин? Агар воқеликни англаган, атма тажассуми мақсадини тушунмаган одам шон-шуҳрату машхурлик тахти узра савлат тўкиб ўтиrsa, буларнинг барчасидан ким қувонч шарбатини тотади?

(13) Самимий аёл ҳеч нимага арзимайдиган арzon молу ашқол – дашқолларга парво қилмайди. У ундан кўра кўпроқ лаззат берадиган муносиб ҳурматни излайди. Бу уни хонадон ободлиги маъбудаси Лакшмий қаторига қўядиган хоссадир. Аёлни Гриҳалакшмий (рўзгорни обод қилувчи маъбуда) дейишлари боиси шунда. Борди-ю, аёлда шу сифат бўлмаса, хонадон нуқулгина фурбатхонага айланади.

(14) Аёл хонадон ва дин таянчи саналади. У ё диний эътиқодни ундириб-ўстиради, ёки илдиз-пилдизи билан қутилади. Аёлда динга ва диний интилишларга табиий мойиллик бор. Ихлоси, садоқати ва ҳаёси бўлган аёл Худо ҳузурига олиб борадиган йўлда, қуттуғ саховатлар қилишади эркаклардан афзал туришлари мумкин. Улар эрта, кун чиқмасдан уйқудан турадилар, уйни супуриб-сицирадиларда ва ювиниб-чайингандан кейин Жапа ва Дхъянага¹ берилиб, ибодат қиласидилар. Уларнинг уйида Тангрига сиғиниш учун маҳсус чоққина хонача бўлади. Улар у ерга Тангри сиймосини, авлиё донишмандлар, устозлар ва мураббийларнинг сувратларини қўйиб қўядилар. Улар бу хонани муқаддас деб биладилар, эрталаб ва кечқурун, шунингдек улуғ айёму байрам кунларида дуолар ўқиб, илоҳий муҳит яратадилар. Бунга муттасил риоя қиласидилар. Аёл ҳатто даҳрий эрининг ҳам фикрини ўзгартира олади. Қўшилиб дуо ўқишига ёки қандайдир фойдали иш билан шугулланишга, ёки Тангрига ихлос билан бағишланган жамоавий ибодатни бошлаб юборишга ундейди. Ҳақиқатан ҳам айнан аёл хонадонни тутиб туради, бу унинг вазифаси. У чиндан Шантининг вакиласи саналади.

(15) Бошқа томондан, борди-ю, хотин эрни Худога элтиш йўлидан

¹ Ж а п а – дуолар ўқиши. Д ҳ ё н а – муроқабага берилиши.

тойдирса, борди-ю, у эрни маънавий даражадан ҳиссий даражага туширса, ёки борди-ю эр ўз руҳоний интилишларидан роҳат қидираётган хотини билан ношаръий йўлдан бораётган одамдек муомала қилса ва хотинини йўлдан урмоқчи бўлса, бундай эрхотиннинг уйи уй деб аталишга муносиб эмас; бу энди рўзгор эмас, арвоҳу жин-ажиналар уя қурган тайёр жаҳаннамнинг ўзи.

(16) Дарҳақиқат, аёл қалб билимини олишга интилиши, ўзининг фақат Атман эканини англаб яшashi, фикру зикри фақат Тангри Таолода бўлиш истагида ёниши керак. Бундай аёл яшаган, эр ва хотин буюк ишлар орзусида бўлган, Тангри исмини биргаликда куйлаб, ҳақиқат, тинчлик ва муҳаббатни барқарор этган, муқаддас китобларгага, ихлос қўйган, туйгулар жиловланган ва барчага бир хил муносабатда бўладиган, ҳамжихатликка асосланадиган уй – чиндан ҳам Ердаги жаннатнинг ўзири.

(17) Шундай табиатли хотин ўз номига муносибdir. У ўз эрини соғ муҳаббат билан севиши керак ва фақат шундагина уни уй бекаси, яъни Гриҳиний деб айтиш мумкин. Шундагина у Ҳармапатний (хасми ҳалол) бўла олади, шундагина Ҳарма, Артҳий ва Кама учун қурол ва ёрдамчи Ҳарйа бўла олади. У эрига юмшоқ ва меҳр билан гапиради, эрининг вафодор дўсти ҳисобланади. Боз устига, гоҳида хотин эрини Ҳарма йўлидан бошлаганди, хотин керак бўлса ҳатто Ота ролини зиммасига олади, эри бетоб бўлганида Она вазифасини бажаради.

(18) Хотин эрига хизмат қилишни биринчи ўринга қўяди, бу унинг чинакам ибодатидир. Унинг дуолари, юкиниши ва ибодати кутиб туриши мумкин. Эрига ибодат қилмай туриб хотин ибодату риёзатда фароғатга ета олмайди.

(19) Аслида эрни Тангрининг вакили деб билиш керак, унга қилинадиган барча тоат-ибодатлар сифиниш даражасига бориши керак, бу ҳақиқий бурч йўлидир. Борди-ю, барча ҳаракатлар Атма ва унинг Параматма билан қўшилиб кетиши учунгина адо этиладиган бўлса, бу шу амаллар Тангрига бағищланган ҳисобланади. Бу барча амаллар фалокатдан кутқаради, аммо Парвардигор билан боғламайди.

(20) Эр қанчалик яхши ё ёмон бўлишининг аҳамияти йўқ, хотин муҳаббат воситасида унга тушунтириши ва тўғри йўлга солиши, Тангри марҳаматига ноил бўлишига ёрдам бериши керак.Faқат хотин ўзига қарши, эрининг руҳий йўлда яхшилик томон силжиши унга даҳл қилмайди деб ўйлаши нотўғри. Бошқа томондан у эрининг фаровонлиги, эрининг қувончи, эрининг хоҳиши, эрининг халоскорлиги – буларнинг барчаси унинг ўзиники ҳам эканини хотин ҳис этиши лозим. Бундай хотин Тангри иноятига ўз-ўзидан, ҳеч бир саъӣ-ҳаракатсиз сазовор бўлади, Тангри унинг бошидан раҳмат сувини ёғдиради. Тангри доим унинг томонида бўлади ва барча йўлларда унга яхшиликларни раво қўради. Ўзининг саховатпешалиги билан хотин Эрини халос қиласи.

БЕШИНЧИ БОБ

(1) Эркаклар каби аёллар ҳам таълим олишлари суннатdir. Бироқ аёллар оладиган таълим уларнинг алоҳида эҳтиёжларига мувофиқ бўлиши керак. Маълумотли аёллар ҳақиқатан ҳам бутун дунёда Иймоннинг барқарор ва бардавом бўлишига ёрдам беради. Ота-оналар ҳам ўз қизларига керакли таълим бериш учун жон куйдиришлари керак. Айрим нарсаларда аёлларга эркинлик бериб бўлмайди. Мен

уларга бундай эркинлик беришни маъқул топмайман. Улар ҳақиқий аёлдек аёл бўлишлари керак, уларнинг таълими айнан шу билан белгиланиши керак.

(2) Тизгисиз эркинлик Иймоннинг кушандасидир, бундан ташқари шунинг орқасидан аёллар ўзларига зиён етказадилар. Ҳеч бир тайин-тугунсиз жамиятда (одамлар орасида) айланиб юриш жуда ёмон натижаларга олиб келади. Тўғри, ўтмишда ҳам маълумотли хотин-қизлар бўлган, аммо улар ҳеч қачон ўз Иймонларидан бўйин товламаганлар, улар ҳеч қачон Атмадхарма мақсадини унутмаганлар. Видія, яъни таълим Вивек, яъни Фарқлаш негизига қурилиши керак. Иффату исмат намуналари бўлган Сулабҳа, Савитрий, Анасуя, Налаянийлар, Тангри содиқлари Мира, Чудала сингари йогинийлар¹ — уларнинг барчалари шу ерда, Бҳаратда² дунёга келганлар ва Дҳармага мустаҳкамланганлар. Ҳатто бир куни Сулабҳа худди катта олимлардек Атма ҳақида муроҳада қилганида Жанак ёқа ушлаб қолганди! Феъли-хўйлари ва хулқ-атворлари Бҳакти ва Жнанадан илҳом олган мана шундай буюк ва авлиё шарофати билан ҳатто бутунги кунда ҳам соддалик, итоаткорлик ва садоқат Бҳаратдаги аёллар қалбини мунаvvар қилиб турибди.

(3) Уларнинг тимсоли ҳозирги замон хотин-қизлари қалбига илҳом солиши, улар ўтмишдаги мана шу аёллардай ҳаёт кечиришлари керак. Ҳинду аёли ҳар доим Дҳарма — Иймон тамойилларига амал қилмоғи ва руҳий (маънавий) интизомда камол топмоғи керак. Аёл бугунги кунда ҳамма нарсадан олдинда деб ҳисобланувчи ёруғ дунёга қарашли ҳар қандай соҳада камол топа олади, аммо руҳий баркамоллик ҳақида ҳам эслаб туриш шарт. Аёл Веданталарни ўрганишга қизиқмоғи керак, Веданта ички нигоҳни ривожлантиради. Бундай билимга эга бўлмаган аёл бесўнақай харсангдан фарқ қилмайди, бошқаларни ҳам, ўзининг ҳам бошига бало бўлади, худди йўнилмаган таёқдай, ушлаганнинг кўлини шилади. Ведантани ўқиб-ўрганган Сулабҳага ўхшаган аёллар эса-Браҳмавадиний бўлдилар ва жуда зўр шуҳрат қозондилар. Ҳинди斯顿 мана шундай авлиё ва олим аёллардан анча-мунчасини берди. Пандитлар ва Видванлар (олимлар ва донишмандлар) илҳом ва ўйтитлар эшиттгани ана шундай аёллар ҳузурига бош уриб келганлар.

(4) Тараққиёт нимага асосланиб содир бўлади? Миллат, жамият ва оила тараққиёти хотин-қизларга тўғри таълим берилишига боғлиқ. Борлиқни англаш илми — Атмавидийада камолга етган аёллар орқалигини мамлакат ўзининг энг азалий улуғворлигига кўтарила олади. Агар мамлакат доимий равишда гуллаб-яшнашни истаса, хотин-қизларни таълим тизимида ўқитиши зарур, бу тизим ахлоққа, хулқ-атворга қаттиқ таъсир қиласди. Ахлоқий андозаларнинг ҳозирги вақтдаги таназзули ва жамиятда осойишталикка путур этиши сабаби аёлларга таълим беришнинг шу жиҳатини менсимаслик оқибатидир. Ер ва осмон, ўша-ўшалигича қолган, таълимнинг олий мақсади ўзгарган, холос, — Дҳарма (Иймон) дан Адҳарма (Иймонсизлик, Осиийлик)га ўтган.

(5) Бугунги таълимни Видийага ўхшатишади, аммо бу атаманинг ўзи, холос. Борди-ю, ҳозирги маълумотли одамлар аъмоли ва хулқ-атворига разм соладиган бўлсақ, унинг бу номга арзимаслигини англаймиз. Ҳеч қанақангি ташқи шароитдан қатъи назар маълумотли одам Атманинг ички шодлигини ўзига сингдириб ола билиши, яшашнинг мақсадини англаши, ўзини намоён этиш тамойилини

¹ Й о г и н и й л а р — йоганинг хотини.

² Б ҳ а р а т — Ҳинди斯顿.

билиши керак. Худонинг марҳамати илгариги замонларда ҳар бир талаба олиши лозим бўлган диплом эди. Бу диплом ахлоқни ривожлантириш, Атманни билиш, сақфи табиийларни поклаш, яхши хулқ-атвор, тоза феъл, нафсни тийиш, фикрни яхшилаш ва илоҳий фазилатларни ўстириш соҳасида муваффақиятларга эришганларга берилган. Бугун, афсуски, ҳаммаси бошқача бўлиб кетган. Бугун бир нечта китобни апил-тапил ўқиб ҳам диплом олса бўлади! Ҳозирги мактаб орқали киши ахлоқий ва маънавий тайёргарликка зинҳор эга бўлмайди.

(6) Ҳар бир аёл яхши таълим олиши керак. У мамлакат муаммосини тушунишга қодир бўлиши керак. У ўз имкониятини, ўз қурби етганича мамлакатга, жамиятга ва оиласа ёрдам бериши, хизмат қилиши керак. Миллат фақатгина хотин-қизлар маданияти асосида қад кўтара олади. Келадиган авлодни бугунги оналар юзага чиқарадилар. Бу авлодни бошдан-оёқ адҳарма ва адолатсизлик чулғаб олган, чунки уни тарбиялаган оналар унчалик ақлли ва хушёр бўлмаганлар. Начора, бўлар иш бўлди, бўёғи сингди. Ҳеч бўлмагандан келгуси авлодни кутқариб қолиш учун аёллар ўз вақтида огоҳ бўлишлари керак. Улар модел сифатида қадимги ота-боболаримиз урфу одатларига риоя қилишлари керак.

(7) Ўтмишда, ҳозирда ва келажакда – барча замонларда аёл тараққиёт қуввати, миллат юраги, унинг нафаси ҳисобланади. Аёл ҳаётнинг Ҷҳармасида бош ролни ўйнайди, бу роль муқаддас ва табаррук саналади. Унинг вазифаси – ҳалоллик ва аъло хулқ-атворга пойдевор қўйишидир. Аёл болаларга зарурий ахлоқий ва маънавий замин муҳайё этмоғи лозим. Она Ҷҳармага тўлиб-тошган бўлса, бу болаларда яхши фазилатлар пайдо қиласди ва улар ҳам Ҷҳармага тўлиб-тошадилар. Агар она ахлоқ қоидаларига қатъий амал қиласа, болалари ҳам ахлоқли бўлади. Шу боис аёллар орасидаги таълим даражаси мамлакатни ё гуллаб-яшнатади, ё қулатади. Болаларнинг амаллари, хулқ-атвори ҳал қилувчи омил ҳисобланади.

(8) Бу ўринда ота-оналар ва ёши катталарнинг зиммасида зўр маъсулият ётади. Бугунги талабаларга бир қаранг ўзингиз: уларда маданият деган нарсадан ном-нишон кўрмайсиз, маънавият масалалари ва Атма ҳақидаги сұхбатлар уларнинг қулгусини қистатади! Ҳавоий сўзлару кийим-кечакка ўчлик – мана нима керак уларга. Бу ҳақиқий маданият эмас. Гап уй-рўзгор тутиш ҳақида кетганида, маълумотли хотин-қизлар бугун чорасиз қолганлар. Рўзгор улар учун тайёр меҳмонхона, рўзгор ошпаз билан оқсочининг аянчли ихтиёрида. Маълумотли аёл – бу ҳозирги замон хонадонини безаб турган рангин қўғирчоқ, у эрининг елкасига ортилган ортиқча юқ, ола хуржун. Шўрлик эр қўлидан келадими, йўқми, хотиннинг харҳашаларидан кутилиш учун турли-туман харидларга пул совуради. Аёл рўзгорда қўш ҳўқиз бўлиб, омоч тортишга ярамайди, танбаллик, қўп овқат ейиш ва ухлаш, бекорчилик охири уни беморлик тўшагига ётқизадида, ажалидан беш кун олдин жонини олади.

(9) Хотин-қизларнинг бегам хулқ-атвори ҳозирги дунёни Ҷҳарма (Иймон) инқизози муҳити билан тўлдирган. Ўткинчи ҳою ҳаваслар кетидан қувиб, яхши феъл-атвору аъло сифатларни ривожлантириш заруриятини унугиб, хотин-қизлар ўзларига ўзлари зарар келтирмоқдалар. Улар кибру ҳавога берилиб, димоғдор, манман, тантиқ бўлиб кетганлар. Нуқул амалдан-амалга ўтишлар, илмий даражалар олишлар, ҳали у, ҳали бу нарсага кўнгил беришлар, гуноҳ ва ёмон ишлардан ҳайиқмаслик, авлиё одамлар гап-сўзларига

нописандлик, эрини ўз чилдирмасига ўйнатиш, хатолардан тавба қиласлик – наҳотки маълумотли аёл деганлари шулар бўлса? Йўқ, булар бари Авидйа – жаҳолат, эгоизм белгилари бўлиб, одамни хору расво қиласди, жамиятдан ахлат каби четга чиқарип ташлайди.

(10) Агар аёл эри уйини муқаддас билса, бу уй хайру баракотлар, гўзал хислатлар масканига айланади. Дунёда унинг учун мана шу уйдан яхши жой бўлмай қолади. Бир шоир уйни аёлнинг ибодатхонаси, мактаби, ўйингоҳи, сиёсий майдони, қурбонлиқ қиласидиган қадамжоси, риёзат чекадиган узлатгоҳи деб тараннум қилган эди.

(11) Маълумотли аёллар уларни қуршаб турган жамиятга ўзларининг ўқуви, диди, майли, хоҳиши, феъли, маълумоти, ҳаёт тарзи, интизоми ва билимiga қараб фойдали хизмат кўрсатишлари мумкин. Улар ота-оналари, оиласлари ва ўзлари шаънига деб туширмасликлари керак. Яхши феълинини булғатган аёл шу қадар жирканч бўладики, уни “ўлик”ка ўҳшатиш мумкин, шу боис одамлар орасига қўшилганда аёл зоти ҳар доим хушёр, зийрак бўлиши керак. У бўлмагур сұхбатлардан четланиб, тўгри келган одам билан гаплашиб кетавермаслиги лозим. Одамнинг одамдан фарқини билган аёл унинг эри обрўйини оширадиган иш-амаллардагина иштирок этади, эри обрўсини туширадиган ишлардан вақтида қўл тортади. “Садгуна, ёки саховат — бу маълумотли одамнинг белгиси, таълимнинг қадрини оширадиган нарсанинг ўзи”, — дейилишига сабаб шу.

(12) Аёллар таълим олмаслиги ва жамиятга аралашмаслиги керак деб ўйламайман. Агар улар яхши фазилатларга эга бўлсалар ва бу яхши фазилатлар Санатан-дҳарма ва садҳанага, яъни яхши амаллар ва одатларга муюссар этса, ижтимоий ҳаётда қаердаки фаолият кўрсатмасинлар, уларнинг таълими зое кетмайди ва жамиятга наф келтиради. Ўқиши ва жамият ўз ҳолича заарарли нарсалар эмас, улар одамларнинг табиати билан ҳамкорлик қиласидилар, одамлар улардан фойдаланадилар ва яхши ёки ёмон натижаларга эга бўладилар. Мушук биргина тиши билан боласини ҳам, каламушни ҳам тишлиб кўтаради, нима фарқи бор? Боласини эркаласа, каламушни ейди. Тишлилар ўз-ўзидан холис, айнан каламуш билан мушукбола амал натижасини белгилайди.

(13) Худди шундайин билим фарқлаш, хизмат қилишга шайлаш, борлиқни тадқиқ этиш ва Мутлоқ (Худо)ни қидиришга ҳамкорлик қилиш ва ҳаттоки Парамаҳамса (руҳнинг олий ҳолати) ҳолатига этишув йўлини барпо этиш қобилиятини ривожлантира олади. Бошқа томондан, у ёлгон, сурбетлик, ёвузлик ва адолатсизлик илдизларини кучайтириши ва мустаҳкамлаши мумкин, у одамга алдашнинг янги воситаларини ўргатиши ва унинг ердаги йўлини остин-устин қилиши мумкин. У муҳаббатни — огули нафратга, ҳақиқатни фисқ-фасод уясига айлантириши ҳеч гап эмас.

(14) Шу боис аёл қайси фанни ўрганмасин, ўзини қай илм билан камолга етказмасин, қандай илмий даражага эга бўлмасин, унинг ва эрининг мақоми қандай ва қанака бўлмасин, у бу ҳақиқатларга тўлат-тўқис риоя қилмоғи лозим. Чинакам мафтункорлик яхши феълатвордан иборат. Ахлоқлилик – бу аёл кишининг нафаси, самимийлик – ҳаётий қучнинг ўзи, ҳақиқат изидан бормоқ – унинг кундалик бурчи. У ўз юрагида гуноҳдан кўрқиши ва Худо олдида кўрқиши туйғусини ундирмоғи ва ўзида итоаткорлик фусунини ривожлантирмоғи лозим. Ҳаётнинг диний, ахлоқий ва жисмоний соҳаларида у Дҳарма (Иймон)нинг қатъий расму қоидаларига риоя қилмоғи ва буни ҳар қандай Видйанинг негизи деб қарамоғи керак. Ўз номусини

ҳимоя қилиш учун аёл ҳатто ҳаётини қурбон қилишга тайёр бўлиши керак, ўз иффатини сақлаш ва мустаҳкамлаш, эри олдида ҳар доим бош эгид туриши керак. Бу аёлнинг бош Дхармаси, иймонидир. Унинг айнан аёл бўлиб дунёга келишининг сабаби ҳам шунда.

ОЛТИНЧИ БОБ

(1) Дхарма тамойиллари инсон манфаатлари фойдасига ўзгармайди. Дхарма — ўзгармасдир. Дхарма Дхарма бўлиб қолаверади, у бор эди, бор ва абадий қолади. Тўғри, Дхармани қўллашнинг муайян тажриба ва қоидалари ўзгариб турувчи сабабларга кўра ўзгариши мумкин, аммо бу ҳолда ҳам бу тажрибалар наф ва қулайлик асосида эмас, балки Шастрлар асосида синовдан ўтилган бўлиши керак. Бу ерда мўлжал деган гап бўлиши мумкин эмас. Шастрлар кўзга кўринувчи, фойда берадиган қоидаларни ҳар доим ҳам маъқул топавермайди. Ведаларда ва Муқаддас битикларда мана шундай амаллар тавсия этишига ҳам умид боғлаш тўғри келмайди. Дхармани бу усул билан синовдан ўтказиш мумкин эмас, уни бевосита ва очиқ-ошкора исботлашнинг сира имкони йўқ. Миманса¹ чиларнинг фикрича, Дхармани фақат ведавий мантр(дуо)лар орқали билиш мумкин ва Ведалар фақат кўзга ташланувчи белгилар доирасидан ташқарида ётган ҳақиқатларни изоҳлашга ҳаракат қиласди.

(2) Борди-ю, Дхармага эргашиб, ҳар доим оқибатлар ҳақида ўйлайверсалар, унда агар энг яқиндаги ва кўзга ташланувчи фойдани кўрмасалар, Дхармани ҳатто ёмон кўриб қолишлари мумкин. Ҳамманинг ҳар хил хоҳиш-истаги бор, ҳамма ўзининг қаричи билан ўлчайди. Масалан, китоблардаги қоидаларнинг мевалари тўғрисида ҳар ким ўз тасаввурига эга: Снана, Сандҳя, Жапа ва Дхйана. Айрим одамлар кечқурунлари Гаятри Жападан воз кечадилар ва бунинг ўрнига Вишну Саҳасранама ёки Шивасаҳасранама (Вишну ёки Шиванинг минг номи)ни ўқиидилар. “Kaale Sandhyaa samaachareth”: “Сандҳятоатини ўз вақтида адо эт” — қоида шунаقا. Борди-ю, кечки Сандҳя қолдириладиган бўлса, бу қоиданинг бузилиши Дхарманинг бузилгани бўладими? Шунга ўхшаб, ҳар бир Варна тоифа учун қоидалар бор.

(3) “Chaathurvarhyam mayaa srishtam gunaa karma Vibhaagasah”, дейилади Гитада. Бу гапнинг маъноси кундай равшан: “Мен тўртта варнани яратдим, уларни сифат ва фаолият асосида бир-биридан ажратиб чиқдим”. Таълимот шунаقا. Бироқ турли-туман бўлмагур ўй ва фикрларга асосланиб, кўп одамлар ўзи томон чорлаётган Дхармага қулоқ солмайдилар ва Худодан ҳам, гуноҳдан ҳам ҳайқиш йўқ, бегуноҳ, оми одамларни нотўғри йўлга бошлайдилар. Ана шунинг учун ҳам Тангри хўрланганларнинг қаддини кўтариш ва ҳармани барқарор этиш учун вақти-вақти билан ер юзига нозил бўлиб туради. Мана шу нарса Тангри тажассумининг сабаби ҳисобланади, Гитада шу ҳақда илҳом билан гапирилади.

(4) Dharma samsthaapanaarthaaya sambhavaami yuge yuge” (4обоб, 8шл: “Мўминларни қутқариш, золимларнинг нафасини ўчириш, қонун ва адолатни тиклаш учун ҳар бир асрда Мен дунёга келиб турман”). Бу ерда бир нарсани тушуниш муҳим. Гитани муроалаа қиласиганларнинг кўпчилиги Дхарма барбод топиб, Адхарманинг кучи устун келганида Тангри тажассум топади. Бироқ Дхарма

¹ Миманса — диний таълимотлардан бири.

ҳақиқатан ҳам барбод топган деб хулоса чиқаришга ҳеч қандай асос йўқ. Гита ҳам бундай демайди. Матнда “glaani” деган сўз ишлатилади, бошқача айтганда, Ҷҳарманинг хавф остида қолгани аломатлари пайдо бўлганида, “Уни ёмонликдан ҳимоя қилгани Мен келаман”. Ҷҳарма ўз-ўзича барбод топгандан кейин унга ҳимоя қилиш ва сақлаб қолиш учун “У келади” дегани йўқ-ку, У! Жон чиққандан кейин табибга не ҳожат? Худди шундайин, инсоният учун ҳаёт нафасининг ўзи саналмиш Ҷҳарма барбод топгандан сўнг Бҳаварогавайдие, яъни Тангри тажассумининг неча пуллик қадри бўларди? Тангри нимани ҳимоя қиласди? “Glaani” сўзи айнан шунинг учун ишлатилган бу ерда, у Ҷҳарманинг барбод бўлганига, инқирозга учраганига ишора қилмаяпти, балки унинг сусайганини айтаяпти. Ҷҳарман ҳимоя қилиш Тангрининг вазифасига киради, чунки Ҷҳарма – Жива нафасининг ўзидир.

(5) Ҷҳарма кундалик иш ҳисобланмайди. Ҷҳармага риоя қилмаган одамни мурдага қиёс қилиш мумкин, агар киши унга амал қилса, у ўзининг илоҳий табиатини намоён қиласди. Ҳозирги вақтда яхши маслаҳат ёрдамида шу йўлдан бориб ажойиб натижаларга эришиш мумкинлигини кўрсатиб, одамларни Ҷҳарма йўлидан бошқариш foят зарурлиги сезилиб қолган, уларни бу йўлдан юрмайдиганлар билан ош-қатиқ бўлмасликдан огоҳ этиш, фавқулодда чора сифатида жазодан фойдаланиш керак бўлиб қолди. Бу Саама, Даана, Бҳеда ва Дандининг анъанавий усуслари дидир. Қадимги замонларда ҳатто бошларида қилич ўйқаб турганда ҳам одамлар Ҷҳармага риоя қилишдан бош тортмаганлар. Ҳозир эса ташқаридан бошқа одамларнинг тирноқча таъсирисиз ҳам улар Адҳарма томонга ўтиб кетмоқдалар. Сирасини айтганда, Ҷҳарма турли-туман, йўлдан оздирувчи усуслар билан талқин қилинади, ҳақиқий Ҷҳармага риоя қилувчиларга халақит берадилар, уларнинг устидан куладилар, уни ердаги хасча билмай, қўпол муомала қиласидилар. Ҷҳармага астойдил, дилу жони билан риоя қилувчиларни алдоқчилар, иккюзламачилар ва жоҳиллар деб аташади. Бундай гийбатчилар Ҷҳарма нимаю унинг тамойиллари қанақалигини билмайдилар. Шўрлик одамлар! Улар бу сўзнинг маъносини англашдан ожиздирлар. Бу сўзнинг асл маъносини билмаган одамлар унинг нимани англатишини, нимага ишора қилаётганини қаёқдан ҳам билишсин – буни ўзингиз тасаввур қиласеринг. Кўр бўлиб туғилган одам қўёш ва унинг нурлари ҳақида нимани ҳам биларди? Тўғри, баданига тушганида қўёш нурининг тафтини ҳис эта олади, аммо қўёшнинг табиати, унинг шакли, унинг чарақлаши ва ҳ.к.лар ҳақида ҳеч қандай тасаввурга эга бўлмаслиги аён-ку. Худди шундайин, Ҷҳарма ҳақида тушунчага эга бўлмаган, Ҷҳармага, унга риоя қилишдан ҳосил бўлувчи севинчу лаззатга ишонмайдиган одам учун қандайдир англаб бўлмас нарсалардай кўринади. Бундай одамга Ҷҳарма тўғрисида гапириш гаранг одам кулогига танбур чертиш билан баравар. У олдига келтирилган танбурни кўра олади-ю, бироқ овозини эшитмайди. Шу боис кишига Ҷҳармани ўргатганимизда, уни алқаганимизда бу одамнинг аввал Ҷҳармага риоя қилишга хоҳиши, иймони, эътиқоди бор-йўқлигига ишонч ҳосил қилмоғимиз лозим. Фақат ана шундай одам билан ишлаш, уни тўғри йўлга солиш керак бўлади. Кейинроқ, ўз тажрибаси ва олган лаззатига асосланиб, ҳатто гирт оми одам ҳам юрагида Ҷҳарма куртакларини ниш урдириши мумкин.

(6) Бизнинг кунларимизда Веда ва Шастрлар, шунингдек мумтоз ишлардан боҳабар ўқимишли одамлар ўzlари ўрганган муқаддас

китобларга ишонмай қўйғанлар. Улар Дҳармага қатъий риоя қилишдан қўрқадилар, чунки сурбет дўйстлари унинг устидан куладилар. Бундай билимдонлар танқидчиларнинг атайлаб айтган таъналарига ишонган ва ўз маънавий бисотларини арзимаган нархга сотиб юборган бўлиб чиқадилар. Улар Экадаший¹ рўзасини соғлиқни сақлаш воситаларидан бири, камфара (кофур) алангасидан фойдаланишни дамқисма дориси, пранаямани² овқат ҳазм қилувчи, зиёратни маърифий саёҳат, хайрияни ўзини-ўзи кўрсатиш деб изоҳлайдилар, шу тариқа Дҳарманинг муқаддас қонун-қоидаларини ерга урадилар ва ҳақоратлайдилар.

(7) Бундай одамлар жамиятни алдайдилар, улар Дҳарма қонун-қоидаларидан бехабар ёввойилар ва Дҳарма қонунларини назар-писанд қилмайдилар. Агар Манудҳармани қунт билан ўрганишганида, ўзлари учун анча-мунча муҳим нарсаларни билиб олган бўлар эдилар.

(8) Ману бундай деганди:

Aarsham dharmopadesam cha
Vedasastra a – virodhinaa
Yastharkenaanusandhaththe
Sa dharmam veda, netharah

“Дҳармани билмоқчи бўлган ҳар қандай одам Ведалар ва Шастрларга асло зид келмайдиган Мантиқ ёки Тарка³ тизимига риоя қилгандагина билиб олишлари мумкин”. Ведаларга зид келувчи ҳеч бир гап мантиқан тўғри деб эътироф этилиши мумкин эмас. Қуруқ мантиқдан фойда йўқ ва Ману уни Ведалар ва бошқа Битикларни ўрганмоқчи бўлганларга тавсия этмайди. Аммо бугунги кунда бундай мантиққа риоя қилувчилар кўпайғандан-кўпайған ва Адҳарма йўлидан бориб, улар бошқаларни ҳам йўлдан оздирмоқдалар. Кўп ийлар олдин Ведавийас бежиз мана бундай нола қилмаганди:

Na yakshyanthi, na hoshyanthi, hetuvadavimohithaaah
Nimmokshyaham karishyanthi, hethuvaadavimohithaaah

(9) Яъни, “Сабабийлик ҳамда мантиқ йўлидан борганлар ва сабаб-оқибат алоқадорлигини қидирганлар муқаддас оловга қурбонлиқ келтиришни тавсия этмайдилар, улар ўзларини ўзгармас илму амалларга тортиб кетадилар”. Бошқача айтганда, Гарчанд Кали даврида содир бўлувчи ҳодисаларни тасвирилаган бўлса-да, бу ҳақда Ведавийас Аранйакапарва⁴ Маҳабҳаратда айтган эди.

(10) Дҳарма ёки олий ахлоқ йўлидан борибгина ой ва қуёш ўз меҳварларида бехато айланадилар. Айнан Дҳарма хитоби барча илоҳий кучларни ўз бурчи ва масъулияtlарини адо этишга мажбур қиладилар. Фақат Дҳарма беш аносирнинг уларга хос бўлган хусусиятларни сақлаб қолишга мажбур этади.

(11) Сиз Дҳармадан иложи борича кўпроқ фойдаланишингиз, унга риоя қилган ҳолда ўзингизга ва бошқаларга зарар етказишдан эҳтиёт бўлишингиз керак. У тақдим этадиган тинчлик ва қувончнинг ёрқин намунаси бўлиб, Дҳарма шонини тарқатишишингиз керак. Сохта мантиқ йўлидан борманг, сурбетлик ва хурофотлар билан ақлингизга панд

¹ Э кад аший – ойнинг ўн биринчи куни улуғ кун ҳисобланади.

² Пранаяма – шукроналик дуоси.

³ Тарка – фалсафий тълимот, идрок этиши туйғуси.

⁴ Аранйакапарва – “Маҳабҳарат”нинг ўн саккиз парваси (бўлими)дан биттаси.

берманг, бошқалар қилаётган ёки ишонаётган нарсаларга маҳлиё бўлманг, уларни йўлга соламан, одам қиламан деб ўзингизни ўзингиз ўринтирунган, теран маъноли Атмага ишонинг, у сизнинг чинакам ҳақиқатингиз ҳисобланади, барча хулқ-авторингизни шу нуқтаи назардан текширинг-у, ўзида Атмани зоҳир этиш жараёнига халақит бераяптими ёки йўқми — шу эътиқодингизга таяниб ва шу текширувингиз асосида ўзингизнинг кундалик мажбуриятларингиз ва расм-русумларингизни адо этиб боринг. Бундай ҳолда сиз ҳеч қачон янгилишмайсиз. Бундан олам-олам қувонасиз.

(12) “Udyogam purushalakshanam” ёки “Kartmat purushalakshanam” деган дунёвий иборалар бор, улар касбга эга бўлиш — кишининг иш билан банд бўлишини, бу инсонга ҳар нарса эканини билдиради ва ҳ.к. Аммо чинакам ҳикмат — бу “Dharmaam purushalakshanam” — “Дхармага риоя қилиш — бу одамзот аломатидир”dir. Ҳар бир одам Дхармакарма, яъни Дхармага йўғрилган фаолиятга андармон бўлиши, пурушартҳа (инсоннинг тўрт ҳаётий мақсади): Дхарма, Артҳа, Кама ва Мокшани амалга ошириш керак.

(13) Пативратдхарма аёлларга тайин қилинганидек, Браҳмачарийа эркаклар учун аталган. Аёл фақат битта эркакни ўзининг мураббийи ва эри деб ҳисоблаши керак бўлгани каби эркак ҳам ўз ҳамроҳи ва хотини сифатида фақат битта аёлга меҳр қўймоги шарт. Аёл эрига Худога қарагандек қараши, унга сифиниши, ғамхўрлик қилиши, ўз Пативратлик бурчини бажариш учун унинг кўнглига қараши керак. Шу билан бирга, эркак ўз хотинини уй бекаси деб билиши, унинг кўнглига қараб иш тутиши керак, чунки аёл Гриҳа-Лакшмий ҳисобланади-да. Фақат шундагина у эркаклик мақомини оқлаган бўлади. Ном ва шон, шараф ва нопоклик, некбинлик ва қабиҳлик, яхши ва ёмон — булар бари эркакка ҳам, аёлга ҳам бирдек тааллукли. Аёл бажариши шарт бўлган ва эркак бажариши шарт бўлмаган ҳеч нарса йўқ, ҳар иккаласи Дхарма қоидаларига баб-баравар риоя қилиши керак. Юқорида тилга олинган тўрт қоида талабларига нописандлик билан қараса, эр-хотин иккаласи ҳам Адхармага тушиб қолади. Аёллар сингари эркаклар ҳам маълум қоидаларга риоя қилишлари шарт; айrim нарсаларни бажаришга эркакларнинг ҳақи бўлмаслиги мумкин. Эр ва хотин ўртасида баъзи жиддий фарзлар мавжуд.

ЕТТИНЧИ БОБ

(1) Барча кўриниб турадиган нарсалар Гаятрийдек порлаб туради, чунки Вак — бу Гаятрий ва барча ташқи нарсалар ёки Бхута — бу Вандир, улар Вак ёрдамида белгиланади ва Вакка тегишли бўлади. Вак — бу нутқ ёки товушдир. Айнан Вак уларни тасвирлайди, айнан Вак уларни овоза қиласи, айнан Вак уларни англайди. Барча ташқи нарсалар дунёни ёки Притҳвийни ташкил этади. Ҳеч нарса бу доирадан ташқарига чиқиб кетиши мумкин эмас. Бу дунё — одамнинг бадани, у ўз танаси ичидан отилиб чиқиб кетолмайди. Уни ушлаб турадиган Прана бор. Нафас ёки Прана, Хридайа, яъни “юрак”нинг ичиди жойлашган бўлади. Прана ҳам ташқарига, Хридайа доирасидан нарига чиқа олмайди.

(2) Гаятрийнинг тўртта оёғи ва олтига категорияси бор. Категориялар қуйидагилардир: Вак, Бхута, Притҳвий, Шарирам, Прана ва Хридайа — нутқ, нарсалар, дунё, онаси, нафас ва юрак. Шу Гаятрийдан кўра кўпроқ улуғланадиган Пуруша, шубҳасиз, юксак, муқаддас, шарафли ҳисобланади. Бу барча нарсаларнинг

ҳаммаси, олдин айтиб ўтилганидек, бор-йўғи Унинг жисмининг бир қисмидир. Нарсаларнинг миқдори ва хоссаси, ўлчами ва аҳамияти тушунча доирасидан ташқаридаидир. Аммо буларнинг бари Унинг ҳажмининг атиги чорак қисмини ташкил этади. Қолган тўртдан уч қисми – Унинг порлоқ ўлмас шаклидир.

(3) Бу ҳажмга тўла шаклнинг сирини тушуниб бўлмайди. Гаятрий айтган бу Пуруша аслида Браҳман сифатида қараб чиқилиши мумкин. У инсон тушунчасидан ташқарида ётувчи акаша¹ ҳисобланади, уни “Bahir dhapurushaakaasha” дейилади. Бу аломат “тетиклашув босқичи”дир; бу Пуруша инсон шахси ичидаги Акаша ҳисобланади. У “Antah puruhaakaasha” ҳисобланади. Бу аломат “туш кўриш босқичи” аломатидир. У инсон Ҳридайаси ичидаги Акаша ҳисобланади. У уни тўлдиради ва уни рўёбга чиқаради, бу “қаттиқ уйқу босқичи”дир. Бу ҳақиқатни англаган одам тўлиқликка ва Браҳманга етишади. Бошқача айтганда, уч Авастҳа (холат) – тетиклашув, туш кўриш ва қаттиқ уйқу (Жагат, Сватна ва Сушупти)ни билган одамнинг ўзи Браҳман саналади. Шу Атмаварупа (Атмас тажассуми) номи билан юритиладиган пуруша сифатида инсон ҳар турли ифлослик ва худбинлик уясига айланиши мумкин! Қандай мусибат! Жуда бўлмаганда, ҳатто бугун, у Пуруша эканини тушунган ҳолда инсон унга шу шоннинг лоақал мингдан бир улушини тақдим этадиган йўлдан юришга ҳаракат қилиши керак.

(4) Унда Пурушадҳарма ҳақида нима дейиш мумкин? Дастребки Пурушанинг шонидан заррачагина ҳам қўлга киритишни истамаган пурушаларнинг Пурушадҳармага риоя қилишларига умид қилса бўлармикан? Ҳозирги вақтда ҳатто энг синчков тадқиқотлар ҳам бунинг илдизини тополмаяпти! Қадимги риши бундай деганди:

Samdhyaa heeno suchirnithyamanathathas sarva karmasu
Yad anyath kuruthe karmo no thasya phala bhaag bhaveth

Яъни, икки бор туғилганлар Сандҳя расмини инкор этганда, уни ҳалокат кутади. Барча Смритилар² шуни гапиради. Сандҳя расмини писанд қилмаганлар бошқа ҳеч қанақа расмни адо этишга ҳақли эмаслар. Қадимдаги донишмандлар кўп йиллар давомида Сандҳяага сигиниб келганлари учун ҳам улар узоқ умрга, машҳурликка, шонга, доноликка ва илоҳий улуғликка эга бўлганлар. Авлиё Ману ҳам шуни эслатиб ўтади. Шу боис бу масалага қайси нуқтаи назардан туриб қарамайлик, ҳеч бир Браҳман, агар у Гаятрийни зикр қилмаса, ўз мақомига муносиб бўла олмайди.

(5) Албатта, браҳман деганда бу жойда Браҳмататтва (Браҳманнинг моҳияти)ни англаган ва ўзини Браҳмапасана, Браҳманни тинимсиз идрок этиш билан поклаган одам тушунилади. Бунинг тоифа ва ҳатто динга ҳеч қандай алоқаси йўқ. Аммо Браҳман номини идрок қилиб олганлар зиммасида Сандҳя ва Гаятрийга риоя қилишда алоҳида масъулият ётади.

(6) Сандҳя нима дегани? “Сан” “яхши”ни англатади, “дҳя” эса “дҳян” (“диққат”)дан келиб чиқади ва шу боис “Сандҳ” тўғри дҳянага ёки Тангрини зўр бериб зикр қилишга тааллуқлидир. У диққатни илоҳийликка тўплашни билдиради. Ўз ақлини Худога қаратиш учун ўз фаолиятини назорат қилмоқлик зарур. Назоратнинг бу жараёнида муваффақиятга эришиш учун инсон Сатва, Ражас ва Тамас

¹ Акаша – осмон, коинот, фазо.

² Смрити – луг.маъноси “Хотира”. Қадимги ҳинд фалсафасидаги таълимотлар сираси.

Гуналарининг чекловини бартараф этиши керак. Табий ундовчи сабабларнинг бу турлари устун келганда ва инсонни ўз оқимларига йўналтиришга ҳаракат қилганда уларнинг таъсирларини чиппакка чиқариш учун Худога тавалло қилиш керак. Худога етишишни истаган одамнинг бу биринчи мажбуриятидир. Эрталаб Сатва сифати вақти, туш Ражас сифатига таалуқли, кечки пайтлар эса Тамас сифатига киради. Бу табиат қоидаси. Эрталаб ақл уйқу ҳолатидан асабийлик ва эзилганлик ҳисларидан холи бўлиб уйғонади ва шу боис ақл бу вақтда тинч ва тиниқ бўлади. Бу вақтда, ақлнинг бу ҳолатида, дҳяна, Тангрига ибодат қилиш гоят самарали экани ҳар бир одамга маълум. Пратаҳ Сандҳя (эрталабки ибодат) нима учун фарз қилингани сабаби шунда. Аммо бунинг аҳамиятини тушунмай, одамлар расм-русларни кўр-кўрона ва беихтиёрий равишда бажараверадилар, бунга сабаб қадимда шундай қоида белгилаб қўйилганидир. Инсоннинг иккинчи мажбурияти – бу ички ва теран маъносини англаган ҳолда Сандҳяга сифиниш расмини адо этишдир.

(7) Кундуз бошланиши баробарида киши фаол ҳаракат хоссаси Ражогунага тўлиб боради ва кундалик иш ва меҳнат кўйнига киради. Ўзининг кундузги овқатини еб олишдан олдин у Худога ибодат қилиши ва ўз иши ва олинган натижани Тангрининг Ўзига бағишлиши керак. Ихлос ва миннатдорлик изҳоридан кейингина у таомни ейиши мумкин. Тушки ибодат, Мадҳҳакинининг маъноси шунда. Бундай одатга риоя қилиш Сатва табиати билан хаспўшланган Ражогунани назорат остида сақлайди. Бу барча одамларнинг учинчи мажбуриятидир.

(8) Сўнгра одам учинчи сифати, Тапасга тўлиб боради. Кеч туша бошлаши билан у уйга шошади, тўйиб овқатланади ва уйқу босиб келади. Аммо уни олдинда яна бир маствулият кутиб туради. Овқат емоқ ва ухламоқ – дангасалар ва беишлар қисмати. Гуналарнинг энг ёмони Тамас кишини енгмоқчи бўлганида, унинг чангалидан кутулиб чиқиши учун маҳсус уринишлар қилиш зарур, Тангрини алқайдиган одамлар орасида ибодат қилиши, Тангрига ҳамду санолар айтиши, саховат сифатини ривожлантириши ва ўзини тўғри тутиш қоидаларини ишлаб чиқиши керак. Кечки Сандҳя-виндинам қоидалари шундан иборат.

(9) Шу боис фаолиятсиз уйқудан уйғонган ақлни яхшилаб машқ қилдириш ва назоратда сақлаш керак. Уни ташқи оламдан воз кечиши севинчи ва Дҳяна фарогати киши ҳар куни одатдаги уйқуни урганда оладиган ҳордиқдан кўра кўпроқ улуғвор ва барқарор эканини ҳис этишига мажбур қилиш керак. Бу фарогатни, бу севинчни ҳар бир одам ҳис этиши ва бошдан ўтказиши мумкин. Фарқлаш қобилияти сизни шунга олиб келади. Бу кишининг тўртинчи мажбурияти ҳисобланади.

(10) Бутун умри давомида кундалик Сандҳянинг бу учлигига риоя қилган одам ҳақиқатан ҳам олий хилқатга киради, уни ҳамиша Худо Ўзи қўллайди, у нимаики истаса, ҳаммасига эриштиради. Боз устига, у халос топади, ҳатто ёруғ дунёда яшаб туриб ҳам у жива мукта, яъни халос топган мавжудотга айланади.

(11) Сандҳяга риоя қилиш учун белгиланган кўплаб расм-руслар ичиди эскилик одати бўлиб қолмаслигини дикқат билан кузатиб бориши керак. Унинг аҳамиятини тушунган, унинг ички маъносини ўйлаган ҳолда бажариб бориш зарур. Гаятрий Мантранинг маъносини яхшилаб тушуниш керак. Унда эсга олинган бу мунаввар мавжудот, Атмасварупа билан ўзи ўртасидаги ўхшашликни ҳис қилмоғи керак.

Гаятрийнинг маъносини тушунмаганларгина уни менсимасликлари мумкин.

(12) Ману асосий эътиборни қуидагиларга қаратади: у айтадики, Гаятрий Браҳман учун ҳаёт нафасининг ўзи ҳисобланади. Бу шунчаки баёнот эмас, бу ҳақиқатдир. Инсон зеҳну шуурини мунааввар қиласиган ва озиқлантирадиган нурафшон порлоқлиқда маънавий олға силжиш учун Дҳянадан самаралироқ тағин нима бўлиши мумкин? Ақлни куфрана майллардан қутқаришни илтижо қиласиган ибодатдан кўра ҳаёт учун янада маҳсулдорроқ тағин нима бўлиши мумкин?

(13) Инсон учун саховатни ривожлантиришдан кўра яхши қурол йўқдир. Ману айтадики, браҳман токи у Гаятрийга амал қиласи ва унинг маъносидан илҳомланар экан, ўз мақомини бой бермайди. У айтадики, агар Ведаларни ўрганиш йўлидан бориш учун у ҳаддан ташқари заифлик қиласа, у, ҳеч бўлмагандан Гаятрийни такрорлаши ва уни энг охиригача кўллаши керак. Смрити ҳам айтадики, Гаятрийдан каттароқ бойлик йўқдир.

(14) Қалб кучи дунёдаги барча муаммоларни ҳал эта олади. Гаятрий ички қалъя васифасини бажаргани боис бу кучни ривожлантириш учун уни маъқул вақтда, ёмон кўрмасдан ҳафсала билан амалга ошироқ керак. Баданни ўстириш ва ривожлантириш учун тоза сатва овқати керак, шундай эмасми? Худди шундайин, Бҳавана қиёфасида ёки ижодий тасаввур қиёфасида инсоннинг ички порлоқлигини кучайтириш учун Қуёш нурини ўзига тортиши зарур бўлади.

(15) Қалб кучи ишга тушганида, туйгулар ҳам фаоллашади ва самарали фаолиятга йўналади. У кетганда, туйгулар тоб ташлайди ва биз ҳам тоб ташлаймиз. Шу боис, борди-ю, қуёш қуввати шу лаҳзада жалб этилса, йилнинг қулай фаслида экилган дон каби, ҳосил ҳам мўл-кўл бўлади. Қуёш қўтарилиб, борлиқни ўз нурига қўмганида, зулмат уни яшира ёки халақит бера олмайди? Борди-ю, биз ўзимизни шу порлоқ нур билан тўлдирсак, қайғу эшигимизга йўлай оладими? Браҳман манбасининг ўзидан олинаётган нур қандай қилиб етмай қолиши мумкин? Бу жараён йўриги барча одамлар фаровонлиги йўлида қадимдаёқ белгилаб қўйилган эди. Уни ёд олинг ва амалда қўлланг, ўз тажрибангиз билан сиз улар йўлининг ҳақлигига гувоҳ бўлишингиз мумкин.

(16) Упанаяна сирининг мақсади нима? Шу куни сиз қайси мантрага ўзингизни бағишлийсиз? Нима учун сизни фақат шу мантрага ўргатишлари керак? Нима учун бошқа тасаввуфий қоидаларга бу қадар эътибор бермайди? Шулар устида йўлаб қўринг ва Гаятрий – бу мантраларнинг шоҳи эканини билиб оласиз. Сиз яна шу нарсани ҳам билиб оласизки, удумлар янгича маъно билан порлайди, чекловлар мазмун билан тўлади, қадимдаги одамларнинг иш ва қилмишларини осон англайдиган бўласиз. Борди-ю, булар барчасининг аҳамиятини тушунишга ҳаракат қилмасангиз, сиз уларни кўнглингиз хоҳлаганча шарҳлай бошлайсиз, ҳаёт мажбуриятларидан қочиб кутулиш учун турли ҳийла-найрангларни ўта бошлайсиз. Сиз ноҳақлик ва осийлик, Адҳарма ва Аняя тузофига тушиб қоласиз.

(17) Демак, “Гаятрий” сўзининг ҳақиқий маъноси қандай? Бугунги кунда ҳеч ким уни билишга ҳаракат қилаяптими? Бу сўз ё маъбудани, ё бўлмаса қандайдир қоида номини англатади деб ҳисоблайдилар. Гаятрий (Gayathri) – бу Вакдан бошланувчи Гая ёки Прана ёки (Thra)нарса. Бундан ташқари, “Gaayaantham thraayathe yasmaad gayathri, thena thathgathe”. Бошқача айтганда, буни куйлаганни, иззат

қилганни, такрорлаганни ва зикр қилганни сақлайдиган нарса Гаятрий дейилади. Айнан мана шу муқаддас дуо Вишвамитрадек алломани браҳмишига¹ айлантириди. Ведамата, Ведаларнинг онаси, унга сажда қилганларни турли-туман эҳсонлар билан сийлайди. Бу Маъбуда Браҳманлар ва Ҳармасутраларда улуғвор рамзу қиёфаларда таърифу тавсиф этилади. Агар сиз уларни яхшилаб тушуниб олсангиз, буни ташқи ёрдамсиз ҳам осонгина идрок эта оладиган бўласиз.

(18) Мана шундай теран сир-асрорлар шодаси бўлган Ҳарма бугунги кунда қуруқ сўзга айлантириб кўйилмоқда ва атайлаб юзаки ва пала-партиш талқин этилмоқда. Ҳарманинг ошкора таназзулга учраётгани сабаби шунда. Шу боис Санатана Ҳармани ва Ҳарма ўзаги ҳисобланган атма ҳақиқати учун мос келувчи талқин тамойилларини жонлантириш зарур. Акс ҳолда Ҳарманий маъноси мутлақо таниб бўлмас даражада ўзгариб кетиши ва айрим одамларнинг шахсий мулоҳазалари ва инжиқлиги қурбонига айланиши мумкин. Шунда табиатга қўра қанақа бўлишидан қатъи назар ҳар бир амал Ҳарма деб атала бошланади!

САККИЗИНЧИ БОБ

(1) Инсон ҳаётини бошқариб турувчи тўртта ашрам — сулук мавжуд: Браҳмачария, Гриҳастҳа, Ванапрастҳа ва Саняса. Уларнинг барчаси асосида Гриҳастҳа сулуки ётади. Бу бош сулук, чунки Гриҳастҳа қолган уч сулукни тутиб туради. Гриҳастҳа — шулардан энг муҳими.

(2) Барча жонли мавжудотлар ўз ҳаётида ҳавога боғлиқ бўлганидек, қолган учала сулук ҳам Гриҳастҳага боғлиқ. Гриҳастҳа бошқаларини боқиб ва кийинтирибгина қолмай, у яна Ведаларни ўрганиш учун шароитлар билан таъминлайди. Ману ўзининг Ҳарма Шастраларида буни яққол кўрсатиб ўтган. Ману марҳамат қиласиди, Гриҳастҳа яна мокшага эришади, у фақат унинг сулукни учун белгиланган Ҳармага қатъий риоя қилиши керак. Шу нарсага шак йўқки, ўз сулукни Ҳармасига риоя қилган ҳар бир одам, у қайси сулукка мансуб бўлмасин, мокшага етишади.

(3) Манусмритида, Нарада-паривражак-опанишадда ва бошқа шунга ўхшаган матнларда айтиб ўтиладики, айрим ҳолларда Ҳармага риоя қиласидиган Гриҳастҳа инсоннинг энг олий хили деб қаралади, айни вақтда бошқа матнларда айтиладики, ҳамма нарсадан воз кечган донишмандларгина иззат-икромга муносибдирлар. Шу боис бошқа барча сулуклар учун асос ва таянч ҳисобланган Гриҳастҳаашрамни қабул қилиш керакми ёки ҳамма жойга эътироф этиладиган Саняса сулукни, Нивритта (амалдан воз кечиши) сулукини қабул қилиш керакми деган иштибоҳ пайдо бўлиши мумкин. Ҳурмат-эътиборга лойиқ Гриҳастҳа билан муқаддас Парамаҳамса ўртасида чуқур алоқадорлик мавжуд. Шу боис қайси бир сулукка мансуб бўлманг, бу хатога кирмайди. Борди-ю, улардан ҳар бири учун белгиланган Ҳармага қатъий риоя қилсангиз ва ўз руҳий юксалишингиз учун қаттиқ саъӣ-ҳаракатда бўлсангиз, барча тўрт сулук ҳам сизни мокша, халоскорликка элтади. Ҳар бир сулук муайян босқичда муҳимдир, инсон хулқ-атвори, унинг амалиётининг асосий мезони мана шу. Борди-ю, киши Садачара (эзгу ҳаётий қоидалар ва одатлар)га берилган бўлса, ҳар бир сулук муқаддас, муносиб ҳисобланади. Шастраларда шундай дейилган.

¹ Б р а ҳ м а р и ш и — Браҳма таълимотини ўргангандониши манд.

(4) Ҳақиқат негизи сифатида Атмажнана, яъни — Атма билимiga эга бўлганлар туғилиш ва ўлим баҳри муҳитини кесиб ўтади ва ҳеч шубҳасиз, халоскорликка эришади. Бошқа томондан ўзлари учун буюрилган ҳукм ва удумларга риоя қилмаганлар, Ведалар, Упанишадлар ва Гитани ўрганмаганлар, бунинг ўрнига хўжакўрсинга ва мутлақо ташқи покликдан лаззатланганлар муқаррар равишда камалам ва мусибатлардан азоб чекадилар.

(5) Ҳар куни адо этиш буюрилган нитянуштана, яъни удумлар ва ҳукмлар бошқалари орасида энг муҳими ҳисобланади. Бу олий тапас¹, олий Дхармадир. Барча Упанишадлар моҳияти ҳисобланган Гита бу борада нима деганига эътибор қилганимисиз? Руҳий жабҳада ҳар доим фаол бўлганлар, уларнинг сулуки, уларнинг тоифаси қанақа бўлишидан қатъи назар Тангрига етишадилар. Бу ҳақда Ману мана бундай дейди: “Улар Вижнанага эгадирлар”. Барча хоҳишлиардан мосуво, ҳиссий дунёга эга бўлиш ё ундан лаззатланишга заррача ҳаваси йўқ, худбинлик ва тамъигирлиқдан ном-нишон бўлмаган, ҳар доим Браҳманি англаш фарогатида бўлган одам камандуҳ деган нарсадан узоқ бўлади, олий қувонч ва осойишталиқдан маству мустафриқ юради. Борди-ю, киши ўзининг Браҳман ҳисобланган теран табиати билимiga бутун диққат-эътиборини қаратган бўлса, жуда бўлмаганда ўзининг сўнгги дақиқаларида, ҳеч шак-шубҳасиз, у билан қовушиб кетиши мумкин.

(6) “Стхитапрашна” босқичи ана шундай одамлар учун мутлақо табиийдир. “Мен Браҳманман” деган барқарор туйғу одамдаги барча касалликларнинг давоси саналади. Халоскорлик “Aham brahmaasmi” (Аҳам Браҳмасми — Мен Браҳмандирман) гояси воситасида келади. Ўзида бу туйғуни тарбиялаш ва бу тажрибага эга бўлиш — инсоннинг ҳақиқий бурчидир. Аҳмоқона ишлар қиласидиган ажнабий, яъни жоҳил одам, ҳам озгина бўлса-да, мулоҳаза қилиб фикр юритиб кўрса, ўз баданидаги это мана шу “Мен” эканини ҳис этади. Бироқ Анатмани Атмадан алоҳида кўрувчи доно одамлар ҳақиқат — бу “Aham Brahmaasmi” эканини биладилар ва бу эътиқодда событ турадилар.

(7) Браҳманлар хилидаги тоифалар, оқ ва қора хилидаги ранглар, Браҳмачаря хилидаги сулуклар ва ҳ.к. — булар барчаси Атма тавсифи эмас, балки жисмоний шартлардир. Улар замон ва макон билан боғлиқ. Улар ўзаро бир-бирига боғлиқ дунёга қараашлидир ва шу дунё сатҳида ётувчи сабаблар билан бошқариб турилади. Улар шу дунёning ботартиб фаолият кўрсатиши учун Илоҳий Ирода воситасида белгилаб кўйилган. Дунёвий чекловлар билан боғлиқ ҳар бир одам уларга риоя қилиши шарт; чекловлар дахл қилмайдиганлар учун, бошқача айтганда, дунёвий алоқадорликдан ташқарида турганлар учун бундай чекловлар йўқ. Ҳар доим браҳмаништҳа (Олий Руҳни идрок этиш) билан машғул, теран Воқеликни англаған одамлар уларга қунт билан риоя қилмасликлари сабаби шунда! Улар Тоифа билан боғлаб ташланмаганлар, улар ҳамма нарсани теран Воқеликнинг ўзидай кўрадилар. Тоифа деб аталадиган нарсага эътибор бериш уларга зарур келибдими! Аммо бу босқичга етишишдан олдин сиз риоя қилишга мажбурсиз.

(8) Атмадҳармани идрок этган машойихлар ҳукм қилганларки, Сат, Чит ва Ананд (Борлиқ — Идрок этиш — фарофат) “Мен”нинг асосий тавсифлари ҳисобланади. Шу боис айтиш мумкинки, бу буюк Вижнаний (денишманд)лар Сат — Чит — Ананд бўлган Браҳманга

¹ Тапас — риёзат.

етишганлар. Атмани қўриш учун, халоскорлик учун тиниқ кўз бўлса бўлди, тоифа ёки ранг эмас, балки айнан кўз керак. Бу тиниқ қўзга қандай эга бўлиш керак? Жавоб қўйидагича: Дҳарма – тоифа ва сулук билан шарт қилиб қўйилган. Дҳарма амалиёти орқали Дҳарма Атмани bemalol қўриш имконияти беради. Дҳарма амалиёти сизни тажриба билан тўлдиради. Шу тажриба орқали Ҳақиқат англашилади. Ҳақиқат бизга кўз беради, кўз эса бизга халоскорлик бағишлиайди. Атмани беркитиб турувчи бундай ички тўсиқлардан халос бўлган одамлар ҳар қандай тоифа ёки сулукка қарай оладилар; бунинг аҳамияти йўқ, улар барибири халоскорликка эришадилар. Бу Антаҳкаран Шудҳа – Пок Виждондир ва Шастралар халоскорлик тўғрисида гапирганда улар шарафланадиган нарсадир.

(9) Ҳатто улар шер ўрмонда яшаса ҳам, борди-ю, қалбida ихлос ёки нафрат жўш уриб турса, ёвузиқдан қочиб қутуолмайдилар. Гарчи улар оила бошлиқлари бўлса ҳам, туйгуларини жиловлаб олганлар тапасвий (дарвеш) бўлишлари мумкин. Борди-ю, улар зарар келтирмайдиган ва қораланмайдиган аъмоллар билан андармон бўлиб қолишиса, улар Жнаний деб аташга муносибдирлар. Кўнгил бермаслик ҳолатига етишиш учун уй тапована (қаландар риёзат чекадиган ўрмон) ҳисобланади. На зурриёд ёрдамида, на хайр-эҳсон ёрдамида, на бойлик ёрдамида, на яжна ёки йога ёрдамида халоскорликка эришиб бўлади. Халоскорлик учун талаб этиладиган нарса – бу ўз “Мен”ини поклашдир.

(10) Қайси қоида тўғрию қайсиси нотўғрилигини ҳал этиш учун фақат Шастралргагина таяниш зарур. Борди-ю, киши Браҳманни ўз мақсадидек англаса, борди-ю, Сваасварупа, яъни ўзининг ҳақиқий борлигини англаш йўлини қидирса, у жаҳолат пардасини бартараф этишда мувваффақиятга эришади ва ўзини Браҳмандек англайди. Ўз Атмасига диққатни жамлаш – халоскорликка эришиш воситаси мана шу.

(11) Ведалар ўргатадиган бу сабоқларни тушуниб олгач, ҳаётнинг муайян босқичи учун белгиланган ҳаёт тамойилларини амалда қўллаган ҳолда тоифасидан қатъи назар ҳар қандай одам Парамапада, олий босқичга етиши мумкин. Борди-ю, Дҳармага қатъий риоя қилиш учун куч ва ирода бўлса, Жнанага эга бўлишда қийинчиликлар учрамаса, инсон Саняса тариқатига кирмасдан ҳам оила бошлиги бўлиб қолавериши ва боз устига халоскорликка эришиши мумкин.

(12) Жанакачикравирттий, Ашвапати, Дилипа сингари машойихлар Гриҳастҳа¹ босқичида туриб ҳам мақсадларига етганлар. Бу босқичда улар курашганлар ва Тангри марҳаматига ноил бўлишга халақит берувчи барча тўсиқларни мардонавор бартараф этиш йўлида етмоқчи бўлган асосий мақсад эди. Шу боисдан кўнглингиз тўқ бўлсин Гриҳастҳа сулуки тўсиқ ҳисобланмайди.

(13) Самсара² баҳри муҳитни ошиб ўтиш истагида ёнган эр ва хотин иккаласининг фикр-ўйи бир хил бўлмоғи керак. Мақсадга етишга интилиш ҳар иккаласида ҳам бирдек кучли ва қатъий бўлсин. Акс ҳолда Саняса қуруқ югуришдан бошқа нарса бўлмай қолади. Қаранг, ҳатто тушки Күёш ўзининг илоҳий жуфти ҳалоли тўлин Ой нурининг обиҳаётдек таъсир этувчи муздек ёғдуларига боғлиқ. Уй бекаси қувноқ, сабрли, босиқ, очиқ-кўнгил бўлмоғи ва барча яхшиликлар билан тўлиб-тошиб турмоги керак, шунда уй чароғон бўлади ва руҳоний соҳада ҳам ютуқлар масканига айланади.

¹ Гриҳастҳа – оиласилик, оила бошлиғи бўлиш, умуман, уйланиш.

² Самсара – ёруг дунёда яшаб ўтиш.

(14) Уйида руҳоний соҳада қийинчиликка учраган одам Санясага ўтиши ва қийинчиликлардан қутулиб қолиши керак деган қоида йўқ. Борди-ю, эр ўз хотини бутунлай рози бўлмагунча шундай қиладиган бўлса, бунда кутилган натижага эришиб бўлмайди. Бунинг энг яхши йўли — хотини билан уйдан бош олиб чиқиб кетсин-да, бу янги босқичдан Ҳармага риоя қилган ҳолда зоҳидлик йўлига кирсин. Борди-ю, фарзандлари эътибор ва гамхўрликка муҳтож бўлсалар, бундай зоҳидлик қабул қилинмайди.

(15) То фарзандлари ўzlари-ўzlарини эплаб кетадиган бўлмагунча ота-она уларга гамхўрлик қилиши, шундан кейингина уларни ўз ҳолига қўйиб беришлари керак. Шу боис Шастралар талаб қиладики, шароит ҳар қанча яхши бўлмасин, бундан қатъи назар киши 48 ёшгача оила бошлиғи босқичида қолмоғи шарт. Инсон шу босқичда қолмоғи ва Свадҳарма (ўз дҳармаси)ни бекаму кўст адо этмоғи лозим.

ТЎҚҚИЗИНЧИ БОБ

(1) Баланд ва паст, бой ва камбагал, эркак ва аёл — барчалари касал бўлишга маҳқумдирлар ва барчалари касаллигини тузатиш учун дори-дармон қидириш ҳукуқига эга. Барча одамлар “ҳаёт ва ўлим” касаллигига маҳқумдирлар ва барчалари муолажанинг самарадор воситаси ҳисобланмиш Браҳмавидя¹ деган дориси билан даволаниш ҳукуқига эга. Бу барчага қарашли меросдир. Ҳар бир одам эришган босқичга, руҳоний илм соҳасидаги тараққиёт даражасига ва дорини ўзлаштириш миқёсига кўра, ўз соғлигини яхшилаши мумкин ёки бошқача қилиб айтганда, тинчлик-ҳотиржамлик холатини мустаҳкамлаши мумкин. Аммо бу ерда бир нарсани алоҳида таъкидлаб ўтиш керак: дори ичиш баробарида ҳаёт тарзига оид қонун-қоидаларга қаттиқ риоя қилиш зарур.

(2) Дори-дармон, Браҳма-онг, тегишли Ҳарма билан тўлдириб ва кучайтириб борилиши керак. Овқатланиш ва бошқа соҳалардаги чекланишлар касалликни даволашнинг муҳим таркибий қисмлари ҳисобланади, шу боис Браҳмажнанага шунчаки тақлид қилиш кифоя қилмайди. Киши хоҳ шаҳаншоҳ бўлсин, хоҳ қул, хоҳ олий зотдан келиб чиқсан бўлсин, хоҳ паст зотдан, баркамолликнинг Сомаси (бегараз муносабат), Домаси (ўзини қўлга олиш)сиз, ахлоқий ва маънавий фазилатларсиз мақсадига етишмайди. Гарчи ҳар ким Браҳмавидя меросига эга бўлишга ҳақли бўлса-да, ўзида муайян хислатларни ривожлантирганларгина уни қўлга кирита оладилар. Муолажа жараёнини ўташи, дорини ҳазм қилиш ва ўзлаштириши учун киши ўзига яраша қучли бўлиши керак, шундай эмасми? Агар, етарлича кучи бўлмаса, Буюк Табибининг Ўзи беморга дори ичишни ман этиб қўяди. Айрим шифокорлар беморнинг аҳволини кўриб, дорини текинга берадилар, қарайдики, беморга дори жуда-жуда керак, аммо гариблик туфайли уни сотиб олишга қурби етмайди. Тангри, Буюк Табиб, меҳр-муруват ва саховат манбаи ҳақида гапирмаса ҳам бўлади. У бизнинг эҳтиёж ва шикоятларимизни эътиборга олади ва у бизни зарур дорилар билан таъминлайди.

(3) Аммо бир муаммо мавжуд: аёллар Браҳмавидя сари интилишга ҳақлими? Бу саволга жавоб бериб бўлганмиз. Агар аёллар бу билимга муносиб бўлмасалар, Вишнумуртий Бҳудавийга Гита сирларини

¹ Б р а ҳ м а в и д я — Браҳма (Олий Тангри) ҳиқидаги билим, таълимот.

ўргатган бўлармиди? Парамешвара Парватийни Гуругита асарларидан огоҳ қиласмиди? “Дҳараавача” (айнан: “Дҳара деди”), “Парватювача” (айнан: “Парватий деди”), — бундай иборалар шундан дарак берадики, Дҳара ва Парватий мубоҳасаларда иштирок этганлар ва айrim жойларни тушунириб беришни сўраб, саволлар берганлар. Йогашастрани ҳам, Мантрашастрани ҳам Парватийга Йшвара ўргатган. Демак, бу тўғри бўлиши керак, чунки Шастралардек муқаддас битиклар буни тасдиқлаб турибди. Ведалар икки қисмдан иборат: ажнаний, жоҳиллар учун ҳатто биргина Шастраларни эътиборга оладиган бўлсак, биз у ерда ҳам икки бўлим борлигини кўрамиз: олимларнинг сўzlари ва уларнинг Атмажнана тажрибасидан келувчи доноларнинг сўzlари. Шулардан Браҳман ва Атма ўртасидаги ўхшашликни англаш натижасида ҳар қанақанги амал гоясидан воз кечганларнинг, биргина Атма барча ранг-баранг ҳаётга бирдек хос эканини билган ва ҳис қилганларнинг, “менинг” билан “сенинг” ўртасидаги ҳар қанақанги тафовутни улоқтириб юборгандарнинг, барча жонли ва жонсиз хилқатнинг фаровонлиги учун курашадигандарнинг, Атманни биладиган худди шундай одамларнинг сўzlари яккаю ягона ҳақиқий ва қимматли сўzlар ҳисобланади.

(4). “Браҳадаранян”да Майтрейи сингари моҳпора аёл донишманд ҳақида эслатиб ўтилади, Маҳабҳаратда эса Сулабҳи ва Йогиний аёл исмларига дуч келамиз. Аёллар уларнинг ахлоқий поклиги ва иродасидан илҳом олишлари ва шу йўлдан боришлари керак, фақат шундагина мана шундай юксакликка етишиш тўгрисидаги масалани кўтариб чиқиши мумкин. Чудала, Мадаласа ва шунга ўхшаш аёллар Гриҳастҳа сулуки босқичида туриб ҳам браҳмажнанага етишганлар. Аёллар садҳана ёрдамида енгилмас, бемисл, раҳмат булоги Браҳманга етишишлари мумкин, бу Йогавааштҳа ва яна Пураналарда очик-ойдин кўрсатиб ўтилган. Шастраларни яхши ўрганмаганларгина шубҳадан боши чиқмай юраверадилар. Итоаткор хотин-қизлар (чўрилар), уй бекалари, қаландар аёллар — барчалари ўзларининг пок қўнгилларини табаррук хулқ-атворлари туфайли аёллар орасида олий мақсадларига етганлар. Мана шу икки сифатга эга бўлиш учун барча аёллар ҳаракат қилишлари керак.

(5) “Ачаря яъни руҳий устоз фан ва санъат ўқитувчисидан ўн баравар қадрлироқдир. Ота Ачаряга қараганда ўн баравар қадрлироқ. Она отага қараганда минг баробар қадрлироқдир”. Манусмритида Ману ана шундай дейди. Манусмрити — барча Дҳармашастралар учун уловчи матн, асос — негизнинг ўзи. Кўрдингизми, унда она қай даражада улугланади! Бойлик ҳомийси Лакшмий аёл илоҳа ҳисобланади. Аёлларга йўлланган мактубларда “... барча жиҳатларда Лакшмийга ўҳшаб” деган сўzlар билан бошлаш одат тусига кирган. Аёллар ҳамма томондан бирдек хурмат ва эъзоз қилинишга ҳақлидир. Рама ва Кришна, Шанкара, Раманужа ва Мадҳава сирасидаги диний муаллимлар, Будда, Исо Масих ва Мұҳаммад сингари пайғамбарлар — ахир уларнинг барини аёллар дунёга келтирмаганми? Уларнинг оналари муқаддас шону шараф тажассумлари бўлгандар ва улар дунёга уни ўзгартириб юборган донгдор ўғилларни берганлар. Уларнинг изидан борувчи ва пок фидойи ҳаёт кечирувчи аёллар Браҳмажнанага даъво қила оладилар ва ҳеч ким уларни бундай хуқуқдан маҳрум этолмайди.

(6) Аслини олганда, Атма эркаклар ва аёллар ўртасида мавжуд ҳар қанақанги тафовутлардан холи. У Нитядир, Шуддҳадир, буддҳидир, Сваямжистидир, яъни ўзини-ўзи мунаvvар этувчи абадий пок онгдир. Аёллар ўша авлиё хотинлар мақомига етишлари мумкин,

фақат шундагина улар Атма табиатини англайдилар.

(7) Видя (Сарасватий), фаровонлик (Лакшмий) ва билим (Парватий) ҳомий илоҳларнинг барчалари аёллар ҳисобланади! Шу боис аёлларнинг Браҳман билан қовушишга олиб борувчи ва бу дунё занжирларидан узил-кесил халос этувчи руҳий билим олишларига ҳеч қандай монелик қилмаслик керак. Ухлаб ётган шер ўз табиатини англамайди. Худди шундайин, Майа¹ қучогида ухлаб ётган одам ҳам у улуғвор Атма эканини билмайди. Жаҳолатнинг мана шу ҳолатида у кўпроқ ўз хурофотларига берилади ва бунинг учун Шастраларнинг муқаддас битикларидан миннатдор бўлмайди. Аммо Шастралар ҳеч қаҷон бундай демайдилар.

(8) Шастра – бу инсон учун Нетра, кўз бўлиб, кишини олиб юради, ёритади ва бошқариб боради. Унинг кўрсатмаларига риоя қилмоқ – инсоннинг бор-йўқ бурчи мана шундан иборат. Бу бутун дунё олдида турган катта вазифадир. Агар киши Шастраларни тўлиқ тушунса, унда ҳеч қандай иккиланиш бўлмайди, ҳеч қанақа баҳсга ўрин қолмайди.

(9) Шастралар билан сиз учун қулай бўлган нарсаларни саралаш ва оқлаш нотўғридир, сиз ҳам Шастралар қоидаларига қарши туриб олишингиз керак эмас. Ҳатто уларга қарши турмоқ ва енгилтаклик билан уларнинг ҳукми ҳақида гапирмоқ – бу гуноҳ. Дунёнинг ҳозирги ачинарли ҳолга келиб қолгани сабаби ҳам асосан шундан иборатки, амалда Шастраларни у менсимай қўйди. Бу фожиа, ахлоқий таназзулдир.

(10) Мокшани қидирганлар аввал феъл-хўшини ривожлантириш ва туйғуларни поклаш учун Шастраларда ёзилган қоида ва парҳезларни бажармоғи шарт. Браҳмажнанинг халос этувчи бу ҳозирлигисиз Шастраларни машаққат билан ўрганиб орттирилган билим ўз-ўзидан ортиқча юкка айланиб қолади! Бундай олимлар ширинликни қориштириб, ўзи ширинликнинг таъмини сезмайдиган қошиққа ўҳшайдилар! Шастраларнинг моҳиятини тушуниб етмаган, аммо ўз жоҳилликларини эътиборга олмай бошқаларга йўл кўрсатмоқчи бўлган олимларни Мундана Упанишадда кўрларни етаклаб кетаётган кўрларга ўҳшатади, оқибати шунга олиб келадики, ўзлари ҳам чоҳга қулайдилар, бошқаларни ҳам олиб тушиб қетадилар!

(11) Ҳатто Шастралар билимисиз ҳам, агар сиз тажриба ва амал ёрдамида Жнанага эга бўлган бўлсангиз, шу восита ёрдамида мақсадга этишишингиз, шунингдек бошқаларни ўзингиз билган йўлдан бошлаб кетишишингиз мумкин. Нодонлар Шастраларга эҳтиёж сезмайдилар. Аммо ҳар қандай ҳолатда ҳам Браҳманни идрок этишга муккадан кетган, бунда олинган фарогат тотини чуқур ҳис этган авлиё одам ҳам Шастраларга эҳтиёж сезмайди. Албатта, Ҷарма ҳақиқати ва амалига қаттиқ риоя қилиш мумкин, аммо охирида сизни кутиб турган фарогатни назарда тутиб, сиз бунга чидашингиз ва мамнуният билан тақдирга тан беришишингиз керак бўлади. Фақат оқил одамларгина ўзини Ҳақиқат билими билан кутқара оладилар, қолганлар маҳкум бўлиб қолаверадилар.

(12) Югалар² устувор ментал роли асосида таснифланади. Айтишларича, Критаюгада Ҷарма тўрт оёғида бахтиёр ва безарар юрган экан. Третаюгада Ҷарманинг фақат учта оёғи бўлган экан,

¹ Майа – рўё, сароб, хаёлий олам.

² Юга (Йог) – луг. маъноси “давр”. Улар ҳаммаси бўлиб тўртта: Олтин, Кумуш, Жез ва Темир.

Двапараюгода эса у фақат иккита оёғида базўр судралиб юришга мажбур бўлган экан! Шунга кўра, ҳозирги Калиюгода Дҳарманинг атиги битта оёғи қолган. Тўртта оёқ – бу Сатъя, Даја, Тапас ва Данা. Борди-ю, одам тўртта оёққа эга бўлса, тақвим бўйича у қайси Югада турганидан қатъи назар, айтиш мумкинки, у Критаюгода турибди. Борди-ю, Сатъя ҳам, Даја ҳам йўқ бўлиб, аммо Тапас ва Данা сақланиб қолган бўлса, бундай одамлар ҳақида айтиш мумкинки, улар Двапараюгода турибдилар. Борди-ю, тўртгасидан фақат Данা қолган бўлса, бу барибир агар Дҳарма битта оёқда қолгани каби, гарчи бошқа оёқлари ўйқлигига қарамай, тадрижий жиҳатдан у Крита деб аталувчи даврда турган бўлса-да, Данага риоя қилган одам Калиюгода турган бўлади. Вақт ўтиши билангина эмас, балки Дҳарма ўзгариши билан ҳам Югалар ўзгарадилар. Нопок Ҳиранякашипу ва пок қалбли Праҳлада иккаласи ҳам тадрижий жиҳатдан битта Югада яшаган эди; тақво ва осойишталик тажассуми Дҳармраж ва учига чиққан қаллоб Дурёдҳанни ҳам битта Юга кўрган. Демак, Дҳарма – бу ҳар бир одам учун Югани белгилаб берадиган мезон; борди-ю, киши Дҳарманинг барча тўртта фазилатига эга бўлса, у ҳар доим Критаюгода бўла олади. Айнан одамнинг хулқ-атвори тарихни тузади ё бузади ва Олтин Асрни Темир Асрга алмаштиради.

ЎНИНЧИ БОБ

(1) Энди Худонинг уйи, илоҳийликнинг муайян шаклини қабул қилган жиҳатининг (алај ёки мандир деб аталувчи) қароргоҳи ҳақида, эҳром ҳақида ва Дҳарманинг шу билан боғлиқ қоидалари ҳақида сўз юритамиз. Турли таниқли шахсларнинг қилмишларию хурофотларига эргашиб, бу илм даргоҳларини қоидалар ўт-ўланлари босиб кетди. Улар одамларни Дҳарма ва Браҳман ва ҳаттоқи фарз ҳисобланган Кармадан чалғитиб юбордилар, улар ўзларининг хилма-хилликлари ва калтабинликлари билан содиқларни (муридлару мухлисларни) боши берк кўчага олиб кириб қўйдилар. Уларга кўр-кўrona эргашмоқдалар ва шу боисдан улар бутун дунё фаровонлигига кўплаб зарар етказмоқдалар. Аслида, бу қоида ва расмиятчиликлар Худодан узоқлаштирувчи биринчи қоидаларни белгилаб берадилар. Улар маълум даражада даҳрийликнинг гуркирашига имкон туғдирадилар.

(2) Эҳром фаолиятлари устида чуқурроқ бош қотириб кўринг-а. Эҳромлар – бу интизомнинг шундай марказларики, у ерда қидиравчи Ҳақиқатни кўришга мусассар бўлиш учун қадам-бақадам юриб боради. Бу руҳни ривожлантириш мактабларидир, Шастраларни ўрганишга ҳамкорлик қилувчи академиялардир, бу ҳар қандай фандан юқори турувчи олийгоҳлардир, ҳаёт қадриятларини текшириб берадиган лабораториялардир, бу фақат “ҳаёт – ўлим” номи остидаги, азал-азалдан ҳар бир одамда бўладиган касалликларнига эмас, балки Шантига эга бўлиш сиридан огоҳ бўлмаганларни қийнайдиган янада ошкорроқ дарди бедоволарни даволайдиган ва ёрдам кўрсатадиган шифохоналардир, бу инсон қувватига кирадиган ва иккиланиб турган иймонни, қақраб бораётган эътиқодини ва авж олаётган худбинлигини жиловлаб оладиган гимназиядир, бу унинг дид-фаросатларину ютуқларини акс этдирадиган кўзгудир. Эҳромнинг мақсади – Манаватвида Мадҳаватвани, бандаликда илоҳийликни ўйғотищдир, одамни у яшаётган жисмоний қолип Худонинг уйи эканига ишонишга олиб келади. Шу боис барча эҳром расмиятчиликлари, удум ва маросимлари мана шу Браҳмажнанани,

живалар бор-йўғи денгиздаги тўлқиндан иборат экани ҳақидаги ҳақиқатни таъкидлайдилар ва ривожлантирадилар.

(3) Шастралар кишига унинг амаллари ва хатти-ҳаракатлари охир-оқибатда мойилсизликка олиб келиши кераклигини ўргатади, чунки бу Браҳмажнананинг ривожланиши учун энг яхши сифат. Агар Бҳакти, Жнана ва Вайрагяни оладиган бўлсак, Бҳакти, — бу малика. Қоидалар ва расм-руслар — чўрилардир. Шубҳасиз, малика ўз чўрилари билан хайриҳоҳлик ва яхши кайфият ила муомала қиласди. Аммо борди-ю, бор-йўғи чўрилару қўшимча воситалар ҳисобланган маросимлар маликани писанд этмасалар, улар аёвсиз равишда саройдан ҳайдаладилар. Шу боис, эҳромлардаги барча расмиятчиликлар ва удумлар малика, Бҳактини шарафлашга хизмат қилишлари керак. Эҳромларга раҳбарлик қилувчи ва улар фаолиятини бошқариб турувчи Ҳарманинг туб моҳияти ана шундан иборат. Фақат шундагина киши мақсадига етиша олади.

(4) Бҳакти ҳамма нарсанинг асосида ётувчи Браҳман билан қовушиш фарогатига етишмоқ учун одамнинг руҳий интилишини, ҳиссий майлларини ва жўшқинликларини Тангри сари йўналтирган ҳолда энг осон йўл билан ёрдам беради. Эҳромларда Тангрига сифинишнинг барча хусусиятлари шакли айнан шу билан боғлиқ. Эҳромларда тонг сахарда “Худонинг уйгониши”дан тортиб, то кеч шом “Тўшакка кириш” гача бўлган барча ранг-баранг маросимлар инсон онгиди ихлосни ривожлантиришга ва кучайтиришга йўналтирилган. Ҳар бир узв ўз жойида ўзига хос мафтункор удумгача бўлган тегишли ҳиссиётни юксалтиришга имкон тудиради. Бу кечинма юксалишда тубан ҳиссиётлар жўшқинлиги учади ва гойиб бўлади. Кундалик ҳаётнинг дагал туйгулари Ҳар Нарсага Қодирнинг Ҳозир бўлишига сажда ва ихлос даражасигача юксалади.

(5) Тангри инсоннинг У билан боғлайдиган ҳар бир ҳиссиётида намоён бўлади. Борди-ю, У Алвости, яъни Бхута сифатида идрок этилса, У Алвости сингари ваҳимадор бўлади. Борди-ю, Уни Бхутанатҳа (беш унсур Эгаси), каби тасаввур қилсалар ва Унга ишонсалар, У Ўзини худди ўшандай зоҳир этади. Балки шу ерда: қандай қилиб, деган савол туғилиши мумкин.

(6) Ҳозир бир нарса урф бўлган — маслаҳатбозлик; бу урф билганларни ҳам, билмаганларни ҳам баравар қамраб олган. Маслаҳатига амал қилишадими, йўқми, одамларнинг бу ёғи билан ишлари йўқ. Ўзининг афзаллигини, обрўйини ҳис этиш учун, ўз мақомини намойиш қилиш учун одамлар маслаҳат беришга шошиладилар. Кибр уларнинг кўзини кўр қилган, уларни қоралаш керак эмас, уларга ачиниш керак, чунки Тангрига дахл қилган нарсада ҳеч кимнинг “фақат шундай бўлиши керак” дейишга ҳаққи йўқ.

(7) Боз устига, гарчи Жнана ва Вайрагя ўлчови учун қандайдир мезонга эга бўлса-да, Бҳакти ўзининг ўлчовига эга. Бҳактининг муносабатига мувофиқ ҳолда у кўплаб шаклларга киради. Канса, Жарасандҳа, Шашупала, Ҳиранякашипу¹ ва бошқалар — барчалари тангрига нисбатан адватда бўлганлар, шу боис Тангри Ўзини уларнинг душмани сифатида намоён қилди, уларнинг ҳаёт йўлига хотима ясади ва уларнинг курашига чек қўйди. Борди-ю, Жаядева, Гауронги, Тукарама, Рамдаса, Радҳа, Мира, Саккубайларда бўлганидек, Тангри энг севимли зот бўлиб идрок этилса, У Ўзини энг қадрдон ва энг азиз зот сифатида намоён этади ва Ананда ёмғири

¹ “Маҳабхарат” ва бошқа эпик достон ва диний асарларидаги салбий қаҳрамонлар.

ёгдиради. Ёш гўдак қўёшли онаси манглайдаги қизил холга ўҳшатади, бироқ билувчи катта ёшдаги одам эса уни чарақлаб ёниб турган олов ҳалқаси сифатида кўради. Идрок этиш жараёнига ментал тимсолининг таъсирини кўрсатади. Илоҳ билан бўлган ҳолда ҳам, эҳром билан бўлган ҳолда ҳам ўша қонун амал қиласди.

(8) Инсон Тангрига нисбатан, шунингдек Тангри ҳозир бўладиган жойга, яъни эҳромга нисбатан инсон муносабатда бўлиши керак. Бу муносабат катта фойда келтиради. Гарчанд инсон ўзини инсон, қиёфасидаги Мадҳава деб тасаввур қилиши мутлақо табиий ва тўғри бўлса-да, Уни оддий инсон деб ўйлаш нотўғри ҳисобланар эди. Бҳактининг тамойили шундан иборатки, у шон-шуҳратнинг улуғвор қиёфасидаги файри-оддий шахс деб эътироф этилади.

(9) Саждадан келиб чиқадиган ва сажда вақтида ҳис қилинадиган туйгулар нафис ва малоҳатли бўлиши керак ва дунёвий одамнинг тубан хоҳишларини ва интилишларини киши билмас ўзгартириши лозим, улар одамнинг пинҳоний ҳайвоний сақфи табиатини жунбушга келтириши ёки аланглатиши мумкин эмас. Шундай мисолни олайлик. Тийагражада деган аллома шоҳ Раманинг қандай ухлашини қўришдек қаттиқ иштиёқда ухлашга ётиши кераклигини унуди. Тийагражада Рамани бешикда тебратган деб тушуниш керак эмас, аксинча, Рама Тийагражада Бҳакти бешигига ётқизган ва аста-аста аллалаб, уни ухлатиб қўйган (бошқача айтганда, моддий дунёни унтишига мажбур қилган). Кумуш ёки олтин бешикда Ишвадеватангизни (сифиниш учун танлаган илоҳни) аллаётган вақтда Иштадевата, Рама ёки Кришнани қўришингиз учун Ўзингизда ана шундай муносабатни ривожлантиришингиз керак. Сиз ўрнатилган Йиштадевата олдида турганингизда, тириклигининг, билимингизнинг ва фарогатингизнинг ҳақиқий пойдевори сифатида ўз қалбингизда Браҳманни жойлашингиз керак. Шу туйгуни уйғотиш учунгина эҳромда сажда қилиш удумлари ва маросимлари ташкил этилган эди. Сиз Сита – Рамани, Радҳа – Кришнани, Лакшмий – Нараянани ёки Парватий – Парамешварани эҳромдаги саждагоҳнинг тор саҳнада ачинарли ҳаёт кечирадиган, арчак (эҳром коҳини) келтириб берадиган таомга қараб қолган ва унга инъом этиладиган ичимликлар билан ташналигини қондирадиган “раҳм-шафқатга муҳтож жуфтлик” сифатида тушунмаслигингиз керак. Арчаклар “Тангри ухляяпти”, “Тангри овқат еяпти” деб айтадилар-да саждагоҳнинг ички хоналари эшикларини очишдан бош тортадилар. Бу бўлмагур нарса. Улар гоҳо ҳатто сокинликни талаб қиласдилар, чунки “Тангри ухляяпти ва шовқин Уни жуда эрта уйғотиб юбориши мумкин”. Бундай пайтда ҳатто илтижою муножотлар қилишингиз ҳам фойдасиз.

(10) Бунга ўҳшаган гаплар инсон онгидаги нотўғри хулосаларга олиб келиши мумкин. Улар кўплаб қулгили саволлар чиқишига сабаб бўлади. Масалан, меҳробда яширин турган ҳолда Тангри ўз табиий ҳожатларини қандай чиқаради? Бундай нарсалар одамлар орасида даҳрийликни кучайтиришга йўл очиб беради. Арчаклар ҳам, инжиқ, кайфиятдаги файридин одамлар ҳам эҳромдаги сифиниш тамойилларига нисбатан тўла фафлатда бўладилар. Улар феълатворининг тубанлиги сабаби шунда. Бу тубан дунёвий йўлни четлаб ўтишингиз учун сиз етарли даражада тарбияланган бўлишингиз керак.

(11) Эҳром умуман бирон-бир дунёвий тамойил нуқтаи назаридан баҳоланиши керак эмас, фақат ихлосли муносабатгина туйгуларни муборак муқаддас қила олади, акс ҳолда улар сизни энг тубан дунёвий йўлга судраб кетадилар.

(12) Янгича урфдаги қараашлар шарофати билан бугунги кунда эҳромлар кулгили аҳволга тушиб қолди. Бу жуда ачинарли. Шу боис эҳромга сифинишнинг ҳақиқий мақсадини амалга етказмоқ ва уларни муносиб даражага кўттармоқ зарур. Эҳромлар яна гуллаб-яшнамоги керак. Унга алла айтганда худди сизга ўхшаб Тангри ҳам ухлади, ёки Уни кимдир баланд овозда чақирса, худди сизга ўхшаб, У ҳам уйғонади ёки Унинг олдига таом қўйилса, У базми жамшид қиласи ёки Унга мунтазам овқат бериб турилмаса, У озиб, чўпдай бўлиб қолади деб тасаввур қилиш қанчалик аҳмоқона. Бутун Коинотни энг майда зарраси қадар тўлдириб турувчи, вақтга бўйсинговчи, ҳар қандай тасаввурдан ташқарида мунаvvар, барча умидлардан ортиқ даражада мурувватли Тангри атрофидағи ҳамма нарсани азалдан ва абадан тўлдириб ва шимилиб турувчи ҳаётий қувват сифатида эътироф этилмоги керак. Шундай табиат эгаси бўлган Тангрини сурбетларнинг инжиқ танқиди ва жоҳилларнинг сохта назариялари билан чеклаб қўйиш қанчалик аҳмоқона.

(13) Сиз Тангрини бҳактга содиққа нисбатан қиласиган жадвалингизга тўғрилаб қўя оласизми? Зоро оғир азоблар бҳакт чекига белгиланган вақтда тушмайди. Тангри уйқудан уйғонмагунча бҳакт кутиб туриши керакми? Оҳ, бу нечоғли аҳмоқона! Ҷақалоқ истаган пайтда йиглай ва онадан сут талаб қила олар, она истаган вақтда уйқудан уйғона ва боласига кўкрак тута олар. Ухлаётган вақтимда нега қичқирдинг деб она уни жаҳл билан туртиб юборадими? Дарҳақиқат, Коинот онаси ҳисобланган Тангри, борди-ю, у ростданам ухлаётган бўлса, жуда бўлмаганды миллион марта ташвишланган ва уйғонган бўлур эди.

(14) Ҳаммаси сизнинг олий даражага етиши керак бўлган шахсий қобилиятларингизга боғлиқ. Тангри ҳамма жойда ҳозиру нозир. Унинг қўлидан ҳамма нарса келади. У коинот шоҳиди ҳисобланади, У билмайдиган ҳеч нарса йўқ. Бу ҳақиқатларни аксиомалар сифатида эътироф этмоқ керак ва барча расм-руsumлару садҳаналар шу ҳақиқатлар билан келишилган ҳолда тузилмоғи ва тушунилмоғи керак. Ҳеч қанақанги залолатли туйғуни Тангрига сифиниш билан, Унинг номи ёки шакли билан боғлаш жоиз эмас. Шу боис бҳакти садоқатнинг олий ҳолати ва уни тўлдириши мумкин бўлган удумлар гоят мухим. Тангрининг уйқуси бузилиши мумкин, у таом тановул қилаётганида Унга халақит бериб бўлмайди, бундай вақтда эҳром эшиклари ёпиб қўйилмоғи даркор дейиш, — бу, юмшоқ қилиб айтганда, бачканалиқдир. Бу масалани кенг ёки тўғри тушунишдан дарак бермайди. Бҳакти туйғуси пишиб етилган ва янада тўлароқ гуллаб-яшнаганди, бу тубан дунёвий туйгулар беиз йўқолиб кетади.

(15) Бир кичкина воқеа эсимга тушади. Бир куни Калькуттадаги малика Расманий қурдирган Кали эҳромида Гопаланинг ҳайкали қулайди ва унинг бир оёғи шикаст ейди. Кўплаб оқсоқоллар, шастрларга кўра шикастли бутга сифиниш мумкин эмас, дейдилар, шунда Раний Расманий ҳайкалтарошларга янги ҳайкал ясаттироқчи бўлади. Бу Рамакришнанинг қулогига бориб етади ва Ранийга танбеҳ оҳангода дейди: “Маҳараний, борди-ю, күёвингизнинг оёғи синиб қолса, нима қилардингиз? Тўғри йўли қанақа бўларди? Оёгини таҳтакачлаб, даволатармидингиз ёки бу куёвдан воз кечиб, янгисини қидириб топармидингиз?” Бунга оқсоқоллар ва пандитлар лом-мим деёлмай қолдилар. Гопаланинг шикастланган оёғи бутланди ва бут сифиниш учун қайта жойига ўрнатилди. Бҳакти покланган ва улуғланган бўлса, ҳатто шикаст еган ҳолда ҳам Тангри ҳозир

бўлаверади. Бу ҳам Шастралар эълон қилган дхарма ҳисобланади.

(16) Эшиклар ёпиқ бўлганда, бу, ҳарҳолда, шунинг учунки, қоида уларнинг очиқ туришига имкон бермайди. Аммо бу энг умумий йўриқлар, холос. Чунки, Шанқара, Шананда, Жаядева, Чайтаня, Гавранга ва бошқаларга ўхшаган сиймолар келганда қоидага риоя қилиш мумкин бўлмай қолди. Ўз содигига йўл кўрсатиш учун Удипи Тангри Қришнага айланди, Нанданара ихлоси кучи олдида Шива ён берди. Эшикларнинг ёпиқлиги сабаби Тангри билан боғлиқ эмас, бу қоидани оқсоқоллар илоҳийлик билан боғлиқ бўлмаган сабаблар бўйича ўйлаб чиқарганлар. Сиз содиқлик олий тушунчаларига зид келмайдиган қоидаларга эга бўлишингиз керак. Агар эҳром хизматкорлари қайд этилган тартибга эга бўлмасалар ва ҳамма нарсани улар ўз хоҳиш-истаклари билан тасарруф этсалар, эҳром оддий одам онгига ихлосни ривожлантиришга имкон бера олмайди. Маълум чекловлар ва қоидалар Бҳактининг илдизлари ҳисобланувчи ҳаяжон ва ҳурмат уйгониши учун ҳам зарур. Эҳромга кириш учун ва сифингани саждагоҳни очиб қўйиш учун маълум соатлар белгилаб қўйилгани сабаби ҳам шундан иборат. Бу чекловлар асосий тамойилга зид келмайди, чунки эҳромнинг мақсади – Дхармани, ички маданиятни ва руҳоний интизомни ривожлантиришга имкон беради. Инсоний ҳулқ-атвор, амаллар, муносабатлар – булар барчаси Жонли Ҳозир сифатида Ҳудо ҳақидаги онгни ўстиришнинг умумий вазифасига бўйсундирилмоғи керак. Шубҳасиз, муайян қоидалар эҳром расм-руsumларини тўғри бажариш учун зарур. Акс ҳолда оддий одамлар чидамлилик, ишонч, интизомга ўрганмайдилар ва Эҳром тасарруфида бўлган мутасадди ва ходимлар, шунингдек сифингани келувчи одамлар маъсулияти дарҳақиқат катта. Ҳар ким эҳромнинг вазифасини ва эҳром расм-руsumларини ўтказиш зарурлигини тущунмоғи шарт: бошқа ҳар қандай нарсадан ҳам кўпроқ Шраддҳа ва Бҳактини ривожлантиришга улар ҳамкорлик қилишлари керак. Шу боис ашаддий диндорларнинг сифинишига имкон бериш учун эҳром эшикларини истаган вақтда очиб қўйиш мумкин. Ҳеч ким қўйидаги далолатни унутиши ёки менсимаслиги мумкин эмас: “Эҳромлар инсон тараққиёти ва фаровонлиги йўлида мавжуддир”.

ЎН БИРИНЧИ БОБ

(1) Ҳинду Дхармасида белгилаб қўйилган руҳий ривожланиш тамойиллари ва амалиётига кўра таснифланувчи уч давр мавжуд: 1) Ведалар даври, бу давр мобайнида асосан Карма ва удумларга зўр берилган; 2) Упанишадлар даври, бунда кўпроқ Жнанага эътибор берилган; 3) Пураналар даври, бунда Бҳакти эълон қилинган ва энг муҳим сифат каби таърифланган. Веда адабиёти Самҳиталар, Браҳманлар, Араньяклар ва Упанишадлардан иборат. Шулардан дастлабки учтаси Карма билан иш тутади ва Кармаканда сифатида машҳурдир, сўнгиси ҳисобланмиш Упанишадлар эса Жнанага бағишланган ва шу боис Жанаканда деб аталади.

(2) Ведаларнинг Самҳиталардаги мантралар гуруҳлари Индра, Агни Суря ва Рудра Маъбулларини алқовчи Стотралар (мадҳиялар) га тўлибтошган. Кадимдаги орийлар шу мантралар ёрдамида Маъбулларга мурожаат қилиб, қурбонлиқлар ва расм-руsumлар воситасида тинчлик хотиржамликка, қаноатга ва истак-хоҳишларнинг ушалишига эришганлар. Мутлоқ тамойил, Параматма яккаю ягона ҳисобланади.

(3) Ригведанинг кўплаб мантраларида бу ҳақда равшан айтилади

(Ригведа, мандала 1.164. 46):

Ekam Sath vi prrabahudaavadanthi
Agnim yamat maatharisw aanamaahu

“Фақат Биру Бор мавжуд, Ҳақиқатни кўриб турганлар Унга турли-туман йўллар билан алқовлар айтади: Агни Яма Матаришван”. Бу Браҳман, иккинчиси йўқ, ягона; Ригведада Ҳиранягарбҳа, Пражапати, Вишвакармалар Пуруша деб номланади, “Ҳиранягарбҳа Сукта” ва “Пуруша Сукта” бу тафаккурнинг мумтоз намуналари ҳисобланади.

(4) Қадимги орийлар ҳаёт тарзи Дҳарма сифатида ифодаланади. Уни яна Яжна деб ҳам аташ мумкин. Ўларнинг кундалиқ амалиётлари, пужалар ва алқовлар парҳез ва ихлос билан белгиланган. Шу боис уларнинг ҳаёти Бҳакти, ихлосли сигинишларга тўла бўлган. “Бҳакти” қонун-қоидалари сўзи Самҳиталарда айни шу маънода қўлланмаслиги мумкин эди, аммо кошки уларда бизга таниш “Шраддҳа” сўзи ўзгармаса?

(5) Sraddhayaa gnih Samidhyathe
Sraddhaaho oyathe havih
Sraddhaam bhagasya moordhaniv
Achassaa Vedayaamasi

“Фақат Шра рофати билан қурбонлиқлар биз мурожаат қиласиган Маъбулларга етишадилар. Келинг, сажданинг олий шакли ҳисобланган Шраддҳани алқайлик”. Кўрдингизми, Шраддҳанинг кучи нечоғли улуғ!

(6) Веда даврининг оддий ва бевосита амалиётчилари говлаб кетган расму удумлару ясама қоидалар туфайли аста-секин мураккаблашиб ва чигаллашиб бораверади, вақти келиб шундай дейиладики, Дҳарма яжна ва ҳоумадан¹ иборат, Фалакларга фақат мана шу расм-русларни адо этиш билангина етишиш мумкин. Гарчи яжна ҳақиқатан ҳам Худоларга сигиниш усули бўлса-да, қадриятнинг Маъбуллардан яжнага ўрин алманиниши содир бўлди. “Маъбуллар фақат восита эдилар. Фалакни хоҳлаган одам яжнани бажармоги шарт эди” — мана, ушбу гап нимага айланган эди.

(7) Бу орада Упанишадлар даври бошланади. Упанишадлар доимий қадриятдан маҳрум сифатида моддий мақсадни инкор этар эдилар, уларни тубан қадриятлар ҳисоблаб, қоралар эдилар. Аслида ведалар Кармакандаси Упанишадларда одамнинг ўлим ва туғилиш сиртмоғидан қутулиб, халоскорлик баҳри муҳитини ошиб ўтиш воситаси сифатида қайта ўйлаб кўрилган ва қайта баҳоланган эди. Упанишадлар замони содигининг тафаккури ушбу ташқи, ҳиссий ва борлик олам орқали ёриб ўтади ва ички оламда жамланади. Упанишадларнинг ришилари биргаликда Олий тамойил табиатини қуидагича тайин қиласиган: “Намарупа Жагатнинг (номлар ва шаклларнинг бу ўзгарувчи оламининг) чуқур негизида ягона абадий ўзгармас Сат мавжуд. Бу Мутлақ, Парабраҳмандир. Энг олийни Жнанайога воситалари билан англаш мумкин”. Шу боис “Тҳад Вижижнаасасва; тҳад Браҳма” — “Шуни тадқиқ қил, Шу Браҳмадир”. Бу Упанишадлар (Веданта) ўргатадиган Браҳмавидядир.

(8) Бундан ташқари, Упанишадлар яна марҳамат қиласиган: “Гарчи Ведалар кўпроқ ҳолда фалакларга етишишда инсоний мақсадга дахл

¹ X а у м а о у м – ҳинду динида олий Тангрига муножотни англатувчи чўзиқ? “ум” товуши.

қилса-да, улар яна халоскорликка, яъни мокшага етишиш учун асосий тайёргарликка замин яратади. У ўқиши-ўқитиши, олимлик ёки ақлий англашдан ташқарида ётади. Уни фақатгина упасана (сифиниш, муроқаба) воситасида англаш мумкин”. Агар олим ўзининг бутун олимлик залвори билан упасанага муккадан кетса, унинг ҳаёти чиндан ҳам поклангусидир!

(9), (10) Мана шундай муддаильар олдида Тангри Ўзининг ҳақиқий улугворлигига намоён бўлади. Бриҳадаранъяка Упанишаддаги жива ва Параматма, яъни якка ва умум ўртасидаги муносабат тўгрисида айтилган қуйидаги гапнинг мазмуни шунда:

Eshosya parama gathi-
Eshosya paramam sampad;
Eshosya paramo loka-
Eshosya paramaana ndam.

“Умум — яkkанинг олий мақсади, олий фаровонлиги, олий улугворлиги, теран қувонч ҳисобланади. Тайтирийа Упанишадда бу қуйидаги тарзда марҳамат қилинади”: “Параматма қаноат манбаи ҳисобланади, чунки бу расанинг, яъни энг соғ ҳиссиётнинг тажассуми, параматмага етишар экан, жива севинчга кўмилади. Бордию, Параматма-Юрак гумбазида чаракламас экан, ким нимани ҳис эта оларди, ким қандай яшай оларди? Параматма ҳамма нарсани Ананда қувонч билан тўлдиради.

(11) Бҳактининг Ведалар Самҳиталари бўйлаб сочилган уруглари Упанишадларда униб чиқади ва пураналарда кўплаб шохлар чиқариб, гуллайди.

(12) Бироқ Бҳакти ўзи нима дегани, Бҳакти деб аталадиган муносабатнинг табиати қанақа деган масалани ечишга келганда, кўплар нима қилишини билмай қолади! Нима Бҳакти ҳисобланади-ю, нима йўқлигини ҳеч ким аниқ фарқлаб беролмайди. Бҳактининг сонсиз қирралари бор. Фақат қардош бҳактлар даврасида парвоз қилаётган ҳамс (оққуш) га ўҳшаган пок, нафис, чидамли, вазмин ва севувчи жонларгина унинг мусаффолиги ва теранлитини англай оладилар. Тошда юмшоқни, оловда салқинни ёки қалампирида ширинни топиш қанчалик амри маҳол бўлса, бошқалар учун одамда Бҳактини топиш шунчалик мушкулдири. Бҳакт¹ учун Тангри ҳаётдан ҳам қимматроқ ва Тангри ҳам унга баб-баравар мойил. Айрим буюк одамлар бҳакт бҳагаванадан² олийдир, деб ўйлайдилар, гўё дехқонлар баҳри муҳитга қараганда булатни кўпроқ севар эмишлар, ҳолбуки булатлар сувни уларнинг далаларига баҳри муҳитдан олиб келиб сепадилар. Баҳри муҳит уларнинг экинларига ўзи бевосита келолмайди. Бҳакт ва Бҳагаван ўртасидаги ўзаро муносабатларни Тулсидас ана шу тариқа ифодалаб беради. Булатлар баҳри муҳитнинг меҳрини, муруватини ва улугворлигини, ҳамда ҳаводаги муаттарликни олиб келиб, уларни ёмғир қилиб ерга тўккандайин, бҳактлар ҳам қаерга бормасинлар, ўzlари билан мана шундай буюк фазилатларни олиб келадилар.

(13) Донишманд Дурваса (табиатан жizzаки дегани) ўз содигининг кучини синаш учун бир куни Анбариши (Икшваку қуёш слолосининг шоҳи, Вишнунинг эъзозли мухлиси) саройига келди. Бунинг учун у ўз газабидан шоҳни ўлдиргани Критя(сўзма-сўз: сеҳр, алвасти)ни яратди. Бироқ Тангрининг содиклар юрагини қўрқувдан

¹ Бҳакт — содик дегани, бҳакт — садоқат ҳақидаги таълимот.

² Бҳагвана — Олий маъбуд, Тангри.

халос қилувчи чархи Критяни ўлдирди-да, Дурвасани дунёning нариги чеккасигача таъқиб қилиб борди. Дурваса қир-адирлар, водийлар, кўл ва дарёларни ортда қолдирди, у етти денгизни сузиди, фалакларда паноҳ топишга ҳаракат қилди, аммо бҳактнинг баҳтига ҳеч жойдан паноҳ топилмайди, Охири ҳолдан тойган ва товбатазаррулар қилганча у ўзини Вайкунтаҳадаги (Вишнунинг фалақдаги маскани) Нарайна оёғига ташлади. Бироқ Тангри унга ўзининг ҳар доим ўз бҳакти тарафида бўлишини, содигидай ҳеч қачон юз ўтирмаслигини, содиги Унга ўзининг ягона халоскори деб қарашини айтди. “Сигир бузогига қандай қараса, мен ҳам бҳактимдан шундай кўз-қулоқ бўлиб тураман, чунки у Мени деб, дунёвий одамларни деб жондан азиз бўлган ҳамма нарсадан воз кечган”.

(14) Бир куни Кришна Уддҳавага деди: “ Тапас, Жнани, Вайрагя, Йога, Дхарма, Врата, зиёрат – шулар барчаси билан қўлга киритиладиган хизматларни мен бҳакт билан анча осон қўлга киритсан бўлади”. Ҳақиқий ихлос буюклигини ўзингиз бир ўйлаб кўринг! Унинг ёрдамида чандал (Ҳиндистондаги энг тубан тоифалардан бири) браҳмандан ҳам ўзиб кетиши мумкин! Бҳактидан маҳрум браҳман, чандалдан паст туради. Бу ҳақда Пураналарда айтилган, Ведаларда шунчаки “Нети, нети (У эмас, У эмас)” деб таърифланган, “Сўз билан таърифлаб, ақл билан фаҳмлаб бўлмайдиган” нарсани туйгулар ҳам, мушоҳада ҳам, зеҳн ҳам идрок этолмайди, буни фақатгина Дҳянага берилган одамгина ҳис этишга қодир. Бҳакти буни Онгга осонгина етказади ва бу содикқа чексиз фарогат бағишлийди.

(15) Пураналарда таърифланган Бҳагавана – бу фақат Ниргуна – нарвикара – адвитая Браҳман, билиниши керак бўлган Зот, Читварупа, Фалак манбаигина эмас. У яна барча олижаноб, юксак ва жозибадор сифатлар хазинаси ҳамдир. У яна барча гўзал ва севувчилар учун паноҳ ва уларнинг ифодачисидир ҳам. У кўнгилни кўтаради, гайратга тўлдиради ва поклайди. Зухурсиз, Жнанамарга (билиш йўли) чўққисида англанадиган Ниргуна Браҳманни ўз туйгуларига асир, ортиқча қийноқ ва кечинмаларни бошидан ўтказмаган одам англолмайди. Нима учун пураналар Ниргуна – жиҳатга (сифатлардан холи) қараганда сагуна-жиҳатга (сифатларга бой) кўпроқ эътибор қилиши сабаби шунда. Муддай аввало Худонинг Сагуна-жиҳати билан боғлиқ садҳанани машқ қилиб кўриши керак. Бу унга фикрларини жамлаб олишга ёрдам беради, кейинчалик эса дагалдай нафис томон ҳаракат қонуниятига кўра, у Ниргуна Браҳманнинг Ўзи ҳақидаги тафаккурга берилиши мумкин. Сароб чанқоқ одамни кўлдан олиб кетади, у орқали қайтишга, сув бор жойга келишга мажбур бўлади, кўлга етиб келгач, қонгунча мириқиб ичиш имконига эга бўлади. Мокшадан кейин муддайлар ҳақиқатан ҳам Ниргунопасана хоҳишига эга бўладилар; содиқлар билан боғлиқ Тангри садху ва Маҳатмалар қидириб юрган шаклларга киради. У ўзининг мўл-кўл пурушартҳасидан барча тўртталовини инъом қилади.

ЎН ИККИНЧИ БОБ

(1) Қадимгилар эҳромларни фақат Девамандирларгина эмас, балки Вижнанамандр билимлар уйи деб ҳам қараганлар. Улар билиб туриб ва маъносини чуқур тушуниб бажариладиган хизмат ёрдамида Худога этиш мумкинлигини билганлар. Улар эҳромлар – бу олий таълим

Академияси эканини, бу ерда англаш ҳақиқий маданиятни ривожлантиришларини ҳис этганлар. Улар инсон юрагидаги Худонинг уйи улар яшайдиган қишлоқдаги Худонинг уйи сингари пок ва муқаддас бўлишини билганлар. Қишлоқ эхроми ва унинг атрофидағи нарсаларга шунчаки бир кўз ташлаб қўйиб, қишлоқ аҳолиси табиатини англашингиз мумкин. Борди-ю, эхром тоза тутилса, муҳит муқаддас бўлса, сиз шундай холосага келишингиз мумкин, қишлоқнинг пок одамлари гуноҳдан қаттиқ кўрқар эканлар, улар Эзгулик йўлидан бормоқда экан”, — қадимгилар ана шундай ўйлаганлар.

(2) Бундай Дивъяжнанманандирлар ва Атмопадешалайалар, яъни маънавий илҳом муассасалари бугунги кунда “садақа” улашадиган, одамлар қувноқ қўнгилочар сайиллар қиласидиган жойга айланган. Бекорхўжалар эхром ҳудудида тўпланадилар-да қарта, ошиқ ва шунга ўхшаш ўйинлар ўйнайдилар. Эхромларда бу тоифа гуруҳлар тўпланганда Калипуруша севинганидан дўпписини осмонга отади.

(3) Бу Ҷармага тўғри келмайди. Эхром қишлоқнинг юраги ҳисобланади, шу боис уни кузатиб бориш, супуриб-сидириб туриш, ўз юрагидай унга ғамхўрлик кўрсатиш керак. Ишонаверинг, Тангрининг ўзи эхром атрофига юрибди, бу унинг турар-жойи. Тангрига хизмат қилиш севинчи баҳш этадиган бу муҳитни пок сақлашда ҳамма бирдек жавобгар. Ишонаверинг, эхром – бу ҳамма нарсанинг юраги. Бу ҳол рўй берган куни одамдаги Мадҳаватва қимматбаҳо тошдек чарақлади. Эхром қурилиши чоғида кўриладиган барча қийинчиликлар ва қилинадиган барча чиқимларнинг ҳақиқати ҳам шу, сабаби ҳам шу. Қишлоқ раҳбарлари, хукumat хизматчилари ва бҳактларнинг ўзлари руҳий интизом ва доноликни ривожлантириш учун барча зарурий шароитларни яратишлари зарур. Фақат шундагина инсонда илоҳий улугворлик жилва қиласиди. Аммо бу ҳали ҳаммаси эмас. Айрим ўта замонавий танқидчилар пулни бекорга совуриш деб гопурам (شاҳар дарвозаси; эхром дарвозаси нақши) сингари нарсаларни қоралайдилар. Бу мутлақо калтабинликни билдиради, орзулари юксак ва узоқни кўра биладиган одамлар бундай гапларни айтмайдилар. Агар сиз гопурамлар маъносини билсангиз, унинг мақсади нақадар муқаддас, сирли ва эзгу эканини тушуна оласиз. Гопурам йўлини йўқотган ва ҳақиқатдан узоқда дайдиб юрган йўловчиларни ўзига тортади: “Хой бандалар! Такаббурлик ва калондимоғлик барчангизнинг кўзингизни кўр қилиб, ўткинчи ва саробий, дунёвий хоҳишлилар ақлингизни оздириб, барчангизнинг ибтидою интиҳонгиз бўлган Мени унубисиз. Севинчнинг мана бу абадий, пок, маъмурий минорасига бир кўз солинг-а. Мени унубиб, ғам-андуҳлар ботқогига ботибсиз, қумли саҳрода сароблар ортидан қувалаб юрибсиз. Марҳабо, ишонинг Менга, Мен Боқийман. Зулматни тор-мор қилинг ва Нур салтанатига дохил бўлинг, Шанти (Тинчлик) шоҳсупасига чиқиб олинг. Бу Ҷарма йўлидир. Марҳабо, марҳабо, о марҳабо!”

(4) Ҳар бир қишлоқдаги уйлар томидан туриб, Гопала қўлларини кўтарганча ҳаммани ана шундай ўзи томон чорлайди.

(5) Демак, агар шу нуқтаи назардан қаралса, инсоний орзулар ва хулқ-атворнинг юксалишига имкон бергани учун ҳам гопурамни эъзозлаш керак. Бу гопурам қурилиш асосида ётвчи тамойилдир. Шундай юксак орзулар бу қурилишга илҳом бағишлидир. Бу асил маъноки, уни ҳамма бошидан ўтказади, уни ҳамма ҳис этади. Гопурам

¹ Ҳар и – Худонинг номларидан бири.

чўққисидаги нур – бу барча учун бошпана ҳисобланган Нур рамзиdir. У мангу ўчмас ботиний чароғ тимсолидир, у ўша чароғ алангасидан ўт олдирилгандир, бу нурнинг Ҳари¹ билан қовушув ёрдамида эришилган ботиний ёлқинланишидир.

(6) Эҳромлар алам нок очкўзликнинг қайноқ қумларида йўлини йўқотганлар учун саҳродаги саробга ўхшайди; бу Прашантимандирлар, Шантосасаданалар (осойишталик маскани), сизни баҳтиёр Олам салқини билан сийлайди. Гопурам ҳолдан тойган мусофиirlар учун йўлбошловчилар ҳисобланади, улар Худо исми ёзилган оловни баланд тутиб турадилар. Бу хизмат учун барчангиз ундан миннатдор бўлишингиз керак.

(7) Дарҳақиқат, замонамизнинг кўплаб калтабин одамлари эҳром билан боғлиқ қурилишлар, қоидалар, қарорлар ва анъаналардан ташвишдалар. Улар маҳдуд тушунчалардан ташқарида ётган жавобнинг маъносини англай олмайдилар. Баланд иситмадан қийналаётган bemорга ҳатто ширин нарса ҳам аччиқ туюлиши мумкин. Бу дунё иситмасига мубтало бўлганлар ҳеч қачон ҳақиқатнинг чинакам тотини сеза олмайдилар. Иситмалари тушгандагина улар маънавий нарсалар аҳамиятини тўғри баҳолай бошлайдилар.

(8) Инсон ҳаётининг мақсади нимада? Инсон ўз ҳаётида нимага эришмоги керак? Наҳотки бу фақат егулик, ичгулик, уйқу, бирозгина шодлик ва кам, ва ниҳоят, парранда ё жонивор каби ўлиб кетишдан иборат бўлса? Йўқ, албатта. Ҳатто озгина ўйлаб кўрилганда ҳам шу нарса аён бўладики, бу ундей эмас. Мақсад – бу Браҳма – Сакшатка, Мутлоқни, браҳманни англашдир. Бусиз биронта ҳам одам Шантiga етиши олмайди. У илоҳий мурувватнинг шу фарогатини қозониши керак. Инсон хилма-хил дунёвий нарсалардан баҳт топишга ҳар қанча чиранмасин, у ҳаддан ташқари оз лаззат олади, чунки бу дунё нарсалари ёрдамида Тинчлик (осойишталик) ёки Шантiga эга бўлишнинг ҳеч имкони йўқ. Фақат Мутлақни, Илк сабабни, ўзгармас Борлиқни англашга бел боғлангандагина ақл Шантiga эга бўлади.

(9) Ҳатто энг данғиллама, барча қулайликларга тўла, инсон фақат орзу қилиши мумкин бўлган уй ҳам, ҳатто тоғдек бойлик ҳам инсонга Шанти инъом этишдан ожиз. Ҳар бир мавжудотнинг қоқ юраги, бутун ҳаётнинг ва бутун жонлининг манбаи ҳисобланган Ҳудога ҳамма нарсани топширибгина бунга эришиш мумкин. Ўзингиз қаранг-а, бойликларга, олтинга, мулк ва ҳашамга эга омадли одамлар Шантiga эгамилар? Зинҳор йўқ. Илму урфонли одамлар, гайриоддий гўзалликка, гайриинсоний жисмоний кучга эга одамлар, ҳеч бўлмагандан, ўzlари ўzlари билан ва қолган дунё билан дориламон яшайдиларми? Айнан шу одамларнинг баҳтсизликлари сабаби нимада?

(10) Сабаби бундай: улар Хилқатнинг илоҳий ўзагини унутганлар, улар негизда ягона Мутлақ Тамойил ётганини назар-писанд қилмаганлар. Биру Бор, Энг Юксак, Олий Тангрига ишончсиз, бҳактисиз яшаган барча умрлар бир чақага қиммат умрлардир. Илоҳий Тамойил обиҳаётидан totmай кечирилган умрлар бу бой берилган имконлардир.

(11) Дарҳақиқат, бу ҳодисаларнинг фалати бурилишидир! Сизнинг ҳақиқий негизингиз, севинчларингиз чашмаси, азалий тамойилингиз, Параматма тамойили қандайдир ташқига ва ёт нарсага айланган, унга эҳтиёж сезмайдилар, уни қидирмайдилар, унинг нурсиз жимжимасию таъмсизлиги билан тўлган дунё эса сиз учун яқин ва қадрдон, зарур ва матлуб бўлиб қолган.

(12) Ўзини Ҳудога бутунлай баҳшида қилиш оқибатида олинадиган

фарогатдан маҳрум бўлиб, қадамжолар, донишмандлар, табаррук дарёларни зиёрат қилган ҳолда одамлар телбаларча ўзларини ҳар ёнга урадилар ва буни Бҳакти деб атайдилар. Ҳақиқий Бҳактининг биргина зарраси уларни бу гумроҳликдан халос қиласди. Бу зарра уларга инсон ўзининг қадрдон гунасига, яъни Худога қайтгачгина Шантига ноил бўлиши мумкинлигини тушунтиради. Ҳозирча эса у бундай қилмайди, у йиини соғиниб юраверади.

(13) Эҳромлар шу уйга таклифномалардир, инсонни ўша ёққа йўлловчи йўл белгиларидир. Бир куни Шри Рамачандра (Рама) Читрапута (ҳозирги Чатаркот) тепалигида Унинг ваъзини тинглашга тўплангандарга бундай деганди: “Тонг отади ва кеч тушади. Тонгда одамдаги очкўзлик уйғонади, кечкурун эса уни васваса чулгайди. Сизнинг ҳаётингиз шуми? Сизнинг мақсадингиз шуми? Ҳар бир ўтган кун билан одам бир қимматбаҳо имкондан маҳрум бўлади. Ү ўлим эшити сари бир қадам ташлайди. Аммо у ўз қисматидан ғам чекадими? Бой берилган кундан қайгуга ботадими? “ Бу сўзларни асло унугиб бўлмайди!

(14) Айнан мана шундай эслатмалар шарофати билан Худо мавзуси Бҳаратаварша (Бҳаратлар мамлакати, яъни Ҳиндистон) маданиятидаги марказий мавзу ҳисобланади. “Бҳарати” сўзи “Ратига” ёки Бҳа – га – ванага, яъни Худога мойилликка эга мамлакатни англатади. Агар гарб одамлари ёруғ дунёни бошқарадиган қонунларни очиш йўлидаги хоҳишлири деб дунёдаги ҳамма нарсани унутсалар, бу ерда, Бҳаратаваршада Фалакнинг биринчи сабаби ҳисобланган ва англашни деб дунёдаги ҳамма нарсани унугидилар.

(15) Гарб одамлари Фонийни деб дунёдаги ҳамма нарсани унутсалар, бу ердагилар Бокийни деб дунёдаги ҳамма нарсани унугидилар. Бу ерда – бу Вижнана, у ерда – бу Ажнана. Бу ерда – бу Тапас, у ерда – бу тамас. Ҳатто бугунги кунда асрлар, донишмандлар ва йогалар улуғворлиги одамлар чехрасида балқиб туриши сабаби ҳам мана шунда. Борди-ю, гоҳо ушбу чехраларга тушкунлик, маъюслик ва норозиликлар соя согудек бўлса, унда бу Ҳарманинг ўзига ишонч сусайганидан дарактирдир.

(16) Эҳромларнинг вазифаси шундаки, одамларни улар юрагида ётган мойиллик пардасидан халос этиш санъатига ўргатади. Тарупати эҳромида Тегаражанинг: “Мендаги юракни, кибр ва нафрат пардасини олиб ташла”, деб йифлагани сабаби шунда. Муруват нурлари остида Майа тумани тарқалиб кетади ва шу боисдан у “Шивудано Мадҳавудано” қўшиғидаги илоҳий мафтункорлик рамзини фарқлай ва тасвирлай олди, бу шаклнинг ширин теранлигини нўш қила олди. Унинг қалбидаги илоҳий қиёфанинг муттасил мурожаати жнана учқунини чиқаради ва англаш алангасига айланади.

(17) Фақат ушбу Калиюгадагина эмас, балки ундан анча олдинги югаларда (Крита, Трета и Двапара) ҳам намасмарана¹ тобеликдан халос бўлиш сири эди. Эҳром – бу намасмарана табиий ҳолда ва беихтиёр адо этиладиган ва ҳеч нарса халақит бермайдиган жой. Айниқса ҳавони ифлослик ва гайриилоҳий фикрлар тўлдирган Калиюгада албатта ўша ёққа бориш керак.

(18) Гитада Кришна “яжналар орасида Мен – Намаяжна” деб марҳамат қилиши сабаби шунда; бу яжна муқаддас олвдаги қурбонлик

¹ Н а м а с м а р а н а – Ҳиндча мурожаат, ҳамду сано.

жониворни таклиф қиласи, бу жонивор ажнананинг ўзини намоён этади. Мусибатлардан фориг бўлиш учун, қувончга эга бўлиш учун Худонинг исми эсланадиган эҳромлар жуда муҳим. “Фарогат учун – смарана, смарана учун – эҳром” – булар бир-бирига эш бўлиб келади. Бундан самаралироқ, бундан-да фарогатлироқ ва мафтункорроқ ҳеч нарса йўқ ва бўлмайди. “Улуғвор ва оддий исмдан фойдаланиш ҳамиша осон бўлган тилга ва Унинг шонини баланд овозда алқаб куйлашингиз учун Унинг муборак сиймоси ўрнатилган эҳромга эга бўла туриб, биз, одамлар, нима учун дўзах чоҳи сари шошамиз?” – ҳайрон бўларди Вийаса. Бу ҳайронлик Худо ва Унинг замзамаси (смарана)нинг ўз таъсиrlаниш тажрибасидан туғилганди. Тулсидас ҳам шундай туйгуларга берилганди! У муттасил эҳромда яшаган ва ўзи тотиб турган севинчи ҳақида қўйлаб ўтганди. “Эвоҳ! Одамлар Худонинг номини замзама қилишдан ва эҳромдан юз ўтириб, бошқа жойларда осудалик ва шодлик истаганларини кўриб, кўз олдимга олдида тансиқ таомлар мўл қилиб сузилган ўз товоғи туриб, қўлини чўзганча ўзгаларнинг товоғидаги сарқитга тамаъ қилган одамлар келади”, қуйиниб деганди у.

(19) Ҳатто ведавий интизомда ҳам Худонинг исми алоҳида аҳамият касб этиши ва зеҳнни мудом унга жамлаш зарурияти уқдирилади. “ОУМ – шу биргина сўз Браҳман ҳисобланади”, – деган эдилар орий донишмандлари. Истасангиз, текшириб кўринг, лоақал битта авлиё Худонинг номи замзамасисиз ёки Худонинг уйисиз “з жойини асраб қолганми? Гауранга Жаганнатҳа-мандир илҳом ва паноҳкорлик маскани бўлган. Жайадева учун у Радҳакришна-мандир бўлган. Нанданара учун у Чидамбарадаги рўёбга чиқиши манбаи ҳисобланувчи эҳром бўлган эди. Валлабҳачаря, Кабир, Нанак, Мира, Радҳа, Рамануджа, Мадҳавачарья, Шанкарчаря, Намдев, Тулсидас, Тъягараж – барчалари эҳромларда ва уларнинг ёрдамида илоҳий кароматларга ва ундан ҳам баландроқ илоҳий донишмандликка мушарраф бўлганлар. Яна мисоллар келтираверайми? Ҳатто яқингинада Рани Расманий барпо этган Кали эҳромида Рамакришна Парамаҳамса илоҳий фарогат нашидасини тотиб, ўзининг ҳақиқий моҳиятини намоён этмаган-миди?

(20) Бундай эҳромлардан нотўғри фойдаланиш, улар худудидаги муқаддас муҳитни ифлослаш, уларнинг табаррук вазифасини унтиш, уларда ҳукм суриб турган тартиб-қоида ва анъаналарни менсимаслик, уларнинг инқирозга учраши ва таҳқирланишида иштирок этиш – булар, ҳеч шубҳасиз, Ҷхарма эмас, балки Адҳарма ҳисобланади. Бундай қилган одамларда на ботиний, на зоҳирий нур бор, улар қоп-қоронги зулматдан иборат. Эҳромда Худога сифиниш, авлиё донишмандлар жамоаси, Тангри номини замзама қилиш, сиймо ёки тимсолга сифиниш – булар нурнинг зоҳирий манбалари; дҳяна, тапас, манан – булар ботиний нурланиш манбалари. Борди-ю, униси ҳам, буниси ҳам бўлмаса, одамлар илоҳий шон жилвасидан қандай баҳраманд бўла оладилар?!

(21) Шу боис бир куни Тулсидаснинг қалбидаги гапни айтганидан ҳайрон бўлмаслик керак: “Үйингизнинг ичи ва таши баравар ёруғ бўлиб туришини истайсизми? Унда чироқни остонаяга қўйиб қўйинг! Борди-ю, Шанти зиёси ичингизга ҳам, ташингизга ҳам баравар таралишини истасангиз, Тангрининг номини шахсиятингиз эшиги остонаси бўлмиш тилингизга қўйинг! Бу чироқ ўчиб ёки дуд босиб қолмайди, уни ҳеч қанақа бўрон ўчира олмайди. У сизни, шунингдек, сиз учратган ҳаммани, бутун дунёни Шанти нурига кўмади”.

(22) Шу боис инсонни асраш учун шакл шарпасини чақиринг. Худони эслашнинг ўзи шакл шарпасини чақиради. Бу шакл ўзининг бор мафтункорлиги ва шони билан муддаийларга илҳом бағишилаш учун эхромларда намоён қилиб қўйилган. Шу боис оддий одамлар буни тушунадиларми ёки йўқми, бундан қатъи назар, атма ҳақиқатини қидирувчилар эхромлар зарурлигини қўриб турадилар.

ЎН УЧИНЧИ БОБ

(1) Дҳармада тусмоллар ва бичиб-тўқишилар йўқ, у ҳақиқат ва адолатга лиммолим. Шу боис одам ҳар доим Дҳармага риоя қилиш, ҳеч қачон унга қарши бормаслигини кузатиб юриши керак. Ундан бўйин товлаб бўлмайди. Дҳарма тариқати инсоннинг бошқаларга нафрат билан қарашдан воз кечишни ва ўзаро ҳамжиҳатлик ва дўстпарварликни ривожлантиришини талаб этади. Ўзаро баҳамжиҳатлик ва дўстпарварлик орқали дунё кун-ба-кун баҳт ҳукм сурадиган маконга айланиб бораверади. Агар мана шу икки сифат дунёда қарор топса, дунё нотинчликдан, интизомсизликдан халос бўлади.

(2) Сиз нимаики нарса билан иш тутманг, энг аввал бунинг ҳақиқий маъносини тушуниб олишингиз керак. Кейин эса буни ўз фойдангиз йўлида ҳар куни тарбиялаб боришингиз керак. Шу йўл билан донолик ортиб боради ва доимий кувонч қўлга киради. Иккита асосий нарса бор – Дҳарма ва Карма. Дҳармада маҳкам, соҳтачилик ва манманчиликдан холи доно одам, Ведаларда амр қилинганидек, Сатъя (Ҳақиқат) йўлидан боради. Бугунги кунда бу йўл ҳамма учундир.

(3) Дҳарма билими уч босқичда эгалланади. 1) Сиз Дҳармага тўлиқ Видван (олим) раҳбарлигига ўқишингиз керак; 2) Сиз Атма – шудҳи (ўзини поклаш) ва Сатъя (ҳақиқат)га етишишга ҳаракат қилишингиз керак; 3) Сиз Ведавиде, Парамешвара овози қадрига етишингиз керак.

(4) Шу учала босқич тугалланганида, инсон ҳақиқатни ва ҳақиқатни ноҳақиқатдан қандай ажратиш кераклигини тушунади. Ҳақиқатнинг бу тадқиқоти дўстлик ва ҳамкорлик руҳида адо этилиши керак, ҳамма уни барча қолганлар фаровошлиги йўлида бирдек намоён этишга интилишлари керак. Ҳар бир одамнинг фикри Дҳарма, самовий эзгулик ёки Сарва-Лока Ҳита мезони билан текширилиши керак. Бу синовдан ўтадиган тамойилларини башарият турмуш тарзини яхшилаш учун бутун дунё бўйлаб ёйган ва фойдалангани махсус ажратиш керак. Шу йўл билан ҳамма баб-баравар баҳт ва шодликка эга бўлади.

(5) “Самитҳиҳ Саманий” – дейди Битик. Ҳамма Жнанага ва унга етишининг таълим каби воситаларига баб-баравар эҳтиёж сезади. Шу боис ҳамма сабабли ва покиза ишлар қилиш ва покиза ишлар қилишда ёрдам бериш керак.

(6) Ёмон ишлардан тийилиш, хоҳишилардан тийилиш... бу икки сифатга Манас ёки ақл деган ягона қурол ёрдамида эришилади. Фақат шу орқалигина Пурушартҳга етишиш мумкин. Қаттиқ машқлар натижасидагина у манфаатларингизга бўйсунишни ўрганади. Бошқа томондан Читта (Диққат) сизга ўтмиш ва ҳозирнинг тажрибасини тақдим этади ва нарсаларни истиқболда кўриш ҳамда уларни шу асосда баҳолашга имкон беради.

Читтада содир бўлаётган мана шу жараёнда, шунингдек унинг

ёрдамида хотиржамликка етишиш зарур. Бошқача қилиб айтганда, Эка Читта бўлиш керак (яъни диққатини бир жойга жамлаш лозим).

(7) Яна шуни эсда тутингки, ҳар иккаласи — Манас ҳам, Читта ҳам Сарва — Манава — Сукҳа, яъни бутун башарият фаровонлик йўлини маҳкам ушлаши керак. Ўзидан бошқа ҳаммага хизмат қиласиган ва севинчини ҳамма билан баҳам қўрадиган одамда Дхарма жилва қиласи ва ёритаверади. Бундай одамлар фақат Худонинг мурувватлигини эмас, балки у билан қўшилиб кетишдек ноёб имкониятга ҳам эга бўладилар. Сиз кимгadir нимадир берганингизда ёки кимдандир нимадир олганингизда ҳар доим Дхарма чегарасидан чиқиб кетмаганингизни кузатасиз. Унинг ҳукмларига қарши борманг. Ҳамма замонларда унга риоя қилинг ва бу сизнинг муқаррар бурчингиз эканига ишонинг. Қувватингизнинг ҳар бир заррасини Дхарма моҳияти билан тўлдиринг ва шу йўлдан ҳар куни тобора кўпроқ олға силжишга ҳаракат қилинг.

(8) Дхарма одами ўзининг ҳар бир хатти-ҳаракатида қатъият ва иштиёқини намоён этади. Унинг Дхармага риоя қилиши шу фазилатлар билан боғлиқ бўлиши керак. Тангри ҳамма нарсанни ва ҳамма жойда қўриб турганидан қўркув, гуноҳ иш қилиб қўймаслик учун ҳар доим ҳушёр туришлик, ҳақиқатга табиий интилиш, тўғри хулқ-атворга мойиллик... Манас мана шу барча фазилатларни ўзида жам қилган. Сизнинг вазифангиз — бутун башарият фаровонлиги йўлида уни бошқариш ва ундан фойдаланишдир. Дхармага ишониш баҳтни таъминлайди ва уни қучиб туради. Киши бошқаларга нисбатан бошдан ўтказадиган совуқликни йўқотади. Бошқалар азоб чекиб ва тутақиб турганда бу сизнинг фаҳрдан шишиб кетмаслик имконини беради. Бироннинг баҳтсизлиги сизни баҳтли қила оладими? Ҳамма баҳтли бўлгандагина сиз ҳам баҳтли бўла оласиз, шуни эсингизда тутинг! Ҳар доим фақат ҳақиқатни севинг ва унга риоя қилинг, ёлғон ҳеч қачон фойда келтирмайди.

(9) Одамлар ниманидир ардоқлайдилар, нимадандир нафрат қиласиган, аммо ёлғонни, алдовни ва ноҳақликни ардоқлаган биронта ҳам одамни топмайсиз. Ҳамма ҳақиқатга, тўғрисуёзликка ва адолатга хурмат билан муносабатда бўлади. Ведаларда амр этилганидек, Дхарма синовдан ўтган ва яна синовдан ўтаверади. У бегараз ва ҳақ. Унга бўлган ишонч амалиёт билан бирга ортиб боради. Худоларга топиниш Ведаларда амр қилинган қоидалар бўйича бўлмоғи керак. Шунинг ёрдамида одамлар Дхарма амалиётида собит қоладилар.

Дхарма — бу Тангри ҳукми, бу Худонинг ҳақиқий овози ва шу боисдан унга ҳар ким риоя қила олади. Шу боис Девата (Илоҳ) ким бўлди экан? Бу бор-йўғи Сатъяга кундалик ҳаётдаги ўзининг Вратига (яъни Риёзатига) риоя қилганидек, Сатъяга риоя қилган одам учун берилган ном, холос.

(10) Қаранг, Тангри инсонга қанчалик истеъодод бериб қўйибди. Шу инъомлар билан пурушартҳни қидиринг ва Сатъя талабларига қатъий амал қилган ҳолда Тангри ҳузурига олиб борадиган йўлдан ҳаракат қилинг. Айнан ана шулар учун истеъододлардан фойдаланинг, инъомларнинг вазифаси шунда. Кўриш инъом этилган одамгина кўра олади, кўрлар бундай имкониятга эга эмас. Ким Сатъяга риоя қилса, ким Пурушартҳни амалда қўллаб, Дхарма йўлидан борса, шуларгина Тангрини кўра оладилар, қолганлар кўрлардир. Тангри инсонга яна ақлни ва фарқлаш қобилиятини ривожлантириши учун қурол берган. Агар инсон ундан яхши фойдаланса ва ўзини англашга ҳаракат қилса, Тангри унга янги истеъододлар қўшиб беради, янги қувват чашмалари

билин сийлайди, зеро бор кучи билан ҳаракат қилганлардан Худо сира баракотини дариг тутмайди. Инсон Ҷармага риоя қилишга ҳаракат қылса, ҳақиқат ҳам улар олдида ўзини намоён қиласи.

(11) Агар сиз Сатья қоидаларини назар-писад қилмасангиз, Ҷарма зиммангизга юклаган ҳар қандай мажбурият, Ҷармадан келиб чуқувчи ҳар қандай Карма сизга ортиқча юк бўлиши мумкин. Шу ҳодисалар доирасидан ташқарида ётувчи воқеликни қадрланг ва бу қидиравчи бутун Ҷармакармани осон ва ёқимли қилгусидир. Тангри одамни шундай яратганки, у Худога талпинади ва ўз тафаккурини кенгайтирганидан фахрланади. Ҳушахлоқ ва саховатпеша бўлганда инсон баҳтиёр. Шу боис ўзининг теран табиатига риоя қилган, Браҳманга фикрини жамлаган ва Ҷармани қўллаган ҳолда инсон ўзининг энг яхши манфаатларига хизмат қилиши керак, фаросатлиликнинг барча қоидалари бўйича ҳақиқатни қидириши ва синовдан ўтказиши керак.

(12) Интизом қуйидагилардан иборат: Ожасча – Ҷармага қатъий риоя қилишда қаҳрамонлик; Тежасча – жасорат илиа ўзини ўзи назорат қилиш; Саҳасча – ҳаётдаги омадсизлик ва муваффақиятлар чоғида севиш ёки ғам туйгуларидан воз кечиш, Сатья ва Ҷармага мустаҳкам ишончда бўлиш; Баламча – интизом ва Браҳмачаря ёрдамида қўлга киритиладиган бегубор руҳий ва жисмоний саломатлик; Ваакча – Сатья ва Према ёрдамида қўлга киритиладиган такаллуфли ва тўғри гапириш истаги ва ўқувчи; Индриямоҳа – беш Жнанендрия ва беш Кармендриянинг иллат ва гуноҳлардан нафрат ва барча Индрияларини Сатья хизматига сафарбар қилиш; Шриисча – ўзининг ички олами устидан ҳукмронлик қилиш ёрдамида барча оламлар устидан ҳукмронлик ўрнатиш; Ҷармасча – ўзидаги хурофотларни барбод этиш ва ҳақиқатни тинимсиз қидириш, Инсон “Илоё, шулар барчасини менга ато этгил”, – деб дуо қилиши керак. Буни “Чамака” (ожасчамада ва ҳ. к.) ҳам дейилади.

(13) Ҷарма ҳаммага яхшилик келтиради, у ҳозирда ҳам, келажакда ҳам фарогат бағищлайди. Бутун одамзот бугунги кунда ушбу самовий Ҷарма шонини кўрмоғи фоят муҳим. Браҳман тоифасидаги одамлар қуйидаги фазилатлари билан ажралиб турадилар: Видя (билим), саховат, энг кўтаринки ва меҳр-муруватли Карма (фаолияти) ва ўрнак кўрсатиш йўли билан саховатни ёйиш. Ўзида шу хислатларни ривожлантирган ва парвариш қилган одам, у ким бўлишидан қатъи назар, браҳман ҳисобланади. Бу браҳмандга бор бўлган рутба учун зарурий сифатлардир. Ўзини шу билимга муносаб тарзда тутадиган билимдон одамгина шу мақомга лойиқ ҳисобланади. Ўз мавқеини оқламоқчи бўлганлар зарурий сифатларга эга бўлиш учун жонларини жабборга бериб ҳаракат қилишлари даркор.

(14) Энди кшатрийларнинг¹ белгиларига ўтайлик. Улар барча ташаббусларда намоён бўладилар, қаҳрамонлик ва жасоратда ҳам, ёвузни жазолаш ва тақводорликни ҳимоя қилиш истагидаги таваккалчиликда ҳам. Шу сифатларга эга бўлганлар кшатрий мақомида саналадилар. Шу муносабат билан улар ўзларининг барча вазифаларини адо этишлари ва уйларида барча учун мақбул ва зарур бўлган қоидаларни жорий қилишлари керак.

(15) Энди вайшяларга келайлик. Улар тижорат маромини равон ва тез тус олишга ҳаракат қилишлари, миллатларни битта жамоага боғлиқ

¹ Хиндулардаги тўрт тоифадан иккинчиси (1. Б р а ҳ м а н – олимлар. 2. К ш а т р и й – ҳукумдорлар. 3. В а й ш я – хунармандлар. 4. Ш у д р а – меҳнаткашлар).

учун алоқа йўлларини ривожлантиришлари, жаҳон бойликларини кўпайтиришлари керак. Бу уларнинг вазифалари. Ҳалқлар ўртасидаги уйғунлик ва ҳамжиҳатлик сусаймаслиги ва бузилмаслиги учун барча зарур ишларни адо этмоқлари керак. Улар Яшасча (буюк ишлар ва олийжаноб ютуқлар шони) ва Варчасча (мактаблар, касалхоналар) ва ҳ. к. барпо этиш йўли билан таълим ва соғлиқни сақлашни ривожлантириш бўйича ёрдам кўрсатишда бағрикенглик)га интилмоқлари лозим. Улар ўз бойликларини барча фойдали ташабbusларни ривожлантиришга йўллашлари шарт. Шунинг ёрдамида саҳоват ва тақво янада мустаҳкамланади.

(16) Энди шудралар ва уларнинг тафсифномалари хусусида. Улар Ҷарма йўлидан тоймаган ҳолда қиммат касб этувчи нарсалар ишлаб чиқаришлари ва жамлашлари керак. Инсон ҳёти мақсадларини тушунишга ҳар доим астойдил интилганча улар ишлаб чиқарган нарсаларни оқилона асраб-авайлашлари ва сақлаб қўйишилари, оммавий фаровонлик учун янада қўйироқ ишлаб чиқаришга интилмоқлари керак. Шу йўл билан тўпланган буюмлар ҳақиқий Видя (билим)ни тарқатиш учун ва саҳоватни рағбатлантириш барқарор сақлаб туриш учун саҳийларча фойдаланилмоғи лозим.

(17) Шундай йўл билан, инсон фаолиятининг ушбу тўрт тури бир ёқадан бош чиқариб қилган саъй-ҳаракати ёрдамида фаровонлик ортади ва инсон бахтли бўлади. Тўрт варна (тоифа) шуни ҳис этмоғи керакки, ижтимоий тартиб Локаджарма (оммавий Ҷарма)ни барқарор сақлашдек умумий мақсад билан ўрнатилган. Агар ҳар бир варна ўз мажбуриятларига риоя қилса, бу ҳеч шубҳасиз, бутун дунё фаровонлигини таъминлайди. Иккинчи томондан, агар ҳамма фақат битта варна бор, фақат битта мажбурият бор, барча учун битта қоида бор, деб ўйласа, дунёдаги фаровонлик ва хавфсизлик хатар остида қолади.

(18) Агар ҳамма ўзини тижоратга ташласа, ишлаб чиқарилган молларни ким сотиб олиб, ким истеъмол қиласди? Агар ҳамма ўқита бошласа, унда ўқийдиганлар қаёқдан келадиу билимларни амалда ким қўллайди? Агар ҳамма буйруқ берадиган бўлса, унда бўйсина-диганлар ким бўлади? Агар ҳамма маҳсулот ишлаб чиқаришга ва етиширишга киришиб кетса, улар меҳнати самараси кимга керак бўлади? Ҳар бир индивидуал ва ижтимоий ҳаракатда Сатъя ва Ҷарма амалиёти орқали бирликка айнан хилма-хиллик яратиш имкон беради ва бу ҳаётнинг Тангри белгилаган усулидир.

(19) Варнадан кейин вритти (фаолият, хулқ-атвор) келади дейилади, яъни машғулот тури варнага асосланган. Бугунги кунда на варна қолган, на вритти. Бугун битта Варна истеъмолда бўлса, эртага яна биттаси – айнан мана шу барқарорлик дунёнинг норозилик кенг ёйилган бузук муҳитига асос бўлиб турибди.

(20) Ҳар бир касб ва ҳар бир машғулотни ботиний ахлоқлилик, ҳақиқатга доимий риоя қилиш, мустаҳкам хотиржамлик ва руҳий куч билан тўлдиринг-да, буюрилган касб-кор билан Варна мажбуриятларини адо этишинг – бу энг олий раҳмат, энг олий дуо. Борди-ю, бундай қилиш қўлингиздан келмаса, инсон қисмати шум бўлиб, қашшоқликдан боши чиқмайди.

Ҳиндий тилидан
Амир ФАЙЗУЛЛА таржимаси

Франц Кафка асарларида «суд жараёни» мавзуси

ХХ аср фарб адабиётида “суд жараёни” (суд-хуқуқ маъносига) мавзуси кенг ёритилган. Ҳозирги давр китобхонлари ўртасида жуда машҳур ҳисобланган саргузашт (детектив) жанри ранг-баранг бўлиб, адабий танқидчилар томонидан назарий таҳлил этилган ҳамда унинг қоидаларини бадиий адабиёт соҳасига, хусусан драма, психологик роман, очерк, публицистикага сингдирилган. Хуқуқшуносликнинг жиноят ва жазо, тергов ва ҳуқуқий далиллар, суд жараёни ва ҳукм каби тушунчалари турли бадиий матнларнинг таркибиға киритилган.

“Суд жараёни”га бағишлиланган бадиий асарларга ҳуқуқий нуқтаи назардан қаралганда, биринчи навбатда, асар воқеаларининг ривожи юриспруденция қоидаларига қай даражада асосланганлигини кўздан кечириш лозим. Бошқача қилиб айтганда, сюжет йўналиши у ёки бу тарзда суд жараёни босқичларига алоқадорлиги, унинг энг муҳим нуқталари билан узвий чатишиб кетганлигини таҳлил қилишга алоҳида эътибор берилади. Бадиий тўқиманинг ҳуқуқшуносликка доир материаллар билан чамбарчаслиги турли асарлар, жумладан, саргузашт жанри учун ҳам хосдир.

Куйида кўриб чиқиладиган Франц Кафка ва Альбер Камю асарлари¹ юқорида қайд қилинган ҳуқуқий воқелик билан бевосита боғланмагандек туюлади. Уларда “суд жараёни” яққол бўртиб кўзга ташланмайди. Мазкур асарлар мавзусининг кўп маънолилиги воқеалар ривожини таъминлаш учун қўшимча заҳираларни ишга солиш имкониятларини яратади. Масалан, тасодифий омиллар, асар қаҳрамонларининг табиий хатти-ҳаракатлари, пухта замини йўқ исён худди шунга қаратилган. Ф. Кафканинг “**тушмантиғи**”, А. Камюнинг “**узук-юлуқ нутқи**” баён этилишига кўра, худди ана шу вазифани бажаради.

Ф. Кафканинг “**Маҳкамама иши**”² ва А. Камюнинг “**Бегона**” асарларидаги сюжет йўналишларини белгилаб берадиган мавзунинг ўзига хос белгиларини аниқлашга ҳаракат қилиб кўрайлик. Асосий сюжет мавзусининг ривожланиши ҳам, юқорида қайд этилган асарлар учун прототип вазифасини ўтаган бошқа хусусиятлар ҳам таҳлил қилиниши мумкин. Даставвал баён этилаётган бу мавзу “суд жараёни” (норматив-ҳуқуқий кўрсатмалар маъносига), қоида ва ҳодисалар жамланмаси,

¹ Франц Кафка. Жараён. Роман / Рус тилидан Вафо Файзулло таржимаси. – Т., 2006.; Камю А. Посторонний / Избранное. – М., 1969.

² Франц Кафканинг асл немисча “Der Prozeß” романи (русча “Процесс”) – Вафо Файзулло томонидан ўзбек тилига “Жараён” деб таржима қилинган. Лекин бу асарда суд жараёни ҳикоя қилинаётгани учун уни “**Маҳкамама иши**” тарзида ўтириш мақсадга мувофиқ деган фикрдамиз. (М у а л ли ф – А. С.)

уларнинг талқин этилиши, далилларни тўплаш техникаси ҳамда дастлабки терговни ташкил этиш ва суд суриштируви (Ф.Кафка томонидан ишлатиладиган “суд жараёни” атамасини қабул қилса бўлади) сифатида белгиланиши мумкин.

Умуман олганда ҳукуқий воқелик ҳар икки асарда ҳам воқеалар ривожи йўналишларини сюжет зиддиятлари орқали белгилаб беради ҳамда бу жараёнга турли босқич ва даражаларда таъсир кўрсатади.

Шундай қилиб, Ф.Кафканинг “Маҳкама иши” асарида жаноб К. “қамоқ” қолади. Бусиз воқеалар ривожини тассавур этиб бўлмайди. Аниқ бир жиноят матнда батафсил қайд этилмаганлиги аҳамиятга эга эмас. Ҳукуқий жараён жиноят ҳолати бўлмаса ҳам бошланиши мумкин, бунинг устига қаҳрамон ўзининг айбдорлигини эҳтимолдан холи тутмайди. “Қонун”нинг таъсири ҳукуқий машинани (сюжет ривожланишини ҳам) “юргизиб юбориши”нинг ўзи кифоя қилади. Умуман олганда, А.Камюнинг “Бегона” қиссаси қаҳрамони файри ихтиёрий қотилликни содир этади. Бу фақат бир вазифани бажаришга – сюжет механизмини ҳаракатга келтиришга қаратилган. “Суд жараёни”нинг бошланиши, яъни англаамаган “қонун”нинг реал ҳаётга кўчиши икки босқичдан иборат сюжет таркибини шакллантиради. Биринчи босқич “қонун” қаҳрамон тақдирини кескин ўзгартириши керак бўлган вақтда тугайди. Мазкур босқичда “қонун” томонидан босимга ўзгартириш киритиш ва қаҳрамонларнинг қаршилик кўрсатишлари рўй беради.

Субъектив жиҳатдан қаҳрамонлар ҳатто қонун тўғрисида **“ҳеч нарса билишни хоҳламаган”** ҳолатда ҳам “қонун тили”ни тушунишга астойдил саъй-ҳаракатлар қиласидилар. Ф.Кафкада бу босқич айниқса узоқ давом этади. “Қонун” вақт ҳисобида ўз ҳусусиятига кўра ривоятга яқин тарзда амал қиласиди: у бўлинмайди, зеро “суд жараёни”нинг бошида иштирок этаётган барча шахслар учун у нима билан тугаши равshan, яъни унинг бошланиши ниҳояга этиши билан бир хил. Бу ерда “сабаб-оқибат” ҳукуқий алоқадорлик занжири амал қиласиди – реал жорий вақт доирасида нима рўй бермасин, барибир **“айб одил судловни ўзига тортади”**. Ниҳоят, “суд жараёни”да иштирок этиши жуда шартлидир: қаҳрамонлар “қонун”ни англашга уринишларида мунтазам равишда “суд жараёни”нинг манбаларига мурожаат этадилар ва уларни бу жараённинг келгусида қандай давом этиши унчалик қизиктирмайди.

Шу билан бирга реал вақт давомийлиги хаёлийдир. “Суд жараёни” капгирининг тебраниши хронометрик ҳисоб-китоб қилиш вазифасини йўққа чиқаради: Ф.Кафканинг “Маҳкама иши”да жаноб К.нинг “суд жараёни”да иштирок этиш жуда шартлидир. А.Камюнинг “Ўзга” асари иккинчи қисмида Мерсо устидан “суд жараёни” мунтазам равишда қайтарилиб турилади ва бу билан асар биринчи қисми хронологиясига хос реаллик йўққа чиқарилади. Юқорида эслатилганидек, Ф.Кафка “туш мантиғи” ва А.Камюнинг “узук-юлуқ нутқи” худди шу вазифани бажаради.

Иккинчи босқич – бу “қонун”ни идрок этиш, уни баҳолаш, сирини очиш, қаҳрамонлар хулқ-атворини шархлаш (жаноб Мерсонинг иқрори жаноб К.нинг черковдаги сухбати). Уларнинг бир-бирига рамзий ўхшашлиги шундан иборатки, ҳар икки ҳолда сюжет руҳоний иштирокидаги саҳнада ривожланади. Бунда А.Камюда воқеалар ривожининг қисмлари ташки жиҳатдан дастлабки тергов ва суд жараёнинининг процессуал босқичларига мос тушса, Ф.Кафкада реал суд жараёни атайин бузуб кўрсатилади. Бу жараённи баён этишда унга мутлақо хос бўлмаган унсурлар иштирок этадилар.

Ҳар икки ҳолда ҳам “суд жараёни”нинг якуни сюжет доираси билан белгилаб қўйилган. Қаҳрамонларнинг ҳалок бўлиши “қонун – субъект” зиддиятига боғлиқ. Бунда субъект аввалдан қонун билан мунтазам рўй берадиган можарога дуч келади. Бинобарин, у қонунни тушунмайди ва тушунишни ҳам хоҳламайди. “Қонун”нинг мутлақ кучи қаҳрамонлар томонидан кўтариладиган исён билан биргалиқда намоён бўлади. А.Камю Ф.Кафканинг “Маҳкама иши”даги вазиятни бевосита Сизиф тўғрисидаги ривоят орқали талқин этади.

Ҳаракатлар ривожи “қонун” ва “эркинлик” зиддияти атрофида давом этади. Ф.Кафка ва А.Камю томонидан “эркинлик” исён тоифасига тенглаштирилади. Бундай тенглаштириш эркинлик фойдасига эмас: “Қонун билан ҳатто дарвоза олдида қоровуллиқда туриш билан боғлиқ бўлиш дунёда эркин яшашга қараганда таққослаб бўлмайдиган даражада муҳимроқдир”. Чунки исён (Ф.Кафкада суд хизматчиси “ҳамма исён кўтарган, ҳеч нарсани тушунмайсан”, дейди) — қаҳрамонларнинг одатий жавоблари, ўйин қоидаларидан биридир. Исён қаҳрамонни “суд жараёни” доирасидан ташқарига чиқармайди. Унинг ўзи “қонун” томонидан дастурлаб қўйилган. Шунинг учун инспекторлар, терговчи, адвокат ва жаноб К. билан боғлиқ бошқа персонажлар исёнга тоқатсизлик билан қарайдилар.

Табиий омиллар мавзуни ривожлантиришда муайян роль ўйнайдилар. Шу маънода “Маҳкама иши”да фаол иштирок этадиган аёл қаҳрамонларга алоҳида аҳамият берилган. Ф.Кафкада бу ҳол тайёргарлик кўрилаётган жараённи маълум қилган Т., қаҳрамонга айрим нарсаларни айтиб берган суддаги аёл, айниқса, адвокатнинг хизматкори бўлган Ленига боғлиқ ҳолда кечади. Уларнинг ҳаммаси қаҳрамон билан алоқада бўладилар, унинг “қонун” билан муносабатларида томонларни қаноатлантирадиган қарор чиқаришга уринадилар. Муайян даражада аёл қаҳрамонлар адвокатлар ва судьяларни хабардор қилиб турадиган, процессуал ҳаракатларни амалга оширишда иштирок этадиган “жамоатчилик” функциясини бажарадилар. А.Камюда эса аёл қаҳрамонларнинг вазифалари бироз бошқачароқ, улар зерикарли – тартибли “қонун”га қарши қўйиладилар.

Шундай қилиб, воқеалар ривожи жараёни эстетик (бадиий) ва ҳуқуқий қисмларга тақсимланиши мумкин. Уларнинг биринчиси бадиий маҳоратнинг ўзига хос унсурлари (ифода воситалари)ни мужассамлаштиурса, иккинчиси сюжетни куриш учун восита бўлиб хизмат қилади. Бу унсурларнинг нисбатига воқеаларни баён этиш давомида мавзунинг ўзи томонидан аниқлик киритиб борилади.

“Қонун” “суд жараёни” иштирокчиларига “бўлаклар” бўйича маълум қилинган. Иштирокчилар, ниҳоятда ихтисослашган, бу ҳол субъектларнинг улкан доираси қамраб олинганилиги билан изоҳланади (“Қанча одам суд доиралари билан боғлиқ–а!” – хитоб қилади жаноб К. “Чунки дунёда ҳамма нарса судга алоқадор”, — жавоб беради рассом Титорелли). Қаҳрамонлар “суд жараёни” доирасидан чиқа олмайдилар, унинг ташқарисида яшай олмайдилар. “Маҳкама” улар ҳаётининг бир қисмига айланиб, қонларини сўриб ётади. Улар атрофидаги ҳамма кишилар “суд жараёни”га жалб қилинган: тоға К. ҳам, рассом Титорелли ҳам, руҳоний ҳам, суд залидаги тогорали аёл ҳам.

Шуниси эътиборлики, асарга киритилган барча қаҳрамонлар ўз исмларига эга эмаслар: биринчидан, улар – судьялар, амалдорлар, адвокатлар, жаллодлар ва бошқалар; иккинчидан, судланаётган (айбланаётган) шахс муҳим роль ўйнайди. Бу қаҳрамонларни сюжетдан

чиқаришга саргузашт жанр қоидаларига кўра йўл қўйиб бўлмайди. Шу билан бир қаторда бу иштирокчилар бир-бирларига ўхшаганликлари учун уларнинг ўринлари алмаштириш мумкинлигига ишора этилади. Суд идорасида жаноб К. уни суд амалдори сифатида қабул қилишганларини айтади. К. ни ҳибсга олган инспекторлар уни калтаклаётган пайтда К.га химоя сўраб мурожаат қиласидилар. Бироқ бу ҳоллар бош мавзуни ҳукукий ҳал этиш имкониятлари сонини кўпайтирумайди.

Муайян даражада қаҳрамонларнинг ниқобларини ўзгартиришлари (Титорелли камбағал, ярим телба рассомдан бирданига “қонун”нинг нуғузли хизматчисига айланади; судьялар расмларда улуғвор ва салобатли тасвирланган, ҳаётда эса кўримсизлардир) ва бутун эътиборни “қонун” хизматчилари ташки белгиларига қаратиш (маҳсус тугмачалар, либослар, жаллодлар бошидаги шляпалар) сюжетга масҳарабозлик белгиларини киритади. Бундан икки мақсад кўзланади: биринчидан, “Маҳкамам иши”нинг зерикарли – бюрократик хусусиятига урғу бериш; иккинчидан, сюжет йўналишини кутилмаган тарзда ўзгартириш учун замин тайёrlаш.

Сирли “суд жараёни”нинг белгилари бир йўла икки: реал ва фантастик манзарада мавжуд. Жаноб К. ҳам, Мерсо ҳам доим у ёки бу ҳодиса ҳақиқатан ҳам рўй бермоқдами ёки ўзлари уни тасаввурида гавдалантириш мақсадида эканликларини тушунишга уринадилар. Бироқ бу ерда бошқа нарса муҳимроқ: улар “жараён”ни мавжуд ва муҳим нарса сифатида қабул қилиб, бу “жараён”да иштирок этиш, унга ҳақиқий воқелик сифатида муносабатда бўлишга мажбурлар. Айрим тадқиқотчилар “суд жараёни” воқелиги фақат қаҳрамонлар ҳаёли даражасида рўй беради деб ҳисоблайдилар¹.

Айланувчилар (ва уларнинг ҳимоячилари) “суд жараёни”га жалб этилгандан сўнг “қонун” нормаларининг сирини, ўйин қоидаларини аниқлашга ҳаракат қиласидилар. Ҳимоячининг мурожаатни битиши ана шундай ҳаракат ҳисобланади. Ўйиннинг асосий стратегияси унга номаълум эканлиги учун биринчи ҳужжатлар фақат вазиятни аниқлашга қаратилган. Бундай ҳаракатларнинг соғлом фикрга зидлиги “суд жараёни”нинг моҳиятидан келиб чиқади. Қонунда белгилаб қўйилган нарсалар иштирокчилар томонидан ўз тажрибаларидан келиб чиқсан ҳолда англаётгандарига зиддир.

Қонуннинг ўзи эса инсонийликка зид равишда қолиши керак, бу уни талқин этувчиларни мушкул аҳволга солиб қўяди. “Қонун”ни қўриқловчилар (қонун тўғрисидаги ривоятдаги руҳоний, “суд жараёни” рамзларини тасвирлаётган рассом Титорелли) фақат “**қонун дарвозалари олдидағи йўлак**”ни, “суд жараёни”нинг айрим жиҳатларини билишади, холос. Бироқ улар “қонун ичкарисида нима содир бўлаётганини” ҳам, унинг маъноси нимадан иборат эканлигини ҳам билишмайди ва ҳамиша “адашиб юришади”. Қонуннинг ҳақиқий моҳиятини англаш мумкин эмас.

“Маҳкамам жараёни”ни охирига етказиш учун муқобил имконият бор: тўла оқлаш, гўёки оқлаш ва ишни чўзиш. Тўла оқлаш “суд жараёни” учун реал эмас (у бошланган экан, охирига ҳам этиши керак). “Гўёки оқлаш” қисқа муддатли, лекин жуда катта саъи-ҳаракатларни талаб этади. Ишни чўзиш кўп уринишни талаб этмайди, аммо узоқ давом этади.

“Маҳкамам иши” умумий модели яратилаётганида ривоят ижодкорлиги белгилари, айниқса, кўзга ташланади. “Суд жараёни” ибтидоси ва интихоси

¹ Қаранг: Мелетенский Е.М. Поэтика мифа. -М.; 1976. С.349; Gray R. Kafka's Castle/ Cambridge, 1956.

чексизлиқда англанмай қоладиган мангу калит тарзида тасвирланади. Агар бир қаҳрамон учун “суд жараёни” аник вақт ибтидосига эга бўлиши керак бўлса, у ана шу жараёнга ўзи аралашади ва ўзи вақтни Ердаги соатлар бўйича ҳисоблаб боради. “Суд жараёни” эса вақт устидан ҳукмрон. Бу жараён жуда аник, лекин идрок этиб бўлмайдиган ҳолатда ва ўз қатнашчиларининг ҳаракатлари (ҳаракатсизликлари)дан мужжас-самланади.

“Суд жараёни”ни муайян ҳуқуқий доирага жойлаштириб бўлмайди, у “одатдаги фуқаролик ишларини олиб боришга” қарши қўйилган. Агар фуқаролик ишларида адвокат “ўз мижозини суд ҳукмига арқонда судраб олиб борса”, жиноят ишларида ҳимоячи дарҳол “мижозини елкасида туширмай олиб юради”. “Суд жараёни”нинг барча иштирокчилари бу жараённинг субъектларига айланиб, узвий яхлит бирликни ташкил этадилар. Аммо суд амалдорлари хабардор бўлган ахборот ҳам “қонун” моҳиятини аниқлаш учун етарли эмас. Ҳар бир амалдор “қонун томонидан ўзига ажратилган” ишнинг бир қисми билан шуғулланади ва жараён кейин қандай кечиши тўғрисида хеч нарса билмайди.

“Суд амалдорлари” ҳам “қонун”нинг моҳиятидан бехабарлар. “Қонун” кўриқчиси унинг моҳияти нимадалиги, бу нимани англатишини билмайди ва ҳамиша адашади.

Сюжет тўқимасида хусусийлик, зиддиятларни норасмий ҳал этиш кўзга ташланади. Вазифалари расмий муассасалар доирасидан четга (лекин кенг маънода “суд жараёни” чегарасидан ташқарига эмас) чиқарилган қаҳрамонлар сюжетни ўзининг ҳуқуқий моддийлигидан (анъанавий-касбий англашда) узилишига рағбат берадиган ўзгартиришларни элтувчиilar ҳисобланади. Бевосита “суд жараёни” касб таркибидан жой олмаган субъектлар сюжет ривожини белгиловчи энг таъсиран хатти-ҳаракатлар қиласидилар: қаҳрамонга қонун мазмунини яширин адвокат, рассом, руҳоний, ишбилармон ва бошқалар очиб берадилар. Расмий амалдорлар ўзларини ошкор этишда фаолиятсиздирлар: терговчи сўроқ пайтида асосан сукут сақлайди, судьялар билан мулоқот қилишнинг имкони йўқ ва улар ким эканлиги ҳам номаълум.

Хусусийлик унсурлари жамоавийликнинг айрим чизгилари, яъни мурожаатни бир неча судьялар томонидан тузиш, терговчи ҳузурида сўроқ ўтказиш учун кўп кишилик йиғилиш ўтказиш, бир неча инспектор томонидан ҳибсга олиш билан тўлдирилади. Бу ўз навбатида “суд жараёни” ёпиқ хусусиятини бўрттириб кўрсатишга хизмат қиласиди. Маҳкама иштирокчилари сонининг кўпайтирилиши, афтидан, “қонун” қамровининг кенглиги ва чексиз қудратига ишора қиласиди. Титорелли устахонасида келадиган амалдорлар “суд жараёни” босқичларини муҳокама этадилар, ҳатто унинг бориши хусусида ўз нуқтаи назарларини ўзгартиришлари мумкин, аммо адвокат бундан айбланувчини ҳимоя қилишда фойдалана олмайди.

Кичик суд амалдорлари атайн очор тасвирланган, яъни кўримсиз кийим, суд мажлиси ўтказиладиган бинонинг кўримсизлиги, бино йўлагидаги тофора, адвокатнинг деразасиз ертўлани эслатувчи идораси, “суд” рассоми Титореллининг устахонаси билан мазкур шахсларнинг мавқеига ишора этилади. “Суд жараёни”, “қонун” улар устидан ҳукмрон. Шуни таъкидлаш лозимки, асарлар баёнида қаҳрамонларнинг либослари катта роль ўйнайди. Масалан, жаллодларнинг артистларнидек либослари, инспекторлар томонидан айбланувчининг кийимини ўfirлашга

уриниш, идора мудирининг нафис либоси.

“Маҳкама жараёни” иштирокчилари бошқа белгиларнинг ҳам тагига етишга интиладилар – “айбланувчининг юзи, айниқса лабларининг кўринишидан жараён нима билан тугаши сезилиб турарди”. Судланаётганлардан бири жаноб К.нинг лабларига қараб биргина унга эмас, ўзига ҳам чиқарилаётган ҳукмни уқади. Адвокатнинг оқсочи ҳўжайинининг мижозлари билан ишқий алоқалар ўрнатиб, бу кимсаларга айблов муҳри босилишини тезлаштиради. Суд ишларидан яхши хабардор кимсалар “Хар қандай оломон орасида ҳар бир айбланувчини бетига қараб таниб олишади... Бунинг моҳияти уларга қарши қўзғатилган ишда. Бу уларга шундай таъсир кўрсатади”.

Ф.Кафка учун қаҳрамонлар чеҳрасининг тузилиши, лиbosлари, ҳаракатланишлари ниҳоятда муҳим аҳамиятга эга. Рассом Титорелли судьялар билан мулоқот қиласар экан, улар тилини ўзлаштириб олади, аммо ижодида ўзига хос бўлган рассомлик услубини сақлаб қолади. Тўғри, бу услуб “Фикрнинг найрангомуз кўламини йўқотиб боради”. Жаноб К. терговчи хонасида сўроқ пайтида фойдаланаётган “хукуққа доир” китобининг ахлоқсиз суратлар билан безатилганига кўзи тушади.

Қонуннинг ақидавий ва сохта ҳиссиз талқин этилиши Титореллининг суд портрети маҳорати соҳасидаги диний тасвиришнослик изланишлари билан тўлдирилади. Айрим ҳукуқшунослик қоида ва нормаларини ўзига хос талқин этиш, “қонун”ни асар қаҳрамонлари томонидан диний нуқтаи назар билан англаш айрим тадқиқотчиларни Мусо қонунлари билан Талмуд матнларидаги ўхшашликларни излашига сабаб бўлган.

Титорелли оиласада касб-мансад мерос қилиб қолдириладиган рассомлар сулоласига мансуб. У шарт бўлган қоидалар – “**турли амалдорларни тасвирилаш учун жуда кўп хилма-хил, мураккаб ва, энг аввало, айрим оилалардан бошқа ҳеч кимга маълум бўлмаган сирли қоидалар**”га риоя этади. Бу эса унга “суд жараёни”нинг фаол иштирокчиси бўлиш имкониятини беради.

Рассомнинг устахонаси “**моҳиятига кўра, суд идораларига мансубдир**”. Судларни расмларда тасвирилаш усуслари эстетик қоидалар билан эмас, балки “қонун” талаблари, унинг рамзлари, “суд жараёни” тартиби билан белгиланган.

“Суд жараён”лари учун шарт бўлган рамзлар у ёки бу даражадаги онглилик билан бу жараёнга таъсир кўрсатишга уринаётган қаҳрамонларнинг кўпгина ҳаракатларида намоён бўлади. Улар мажбурий кўрсатмаларни нооқилона тасаввур этадилар, ўзларининг хатти-ҳаракатлари оқибатлари нимага олиб келишини билмайдилар, бу фаолиятлари самарасини баҳолашнинг иложи йўқ. “Суд жараёни”нинг маросим тарзида тасвириланиши “қонун”нинг қудратини кўрсатади, бу одатлар жуда батафсил ва синчиклаб баён этилиши уни англаб бўлмайдиган ҳолга келтиради. Қилинаётган хатти-ҳаракатларнинг кўпига очиқдан-очиқ ақл бовар қилиб бўлмаслиги ва нотабиийлиги эътиборни тортади.

Суд ишларининг маросим тарзида олиб борилиши, жумладан суд мурожаатларини тузишда кўринади. Бунинг учун муайян қоидалар белгиланган – мурожаатнинг муқаддимасидан умумий гаплар, амалдорлар шаънига тилёғмалик, ўз-ўзларини макташ жой олган ва ниҳоят, шу каби суд ишлари таҳлилига ўтилган. Мурожаат судьялар томонидан имзоланган, улар қаторига ишни олиб борадиган ҳакам ҳам киритилиши мумкин. Мурожаат суд томонидан ҳисобга олинмаса ҳам, кўриб чиқилмаса ҳам

бўлади, аммо албаттa ёзилиши шарт.

Маросимсифат процессуал иш олиб бориш жараёнига судга айбдорларнинг мунтазам қатнаб туриши, ўриндиқ остига қўйилган шляпалар ҳам таалуқлидир.

Ёрқин рамзий маъноси билан ажralиб турадиган маросим хусусияти кўриқчиларни банкда жазолаш, турма руҳонийси ва жаноб К. нинг черковда ўзларини тутишлари, К. ни қатлга олиб бораётган жаллодларнинг муносабатлари жаллодлар ва қаҳрамон ўртасида гўёки пинҳона тил бириктириш бўлиб, бу келишув томонларнинг бир-бирларидан кутаётган хатти-ҳаракатлари асосида амалга ошади. Қурбонлик келтириш саҳнаси рамзийлиги билан ёрқин маросим манзарасига айланади.

Ф.Кафка асаридан кенг ўрин олган ўйин тарзидағи рамзий унсурлар муҳим вазифани бажарадилар. Улар умумий матн доирасида “реал” процессуал, ҳуқуқий тузилмалар билан тўқнаш келиб ва ўзаро муносабатда бўлиб, уларнинг тилига ўхшатиб гапиришга тиришар эканлар, ҳуқуқий реалликни, унинг макон ва вақт чегараларини атайнин бузишади. Бундай бадиий талқин этиш “реал” процессуал даврлар ва босқичларни ўзгартириб, кенг маънолик ва ноаниқлик ҳиссиятини уйғотади. Буларнинг ортида жуда жиддий ва барқарор нарсалар ётганлигини сезиш қийин эмас.

Асарда ўйин босимиға дош беролмаган мантиқсиз суд жараёни тасвири орқали бошқа манзара ва вақт гавдаланади. Уларда бошқача мантиқ амал этади, улар учун ўзгача бадиият хос: бу ерда тасаввур этиб бўлмайдиган нарса-лар фақат бўлиши мумкин имкониятларга айланади, сабаб – оқибат алоқалари (ҳуқуқшуносликнинг мантиқи уларга асосланган) бошқа нисбатлар ва муносабатларга жой бўшатиб берган ҳолда ғойиб бўлади. “Суд жараёни” ва “қонун” вақт ва макон доирасидан тушиб қолади, ўз таркибини баъзан бир нуқтага мужассамлаштириб, баъзан чексизлик даражасигача узайтиради. Биз бу жойда янги соҳага: XX аср учун хос бўлган кўпгина тафаккур йўналишлари – янги “сиёсий” ва “ҳуқуқий” ривоят ижодкорлиги сифатида талқин этиш мумкин бўлган соҳага қадам қўямиз.

Акмал САЙДОВ,
юридик фанлари доктори, профессор



Евгений РЕЙН

БУ ЎША ЛЕРНЕР

Бўйи ўртадан кичикроқ, сал тўлишган, қора сочлари ҳамиша ялтираб туради... Эгнида ҳар доим қимматбаҳо костюм, рангдор кўйлакли, одми бўйинбог таққан.

Мен у билан 1953 йилда, Ленинград технология институтига ўқишга кирганимда танишганман.

Бу институтда у салмоқли лавозимда – озод этилган касаба узошмаси кўмитаси котиби бўлиб ишларди. Ўқишининг иккинчи босқичида мен шеърият тўгарагига масъул бўлдим. Институт раҳбарияти бу тўгаракни назорат қилиб туришни унга топширганди.

У билан камдан-кам учрашишимга ва аҳён-аҳёнда гаплашишимга тўғри келарди. Унинг исм-шарифи Яков Михайлович Лернер эди. Пиджагида ҳамиша бир неча орден шойибандлари ялтираб туради. У урушдаги жасоратлари ҳақида гапиришни жон-дилидан хуш кўрарди. Бу ҳикоялари қамал пайтида Ладога қўли орқали Ҳаёт йўлини қандай очгани, немис жосусларини қандай тутгани, унинг маслаҳатига Жуков, Говоров, Рокоссовский каби маршаллар кулоқ тутганлари ҳақида бўларди.... Маршаллар ва генераллар буни тасдиқлашлари мумкин.

Замон қалқиб турган пайт эди. Партияниң XX съезди, Хрущевнинг шахсга сигиниш ҳақида маърузаси эълон қилинганди. Биз дўстлар билан институтда “Маданият” деган деворий газета чиқаришга қарор қилдик. Унда Эрмитаждаги Сезанн кўргазмаси ҳақида,

Акимов театри, Хемингуэйнинг русча нашрлари ҳамда “Чагалайлар соҳилда ўладилар” фильмни ҳақида анчайин жўн мақолалар ёритилган эди.

Бу 1956 йилнинг кузида бўлган эди. Шу аснода Будапештда исён кўтарилиб, совет танклари уни бостириди. Юқоридагилардан кимдир Будапештдаги тўполонлар Шандор Петефи номидаги талабалар клубидан бошлаганлигини айтиб қолади. Шунда “Технолог” номли кичик тиражли газетада Лернернинг “Маданият” деган мақоласи чиқади, унда ҳамма гап ушбу фикрга тақаштирилади: “Маданият” рўйирост советларга қарши фитна бўлиб, у билан ёнилғи солинган шишалар ораси бир қадам, холос. “Комсомольская правда”нинг Москвадаги муҳбири ҳам айни пайтда ҳозиру нозир бўлади. Шундай қилиб, мамлакатнинг етакчи комсомол газетаси саҳифасининг ярмида ғалати савол жаранглайди: “Технология институтидаги ўртоқларнинг муддаоси нима?” Уларнинг муддаоси, албатта, исён-да, коммунист-ленинчиларнинг таъзирини бериш, халқнинг бошига кулфат келтирадиган буржуача эркинликка эришишда. Бошқа нима ҳам бўларди.

Шундан кейин “Маданият” деворий газетаси таҳририяти жамоаси билан жиддий шугулланишни бошладилар. Бу борада ҳар биримиз ўз “улущи” мизни олдик. Ва мени “Илмда интизомсизлиги учун” деган ғалати қарор билан институтдан ҳайдадилар.

Мен Камчаткага геологлар гурӯхига ишга кетдим. У ёқдан қайтганимдан кейин Ларнернинг Технология институтида энди ишламаётганлигидан хабар топдим. Катта камомад чиққан экан. Институтдаги ҳаваскорлик тўғараклари, спорт командалари ишлаб топган маблагни бошқариш унинг ихтиёрида экан. Институт клубига парда учун ажратилган асл кимхоб ҳам йўқолган. Яна нималардир зим-ғойиб бўлган. Узоқ вақт Лернер ҳақида ҳеч нарса қулоққа чалинмади. Йиллар ўтиб борди.

1964 йил бошланди. Хрушчевнинг меҳнат қилмайдиган текинхўрларга қарши кураш ҳақидаги машхур фармони эълон қилинди. Мен бу пайтда Ленинграддаги “Олга” заводида инженер-механик бўлиб ишлардим. Кунлардан бир куни мени 1-бўлимга, яъни кадрлар бўлимига чақириб қолишди. Маълумки, бу бўлимини ҳамиша КГБ назорат қиласиди. Бўлим мудирига камарбаста бўлиб Лернер ўтиради. Лернер ва бўлим мудири навбатма-навбат менга қандайдир думи хуржунда саволлар бера бошлишди. Советларга қарши кайфият ҳақида, чет элликлар билан учрашувлар борасида, турли номақбул муносабатларга нисбатан фикримни сўрашиди.

Сўроқ қилиб бўлишиб, кейин кўйиб юборишиди. Нега, нима учун — буларнинг бари кейин маълум бўлди. Лернер ўзининг янги гоясини ҳаётга тадбиқ этган эди. Бу пайтда у “Гипрошахт” институтида ишларди, институт қошидаги халқ дружинасини бошқарарди.

Фоя жўн, жайдари бўлиб, текинхўрларга қарши курашдан сиёсий жараён ўстириб чиқариш эди. Афтидан, мен курбонликка ярамадим: инженер-механик, цехда ишлайди, ойлиги 110 сўм... Хуллас, мен у кўзлаган одам эмасдим. Ана ўшанда Лернер Бродскийни топди. Муҳими, уни дружинниклар тутиб келтиришиди. Бундан

кейинги тарих ҳаммага маълум. Мен айнан стенографист аёл Фрида Вигдорова қоғозга муҳрлаган мажлисда бўлганман.

Лернер қўлига кассетали оғир магнитафонни кўтариб олганча зал бўйлаб юарди. Магнитофоннинг ишлаб турганига гумоним бор. Бу хўжа-кўрсинга эди. Ишончим комилки, Бродскийни судда биринчи бор кўриб турган, унинг бирор нарсасини ўқимаган кўп ғалати айловчи гувоҳларни айнан у танлаган. Бродский беш йил сургунга ҳукм қилинди, икки йилдан кейин эса амницияга тушиди.

Яна орадан йиллар ўтиди. 1972 йил июнда Бродский АҚШга жўнаб кетди. Икки ойдан кейин компаниямиз антиқа шов-шувдан лол бўлиб қолди — Лернерни суд қилишармиш. Ҳаҳа, Ленинграддаги Толмачёв кўчасида росмана халқ судида суд қилишди. Кўплаб товламачилиги, ўғрилиги, юлғичлиги, қўйингчи, шунга ўхшаш турфа қилмишлари учун.

Мен, албатта, суд жараёнида иштирок этдим. Лернер судланувчилар ўриндигида ўтиради. Мен ёнидан ўтиб кетдим. Менга қўзи тушиб, Яков Михайлович бармоқларини панжара қилиб, кибр билан деди: “Рейн, мен сени ўтқизаман”. Бироқ бу гал унинг ўзини ўтқизишиди. Бу аснода ақл бовар қилмайдиган нарсалар аён бўлди. У армияда мутлақо хизмат қилмаган экан. Урушнинг маълум бир даврини Самарқанддаги госпиталда хўжалик ишлари мудири вазифасида ишлаб ўтказибди. Ўша пайтдаёқ у юзлаб якандоз комплектлари, ич кийимларни талон-тарож қилганлиги туфайли айланган экан. Кейин маълум бир муддат фирмада ишлаб, чорва молларини озиқлантириш ишларини бошқаради; лекин моллар очликдан ўлар ҳолатга келади, чунки уларни ҳеч ким озиқлантирмайди — ҳаммаси чапга кетади.

Лернер ҳеч қачон ҳеч қанақа орден олмаганди. Унинг ҳамма орден ва ни-

ЖАҲОН АДАБИЁТИ

шонлари сохта бўлиб чиқади. У қаердан дир ёзилмаган мукофотлаш варасини қўлга киритиб, ҳеч иккиланмасдан уни ўзининг исм-фамилияси га тўлдиради (у ҳатто ўзини флотдаги галаба учун бериладиган 1 даражали Ушаков ордени билан тақдирлайди. Ладога қўли орқали Ҳаёт йўлига ҳам унинг ҳеч қандай алоқаси ийўқ эди.

Лернер тийинлар даражасидаги юлғичликдан ҳам сира тап тортмасди (бир куни универмагда сохта тафтиш ўтказа туриб, у пора ўрнига ўйшиппагини ва теннисчилар киядиган ёзги кўйлакни талаб қиласди). Бироқ у, гўёки Ленинградда обком партияси номидан квартира тақсимлаган бўлиб, катта миқдордаги қаллобликларга ҳам қўл уради. Айни чоғда бундай қаллобликларга мижозларни ҳам топа қолар ва уларни алдаб, катта пулга чув туширади. У ўзининг далаҳовлисида ўт очиш қуроллари ва уларга керакли ўқ-дориларни сақларди. У никоҳ борасида ҳам учига чиққан фирибгар эди, ўнлаб хотинларга уйланганди, уларнинг ҳар биридан қандайдир миқдорда пул оларди ва бу пулларни уларни бошқаси кўтарган жанжални бостириш учун сарфларди, баъзан олган пулларини ноилож қайтаришига ҳам тўғри келарди. Шунда ҳам ҳеч қачон тўлалигича қайтармасди.

Унга яна бошқа айблар ҳам қўйилган эди, ҳаммасини эслаб ҳам бўлмайди. У, чамамда, олти йил муддатга ҳукм қилинди. У менга қўйилган жамики айблар тузум мухолифларига қарши мен олиб борган гоявий курашда давлатга келтирган фойдамнинг олдида урвоқча келмайди, дея бехуда гап сотди. Унинг бу борадаги фаолиятига суд гўё қулоғини беркитиб олди ва Яков Михайлович ўрнига ўтиришига мажбур бўлди. Дўстларимизнинг бири мутойиба қилиб айтганидек, Бродский — Мичиганча, Лернер — Магаданга равона бўлди.

Бироқ бир ярим йилдан кейин мен

Лернерни Москвада эркинликда, Пушкин майдонидаги “Неделя” ҳафтномаси таҳририятида кўрдим. Менга кўзи тушган заҳоти олдимга келиб ҳеч нарса бўлмагандек, самимий гап ташлади. Бунинг устига гапида ўз таклифини қистириб ҳам ўтдики, мен бундан унинг фаолияти заррачаям ўзгармаганлигини англадим.

— Сенга мабодо Америка автомобили керакмасми? — сўради мендан.

— СССРдан бир дипломат кетяпти ва у “Линcoln”ини сотмоқчи. Деярли янги. Тўгри, ҳозирча хужжати ийўқ, бироқ мен уни сенга ўзим тезда тўгрилаб бераман. Агар керак бўлса, олдиндан шириккомасини бериб қўй.

Ҳар қалай, у алоҳида, ўзига хос одам эди. Айтидан, бир пайтнинг ўзида ҳам фирибгар, ҳам жиноятчи, ҳам думбул эди. У аллақачонлар Совет тузумидаги бўш, заиф жойни чукур илғаб олганди. Ундаги ҳар томондан осилган темир парда, таниш-билишчилик, сафсатабозлик, КГБ олдидаги қўрқув ва умуман ваҳима, чақув, тузумга керакли одамларни ҳар доим ҳимоялаш, телефонни эшитиш, ҳар ердаги бошбошдоқликлар — бу каби хусусиятларнинг бари тузум негизидан ўсиб чиқиб, коммунистик гоя қобигига ўралар ва не тонгки, у булардан орсизларча ва баъзан ошкора жиноий ҳолатларда ўн йиллар давомида фойдаланиб келганди. Лекин шунга қарамай у чаласавод одам эди. Кейин аниқланишича, унинг газеталар учун ёзган мақола ва мақолачаларини мутлақо шахси номаълум кимлардир ёзиб бераркан. У ҳамиша ҳам уларнинг ўзганларини фаҳмлайвермасди. Бир йил ёки икки йил ўтмасдан уни яна ҳукм қилишди. Ва у яна озодликка муддатидан олдин чиқди. Ва яна ўзининг юмушига боши билан шўнгиди.

Ундаги тиришқоқликни қўринг, айтидан, у бошқача яшай олмасди ҳам. Чуқурроқ боқсак, уни адабий қаҳрамон Остан Бендернинг тажас-

ЖАҲОН АДАБИЁТИ

суми эканлигини пайқаймиз. Бирам мудҳиш тажассумки бу! Ильфпетров персонажидаги зукколикдан ва ис-тарадан асар ҳам йўқ. Фақат қабиҳлик, каззоблик, фирибгарлик, чақ-ма-чақарлик, ўша давр мұхитидан ҳамиша ниманидир юлиб қолмоқлик, айрим ҳолларда росмана ўмариш, ай-рим ҳолларда салкам давлат миқёси-да товламачилик қилиш ва гоябоз-лик компаниясини авж олдириш — мана шулардан иборат эди унинг тур-

ган-битган ички дунёси.

У, чамамда, 90-йилларда Ленинградда вафот этди. Унинг биринчи судланиши жараённида вояга етган қизи гувоҳ сифатида гапирди (фамилияси Ларнер эмасди, бошқача, балки эрининг фамилиясида эди). Судья ундан айбланувчига ким бўлишини сўраганида у жавоб бермади, баланд овозда хўнграб йиғлаб юборди. Мен унинг бу ҳолатини деярли рамзий маънода қабул қилдим.

*“Литературная газета”нинг
2011 йил, 26-сонидан олинди*

*М.МИРЗО
таржимаси*

Ҳаёт яшаб ўтиш учун берилган...

Жаҳон адабиётида инглиз адабиёти алоҳида ўринга эга. Ўз ижоди билан бу адабиётда янги саҳифалар очган Ч. Диккенс, Т.Харди, Р.Киплинг, О.Уайлд сингари англиялик ёзувчиларнинг номлари ўзбек китобхонларига ҳам таниш. Лекин яна бир улуг ёзувчи борки, унинг ҳаёти ва ижоди ҳақида бизда адабиёт ихлосмандлари ҳали кўп нарса билмайдилар. Бу — ҳақгўй, чўрткесарликда ном чиқарган адаб Уилям Сомерсет Моэмдир.

Англияда Диккенсдан кейин асарлари энг кўп ўқиладиган Моэм узоқ давом этган ижодий фаолияти давомида турли жанрларда қалам тебратди. XIX асрнинг 90-йилларидан XX асрнинг 50-йилларигача ёзишдан тўхтамади. У ўзидан йигирмата роман, ўттиздан ортиқ пьеса, бир неча ҳикоялар тўплами, автобиографик асарлар ва кўплаб адабий-танқидий мақолалар қолдириди. «Ой ва сариқ чақа» романи эса, жаҳондаги энг яхши юзта китобдан бири сифатида тан олинди.

Ҳикоя ва романлари ёрқин ранглар, саргузаштли воқеалару ажойиб образларга тўла Моэмнинг умр йўли ҳам нимаси биландир детектив асарни эслатади.

«Инсон ҳаётини доимо катта қизиқиши билан кузатган Моэм ўз турмушига бирорнинг бурун сүқишини истамасди»¹, деб ёзади адаб ҳақидаги биографик асарида инглиз адабиётшуноси Тед Морган. Ҳар қандай одам тўғрисида фақат рост гаплар ёзилса, бу одамнинг жиноятчидан фарқи қолмайди, деб ҳисоблаган Моэм тириклигига бошқаларнинг ўзи ҳақида китоб ёзишига рухсат бермаган. Шунга қарамай, вафотидан кейин ёзувчи асарларига қизиқиши ортгани боис, унинг шахсий ҳаётига ҳам эътибор кучайди.

«Саргузаштли воқеаларга ишқибозлиги туфайли Моэм ўз ҳаётини саргузаштга айлантириб юборди», дейди Тед Морган. Ростдан ҳам, Моэм ҳақидаги асарларни ўқисангиз, унинг ҳаёти нимаси биландир Ҳоливуд фильмлари қаҳрамонлари ҳаётига ўхшаб кетишига гувоҳ бўласиз. Аксарият ижодкорлардек фақат ижод билан боғланган бир маромдаги умргузаронликдан қочган Моэм тажриба ва таваккалчиликдан, турли тўсифу муаммолардан қўрқмай яшаган.

* * *

Уилям Сомерсет Моэм 1874 йилнинг 25 январида Парижда инглиз элчихонасида дунёга келади. Лекин бўллажак ёзувчини Францияда тугилган, деб бўлмайди. Ўша даврда Францияда тугилган ўғил болалар шу мамлакат фуқароси ҳисобланниб, уруш шароитида Франция қўшинлари сафига чақириларди. Париждаги инглиз элчихонасида ҳуқуқшунос бўлиб хизмат қўлган Роберт Моэм фарзандининг Англияда дунёга келиши учун расман Буюк Британия худуди ҳисобланган элчихона биносининг иккинчи қаватини тургуклонага айлантиради.

Ўн ёшгача Парижда яшаган Уилям кейинчалик бу йилларни ҳаётидаги энг баҳти дамлар сифатида кўп ёдга олади. Биографларининг ёзишича, етти ёшида

¹ Т.Морган. Сомерсет Моэм. Биография. “Захаров”, Москва, 2002, 7-бет.

қариндошларидан бири йигирма франк бериб, бу пулларни нимага сарфлайсан, деб сўраганда: Леди Энглесси ўйнаган спектаклни кўрмоқчиман, дейди у. Бўлажак адибда драматургияга иштиёқ болалигидаёқ уйғонган эди.

Аммо болаликнинг ширин дамлари Уилям учун қисқа бўлади. Саккиз ёшни қоралагандан қасалманд онаси вафот этади. Икки йил ўтиб отаси ҳам ҳаётдан кўз юмади. Етим қолган Уилямни Англиядаги руҳоний амакисиникига жўнатишади. Париждаги баҳтиёр ҳаётга кўнинкан бола ўзига буткул нотаниш Англияда, қаттиқўл амакисининг оиласида яшай бошлайди. Тили французвага мослашгани боис, у инглизчада яхши гапира олмас, оқибатда янги шароитга мослашиши ҳам қийин кечади.

Үйида тартиб-интизомни маҳкам сақлаган руҳоний амакиси болани ўзи ўйлаб топган турли қоидаларга сўзсиз итоат этишга мажбурларди. Сиқувлардан кўнгли озор чеккан Уилям ўзини ёлғиз, ҳимоясиз ҳис қила бошлайди. Ёлғизлик азоби уни Кентерберидаги бошлангич мактабда ҳам, кейинчалик Қироллик мактабида ҳам тарк этмайди. Бу иззиз кетмайди — Уилям гапиргандада дудукланиб қолар, синфдошлари эса уни доимо камситишарди. «Дудукланиб гапиришим ҳаётимга ҳам, ижодимга ҳам салбий таъсир қилган»¹, деб ёзди у кейинчалик. Бу қусур оқибатида Моэм келажақда руҳоний ҳам, сиёсатчи ҳам, ҳуқуқшунос ҳам бўла олмасди. Чунки ваъз ўқиётганда ёки нутқ сўзлаётганда дудукланиши панд бериши тайин эди. Улуғ ёзувчи умр бўйи бу хасталикдан халос бўла олмади.

Ўсмирлик палласига келиб Уилям бу аҳволга кўнинкади. Энди у ёлғизликдан изтироб чекмайди, ҳатто ёлғизликни кўмсай бошлайди. Мутолаага берилиб, руҳоний амакисининг китоб жавонидан яширинча фойдаланишга одатланади.

Ўн беш ёшида зотилжамга йўлиқиб қолган йигитча бадига урган диний мактабни ташлаб, амакисининг маслаҳати билан Германияга отланади. Бу бўлажак ёзувчининг мустақил ҳаёт йўлидаги илк қадами эди. Бу пайтда Германиянинг Ҳейделберг шаҳрида адабиёт ва санъатга қизиқсан кўплаб ёшлар истиқомат қилишар, университетда машҳур адилар ва файласуфлар иштирокида турли анжуманлар ўтказиларди. Маданият ва эркин фикр ўчогига айланган бу шаҳарда Уилямнинг дунёқараси шаклана бошлайди. Ҳейделбергда у адабиёт ҳаётининг мазмуни эканини англайди. Бир ярим йил ичиди Моэм бу шаҳарда дўйстлар ортиради, Шопенгауэр, Гёте сингари алломалар ижодини кунт билан ўрганади.

Ўн саккиз ёшида, 1892 йили Англияга қайтган Моэм Лондоннинг энг камбағал тумани саналган Ламбетдаги авлиё Фома шифохонасига ишга жойлашади. Бўлажак ёзувчининг тиббиёт соҳасини танлаганига бир неча сабаблар бор эди. «Тиббиёт Моэм учун жуда қулай касб эди, — деб ёзади Тед Морган. — Биринчидан у ўзи истагандек оддий одамлар ҳаётини, руҳан, жисмонан азоб чекаётган беморларни ўз кўзи билан кузатиш имконига эга эди. Иккинчидан, ишдан кейин ижод билан шугулланиш, кўрган-кечирганларини қоғозга тушириши учун вақт топарди». Айнан шу йиллари, аниқроғи, 1896 йили Моэмнинг биринчи романи «Ламбетлик Лиза» нашр этилади. Т.Морганнинг таъкидалишича, «Ламбетлик Лиза»да Моэмнинг ноёб истеъоди — кўрганларини аниқ тасвирлаш қобилияти намоён бўлади. Лондоннинг энг қашшоқ аҳолиси яшайдиган Ламбетдаги оғир турмушни ҳаққоний тасвирлаган ёш ёзувчи бу романи билан инглиз реалистик адабиётида янги саҳифа очганди.

* * *

Моэм — инглиз романчилигига ўз услубини яратган ёзувчи сифатида тан олинган. Унинг «Инсоний ҳасратлар юки», «Ой ва сариқ чақа», «Пишириқлар ва пиво», «Устара дами» сингари машҳур асарлари бу жанрнинг чинакам

¹ С.Моэм. “Подводя итоги”, “Высшая школа” 1991, 251-бет.

намуналаридир. Автобиографик руҳдаги «Инсоний ҳасратлар юки» романини ўқиган америкалик адаб Т.Драйзер Моэмни буюк мусаввир дея таърифлаган, асарни эса Бетховен симфониясига қиёслаган эди.

Моэм санъатда оқсуякларнинг турли машваратлар-у урф-одатларга қурилган қалбаки, зерикарли ҳаётидан фарқли ўзгача бир оламни кўрарди. У, айниқса, ижод кишисининг феъл-атвори ва истеъоди ўртасидаги номутаносибликка жиддий эътибор билан қараган. Ана шу синчковлик унинг 1919 йили ёзган энг машхур «Ой ва сариқ чақа» романida кузатилади. Бу асар буюк рассом Гогенning фожеали ҳаёти тўғрисида. Гоген тимсолида яратилган Моэмнинг қаҳрамони Чарлз Стрикленд санъат йўлида киборлар жамиятидан юз ўтиради. Романда реал ҳаёт билан чинакам санъат ўртасидаги жарлик тиник ва ҳаққоний тасвирланган.

«Пишириқлар ва пиво» романидаги адаб истеъодининг бошқа бир қиррасини кўрамиз. Асарда фожиавий талқин ўрнини ҳажвий оҳанг эгаллаган. XIX аср охири — XX аср бошларида Лондон адабий ҳаёти манзаралари чизилган бу романда Моэм сохта қаламкашларнинг китобхонлар эътиборини тортиш учун кўллаган найранг-усулларини фош қилиб, қалбаки обрў орттиришга чиранганлар устидан кулади. Асадаги аксар қаҳрамонлар қиёфаларини ўзига таниш-билиш ёзувчи, адабиётшунослардан олиб акс эттиргани ўз вақтида лондонлик ижодкорларга хуш келмайди, муаллиф уларнинг аёвсиз танқидларига дучор бўлади.

Ижодда мақтовга ҳам, танқидга ҳам холис қараган адаб ноҳақ айловларга эътибор бермайди. Аслида Моэмнинг ўзи асарларининг холис танқидчиси бўлган. Масалан, 1899 йили ёзган «Крэддок хоним» асари ҳақида, орадан анча йиллар ўтгач, у шундай деб ёзганди: «Романимнинг баъзи жойларини ўқисам, ҳозир кулгим қистайди. Менингча, бу асарнинг бирдан-бир ютуғи XIX аср охиридаги Англия ҳаётини акс эттира олганимда, холос».

* * *

Такрорланмас романлар муаллифи Сомерсет Моэм драматургияда ҳам улкан муваффақиятларга эришган. «Сарҳисоб этар эканман...» номли автобиографик асарида адаб драматургияга кириб келиши сабабларини изоҳлаб: «Қўпчилик ёш ижодкорлар каби мен ҳам воқеаларни тасвирлашдан кўра суҳбатни қофзга тушириш осон, деб ҳисоблардим», деб ёзди.

Аслида Моэмнинг пьеса ёзишга киришганига бошқа сабаблар ҳам бор. Муваффақиятли чиққан илк романни чоп этилгач, Моэм шифохонадаги ишини ташлаб, илк қалам ҳақига Испания, Италия ва Германияга саёҳат қиласди. Ўзи ёқтиргмаган амакисига ёрдам сўраб боришни истамаган ёзувчи энди оммавий китобхонга мўлжалланган енгил-елпи, ўртамиёна китоблар ёзib пул топиши ёки шифохонадаги ишига қайтиши керак эди. Моддий аҳволини ўнглаб олиш учун у энди пьесалар ёзиш ва уни театрларга жўнатишни бошлайди.

Дастлабки пьесалари муваффақиятсиз чиққанига қарамай ёзувчи чекинишини хаёлига ҳам келтирмайди, сценарийларини театр ва журналларга юбораверади. Ниҳоят, 1902 йили «Никоҳлар самода ўқилади» деб номланган пьесаси Берлинда саҳналаштирилади. Англияда бўлса, ёш драматургга ҳадеганда омад келавермайди. 1903 йили ёзган «Леди Фредерик» комедияси орадан тўрт йил ўтиб саҳналаштирилади. Шунга қарамай бу пьеса муаллиф номини бутун Англияга танигади. Дастлаб репертуардаги бўш ўринни тўлдиришга яраб қолган, турмуш ва пул можаролари қаламга олинган бу қизиқарли пьеса кейинчалик Буюк Британиянинг бешта театрида 422 марта намойиш этилади.

Ўзига хос «саҳна туйгуси»¹ эга драматург пьесалари воқеа ва қаҳрамонларининг

¹ А.Гозенпуд. “Пути и перепутья. Английская и французская драматургия XX века”, “Искусство”, Санкт-Петербург, 1967, 66-бет.

ноанъанавийлиги, диалогларнинг ўткирлиги билан ажralиб турарди. Кейинчалик у саҳна асарларида жўшқинликка, кескин фикрларга, истеҳзоли қулгуга кенг ўрин беради. Натижада унинг пъесаларига талаб ортади. Моэм қаламига мансуб «Леди Фредерик», «Шеппи», «Айлана», «Ноаниқлик» қаби пъесалар бугун ҳам жаҳон театр саҳналарида муваффақият билан намойиш этилмоқда.

* * *

Биринчи жаҳон уруши бошланганда Моэмни бўйи пастлиги сабабли аскарликка олишмайди. Бу пайтга келиб Европага танилган, бир неча тилни мукаммал эгаллаган адаб инглиз жосуслик хизматидан фаолиятини бошлайди ва бир йил Швейцарияда ишлагач, маҳфий топшириқ билан Россияяга жўнатилади. 1917 йилнинг август ойида Петроградга келган Моэмга Россиянинг урушдан чиқмаслигини таъминлаш вазифаси юклатилганди. Лекин кўп ўтмай Россияда инқилоб бошланиб, Моэм Лондонга қайтишга мажбур бўлади.

Дастлаб жосусликни Киплинг қаҳрамонларидек «катта ўйин» деб тушунган ва ўзида бу ўйинда иштирок этиш иштиёқини сезган адаб кейинчалик «Эшенден ёки Британия агенти» китобида бу ишга ўта чиркин ва зерикарли, деб тарьиф беради.

Жосуслик хизматидан бўшагач, Моэмда дунё бўйлаб саёҳат қилиш истаги тугилади. Ижоди орқасидан каттагина маблагга эга бўлган ёзувчи энди пул ҳақида ортиқча ўйламай, эркин яшаши мумкин эди.

Дарвоҷе, Европанинг энг бой ёзувчиларидан бирига айланган кезларда ҳам яқин дўстлари Моэмни мудом хасислиқда айблашган. Аслида Моэм хасис эмас, тежамкор бўлган. Ўта тежамкорлик одати унга ҳар бир шиллингни ўйлаб ишлатишни ўргатган руҳоний амакисидан юққанди. Қизиги шундаки, пули кўпайгани сари Моэм кўнглида қашшоқликка тушиб қолиш хавфидан қўрқиш ҳисси кучайиб боради. Замондошларидан бирининг ёзишича, бойлиги миллион долларга етганда ҳам ёзувчи пулни тежаш учун жамоат транспортидаги юаркан.

Хуллас, 1916 йил нояброда у котиби билан Таитига жўнайди. Таити — Шарқий Осиёдаги энг гўзал ўлкалардан. Ёзувчи улуғ рассом Гоген ҳаётидан олиб ёзган машхур романи «Ой ва сариқ чақа»га керакли ашёларни айни шу ўлқада йиққан.

Умрининг кўп қисмини йўлда ўтказган Моэмнинг саёҳатларга ружу қўйгани ҳам бесабаб эмас. Ёшлигидаги зотилжамга чалинган ёзувчига шифокорлар ҳавоси мусаффо, гўзал табиатли ўлкаларда бўлишни маслаҳат беришганди. Лекин бу Моэмнинг бир баҳонаси эди. Аслида у Лондондаги киборлар давраси ва инжиқ хотини Сири Велкомдан иложи борича узоқроқ юришни маъқул кўрарди. Пойтахтдаги бой-бадавлат танишлари ва олифта адабиётшунослярнинг ялтироқ ҳаёти унинг жонига теккан эди. Моэмни умр бўйи тушунмай ўтган Сири хоним эса, эри қанча йироқда юрса шунча хурсанд бўларди.

Қолаверса, ёзувчини дунё халқларининг турмуш тарзи, урф-одатлари, феълатори ва ҳаёти қизиқтиарди. Инсонни табиатнинг энг катта жумбоги, деб ҳисоблаган адаб Шарқий Осиёнинг бир неча мамлакатларида — Хитой, Малайзия, Ява, Бирма, Ҳиндистон ва Сингапурда бўлиб, турли маданиятларга мансуб одамлар билан танишади. Кейинчалик саёҳатларидан олган таассуротлари, кўрган-кечирганлари, эшитган ва гувоҳ бўлган гаройиб воқеаларни ўзи янги, юксак босқичга олиб чиққан жанр — ҳикояларида бетакрор маҳорат билан акс эттиради.

* * *

Моэмнинг илк ҳикоялар тўплами 1921 йили босилиб чиқади. Бу пайтда Англияда ҳикоя жанрига қизиқиши ортган, Киплинг, Конан-Дойл, Уэллс сингари ёзувчиларнинг ҳикоялари қўпчиликка манзур бўлаётганди. Моэмнинг еттига китобига жамланган юздан ортиқ ҳикояси орасида «Ёмгир», «Кал мексикалик»,

«Қайсар», «Малла» каби бу жанрнинг нодир намуналари талайгина. «Ҳикояларимни бошдан охиригача бир чизиқда олиб боришга ҳаракат қилдим... Уларни кўп нуқта эмас, нуқта билан якунлашни хоҳладим», деб ёзганди муаллиф. Унинг ҳикоячи сифатидаги иқтидори инсон тақдирининг чиндан ҳам жумбоқчигини кўрсата олганида намоён бўлади. Аслида ҳаёти ва саёҳатлари давомида Моэм бошига тушган турфа савдолар, гаройиб тасодифлар асарларининг қаҳрамонлари кечмишидан кам бўлмаган.

Моэм ўзининг Шарққа қизиқишини, ҳикояларида Шарқ мавзусининг устунлигини “асл қиёфаларни беркитиб турган маданият ниқоби” остига қарашиб нияти билан изоҳлайди. “Мен нотаниш мамлакатларни кезиб, атрофимдаги одамларни эмас, янги асаримнинг персонажларини кўраман”, дейди адиб. “Аввалги ҳаётим қанчалик қизиқарли туолмасин, аслида жуда чегараланган эди. Энди эса менга янги дунё очилди ва ёзувчи бўлганим учун унинг янгиликларини ўргана бошладим. Океаннинг нариги томонида мени фақат гўзаллик ўзига жалб қилмади.Faқат гўзалликни қидирганимда Греция ёки Жанубий Италияда яшардим. Мени ажнабийлардаги ажойиб хулқ-атвор, характер ром этди. Мен ҳали кашф қилинмаган жониворлар яшайдиган номаълум оролга тушиб қолган табиатшуносдай эдим. Маҳаллий аҳоли билан суҳбат куриш мен кутгандан анча осон бўлиб чиқди. Бу ерда шунчалик кўп янги характеристларни, учратдимки, ёш ёзувчи бўлганимда эсанкираб қолардим. Лекин инсонни кузатишда тажрибам борлиги учун уларнинг энг гаройибларини ёдда сақлаб қолдим”.

Моэм фикрича бегона ва узоқ мамлакатларда яшайдиган бу инсонлар ўзи таниган одамлардан анча жонли ва қизиқарли. “Цивилизациялашган жамиятда шахснинг индивидуаллиги йўқолиб кетади, чунки одам ҳар қадамда ўнлаб қонун-қоидаларга, тартиб-интизомга бўйсунишга мажбур. Маданият юзимизни беркитадиган ниқобга айланади. Бу ердагилар эса жамиятга мослашиш учун юзига ниқоб тақмасди. Улардаги индивидуаллик аниқ кўринарди”, дейди адиб. Моэм Европадаги катта шаҳарлarda яшайдиган одамларни қопга тўлдирилган тошларга ўхшатади. Бир-бирига ишқаланаверган тошларнинг ҳаммаси бир хил силлиқ ҳолатга келиб қолади. Таити, Бирма, Ява каби тамаддундан узоқ мамлакатларда яшаётганларда эса шу “қирралар” силлиқланиб, йўқолиб кетмайди. Уларнинг характеристида инсон табиатига хос хусусиятлар анча табиий ҳолатда сақланиб қолган. Моэм ён дафтарчасига ажнабийларнинг ташқи кўриниши ва характеристи ҳақида қисқа маълумотлар ёза бошлайди. Кейин эса бегона ўлкада эшитган галати, оригинал воқеа-ҳодисаларга шундай персонажларни боғлаб ҳикоя ёзишга киришади.

Ўткир сюжетларнинг хилма-хиллиги ҳам, воқеаларнинг турли-туман жойларда кечиши ҳам адиб ҳикояларида умумий фикрга унчалик катта таъсир қилмайди. Муаллиф ҳар бир ҳикоялар тўпламида асарлар географиясини кенгайтириб боради. Воқеалар бир жойдан иккинчи жойга, бир мамлакатдан бошқа мамлакатга, бир оролдан бошқа оролга кўчади. “Аслида Моэм янги жойлар кетидан эмас, вақт кетидан қувади. Персонажлари ҳақидаги бор ҳақиқатни тўла кўрсатиш учун унга узоқ давом этадиган сюжет вақти керак”¹, дейди адибнинг ҳикоялар тўпламига ёзган сўзбошисида рус адабиётшуноси Д.Шестаков.

Моэм ҳикояларида воқеаларни китобхонга сўзлаб берувчи персонаж шу ҳодисаларни бошдан ўтказганларнинг тақдирни аниқлашганидан кейингина баённи бошлайди ва ҳикоя жараёнида ортиқча хиссиётга берилмайди. Ҳақиқатан ҳам, масалан, “Малла” ҳикоясидаги собиқ севишганларнинг учрашиб, бир-бирини танимай қолгунича китобхон бир неча йиллик вақтни хаёлдан ўтказади. Ҳикоя қаҳрамони Малла семириб, хунук бўлиб қолган ороллик аёлга эътибор ҳам бермайди. Ўз навбатида аёл ҳам бақалоқ ва қўпол меҳмонни пайқамайди. Юзини ажин босган, нигоҳлари бепарво персонажларнинг ҳолатига разм соларкан,

муаллиф уларнинг қачонлардир бир-бирини қаттиқ севган, бирга яшаб баҳтли бўлишни орзу қилган ёш ва гўзал инсонлар бўлганига ишонгиси келмайди. Айнан шундай сюжетлар орқали Моэм романтика, орзулар дунёси ва реаллик ўртасидаги фарқни кўрсатади. Моэм ҳикояларида романтик сюжет асар охиригача давом этмайди. Умид вақт ўтиб умидсизлик, ҳиссият ҳиссизлик, фикр мантиқсизлик билан тўқнашгандагина ҳикоя якунига етади.

Моэм ҳикояларида ҳам, бошқа асарларида ҳам ўзининг тўла реализмга асосланган бадий услуби соғлигини, тилининг тозалигини сақлашга ҳаракат қиласди. У асарлари пафосдан холилигини кўрсатиш учун аниқ индивидуал услугга риоя қилмаслигини таъкидлашдан ҳам тоймайди.

Моэм классик ҳикоя жанрига янги унсурлар олиб кирди. Ҳикояларида сюжетнинг асосини ташкил қилувчи воқеа ва шу воқеани гилофдек ўраб турувчи ҳикоячи тасвири бирдек жонли ва таъсирчан чиққан, бири иккинчисига салбий таъсир қилмаган. «Ҳикоя ичida ҳикоя» усули жаҳон адабиётида кенг тарқалган. Кўпчилик ҳикояларида шу усулни қўллаган Моэм асарларида бизни асосий сюжетта элтувчи воқеа тасвирининг жонлилиги, ҳаққонийлиги ва бекаму кўстлиги, ҳикоячи персонажнинг тўлақонлилиги ва асосий ҳикоянинг қаричма-қарич, сўзма-сўз ўлчангандаги шаклини бир текис намоён этади.

«Моэм бадий услубини инглиз адабиётининг аниқ бир даврига боғлаш хотўгри. Адид доим бошқа ёзувчилардан ажralиб турган. Тарихий даврни инкор этган Моэм жамиятдаги тургунликни ҳар қандай даврнинг бош муаммоси этиб кўрсатган. Бу муаммонинг ҳамон долзарблиги Моэм асарларининг замонавийлигини кўрсатади», дейди Д.Шестаков.

Ёзувчининг кутилмаган воқеалар билан якунланган аксарият ҳикоялари шакли жуда содда, уларда ортиқча таърифу тавсифлар, узундан-узоқ фалсафий мuloҳазалар йўқ. «Тажрибадан келиб чиқиб айтишим мумкинки, — деб ёзади бир ўринда адид, — муваффақиятга фақат бир йўл билан: ҳақиқатни қандай англасанг, айнан шундай ёзиш орқали эришиш мумкин».

Саргузашт-у таҳқикали вазиятлар кетидан кувган Моэм Бирмага саёҳати вақтида мўъжиза туфайлигина ҳалокатдан омон қолади. Тед Морган бу воқеани шундай баён этган: «Моэм котиби Жералд билан кун бўйи қайиқда тўқайзор оралаб ўтган дарёда сузид юрганида узоқда кўтарилиб тушаётган тўлқинни кўриб қолади. Хавфсиздек туюлган тўлқин уларга яқинлашганда уч метрли пўртанага айланиб, ёзувчи ва котиби ўтирган қайиқни домига тортиб кетади. Бўзигача сув тўлиб, ҳаёт билан видолашаёзган Моэм билан котибини маҳаллий балиқчилар муқаррар ўлимдан кутқарib қоладилар».

Саёҳатларини якунлаган Моэм 1927 йили Франциянинг энг хушманзара ўлкаларидан бири Ривийерадан ўзига ҳашаматли уй-жой сотиб олади. Лондондаги зиёфатлару гийбатларга тўла ҳаётта кўника олмаган ёзувчи умрининг энг баҳтли дамлари — болалиги ўтган Францияга қайтади. «Моэм жуда меҳмондуст эди, — деб ёзади Тед Морган. — Лекин унинг вилласига ташриф буорганлар бу ердаги тартиб-қоидаларга бекаму кўст амал қилишлари лозим эди. Доимо тартиб билан яшашга уринган ёзувчи бошқалардан ҳам шуни талаб қиласди». Моэмнинг Франциядаги уйига Уинстон Черчилл, Херберт Уэллс, Арнольд Беннетс, Жон Пристли, Жан Кокто каби машҳур арбоблар, ижодкорлар келиб туришарди. Адид тўқсон ёшни қоралаган пайтда унинг уйида меҳмон бўлган рус ёзувчиси Юрий Нагибин шарти кетиб, парти қолган чолнинг дадил фикрлашидан, ижодга иштиёқи кучлилигидан ҳайратга тушганини ёзган.

Иккинчи жаҳон урушида Ривийерадаги ҳашаматли вилла босқинчилар томонидан аёвсиз таланган, харобага айлантирилган. Уни таъмиrlагунча ёзувчи бир йилни Париж ва Лондондаги меҳмонхоналарда ўтказади. Бу пайтда Моэмнинг

¹ Д.П.Шестаков. W.S.Maugham “Rain and Other Stories”. Предисловие, “Прогресс”, Москва, 1977, 20-бет.

пьесалари Европа ва АҚШдаги деярли барча машхур театрларда намойиш этилаёттанди. Шунга қарамай, у драматургиядаги фаолиятини тұхтатади. «Моэм шұхрат шоҳсупасидан ўз хоҳишига күра тушди»¹, деб ёзади Тед Морган.

Ижодий фаолиятининг сұнгги йилларида адіб адабий-танқидий руҳдаги эсселар ёзишга киришади. 1948 йили Филдинг, Жейн Остен, Стендал, Балзак, Диккенс, Эмилия Бронте, Мэлвилл, Толстой, Достоевский ҳақидаги «Буюк ёзувчилар ва уларнинг романлари» номлы китобини ёзib тугатади. Ёзувчининг яна бир эсселар түплами «Ўзгарувчан кайфият» 1952 йили нашр этилади. Бу түпламга кирған олтита эссе да муаллиф ўзи яқындан билған X.Жеймс, X.Уэллс, А.Беннетс сингари ёзувчилар ҳақида сўз юритган.

Тед Морган ёзганидек, ўн тўққизинчи асрда ижодини бошлаб, йигирманчи асрнинг иккинчи ярмида ҳам қалам тебратишини тұхтатмаган «ҳақиқий тарихий экспонат» — Сомерсет Моэмнинг асарлари тириклигигидаёқ дунёнинг кўплаб тилларида чоп этилади. Жумладан, ўтган асрнинг 50—60-йилларида АҚШнинг ўзида унинг китоблари беш миллиондан ортиқ нусхада сотилган. Сұнгги «Устара дами» романи бир миллион уч юз минг нусхада чоп этилган. Ўз қалами билан ёзувчи тўрт миллион доллар топган.

1962 йили Моэм шахсий кўргазмасидаги санъат асарлари ва саёҳатлари давомида йикқан буюмларни Сотби кимошди савдосига қўяди. Буюмлар орасида ёзувчи 1917 йили Таитидаги қишлоқлардан бирида 200 долларга сотиб олган мусаввир Гоген ишлаган расм ҳам бор эди. Бу санъат асари Сотбидаги 37500 долларга сотилади.

1965 йили тўқсон бир ёшга кирған улуг ёзувчи дўстлари ва котиби Аллан Сиерл даврасида туғилган кунини сўнгги бор нишонлайди ва бир неча кундан сўнг вафот этади.

Ҳаётга ва ижодга Моэмнинг муносабати ҳақида унинг ўзидан ўтказиб бир нарса дейиш қийин: «Ҳаёт у ҳақда ёзиш учун эмас, балки уни яшаб ўтиш учун берилганини мен ёддан чиқармасликка ҳаракат қилдим. Табиат менга нимани право кўрган бўлса, барчасини синаб кўришга уриндим. Ижодга эса, ўзимнинг бирдан-бир мақсадим деб эмас, инсониятга хос бошқа фаолият турлари билан уйғунликда олиб бориладиган бир соҳа сифатида қарадим».

*Алишер ОТАБОЕВ,
Ўзбекистон Давлат жаҳон тиллари
университети тадқиқотчиси*



¹ Т.Морган. Сомерсет Моэм. Биография. “Захаров”, Москва, 2002, 184-бет.

Пайғамбарлик тарихига оид илк манба

Иккى олам Яратувчиси бутун яралмишлар ичида «гуҳари шариф» сифатида инсонни яратди. Үнга дунёни билиш, ўзлигини англаш салоҳиятини инъом этди. Ҳақни таниш сифати билан зийнатлади. Моддий олам гўзалликларини кўриш учун кўз берди, очик кўз билан кўриб бўлмас жиҳатларни тушуниш учун қалб ато қилди. Яна шунда ҳам бандайи ожиз Ҳақ йўлидан тоймаслиги учун ўз элчиси Мұхаммад (с.а.в.) орқали Куръони Карим нозил қилди ва бу муқаддас китоб мутолаасида ҳам инсон ноқис қолмаслиги учун бир гурӯҳ саҳобайи киром ва валийлар юбордики, улар Ҳақни таниш баробарида бани одамга иноят этсин, кўмак берсинглар. Шу каби Куръони каримнинг тафсири, Мұхаммад Пайғамбар (с.а.в.) ҳадислари муфассир ва муҳаддислар томонидан элга англашиларли тилда ва мазмунда етказиладиган бўлди. Барча муқаддас китоблар (Забур, Таврот, Инжил)га эга бўлган динлар инсонни покиза ҳаёт кечиришга, ҳалоллик ва адолатга рағбат қиссалар-да, улар орасида Ислом дини инсоний комиллик дастурларини аниқ кўрсатиб берди. Комил инсоннинг беназир намунаси сифатида Расулуллоҳ (с.а.в.)ни, унинг ҳикматларга бой ҳаёти ва шамойилу сифатларини белгилади.

Инсоният комилликка интилиш баробарида ўзи учун етук намуна деб билган Пайғамбар (с.а.в.) ҳаёти ва фаолиятини ўрганишни ҳам ўзининг маънавий юмушларидан деб ҳисоблади. Натижада Пайғамбарлик тарихига оид манбалар дикқат билан ўрганила бошланди, ҳадисларнинг саҳиҳ (тўғри)лигини аниқлаштирувчи иснод ва қиёс каби усуслар жорий бўлди. Улуғ муҳаддислар Имом Бухорий, Имом Термизий фаолияти туфайли саҳиҳ ҳадислар Марказий Осиё халқларига ҳам етиб келди. Шу билан бирга “сийра” (араб тилида: ҳаётнома) деб аталувчи адабий жараён шаклана бошлади. Бу ҳақда академик Н.Иброҳимов шундай ёзади: “Мазкур иккى муқаддас манба (Куръони карим ва Ҳадиси шариф – Ҳ.Б.)дан кейинги ўринда турувчи яна бир манба бўлиб, у “сийра” деб аталувчи, Пайғамбарнинг ҳаёт йўлларини ёритиб берувчи муҳим соҳадир. Сийра дастлаб ҳадислар ривоятининг бир бўлаги бўлган бўлса, кейинчалик муҳаддислар орасидан нафақат ҳадис ривояти, балки тарих илмига ҳам алоҳида эътибор берувчи шахсларнинг ажralиб чиқиши натижасида Пайғамбар (а.с.)нинг фаолиятлари, ислом динини тарқатиш йўлида олиб борган саъй-ҳаракатларидан тортиб, турмуш тарзларигача бўлган барча мавзуларни ўзида қамраб олган алоҳида соҳа вужудга келди”¹. Демак,

¹ Абдумалик ибн Ҳишом ал-Маъорифий. Ас-сийра ан-набавиййа. Биринчи жилд / Сўзбоши. Т.: Sharq HMAK, 2011. Б. 4.

сийра нафақат тарихий асар ёки адабий жанр сифатида, балки ислом оламида бутун бир фаннинг соҳаси сифатида таркиб топди. Дастребаки сийра типидаги асарлар VIII асрларда яратила бошлади. Мутахассислар Авона ибн Ҳакимнинг «Сийрат Муовия ва Бани Умайя» (147/764), Ибн ал-Муқаффаънинг «Сийар мулук ал-Ажам» (102-39/720-56), Абон ибн Абдулҳамид (в.200/815)нинг «Сийрат Ардашер» ва «Сийрат Ануширвон» асарларидан келиб чиқиб, сийра фақат Пайғамбарлик тарихи билан бирга айрим машҳур шахслар ёки мамлакатлар тарихига нисбатан ҳам қўлланишини таъкидлайдилар. Демак, ушбу соҳа кўплаб жиддий тарихий манбаларнинг яратилишига сабаб бўлгани маълум.

Ислом тарихи бўйича юзлаб сийра муаллифлари қаторида Абу Абдуллоҳ Мұхаммад Ибн Исҳоқ (80/699 й.т.), Ибн Ҳишом (218/833) биринчилардан саналади. Абу Мұхаммад Абдулмалик ибн Ҳишом ибн Айюб ал-Ҳимайарий ал-Маъфирий ал-Мисрийнинг «Ас-сийра ан-набавийя» («Пайғамбар(с.а.в.)нинг тарих ва ҳаёт йўллари») асари нисбатан биринчилардан бўлиб, Мұхаммад пайғамбар (с.а.в.)нинг ҳаётига доир бирламчи маълумотларни жамлаб, Пайғамбарлик тарихининг яратилишига асос соглани билан қадрли. Кейинги даврларда араб ва форс тилларида ёзилган Пайғамбар тарихлари, турк тилидаги қимматли адабий манба бўлиб хизмат қилаётган Носириддин Рабгузийнинг “Қисаси анбиё”, Маҳмуд ибн Алиниң “Наҳжу-л-Фародис” (“Жаннатларнинг очик йўли”), Алишер Навоийнинг “Тарихи анбиё ва ҳукамо” (“Пайғамбарлар ва дхукумдорлар тарихи”) асарлари ҳам мана шу илк манбадан озиқланганлар. XX аср бошларида Маҳмудхўжа Беҳбудий, Абдулла Авлоний ва Фитратнинг “Мұхтасар ислом тарихи” номли рисолаларидан тортиб Алихонтўра Соғунийнинг “Тарихи Мұхаммадийя” асаригача мана шу мўътабар манбадан озиқлангани унинг мутолаасидан маълум бўлади.

«Ас-сийра ан-набавийя» асарини дунё тилларига таржима қилиш XVIII асрдан бошланган бўлса-да, шўро мағкураси тазиийиқи остида яшаган мамлакатларда, жумладан, Ўзбекистонда унинг таржимасига киришиш Истиқлол даврига тўғри келади. Академик Неъматуллоҳ Иброҳимов раҳбарлигидаги таржимонлар гуруҳи (Абдулҳаким Орипов, Акмал Икромжонов, Абдулҳамид Зайриев, Жаҳонгир Неъматов, Абдулвоҳид Аҳмадалиев) бу мушкул вазифани амалга оширеди¹.

Бу муҳим тарих Одам (а.с.)дан Мұхаммад (с.а.в.)гача бўлган Пайғамбарлар силсиласини баён қиласи, арабларнинг келиб чиқишига доир муаллиф қарашларини, ансорлар насабларининг баёнидан бошланган тарих бевосита Расулуллоҳнинг вафоти билан тугалланади. Шу ўринда мана шу манба ансор (арабча: ёрдамчи) тушунчасини ҳам ойдинлаштиришга ёрдам беришини таъкидлаш жоиз. Манбадан маълум бўлишича, ансорлар Мұхаммад пайғамбар (с.а.в.)нинг ёрдамчилари, сахобалари (сұхбатдошлари)нинг бир табақасидир. Дастребаки сўз Маккадан Мадинаға ҳижрат қилган Мұхаммад пайғамбар (с.а.в.)га ёрдам берган ва исломни қабул қилган мадиналиқ Абс ва Ҳазраж қабилалари аъзоларига нисбатан қўлланилган. Ансорлар Бадр жангидан эътиборан мұхаммадийлар қаторида бўлган. Пайғамбар вафотидан сўнг улар ўз қабиласидан халифаликка номзод тавсия этишган эдилар.

Бу муқаддас тарихни ўрганиш баробарида мумтоз адабиётдаги кўплаб сюжет ва ривоятларнинг асосини ташкил этади. Мазкур нашрнинг илмий изоҳлар билан таъминланиши натижасида биз муқаддас тарихнинг кўп қоронғу нуқталарига жавоб топамиз. Тарих сахифаларида қайта-қайта тилга

¹ Абдумалик ибн Ҳишом ал-Маъфирий. Ас-сийра ан-набавийя. 1-4 жиллар. Масъул мұхаррир ва сўзбоши муаллифи Н.Иброҳимов. Т.: Sharq НМАК, 2011.

олинган воқеалар, жанглар, сифатлар ушбу манбани ўрганиш орқали аниқлик касб этади.

Шу билан бирга «Ас-сийра ан-набавиййа» асарига адабий манба сифатида ҳам ёндашиш мақсадга мувофиқдир. Чунки ислом тарихидаги асосий лавҳалар китобдан-китобга кўчиб юриши баробарида бу воқеалар туфайли яратилган бадиий асарлар ҳам адабиёт нуқтаи назаридан, ҳам маърифий-илмий назардан аҳамият касб этади. Мас., Абу Суфёён хусусида биз унинг лашкарбоши ҳамда, умавийлар сулоласининг бошлангич бўғини вакили сифатида биламиз. Сийрада Абу Суфёённинг турли муносабат билан айтилган шеърлари, унга жавобан айтилган шеърлардан ҳам намуналар бор. Бу каби шеърий матнларнинг мазмунини бериш орқали Ибн Хишом эътиборни шеър муаллифининг диди ва бадиий савиясига қаратади, қасида ва марсияда қўлланилган бадиий санъатлар эса шоирнинг санъаткорлиги нечоғлик ривожланганидан далолат беради. Масалан, Абу Мухриз Халаф ал-Аҳмар воситасида эшитилган шеърда шундай парчалар бор:

Эй кўз, ёшларингни қолдирмай тўкиб Замъя-Абул-Хорис учун ийгла!

Яна жангга чақирилганда шердай мардона чиқадиган Ибн Ақил Асвад учун ҳам (ийгла)..

Улар ёмғирсиз қаҳатчилик кунларида, яъни осмонда булат йўқ кунлари таом улашган зотлар эди...

Тарихнинг биринчи жилдида Бадр жангига тафсилотлари, эришилган зафарлар қайд этилиши билан бирга Бадр кунида айтилган шеърлар ва уларнинг раддияси ҳам насрой баёнда берилган. Шундай шеърлардан бири Ҳамза ибн Абдулмутталиб Ибн Исҳоқ далолати биан берилган бўлса, Ибн Хишом унга Ҳорис ибн Муғира исмли шоирнинг раддиясини ҳам келтиради. Шеърлар мазмунига кўра фақат фалаба мадҳи эмас, балки марсияларни ҳам ўзида мужассам қилган. Ушбу шеърий парчаларнинг аҳамияти шундаки, айрим шеърлар бир неча вариантларда берилади ва уларнинг таркибидаги ривоятларни китобхон тарих воқеалари билан солиштириш, улардан адабий хулоса чиқариш имкониятига эга бўлади.

Адабий намуналарнинг энг таъсирилси, шубҳасиз, Муҳаммад Пайғамбар (с.а.в.) вафотлари муносабати билан айтилган марсиялардир. Ҳассон ибн Собит йиғлаб туриб айтган марсиясида шундай сатрлар бор:

*Мадинада Расул диёрин қолдиқлари ва нурли ёди бор,
Гоҳида диёр қолдиқлари йўқ бўлиб, учиб ҳам кетар,
Бироқ муқаддас диёрда мўъжизалар учмайди,
Үерда хидоят қилувчининг кўтарилган минбари бор!
Ёдгорликлари равшану белгилари бокий...
Хотираларки, унинг белгилари замон узра учмас...*

Кўринадики, ушбу асар нафақат диний ёки Пайғамбарлик тарихи, балки адабий намуналар мажмуаси сифатида ҳам кўп фанларнинг мутахассисларига хизмат қиласи.

Абу Муҳаммад Абдулмалик ибн Ҳишом ибн Айюб ал-Ҳимийарий ал-Маъофирий ал-Мисрийнинг «Ас-сийра ан-набавиййа» («Пайғамбар (с.а.в.)нинг тарих ва ҳаёт йўллари») асарининг ўзбек тилига таржима этилиши туфайли бу асар маданиятимиз ва маънавиятимиз равнақига хизмат қилиши шубҳасиз.

*Ҳамидулла БОЛТАБОЕВ,
филология фанлари доктори, профессор*

«Турналар»НИНГ ИККИ ТАРЖИМАСИ

Расул Ҳамзатов ҳаётлигидә ёк “XX асрнинг энг яхши шоири” фахрий унвонига сазовор бўлган эди. Унинг номини бутун дунёга машҳур қилган асарлардан биттаси “Турналар” шеъридир. Бу шеър асосида яратилган кўшиқ ҳам ўз даврида ниҳоятда машҳур бўлган...

1982 йилнинг куз фасли. Мен Тошкентдаги Республика рус тили ва адабиёти олий ўқув юртининг малака ошириш факультетида таҳсил олаётган эдим. Таниқли таржимашунос олим Файбулла Саломов докторлик диссертациясини ҳимоя қилаётгандигини тасодифан эшишиб қолиб, Ўзбекистон Фанлар Академиясига қарашли “Тил ва адабиёт” илмий-тадқиқот институтига ошиқдим...

Мажлислар залида Жуманиёз Шарипов, Нинель Владимирова ва яна бир қатор йирик олимларни кўриш насиб этди. Мажлисда раислик қилаётган XX аср ўзбек адабиётшунослигининг йирик намоян-даларидан бири Иззат Султон билан Файбулла Саломов ўртасидаги эркин илмий сұхбат эса хотирамда алоҳида муҳрланди.

Маълумки, докторлик илмий даражаси учун диссертация ҳимояси пайтида кўпинча жиддий савол-жавоблар, баҳс-мунозара, тортишувлар кузатилади. Ўша куни мен кўриб-эшишиб турган нарса эса гайриоддий эди: самимилик ҳукм суроётган залда гўёки ҳамфир, маслакдошлар ҳозир бўлган тингловчилар учун илмий, айни пайтда мароқли сұхбат қуришаётгандек эди. Иззат Султон бир пайтнинг ўзида Файбулла Саломга савол берган, гап қотганга ўхшаса-да, аслида ўзининг саволига ўзи жавоб бериб, залда ўтирган ҳамкаслари билан бевосита мuloқot қиласди.

Гап бадиий таржимада миллийликни таъминлаш йўллари ҳақида кетди. Айни пайтда олим миллий адабиётни, хусусан ўзбек шеъриятини жаҳон минбарига олиб чиқиш муаммо-вазифаларини таъкидлар экан, ҳатто ижоди юксак баҳога сазовор бўлган Эркин Воҳидов ва Абдулла Ориповдек шоирларнинг асарлари ҳам рус тилида аслиятдагидек кенг мухлислар топа олмаганлиги ва бунинг боиси яхши таржимонлар йўқлиги ҳақида куюниб гапирди. Шу аснода Иззат Султон Расул Ҳамзатов билан бўлган сұхбатдан бир лавҳа келтирди. У “Турналар” қандай қилиб жаҳонга машҳур асарга айланганлиги ҳақида эди: Асарни рус тилига таниқли таржимон Н.Гребнев иккى маротаба ўтирган. Бу жараённи кузатиб борган Р.Ҳамзатов иккинчи маротаба, аниқроғи таржима қайта ишланаётган пайтда ҳам аслиятдаги “Жигитлар” сўзини сақлаб қолишини қатъийлик билан талаб қиласди. Тўғри-да, таржимашуносликда “хос сўзлар” деб юритиладиган лугатта киравчи бу нутқ бирлиги Кавказ ва Ўрта Осиё ҳалқлари тил анъаналарида алоҳида услубий аҳамиятга эга бўлган, миллий гурурни маълум даражада ифодаловчи восита. Қолаверса, бу сўз СССР худудидаги барча тилларга кириб борган, турли миллатлар қалбига яқин бўлиб қолган. Халқ тилида ҳам, поэтик

нутқда ҳам кенг истеъмолда. Рус тилига ўтирилаётган “Турналар”да мана шу бир сўз билан Кавказча руҳ сақланиб қолиши мумкин.

Аммо таржимон ҳам бўш келмади: “Кел, Расул, бир марта менга хўп – дегин. Кейин ўзинг кўрасан, натижа қандай бўлишини”. Хуллас, аслият муаллифи таржимон йўлига юрди, “йигитлар”ни бутун инсоният учун тушунарли, бир пайтнинг ўзида ҳам қадрли, ҳам қаҳрли “солдатлар”га алмаштиришга рози бўлди. “Натижада – ҳикоясини тугатди Иzzat Султон, “Турналар” қўшиги кўп ўтмай бутун ер қурраси бўйлаб янгради. Одамзотнинг урушга нисбатан барча қайгули ҳис-туйгуларини ифодаловчи оҳангি билан қалбларни ларзага келтирувчи қудратли маънавий кучга айланаб, барча қитъалар узра таралди у. Мексикада ҳамда Чирчиқ шаҳрида бу қўшиқقا хатто хайкал ҳам ўрнатишган”.

Р.Ҳамзатов билан таржимон Н.Гребнев ўртасида “джигит” сўзи хусусидаги баҳс шеър асосида қўшиқ яратилиши пайтларида бўлғанлигини тахмин қилиш мумкин. Ҳарқалай, 1968 йилда Москвада рус тилида чоп этилган З жилдлик асарлар тўпламининг иккинчи жилдидаги “Турналар” таржимасининг дастлабки варианти берилган. Биз ундан биринчи бандини келтирамиз:

Мне кажется порою, что джигиты,
С кровавых не пришедшие полей,
В могилах братских не были зарыты,
А превратились в белых журавлей, —

ва 1981 йилда чоп этилган 5 жилдликнинг иккинчисидан жой олган мукаммал таржиманинг мос бандига солиширамиз. Китобнинг мундарижасида ушбу вариант аввалроқ, 1969 йилда эълон қилинган “Чётки лет” номли тўпламдан олинганлиги кўрсатиб ўтилган:

Мне кажется порою, что солдаты,
С кровавых не пришедшие полей,
Не в землю нашу полегли когда-то,
А превратились в белых журавлей.

Вариантларга сиртдан назар ташлагандаёқ фақатгина биринчи мисрадаги “джигит” сўзи алмаштирилмаганлигини қўрамиз: банднинг учинчи мисраси бутунлай янгиланган. Бу ўзгариш моҳиятини англашга ҳаракат қиласиз.

Биринчи вариантдаги учинчи мисрага эътиборни қаратайлик: Бундаги “братьская могила” ибораси кўпроқ иккинчи жаҳон уруши даврига хосдир: ҳалок бўлғанларни кўпинча катта-катта чуқур қазиб кетишаверган, бирон-бир ахлоқий анъаналарга аҳамият беришга фурсат, шароит бўлмаган. Бундай ҳодисани ифодалаш учун инсон тилида (балки шоирлар таъбиридадир) “братьская могила – биродарлар қабристони” деган ибора вужудга келган. Тўдалаб қатл қилинганларни ҳам чуқур-зовурларга, чоҳларга кўмиб ташлашган ва бундай жойларни ҳам кейинчалик ўша ибора билан аталган. Кўпол “зарыты” сўзи кўпроқ мана шундай иш-ҳаракатни билдиради, – яъни: наридан бери, ҳеч бир удумсиз, ҳайвонни кўмгандай. Бу сўзнинг маъносини, аниқроғи, биринчи вариант матнига салбий оҳанг киритаётганлигини таъкидлаш билан бирга у “джигиты”га уйқашлиги, бинобарин, таржимонга қофия учун ҳам керак бўлғанлигини назардан қочирмаслигимиз лозим.

Энди ушбу сатрнинг иккинчи таржимасига эътибор берамиз: “Не в землю нашу полегли когда-то”. Шу ерда айтиш лозимки, икки вариантни бир-бираидан фарқлатиб турган сўзлар бу “зарыты” ва “полегли”. Иккинчи сўз биринчисига нисбатан бекиёс кенг маънога эга: жанг майдонида ҳалок бўлиш, (қўшимча қилиш мумкин – мардларча), қурбон бўлиш, шаҳид бўлиш; уларни дағн этиш, кўмиш - бунда ўз-ўзидан тайин иш-ҳаракат мавжуд ва бу маъно бўёғи

ҳам “полегли” сўзига сингиган.

Иккинчидан, ва, бизнингча, бу энг муҳими, “полегли” ибораси кўҳна тарихдан ҳикоя қилувчи жангномаларда ҳам кўп учрайди ва асар тилига эпиклик касб этадиган воситалардандир.

Демак, таржиманинг иккинчи вариантида шеърнинг маъно доираси бекёёс кенгайган; замон ва макон чегараси ўйқолган, халқ қаҳрамонлик қўшиқларига хос оҳанг пайдо бўлганки, у турли миллатлар ўртасидаги руҳий тўсиқларни ёриб ўтишга замин яратиб берган. Шуларнинг эвазига шеър (кўшиқ) дунё миқёсида шуҳрат қозонган.

“Турналар” таржимасининг иккинчи вариантида яна бир деталь, асарга умуминсонийлик маъно, руҳ берувчи сўз пайдо бўлганки, бунга албатта ёътиборни тортиш зарур. Бу шеърнинг охирги бандида намоён бўлган.

Лирик қаҳрамон хаёлда оқ турналарга айланган ўғлонлар қаторида ўзини ҳам кўргиси келади, ва ўшанда авар тилида ортда (ерда) қолаётган дўстларини чақиради, - бу биринчи вариантда. Иккинчи вариантда ўзгачароқ: “Из-под небес по-птичьи окликая/ Всех вас, кого оставил на земле.” “Авар тили” ўрнини “кушлар тили” эгаллаган. “Кушлар тили” – бу мажоз, лекин уни бутун инсоният яхши англайди, бир хил тушунади. Демак, бу ерда ҳам юқоридагидек шоирга қанчалик қадрли бўлмасин, тор миллий тушунчани англатувчи ибора ўрнига умуминсоний, барча миллат ва элатлар қалбига бевосита кириб борадиган тимсол яратилган.

Хулоса қилиб айтиш мумкинки, адабиётда, чунончи бадиий таржимада, миллий эстетик анъаналарни, ўзимизнинг бой тажрибамизни унугмаган ҳолда, яна ўша миллий маънавиятимиз манфаатидан келиб чиқиб, жаҳон миқёсига олиб чиқиш учун зарур даражада аллақачон байналминал мақомига кирган воситалардан юз ўғирмаслигимиз лозим.

Қодиржон НОСИРОВ,
Наманган Давлат
Университети доценти



Жеймс Хедли ЧЕЙЗ

Кузғун – сабрли қуш

Роман

ОЛТИНЧИ БОБ

— **А**нүв ерда, чапда, — кутилмаганда деб қолди Гарри.

Гай пастга назар ташлади. Улар тропик ўрмон устидан учеб борардилар. Гарри вертолётни бурган эди, чангальзор бир зумда тугаб қолди. Күм-күк сайхонлик, бетон йўлаклар, йўллар, ҳар қандай ботаника боғлари ҳам ҳавас қиласиган гулзорлар кўзга ташланди.

Кейин улар атрофи майсазор уйни кўришди. Уй бир қаватли бўлиб бироз нотекис қурилган. Ундан икки юз ярдлар нарида томи похол ёпилган бир нечта хужра жойлашган эди. Шубҳасиз, бу хужраларда хизматкорлар яшайди.

— У жуда узун қилиб қурилган бино экан, — ҳайратланиб деди Гай. — Шакли шамойилини қара, гаройиб! Уйнинг у бошидан-бу бошига бориш учун қанча вақт кетишини тасаввур қиляпсанми?

— Эҳтимол, улар роликда юришармикин? — тахмин қилди Гарри.

— Ҳа, уй жудаям узундан-узоқ.

Гарри уй устидаги вертолётни доира қилиб айлантирап экан, кўзига ҳовузлар, турли гулзорлар ташланди.

— Энди кўнишимиз керак, ҳаяжонланяпсанми?

Гай табассум қилиб, калласини сарак-сарак қилди.

— Заррачаям... Қачон қўнаркинмиз деб сабрим чидамаяпти. Қизиқ, бизни уйга киритишармикин?

— Бу энди сенинг ноз-истигноларингга боғлиқ.

Гарри самолёт қўнадиган майдончага назар ташлади. Самолёт пастлаётган вақтда қўлларини юқори кўтарганча самолётни кузатиб турган учта зулусни кўрди.

Вертолёт зулуслардан унча узоқ бўлмаган жойга қўнди. Гарри эшикни очиб ерга тушаётган пайтда бинодан бир «жип» чиқиб, улар томонга кела бошлиди. Машина рулида зулус, унинг ёнида эса кулранг костюм кийган оқ танли ўтиради.

Гай фотоаппаратини Гаррига узатиб, ўзи сакраб ерга тушди. Худди шу пайтда «жип» ҳам етиб келиб уларнинг олдида тўхтади. Тэк машинадан тушиб уларнинг олдига келди. Гай эса бир қадам ташлаб унинг қаршиисига чиқди.

— Гай Десмондман. «Энимал Уорлд»нинг мухбири, — ўзини таништириди у қўлинин чўзиб.

Тэк унга назар ташлаб, Гайнинг расмдагидан кўра ҳам чиройли эканига амин бўлди. У ним таъзим билан Гайга қўлинин чўзди.

— Мулкингизга сўроқсиз бостириб келганимиз учун узр сўрайман, — деди Гай бу баланд бўйли тўнг одам кўнглига ўтиришмаганини

ҳис қилиб, – Валласга учеб кетаётган эдим. Лекин манови гўзал уйни кўриб, уни бир зиёрат қилиб кетиш иштиёқидан ўзимни тутиб туролмадим. Агар одобсизлик қилган бўлсан, тўғрисини айтаверинг, ҳозироқ учеб кетаман.

– Ҳечам унда деб ўйламанг, – эътиroz билдиргандай бўлди Тэк.
– Сиздай гўзал қизлар бизнинг маконимизга камдан-кам қадам ранжида қилишади. Келган экансиз, биз билан нонушта қилишга қаршилик қилмасангиз керак.

– Жуда илтифотли экансиз. Бундан бошимиз кўкка етди, мистер...
– Гай савол назари билан сухбатдошига қаради.

– Гуилла Тэкман. Сиз билан танишганимдан хурсандман.

– Унда учувчимни таништиришимга руҳсат этинг: мистер Гарри Эдвардс.

Тэк яна ним таъзим қилиб қўйди.

– Мистер Тэк жуда илтифотли экан, бизни нонушта қилишга таклиф қилди.

Гарри Тэк билан қўл бериб танишар экан, манави кулранг костюм кийган шахс унда ўзида кўнгилсиз таассурот қолдирди.

Бу вақтда Гай бу гўзал жойлар унга ёқиб тушганини айтиб оғзи бўшамади.

– Қандай ажойиб уй-а! Тагин кимсасиз жойда. Уни осмонда туриб кўриб ўз кўзларимга ишонмадим. Мистер Тэк, сиз бу ерда кўпдан бўён турасизми?

– Уй менга эмас, мисс Десмонд, мистер Каленбергга қарашли. У бу уйнинг эгаси.

– Сиз ҳалиги миллионер Макс Каленбергни назарда тутяпсизми?

Тэкнинг кўзларида масхараомуз ўт чақнади, лекин шундай бўлсада, унинг гапини маъқуллади:

– Адашмадингиз мисс.

– Эшитишимга қараганда, у одамларни ёқтирмас экан... Эҳтимол, кета қолсак маъқул бўлармикин? Уни безовта қилмай қўя қолайлик.

– Йўқ, йўқ, нималар деяпсиз! Каленберг мутлақо унақа одам эмас. Ишончим комилки, сиз билан танишганидан хурсанд бўлади.

– Биноингизни суратга олсак майлими? – сўради Гай. – Мен гоҳида «Лайф» учун суратлар жўнатиб тураман. Бу жуда қизиқарли бўларди-да.

– Буни Каленбергнинг ўзидан сўраш керак. Хўш, офтобнинг тифида нима қилиб турибмиз? – Тэк таклиф қилгандай “жип”га имо қилди.

Орадан бир неча дақиқа ўтиб Гарри билан Гай анвойи гуллар билан безатилган даҳлизга кириб келишди. У ердан пешайвонга эшик бор эди.

Даҳлиз кенг ва дид билан ясатилган. Ундаги гўзал безаклар Гаррини лол қилиб қўйди. Бунақа даҳлизни у умри бино бўлиб кўрмаган. Гай гарчанд бой-бадавлат одамлар билан тез-тез учрашиб юрган бўлсада, даҳлиз уни ҳам мафтун қилиб қўйди.

– Агар сизларни озгина куттиришимга ижозат берсангизлар мен келганингизни мистер Каленбергга маълум қилган бўлардим.

Даҳлизда бошдан-оёқ оқ кийинган зулус пайдо бўлди.

– Зерикиб қолмаслигингиз учун Тэк оз-оздан бирон нима ичиб туришсин деб тайинлаб кетди. – Зулус барнинг эшигини очди, кейин буйруқни кутиб қотиб турди.

Улар жан қувишни тайинлаб, пешайвонга чиқишиди.

– Манави Тэк дегани негадир менга ёқмаяпти, – деди Гарри. –

Унинг кўнглида нимадир шумлик бор...

– Унинг башарасини кўрибоқ, этим сесканиб кетди, – деб жавоб берди Гай. – Назаримда, тўшакдан эмас, худди тобутдан чиқиб келгандай бўлди.

– Бу уйга осонгина кириб олганимиз сенга гайритабий туюлмаяптими? – деди Гарри. У ўриндиқдан туриб ўзи Гайнинг қаршиисига ўтири.

– Балки, менинг жозибам уни эсанкиратиб қўйгандир, – табассум билан деди Гай. – Арвоҳлар ҳам гўзаллик қаршиисида тиз чўкишади. Ундан кейин, бу ерда бизни қандай қабул қилиб олишлари номаълумку. Эҳтимол, Каленберг бизни ташқарига улоқтириб ташлашни буюрар, унда кейин, Тэк бу ерда бор-йўғи унинг котиби, ё эшик оғаси.

Зулус иккита қадаҳда жан ва ликопчада бисквит келтириб қўйди.
– Бу ерда одам зерикиш нималигини билмайди. Сен ҳам мана шундай мулкинг бўлишини хоҳлармидинг, Гарри?

– Бундайроғи бўлса ҳам йўқ демасдим. Бунақангиди дабдаба менга ёқмайди.

– Мен бундай демаган бўлардим, – эътиroz билдириди Гай бир бўлак бисквитни олиб. – Шахсан мен ҳаётда яшашдан мақсад нима эканлигини хис қиласдим.

Орадан бир оз вақт ўтгандан кейин яна Тэк пайдо бўлди.

– Мисс Десмонд мистер Каленберг сизни қабул қилишдан боши кўкка етишини маълум қилди, – деди у. – Афсуски, ҳозир у телефонда зарур ишларини ҳал қилиш билан овора. Шунинг учун сизни кечқурун қабул қила олади. Кутиги тура оласизми?...

– Сиз, бу билан шу ерда ётиб қоласизлар демоқчи бўляпсизми?..

– Қатъиятсизлик билан сўради Гай.

– Худди шундай. Мистер Каленберг бугун унинг меҳмони бўлишингизга умид билдирипти.

– Лекин... мен зиёфатбоп кийимларимни олмаган эдим...

– Бунинг зарари йўқ. Бизнинг хизматкор ходимларимиз жуда кўп. Бу ердаги ҳар қандай аёл сизга зарур бўлган нарсани муҳайё қила олади.

– Раҳмат. Жуда муруватли экансизлар. Айтинг-чи, мен унинг уйини суратга олишим мумкинми, йўқми, сўрамадингизми?

– Йўқ, мисс Десмонд, сўрамадим. Бунақа илтимос билан ўзингиз мурожаат қилсангиз яхшироқ бўларди.

– Яхши. Мистер Каленбергнинг зиёфатида бўламиз ва шу ерда тунаймиз.

– У бундан хурсанд бўлади, – деб жавоб берди Тэк ва соатига қараб қўйди. – Нонушта ярим соатдан кейин тортилади. Унгача эҳтимол ўзингизга қараб оларсиз?

Кейин Тэк Гаррига диққатини қаратди.

– Мистер Эдвардс, сиз ҳам ўзингизга зарур бўладиган бирон кийим олмаганмисиз?

– Бор-йўғи устимдаги кийимлар.

– Нимаям дердик, буниям ҳал қилса бўлади.

Пешайвонга Мия чиқди, Тэк унга ўтирилди.

– Таништиришга рухсат этинг – бу мисс Мия. Сизларга хизмат қилиб туради, менга узр. – Тэк таъзим қилиб чиқиб кетди.

– Илтимос, мен билан юринглар, – таклиф қилди Мия.

Мия уларни кираверишдаги кенг даҳлизига олиб чиқди. У ердаги йўлак бошланадиган жойда уларни гольф майдончасида фойда-

ланадиган электр аравага ўхшаш мўъжазгина машина кутиб турарди. Мия рулга ўтириди ва меҳмонларни аравачага чиқишга таклиф қилди.

— Бу йўлак шундай узунки, биз юриш учун хонаки электр аравачадан фойдаланамиз, — тушунтириди Мия қулиб туриб.

— Шундай узундан-узун уйни қандай қилиб уддалашар экан деб ўзим ҳам ўйлаб турган эдим — деди Гай. — Уни осмонда кўрганимда ўзимга бинонинг у бошидан-бу бошига бориш керак бўлиб қолса, роса кўп юришса керак девдим.

Электр аравача бир силтаниб товушсиз юриб кетди-ю, бирпасда йўлакнинг нариги чеккасига етиб борди.

— Уйнинг бу қанотида меҳмонлар учун маҳсус жой бор, — деди Мия. У машинани тўхтатиб, эшиклардан бирининг олдига борди-да, уни кенг очиб юборди. — Марҳамат, киринглар.

Улар кичкинагина пешайвони бор бўлган кенг ва чиройли безатилган хонага киришди. — Бу ерда сиз ўзингизга керакли бўлган ҳамма нарсани топа оласиз, — деди у. — Нонушта бу ерга соат 13.00 да келтириб берилади. Мана бу сизнинг хонангиз, мисс Десмонд. Мен оқсочни жўнатаман, у сизни кийиниб олишингизга ёрдам беради. Менимча, менинг кийимларимдан биттаси — сари сизнинг қоматингизга, рангингизга жуда мос келади. Сиз нима дейсиз?

— Миннатдор бўлардим.

Гай тўхтаб хонасини кўздан кечира бошлади. Хона ҳайратланарли даражада дид билан безатилган ва гўзал эди. Деворлари феруза ранг, каравот, шкаф ва каттакон тошойна кўйилган, унинг устида эса аёллар учун зарур бўладиган турфа хил кремлар, атир-упалар ва бошқа нарсалар териб ташланган. Ваннахонасида баданни артиб қуритиб қийналиб ўтирмаслик учун қуритгич бор.

Гай ўз хонасини томоша қилиб турган вақтда Мия Гаррига у жойлашадиган хонани кўрсатди. Унинг хонаси ҳам чиройли қилиб безатилган эди.

Новча зулус аёли Мианинг сарисини олиб келди. Гай уни ўзим кия оламан деб ишонтириди.

— Мистер Каленберг жуда оддий одам, — деди у. — Кечки таом кечқурун оқшом чофи пешайвонда тортилади. Илтимос, ўзларингизни ўз уйингиздек ҳис қилинглар. Агар чўмилгингиз келиб қолса, шкафдан чўмилиш кийимларини оласиз. Агар бошқа бирон нарса зарур бўлиб қолса, телефон гўшагини кўтартсангиз, бас. — Мия хайрлашиш маъносида табассум қилиб кўйди-ю чиқиб кетди.

Гай билан Гарри бир-бирига қараб олишди. Гарри ҳатто аста хуштак ҳам чалиб юборди.

— Нимаям дердик, қани, бир миллионерчасига ҳам яшаб қўрайличи!

Эшик тақиллаб бир зулус сафархалталарни кўтариб кирди. Уларни индамай ерга қўйиб индамай чиқиб кетди. Гарри сафархалтасининг олдига борди-да, передатчик жойида турганини кўриб кўнгли хотиржам бўлди. Кейин Гайга қаради.

— Қизиқ, улар сафархалтада нима борлигини текширганмикин, йўқмикин?

— Бунинг нима аҳамияти бор! — Гайнинг бутун диққат-эътибори атрофида содир бўлаётган гаройиб ҳодисаларга қаратилган эди. — Ҳар ҳолда бу ерлар шундай ажойибки! — хаёл суриб деди у. — Бориб ваннага тушаман.

У сафархалтасини олиб ўз хонасига кирди ва эшикни қулфлаб олди. Кейин тез-тез ечинди. Қип ялангоч ҳолда ўз гўзаллигига маҳлиё

бўлиб бир муддат кўзгуга қараб турди, кейин кранни очиб сув тушириди.

Гай, афтидан, бу кўзгу икки хил вазифани бажаришини билмаган бўлса керак. Унинг бир томони кўзгу, иккинчи – орқа томони эса одий ойна бўлиб, бу томондаги нарса қандай бўлса шундай аниқ кўриниб турарди. Каленберг бўлса, қоғозларни тартибсиз равишда сочиб ташлаганча ҳамма ишларини йиғишириб қўйган ва қипяланғоч Гайнинг оғатижон гўзалигини томоша қилиб ҳайратланиб турарди.

Йўлнинг чангальзор қисмини ўтиб баландликка кўтарилигандан кейин Кен билан Феннел вертолётнинг ерга қўнишини кузата бошлишди. Улар уй, bog ва қўниш майдончаси жуда яхши кўринадиган ва чор атрофи дараҳатлар билан ўралган пастак чўққида ўрнашиб олишди. Феннел ҳар қандай узоқни ҳам яқиндан кўрсатадиган дурбинни кўзига тутди. У «жип»да Тэкнинг келганини, Гайнинг унга пешвоз чиққанини, ундан кейин уччаласи машинага ўтириб бинога қараб кетишганини аниқ-тиниқ кўриб турди.

– Улар ҳовлига кириб кетишиди, – деди Феннел ва дурбинни кўзидан олди. – Ишимиз бароридан келди!

– Афтидан, унчалик қийинчиликка дуч келмаганга ўхшайди, – ўйланқираб турди Кен. – Эшишишмга қараганда, Каленберг меҳмонларни жила хушламас экан, айниқса, бегоналарни.

– Чалик, гўзал немис аёлларини кўрганда уни қўлдан чиқармайди деганди-ку. Чаликка ишонса бўлади...

– Булар бари тўғри, лекин барибир, унинг бунчалик қўнгли бўшлик қилишини кутмагандим, – деди Кен ва передатчикка қўлини узатди. – Уни қабулга тўғрилаб қўйиш керак. Чунки Гарри истаган вақтда алоқага чиқиб қолиши мумкин.

Феннел сигарет чекиб, қояга ястанди. У итдай чарчаган, ҳозир озгина дам олмоқчи бўлди.

Кен табиатан пишиқ, ўйлаб иш кўрадиган одам эди. Феннелнинг юрагига қўл солмоқчи бўлди. Бирмунча вақтдан кейин Феннел қўминалади.

– Сиз ишлаб олган пулингизни олгандан кейин нима қилмоқчисиз? – деб сўради ундан Феннел.

– Дўстларимдан биттаси Иоганнесбургда саёҳатчилар бюросини очишни мўлжал қилиб турибди, – жавоб берди Кен. – Үнга шерик бўлмоқчиман.

– Саёҳат бюросими? Нима, бундан катта фойда келадими?

– Фойдали бўлиши мумкин. Биз ов қилиш учун ажратилган ерларга саёҳатчилар гурухини ташкил қилишни режалаштирганмиз. Бу иш билан ўзим шугулланаман. Катта пул ишлаб олиш мумкин. Америкаликлар, кўнгилларини топишса, хасислик қилишмайди. Бирга ишлаб уларнинг дидларини, урф-одатларини, нималарни таклиф қиласанг кўнгилларига хуш келишларини билиб олганман.

Феннел бир нима деб тўнгиллади.

– Бунинг жа ташвиши кўп. Мен ишламоқчи эмасман...

– Сиз теккан улушингизни нима қилмоқчисиз?

– Маишат қиласан. Пулни сарфлаш учун чиқарган. Мен ўлибтирилиб топган пулларини йиғиб ётадиган одамларни тушунмайман. Нима қиласан тагингта босиб ётиб, одам бир марта яшайди, ўлиб кетасан, барибир сендан кейин пулларинг бирорвларга қолиб кетади.

– Эҳтимол, кимлардир пул йиғишини маъқул кўрар?..

– Худо хаққи, нима кераги бор бунинг? Пулни ҳамма вақт топиш мумкин! Чаликнинг топшириғини бажарганимдан кейин бошқа иш

топаман. Менинг нималарга қодирлигимни биладиган одамлар жуда кўп. Истаган пайтимда иш топиб оламан.

Кен Феннелга «жим» дегандай қўл силкиди. Передатчик қитирлай бошлади. Кен дарров наушнигини қулогига осди ва микрофонни қўлига олди.

— Кенман... Салом Гарри, сизни яхши эшитяпман. Гапираверинг.

Кен бирмунча вақт диққат билан Гаррининг гапига қулоқ тутди, Феннел эса унга қараб турди.

— Тушундим, — деди Кен ниҳоят. — Омад ёр бўлсин — алоқа тугади.

— Хўш, уларда ишлар қалай экан?

— Бугун тунни ўша ерда ўтқазишаркан. Гапига қараганда, Каленберг уларни қўриб хурсанд бўлибди. Тан олишим керакки, бу мени ҳайрон қолдиряпти. Нима бўлишидан қатъий назар, Каленберг улар билан соат 23.00 да учрашади. Хуллас, қаерда бўлмайлик бу вақтда қабулга тайёр туришимиз керак.

Феннел яна бир нима деб мингирилади-ю, соатига қараб қўйди. Кун пешиндан ўтган эди.

— Нима, ўн икки соат мана шу қояда қимиirlамай ўтираверамизми?

— Кераксиз таваккалга қўл уришимизнинг зарурати йўқ. Бу ерда бизга хавф-хатар йўқ. Келинг, яххиси, тамадди қилиб олайлик, — Кен қопдан консерва банкасини чиқарди.

— Э худойим-ей, яна ловиями! Бошқа бирон нима егулик йўқми?

— Бор. Дудланган гўшт, ейсизми?

— Ловиядан кўра, шуям дуруст, — жавоб берди Феннел ва яна кўзини юмиб олди. — Анув иккаласи, зиёфатда зўр-зўр таомларни туширишашётган бўлса керак.

— Ҳавас қиляпсизми? — деб сўради Кен Феннелнинг маъюс башарасига қараб.

— Э, йўқ, шундай ўзим. Банкани очинг. Бизнинг ҳам кўчамизда байрам бўлиб қолар.

— Бизга халақит қилишмасмикин, шуни жудаям билгим келяпти.

— Улар пешайвонда яхшилаб нонушта қилишди. Гай чекди. Янги кийимида у янада гўзал тортиб кетган эди. Гарри ундан кўзини узолмай қолди.

— Қайси маънода? — деб сўради қиз.

— Тўгри маънода. Сени тўшакка олиб кириб кетгим келяпти.

Гайнинг чеҳраси ёришиб кетди.

— Ундай бўлса, ҳиссиётлар жунбишга келган нозик пайтда биронтаси, дейлик, жаноб Тэкми, кириб келгудек бўлса, бутун тоат-ибодат бекор кетади-да.

— Албатта. У ҳолда кел, иш билан шуғулланайлик. Феннелни бу ёққа қандай қилиб олиб кирамиз, шуни ҳал қилиб олайлик.

— Катта зал орқали, — жавоб берди Гарри иккаласининг ётоқхонаси чиқадиган зални кўрсаткич бармоги билан кўрсатиб. — Бизга мана шу хоналарни бериб қўйган экан, демак, бу уйга кириб келишининг осон йўли худди мана шу жойдир.

— Буни уddaлаш осон деб ўйлаяпсанми?

— Билмайман. Ҳар ҳолда, бошқа жойдан кўра, шу ер қулай. Ундан ташқари, у кечаси киради.

— Бинонинг атрофига қоровул қўйилганини унутма. Тўгри, ҳозир мен уларни кўрмаяпман.

— Каленберг уйнинг олдига қоровул қўйиш-қўймаслиги аниқ

эмас-ку. Чангалзор орқали бирон кимсанинг ўтиб келишига ишонмайди. Богни сайр қилиб келишни хоҳламаяпсанми?

- Ҳозир эмас. Қуёш қиздиряпти.
- Үнда мен айланиб келаман. Унгача сен озгина мизғиб ол.
- Қайсар. Қуёшда куйиб кетасан-ку!
- Қўришгунча...

Гарри хайр маъносидаги қўлини силкиб қўйиб кўк бетон ётқизилган тор йўл орқали боқقا чиқиб кетди.

Гай уни орқасидан қараб кузатиб турди-да хаёлга берилди.

...Топшириқ бажарилгандан кейин у билан бирга бутун таътилни бирга ўтказса ёмон бўлмасди. Масалан, дейлик, Парижда. Ҳозир йигирма олти ёшда. Чалик унинг хизматидан беш-олти йил фойдаланар. Кейин яна ундан ёшроқ хизматкорни қидириб қолади. Лекин бу беш-олти йил ичидаги мустақил яшаши учун анча пул жамгариб олади: ахир мустақил яшашга умр бўйи интилиб келди-ку. Кейин Гаррига турмушга чиқсанмикин, деган хаёлга борди... Унда Гаррига интилиш бор эди, лекин уни ҳали севиб қолмаганди. Лекин Гаррининг фикри Гайнинг дабдабали ҳаёт ҳақидаги фикри билан бир чиқмади. Дабдабасиз ҳаётни Гай ҳаёт ҳисобламасди. Гарри яхши ўртоқ, яхши ўйнаш бўлиши мумкин, лекин яхши эр эмас... Шундай эрга тегиши керакки, у маданиятли, ақлли ва асосийси, у бой бўлсин. Тўғри, бундай одам доимо рўпара бўлавермайди... У кўп эркакларни кўрган, улардан бирига тегиб олиши ҳам мумкин эди, лекин сўнгги паллада нимадир халақит қилиб қоларди. Ўзига ортиқча бино қўйиб юборганидан шундай бўлганмикин?..

Юмшоқ ўриндиққа ўтириб олиб хаёл суриш жуда ёқимли эди, шунинг учун у кўзи илинганини сезмай қолди. Гарри келиб ўйготганида орадан бир соат ўтган эди.

– Бирон нима ичмайсанми? – сўради у шкафнинг олдига бориб.

Гай розиман, дегандай бошини қимирилатди. Керишиб ўриндиққа қулаироқ ўтириб олди.

– Бир нимани аниқладингми?

– Ҳаям, йўқ ҳам дейишим мумкин. Бинонинг қарама-қарши томонидан киришнинг иложи йўқ. – У иккита қадаҳ келтириб бирини Гайнинг олдига қўйди. – У томонга борадиган йўлкани зулус қўриқлаб турибди. У леопард терисини ёпинган. Худди киноларда кўрсатадиган ёввойи одамга ўхшайди. Қўлида найза ва қалқон тутган. Ҳаммаёғига пат қистириб олган. Нариги ёққа ўтмоқчи бўлган эдим, мени итариб юборди.

– Афтидан, у ёқда Каленбергнинг хобхонаси бўлса керак.

– Эҳтимол... Яна бир нарса: бояннинг ичкарисида каттакон ҳовуз бўлиб, унда тимсоҳлар сузуб юришибди. Ҳовузни ўраб олган дарахтларнинг устида боқиладиган баҳайбат қузгунлар ўтиришибди. Уларни кўриб, юрагим орқага тортиб кетди.

Гай қулиб юборди.

– Нега?

– Кутимаган меҳмонлардан қутулишнинг энг зўр йўли бу.

Гай бошини кўтарди. Гарри жиддий гапираётганини тушуниб кулгини тўхтатди.

– Мурдалардан қутулишнинг Каленбергга нима ҳожати бор экан?

Гарри қадаҳдаги ичимлиқдан бир-икки хўплам ичди. Кейин уни чайқатиб ичидаги музни шиқиллатди ва елкасини қисиб қўйди.

– Буларнинг бари одамни ёмон хаёлга олиб кетади... Кейин бу ерга осонгина кириб олганимиз мени хавотирга соляпти. Тэқнинг башарасининг ўзиёқ одамни бошқа хаёлларга олиб кетади. Баъзан

менга у бизни калака қилаётгандай туюлаяпти. Айниңса, бу уй кимга қарашли, деб сўраганингда сезилди. Менда сен нималарни билсанг, у ҳам бунинг барини биладигандай таассурот қолдиряпти...

У биздан нимадандир шубҳаланяпти деб ўйлаяпсанми?

– Шунақага ўхшайди.

– Бизнинг бу ерга нима мақсадда келганимизни билади, демоқчимисан?

– Аниқ айттолмайман. Лекин бунга ишончим комил. Биз ўйин қилаётганимиздан аниқ хабардор.

– Ўзимизни қандай тутишимиз керак?

Шу он Гарри сўқмоқ йўл билан ўзлари томон келаётган Тэкни кўриб қолди.

– Ана, биродаримиз Тэк келяпти.

– Узр, сизларга халақит қылмадимми? – деди Тэк пешайвонга кўтариilar экан. Унинг лаблари бурчида ним табассум ўйнади. Кўзлари, кичкина кўзлари эса ҳар иккисига қараб олмакесак терарди.

– Нонушта сизларга маъқул бўлди, деб ўйлайман.

– Жуда ажойиб бўлди, – деди Гай. – Миннатдормиз. Бу жойлар ҳақиқатдан ҳам гўзал экан!

– Мисс Десмонд бундай илиқ сўзларни сиздан эшитиш жуда мароқли, – деди Тэк. – Ташифимнинг боиси Калленбергнинг музейини кўришга мойил билдирасизми, деб сўрамоқчи эдим.

Бундай таклифдан ниҳоятда хурсанд бўлиб кетганидан Гай ўзини йўқотиб қўяёзди. Лекин буни сездирмаслик учун мулойимлик билан ўзини кўлга олди.

– Мистер Калленбергнинг музейи борми?

– Ҳа. Ҳожамиз дунёда энг машхур коллекционерлар қаторида туради.

– Бу ҳақда қулогимга чалинганди. Лекин унинг ҳақиқий музейи борлигини билмаган эканман. Шундай, бир оддий коллекция...

– Унинг музейи бор. У музейни кўришга иштиёқингиз борми, ўйқуми, шуни билмоқчи.

– Албатта бор-да.

– Сиз-чи, мистер Эдвардс?

– Миннатдорман. Мистер Калленбергнинг таклифини жон деб қабул қиласман. – Гарри ҳам ўз хурсандчилигини амаллаб сездирмади. Ҳудди шу он Тэкнинг кўзларида қандайдир истеҳзо ўйнаётганини сезиб қолди.

– Ҳозир сиз нақ музейнинг устида турибсиз, – деди Тэк.

– Сиз... Сиз уни ер остида демоқчи бўляпсизми?

– Ҳудди шундай.

– Мистер Тэк, ўзим билан фотоаппарат олволсам бўладими?

Тэк йўқ, дегандай калласини қимирлатди.

– Жуда афсусдаман, мистер Калленберг музейни суратга олишга рухсат бермайди. Илтимос, ортимдан юринг.

Улар хонадан чиқиб йўлак бўйлаб кетишиди. Гай билан Гарри нима бўлаётганига тушунмай, бир-бирига қараб олишди. Кейин уччаласи электр аравачага ўтиришди-ю, Тэк уларни узун йўлак бўйлаб олиб кетди.

– Бу ерда мистер Калленбергнинг ётоқхонаси бор, – деб тушунтирди Тэк кулранг эшикнинг олдидан ўтаркан. Аравача чор атрофи ёпиқ девор олдидা тўхтади-да, каттакон деразага яқин келди. Гарри унинг орқасидан кузатиб турди. Тэк дераза рахини бармоқлари билан босган эди, девор икки томонга силжиб эшик очилди.

— Мистер Калленберг — мажрух — тушунтириди Тэк Гайга ўгирилиб, — шунинг учун ҳамма эшиклар электроника ёрдамида очилади. Манави лифт бизни музейга элтади.

Лифт бўлмасида кулранг шоҳи ёпилган турли рангдаги тўртта тугма бор эди. Тэк яшил тумани босган эди, лифт овозиз пастга туша бошлади. Лифт пастлаётган пайтда у навбат билан кўк ва сариқ тумани босди.

— Бу тумалар нимага керак бўлади? — деб сўради Гай қизиқиб ҳеч нимани билмагандай.

— Яшил тумга лифтни бошқаради. Кўк тумга — музейни ёритади. Қизили сигнал тизимини ўчиради.

Лифтнинг эшиги очилиб, улар мустаҳкам равоқли кенг хонага киришди. Кондиционерлар ишлаб турибди.

— Илтимос, бир оз кутиб туринг, — деди Тэк. У кулранг эшик олдига келиб бир дақиқача туриб қолди. Гарри кузатиб тураракан, Гайга хавотирли назар ташлади. Кейин кўзини бошқа томонга олди. Чунки Тэк орқага қараб, қайтиб кела бошлаган эди. — Музейда бебаҳо хазиналар бор, — тушунтириди Тэк. — Шунинг учун уни қўриқлашнинг зарур чораларини қўриб қўйганмиз. Бу ёққа олиб келадиган эшик маҳсус пўлатдан ясалган. Уни бузишнинг мутлақо иложи йўқ. Деворлар бир ярим метр қалинликда. Кулф соат механизми билан таъминланган. Уни ҳар куни кечқурун соат ўнда ишга туширишади. Хуллас, бирон кимса эртаси куни соат ўнгача музейга киромайди. Марҳамат, киринг!

Гай билан Гарри унинг орқасидан юриб хира ёритилган гумбазсимон залга киришди. Деворларга сон-саноқсиз суратлар осилган. Гай Рембрандт чизган бир суратни, Пикассонинг бир нечта суратини таниди. Ундан нарида Лувр, Флоренция ва Ватикан музейларида кўрган ва назарида Ренессанс даврига хос бўлган суратлар осилган эди.

— Лекин булар асл нусхадан кўчирилган суратлар бўлса керак, шундайми мистер Тэк? — сўради Гай.

— Булар асл нусхалар! — хафа бўлиб қошини чимирди Тэк. — Айтдим-ку, ахир, мистер Каленберг дунёда энг бой музей эгаларидан бири, деб! — Навбатдаги зал сизни янада ҳайратда қолдиради. — Улар кейинги залга ўтишди. Бу залда тўрт метрлик олтиндан ясалган Будда ҳайкали ялтираб турарди.

— Бу жуда ажойиб, — деди Тэк. — У Бангкокдан келтирилган. Сўнгги уруш пайтида японлар ҳайкални шаҳарда деб эшитиб уни роса тит-пит қилишди. Лекин бонзлар айёр чиқиб қолишли. Ҳайкални цемент билан шуваб бир кичкина ибодатхонага беркитиб қўйишади. Японлар бу ерга ҳам қидириб келишади, лекин ҳеч нарсани тушунтиrolмай қайтиб кетишади.

— Демак, бу тоза тилладан ясалган экан-да, — деди Гарри кўзларини катта очганча, ястаниб ўтирган Буддага қараб.

— Худди шундай!

Тэк вақти-вақти билан у ёки бу санъат асарига тушунча бериб меҳмонларни зал бўйлаб айлантириди. Гарри ўзини санъат асарлари бўйича билармон ҳисобламаса-да, бу ердаги нарсаларни қўриб оғзи очилиб қолди.

— Мана бу эса, сўзсиз Рай Гичартининг яшил панноларидан бири, — деди Гай гўзал қилиб ишланган паннони кўрсатиб. — Жуда зўр қилиб нусха кўчирилган экан!

— Унинг нусхаси Флоренцияда, мисс Десмонд, бу асл нусха бўлади, — деди Тэк заҳархандалик билан. — Бенвенуто Челлинининг манави ҳайкали ҳам асли, нусхаси эса Флоренцияда.

Лол бўлиб қолган Гай унга ўтирилди, шу вақт кичкина шиша кутичада турган «Боржия узуги»га кўзи тушди.

— Манови нима? — деб сўради у яқинроқ келиб узукни яхшилаб кўриб олиш учун.

— Цезар Боржианинг узуги, — жавоб берди Тэк. — Бу номаълум заргар томонидан Боржиялар хонадонининг буюртмасига биноан ясалган. Узукда заҳар бор. Афсоналарга қараганда, заргарнинг ўзи унинг илк қурбонига айланган экан. Миттигина игнача устасининг қўлига санчилиб ўзининг қурбони бўладиганларни эгасидан бошлаб ўлдириб берган экан. Қизиқ-а?

— Жоҳилият даври... — Гай билинар-билинмас юзини тириштириб қўйди. — Узук ҳалиям хавфлими?

— Ундан бўлмаса керак, мисс Десмонд! Бунинг учун аввал унинг ичини заҳарга тўлдириш керак бўлади. Ундан кейин, игнанинг уни ҳалиям ўша-ўша ўткирлигига шубҳам бор.

Тэк ундан ташқари, Тутанхамон тобутидан топилган ажойиб идишни ҳам кўрсатди. Гай билан Гарри қимматбаҳо буюмларни кўриб яна ярим соат юришди. Кейин илтифотли гид соатига қараб уларни тушлик олдидан бирон нима ичиб олишга таклиф қилди. Тэк уларни яна лифтга олиб кириб тумаларни боса бошлади. Гарри эса, унинг ҳар бир ҳаракатини эслаб қолишга уринарди.

— Ярим соатдан кейин хизматкор сизларни катта пешайвонга олиб боради, — деди Тэк хайрлашиш маъносидা.

Соат етти ярим. Гай билан Гарри пешайвонга чиқишиди.

— Ўзимга келишим учун ўткирроқ бирон нима ичиб олишим керак, — деди Гай ўриндиққа чўкаркан.

— Мен ҳам... Иккала залдаги телекамерани кўрдингми?

— Ҳа. Феннел тўртта зал бор деганди, демак, телекамераям тўртта бўлиши керак. Лекин Тэк бизга иккита зални кўрсатди.

— Гай, биласанми, биз тузоққа тушганга ўҳшаймиз.

Гарри иккита коктейл тайёрлаб иккита бокалда столга қўйди.

Гай ўйланқираб унга қаради.

— Бунга ишонгим келмайди... Агар бизга ишонмагандан ҳамма нарсани очиқ кўрсатмасди.

— Худди ана шу нарса мени хавотирга соляпти. У қимматбаҳо буюмлар бу ерга қандай қилиб келиб қолганини билиб олганимизни жуда яхши тушунади. Уларни бизга нима мақсадда кўрсатяпти? Тумаларнинг нимага хизмат қилишини, соат механизмини кўрқмай гапириб беряпти. Ахир биз бу ердан кетганимиздан кейин кўрган-билинларимизни ҳаммага ошкор қилишимиз мумкин-ку...

Гарри қовоғини уйиб индамай қолди, кейин калласини қимиirlатди.

— Нима гап? — деб сўради Гай.

— Агар биз бу ердан чиқиб кетишимизга кўзи етганда сирларини бизга ошкор қилмаган бўларди, — дея фикрини якунлади Гарри.

Гай чўчиб тушди.

— Ахир улар бизни бир умр ушлаб туролмайди-ку. Бунақа ёмон хаёлларга борма.

— Нимаям дердим. Вақт қўрсатади, бошга тушганни кўз кўрар... ҳозирча бутун умидимиз Кен билан Феннелдан. Улар билан гаплашиш керак.

Гарри ўз хонасига кириб кетди.

Гай ёлғиз қолди. У жуда хавотирга тушиб қолган эди. Нега Калленберг шундай музейини бизга кўрсатишга рухсат этди, деб ўз-

ўзига қайта-қайта савол берарди. Эҳтимол, хавфсизлик тизими шу қадар мустаҳкамки, унга бирон зот киролмайди деб ишониб кўйғанмикин!..

Орадан ўн дақиқа ўтиб, Гарри қайтиб чиқди.

– ФенNEL ҳам бунда қандайdir бир шубҳали нарса бор деб гумонсираяпти. Темба кийим-кечакларни қўриқлаб чангалзорда қолибди. Феннелнинг ёлғиз ўзи келади. Агар Каленберг жант қилгиси келиб қолса, Кен ҳамма вақт бизга ёрдамга келиши мумкин экан.

– Демак, сен Каленберг хавфли деб ҳисоблаяпсанми? – деб сўради Гай.

– Мен бу саволингга уни кўрганимдан кейин жавоб бераман, – деди Гарри. – Яна ичасанми?

Соат тўққизда зулус хизматкор уларни олиб кетгани келди.

Каленберг ўз юмшоқ курсисида кутиб ўтирарди. Улар келишгандан кейин Гайни ўзи билан ёнма-ён ўтиргандан кейин. Шу тўғрими?

– Анчадан бўён у ерда ишлайсизми?
– Йўқ... Атиги олти ой бўлди.

– Бу журнални муттасил олиб тураман. ҳайвонлар оламига жуда қизиқаман. Негадир суратлар остида сизнинг фамилиянгизни ҳечам кўрмаганман?

Гарри бу савол Гайни ҳижолатга солиб қўймаганидан енгил нафас олди. Гай кулиб қўйди, холос.

– Мен асосан ёрдамчи ишлар билан шуғулланаман, мистер Каленберг. Масъулиятли ишларни топшириш учун ҳали менга ишонишмайди. Мен гаройиб бинойингизни суратга олишим учун рухсат беришингизга умид қиласман. Бу ҳол унинг остига номимни қўйишимга ҳуқуқ беради.

Каленберг уни дикқат қилиб кузатди.

– Бунга қулай фурсат келишини бироз кутасиз, деб умид қиласман. Бу ерларни суратга олиш тақиқланган.

Гай унинг кулранг кўкиш кўзлари билан кузатиб туришига зўрбазёр бардош берди.

– Ҳатто менгаям-а? Мен нари-бери, шундаям бофингиз билан бинонигина суратга оламан, деб ваъда бераман.

– Афсус, лекин...

Каленберг сұхбат мавзуини ўзгартириш учун ундан музей ёқсан-ёқмагани билан қизиқди.

– Жуда зўр! Сизни табриклайман.

Пешайвонда учта зулус пайдо бўлиб, байрамона ясатилган стол олдида туриб қолишиди. Шу аснода қорнини тўқлаб олган Гинденбург пешайвонга чиқиб келди.

– Қандай чиройли! – деб юборди шодон Гай. – Уни силаб кўрсам майлими?

– Бу билан сиз томондан эҳтиётсизлик қилинган бўларди, – деди Каленберг гепарднинг қулоғи орқасини қашиб туриб. – Эркатойимнинг табиати инжиқроқ. Айниқса, нотаниш одамлар орасида турганда. Улар жуда гўзал бўлган тақдирда ҳам, мисс Десмонд, – Каленберг аравачасида столга яқин келди. – Энди эътиroz билдирамасангиз овқатни тановул қиласмиш.

Ҳамма столга ўтирганда Каленберг бехосдан Гарри билан қизиқиб қолди.

– Сиз-чи, мистер Эдвардс, моҳир учувчи бўлиб анчадан бўён

шугулланасизми?

- Биринчи учишим, – ўйлаб ҳам ўтиrmай ёлғонни қалаштириди у.
- Мисс Десмонд бўлса, менинг илк мижозим.

– Тушунарли.

Дастурхонга музлатилган қовун тортишиди.

– Мисс Десмонд, сиз улкан ҳайвонларни қидириб юрибсизми?

– Ҳа. Чангальзордан учиб ўтаётib осмонда гаройиб уйингизни кўриб қолдик. Уни яқиндан кўриш иштиёқи юрагимга тинчлик бермади. Мени одобсиз экан демаслигингизга умид қиласман.

– Йўғ-э, нималар деяпсиз! Агар сиз билан танишишни хоҳламаганимда бу ерга қўнишингизга рухсат бермаган бўлардим, бор гап шу. Ҳа, мана шундай ёқимли меҳмонларни қабул қилиш менга ҳузур бағишлади.

– Бу ерда ўзингизни ёлғиз ҳис этмайсизми? Ахир ҳаммадан ажралиб яшайсиз.

– Менинг шундай ишларим кўпки, ёлғизликни ҳис қилишга, зерикишга вақтим йўқ. Тан олишим керак, сизни сураткаш деб эшитиб жуда ҳайрон бўлдим. Сизнинг хулқ-атворингиз, кўринишингиз сураткашликка эмас, балки, манекенчи бўлишингизга мос келади.

– Топдингиз! Бир вақтлар манекенчи бўлиб ишлаганман, лекин кейин бу касбни ташлаганман. Билсам, сураткашлик қизиқарли экан.

– Мен ҳам бунга қизиқаман, фақат ҳаваскор сураткаш бўлгим келади. Менимча, рангли плёнка билан ишласангиз керак?

Сураткашлик ҳақида ибтидоий тасаввурга эга бўлган Гай бу савол билан йўлдан ташқарига чиқиб кетган ҳолатга тушиб қолди.

Гарри Гайнинг эсанкираб қолганини сезиб суҳбатга аралаши.

– Мистер Каленберг, боғингизни сайр қилиб юриб ҳарбий кийим кийган зулусларга рўпара келиб қолдим... Мен кўрган кинофильмларнинг асосида... қисқаси, уларнинг кўриниши жуда ёқимли эди.

– Ҳа, менинг кўл остимда бунаقا жангчилардан юзлаб, – жавоб берди Каленберг. – Уларнинг анъанавий кийимларда юриши менга ёқади. Улар ваҳший ҳайвонларни ва... одамларни ҳам овлашда устаси фаранг овчилар ҳисобланишади. Ҳеч ким менинг мулкимга қадам босолмайди. Улар чангальзорда кечасию кундузи қўриқчилик қилишади.

– Лекин боғда эмас-да, – деди Гарри очиқкўнгиллик билан.

Орага жимлик тушди. Гарри бошини кўтариб Каленбергга қараган эди, кўзлари унинг қаттиқ тикилиб турган кўзларига тўқнаш келди. Унинг истехзод аралаш кулиб қараб туриши Гаррини кўзларини тезда бошқа тарафга олишга мажбур қилди.

– Йўқ, мистер Эдвардс, улар боғда кечалари қоровуллик қилишмайди. Лекин кундузи бир нечта зулус қўриқчилик қилади, шунда ҳам бу ерда бегоналар бўлган пайтларда.

– Ҳа, жуда гаройиб экан, – деди Гарри қўлидаги санчқини столга кўяркан. – Балиқ жуда ширин чиқиби!

– Ҳа... – Каленберг бепарволик билан гепардни силади. Уям мамнун бўлиб инграб қўйди.

– Жуда ёқимли хурилларкан! – хитоб қилди Гай. – Анчадан буён сиз билан биргами?

– Уч йилдан ошди. Биз ажралмас дўстмиз, – деди Каленберг Гаррига қараб қўйиб. – Жуда ёқимли ҳайвон. Таъбир жоиз бўлса, менинг қоровулим. Бир неча ой муқаддам бунга ишонч ҳосил қилдим. Хизматкорларимдан бири ақлдан озиб менга ҳужум қилмоқчи бўлганди. У қўлида пичоқ билан хонамга отилиб кириб келди. Менинг

олдимга югуриб етиб келмасдан бурун Гинденбург уни бир лаҳзада парчалаб ташлади. Дунёда югуришда гепарднинг олдига тушадиган ҳайвон йўқ. Сиз буни биласизми, мистер Эдвардс?

Учувчи гепардга қараб қўйиб калласини қимирлатди.

– Билмадим, лекин ростдан ҳам бунга лаёқатли экани кўриниб турибди.

Хизматкор навбатдаги таомни – қандайдир мазали қайлада пиширилган жўжани олиб келди.

– Бу одатдагиларга ўхшамаган таом, – деди Каленберг. – Уни тайёрлаш усулини Париждаги бир машхур ошпаздан сотиб олганман. Бу таом сизга маъкул бўлади, деб умид қиласман.

Хизматкор жўжани бўлаклар экан Каленберг гапдан тўхтамади, лекин Гай билан Гарри зоҳирида хурсанд бўлиб тургани билан ичидан зил кетаётган эди.

Жўжа ҳақиқатдан ҳам мазали пиширилган эди. Шунинг учун иккала меҳмон ҳам уни мақтаб-мақтаб тановул қилишди.

Мазали таомдан кейин Гай ўзини анча енгил ҳис қиласди. У ҳар хил тоифадаги одамлар суҳбатида бўлган, лекин Каленберг унда ёмон таассурот қолдирди. У ўзини ниҳоят даражада илтифотли тутди, лекин орадаги муносабатни яқинлаштиримади. Гай унинг эътиборини унчалик тортмаганини турушниб етди. Шунга қарамасдан суҳбат мавзуини хавфли томонларга бурмасдан хандон-хушон чақчақлашиб ўтириди.

Улар қаҳва ичиб ўтиришганда пешайвонда Тэк пайдо бўлди.

– Узр, сэр. Телефонда мистер Востер сизни йўқлаяпти.

– Э-ҳа, буткул унутибман. Айтиб қўйинг, ўн дақиқадан кейин яна қўнгироқ қиласин.

Тэк таъзим қилиб чиқиб кетди.

– Узр, мисс Десмонд, бизда иш шунаقا. Келгунингизча бошқа кўришолмасак керак деб қўрқаман. Суратга олдирмаганимга хафа бўлманг. Таомдан кўнглингиз тўлган бўлса керак, деб умид қиласман.

Меҳмондорчилик учун миннатдорчилик билдириб Гай билан Гарри ҳам ўринларидан туришди. Каленберг уларга ғалати қарап қилиб қўйди. Кейин бошини қуи эгди ва ўриндигига ўтириди-да, Гинденбург ҳамроҳлигига пешайвонни тарқ этди.

У ўз хонасига келганда Тэк уни кутиб ўтирган эди.

– Раҳмат Тэк, манови иккаласи асабимни бузяпти. Аёл сўзсиз жуда гўзал, лекин аҳмоқ. – Каленберг ёзув столига энгашди. – Уларни кузатяпсизларми?

– Ҳа, сэр.

– Анави учтасини-чи?

– Йўлбошловчиси йўқотилди. Феннел билан Жонс қоянинг устида туриб дурбинда бинони кузатишяпти. Улар Гарри билан радио орқали боғланиб туришибди. Гапларини тутиб оляпмиз. Бу ёққа Феннелнинг ёлғиз ўзи келади. Жонс қояда қолади. Эдвардс шубҳага тушиб қолган, эҳтиёт чораларини кўряпти.

– Ақлини ишлатибди. Зўр, Тэк. ўз ётогингизга кетишингиз мумкин. Яна озгина ишлайман-да, одатдаги вақтда ётиб ухлайман. Бошқа ходимлар ҳам ўзларини эркин сезаверишсин.

Тэк ҳайрон бўлиб унга қаради.

– Сэр, шу ишингиз тўғрими?

– Бу ерда қоровуллар ва Гинденбург қолади. Шунинг ўзиям керагидан ортиқ. Яххиси, сиз ўзингиз ҳам бу ишлар ҳақида ҳеч нарса билмаганингиз маъкул, – деди Каленберг Тэкка жиддий қараб. – Яхши ётиб туринг.

Каленберг шундай деб кундузги почта билан келган хатларни кўздан кечира бошлади. Бир оз ўтгандан кейин кимдир эшик тақиллатди.

— Киринг, — деди Каленберг қовоғини уйиб.

Хонага Кемоз кирди.

— Нима гап, Кемоз.

— Хожам, боғбонларимиздан бири — Цвид оламдан ўтди.

— Ўлди? Нега? — ҳайрон бўлиб сўради Каленберг.

— Билмайман, хожам. Доимо соғлиғидан шикоят қилиб юарди, аввалига унга ҳеч ким эътибор бермасди. Кейин томогим ёниб кетяпти, деди. Орадан бир неча дақиқа ўтиб «Гурс» этиб йиқилди-ю, жон берди-қўйди.

— Фалати... Расм-русумини қилиб дафн этинглар. Назаримда хотини бундан хурсанд бўлса керак. Ундан айрилиш катта йўқотиш бўлмайди.

Кемоз хожасига тикилиб турди-да, кейин унга таъзим қилди.

— Нима лозим бўлса, шуни қиласман, хожам.

У эшикни аста ёпиб чиқиб кетди. Каленберг ўриндикқа суюниб олди. Унинг лабларида ним табассум ўйнади.

Сеҳргар уни алдамабди — узук яна ажал уругини сочишдек ўз вазифасини адо этишга киришибди.

Гай билан Гарри ётоқхоналарига келишлари билан ҳамма эшиклар ва даҳлиз деворлари қулфланган, кондиционерлар ўчирилганлигини билиб олишибди.

— Ҳамма ёқ қулфланган! Жин урсин, Феннел бу ёққа қандай қилиб киради энди?

— Мен ҳамма вақт омадга ишониб яшаганман. Наҳотки улар ҳамма эшикларни очиқ қолдириб кетишиади, деб хомхаёл қилган бўлсанг? Хўш, буёғига нима қиласмиш энди?

— Буни Феннелга маълум қиласмиш. Эшикларни бузиб кириш унинг вазифасига киради. — Гарри ўтириб Гайга юзланди. — Каленберг ҳақида фикринг қалай?

Гай елка қисди.

— У менга ёқмади. Эҳтимол, унга маъқул келмагандирман. Мен бирорвга маъқул келмасам, у менинг эътиборимни қозонолмайди. — У мулоийим кулиб қўйди. — Сенинг фикринг-чи.

— У хавфли одам, — хотиржам деди Гарри. — Дейиш мумкинки, ўта хавфли. Назаримда, бизга қандайдир «совфа» тайёрлаётганга ўхшайди. Тўла ишонч билан айттолмайман-у, лекин у бизни қандайдир даҳшатли тузоқقا туширишни режалаб қўйган. Бироқ, ҳар қандай вазиятда ҳам шу ергача этиб келган эканмиз, узукни қўлга тушириш учун уриниб кўрмаслик, аҳмоқлик бўлур эди. Кечаси боғни ҳеч ким қўриқламайди, деб бизни лақиллатмаганмикин, ана шуни билгим келяпти. Айтмоқ-чи, буни Феннелга айтиб қўйиш керак.

— Нима учун сен...

Унинг кўзларини кузатиб турдим. Одамнинг кўзи ҳамма вақт кўнглидагини ошкор қилиб қўяди. Бунинг устига агар у тўғри маънода руҳан носоғлом бўлса, ақлиям унчалик жойида эмас.

— Гарри, нималарга каллангни қотираётганингни Худо билади! Ишончим комил, бекорга хавфсираяпсан. Агар биздан шубҳалангандা ҳеч қачон музейини очиб кўрсатмаган бўларди. Агар унинг руҳиятида касаллик бўлса, бу мажруҳлиги оқибатида содир бўлган. Ҳамма мажруҳ одамлар ўзларининг тўлақонли соғлом бўлмаганлари учун қаттиқ ўкинишади.

— Эҳтимол, сен ҳақдирсан. — Гарри шундай деб елкасини қисиб қўйди. — Ҳамма ишлар худди хамирдан қил суургандай осон кўчяпти.

— Лифтга чиқсанми?

— Албатта! Агар ишламаса, у ерга қандай етиб боршимизни тасаввур қилолмайман. Яна ярим соат кутаман-да, текширгани чиқаман.

Гарри эшикка бориб, уни озгина очди. Йўлак бўймабўйш, нақ музейгача кўриниб турарди.

— Яқин атрофда ҳеч зоғ йўқ, — маълум қилди у меҳмонхонага киаркан. — Агар у ерга борганимда мабодо, Тэқми ё бошқа бирон хизматкорми, йўлакда кўриниб қолса, ҳаммаси тамом бўлди деявер. У ердан ҳатто пашшаям яширинишга жой тополмайди.

— Кўриб қолишиша уйқусираф чиқиб кетибман, уйқумда юрадиган касалим бор, дейсан.

Гарри унга ўпкалаф қараб қўйди.

— Гай, тушун, бу бари жиддий гап. Биз қўлга тушиб қолсак, ҳаммаси барбод бўлади, наҳотки буни тушунмаётган бўлсанг.

— Бирон нима ўйлаб топармиз!

— Майли, сенингча бўла қолсин, — тўсатдан розилик билдириди Гарри. — Кел, сени бир ўпид қўяй.

— Faқат ҳозир эмас — биз ахир ишлайпмиз-ку.

Гарри бир оз иккиланиб тургандан кейин юмшоқ курсига чўқди.

— Агар бу ердан эсон-омон чиқиб кетсанг, ҳиссангдаги пулни нима қиласан?

— Электрончилар курсига кириб ўқимоқчиман. Бир умр ўқишини орзу қилиб келгандим, бунинг имконияти бўлмаганди. Чалик берган пул билан тўла курсни битираман. Кейин ёғлироқ иш топиб оламан. Ҳозирги кунда электрончилар ҳамма жойда ҳаводек зарур...

— Бундай орзуларга боришингни ҳечам ўйламагандим. Бирор фанга тиши-тирногинг билан ёпишишингни билмагандим. Уйлангинг келмаяптими?

— Келяпти... Faқат гувоҳнома олганимдан кейин.

— Мўлжалингдаги қиз борми?

Гарри кулиб қўйди.

— Бор десаям бўлади.

— Ким экан у?

— Уни танимайсан. Бир қиз-да энди. Муносабатларимиз чакки эмас.

Гарри кулиб юборди.

— Барибир сен менга тегмаган бўлардинг.

— Нега бундай деб ўйлайпсан?

— Гапим рост-ку, тўғрими?

— Ҳа. Сен ҳақсан... Электрончи муҳандисга турмушга чиқишини орзу қилмаганман. Бирон-бир бойни топаман-да, еганим олдинда, емаганим ортимда бўлиб яшайман.

— Шуни билганим учун Тонини маъқул кўрдим.

— Ўша қизнинг исми шундайми?

Гарри калласини қимирлатди.

— Нимаям дердим, баҳтли бўлинглар. У билан баҳтли бўласан, деб умид қиласан.

— Раҳмат. Сенам ўз баҳтингни топиб олишингга ишонаман. Faқат пулга қўпам майл қўявермагин.

Гай ўйланиб қолди.

— Пулсиз ҳаётнинг маъноси йўқдай кўринади менга.

Гарри сигаретини ўчириб шифтга қаради.

— Бу пул дегани, албатта зарур нарса, лекин... — У қўли билан

чиroyли хонани кўрсатди. – Мана буларсиз ҳам яшаса бўлади.

– Бу борада менинг фикрим бошқача.

– Худди шу ерда биз бир-биримиздан фарқ қиласмиз... – Гарри соатига қаради. – Лифт қалай экан, бориб кўриш керак.

Гай ўрнидан турди.

– Мен ҳам сен билан бораман. – У бир оз сукут сақлади. – Агар биронтасини учратиб қолсан, сайр қилиб юрувдик деймиз.

– Баҳонамиз бироз содда, албатта, лекин бундан бошқа иложимиз ҳам йўқ.

Улар йўлакка чиқишиб тўхташди ва атрофга қулоқ солиши. Кейин тезлик билан ниқобланган лифт томонга кетиши. Гарри деворга яқин келиб қўли билан тугмачаларни пайпаслаб бир зумда топди. Девор икки томонга ажралди. Улар иккиси бир-бирига қараб олиши. Гарри Гайга шу ерда қол деб имо-ишора қилди, ўзи эса лифт эшигига борди, лифт овозсиз очилди. Гарри лифтга кирди-да, Тэк айтгандек қилиб қизил тугмачани босган эди, сигнализация ўчди. Кейин кўк тугмачани босди. Лифтнинг эшиги ёпилиб пастга тушиб кетди. Лифт бинонинг остига тушгандан кейин Гарри яна кўк тугмани босди ва лифт яна юқорига кўтарила бошлади. Шундан кейин у девор рахидаги тугмани босган эди девор ёпилиб, лифт ичкарида қолди.

Гай Гаррининг қўлидан тутди-ю, индамай ётоқхонагача борди.

– Демак, лифт кўнгилдагидек, – деди Гарри эшикни ёпиб. – Энди Феннел бинога киришнинг уддасидан чиқиб музейнинг эшигини очишини кутиб ўтиришимиз қолди.

Яна ўн беш дақиқа кутиб Гарри передатчикни ишга солди.

Феннел шу заҳоти алоқага кирди.

Гарри вазиятни қисқа тушунтириб берди.

– Бинонинг чап тарафидаги чироқ ҳозир ўчирилди. – Феннел маълумот берди. – Faқат сизларнинг деразаларингиз ёритилган.

– Каленберг кечаси bog ёритилмайди, деб айтди. Лекин унинг гапига ишонмайман. Ниҳоятда хушёр бўлиб ҳаракат қил. Ҳамма эҳтиёт чораларини кўриб қўйгин. Яқин атрофда қўриқчи зулуслар юрган бўлиши мумкин.

– Эҳтиёт бўламан. Олдингизга етиб боришим учун бор-йўғи яrim соат кифоя қилади. Зудлик билан йўлга тушаман. Биз белги бермагунимизча Кен шу ерда туради.

– Ҳамма гапингизни тушундим, – деб Гарри передатчикни ўчириди.

– Феннел йўлга тушди, – деди Гарри Гайга. – Бинодаги ҳамма ёруг жойлар ўчирилган. У каравот бошидаги тунги чироқни ёқиглигича қолдириб, шифтдаги чироқни ўчириди. Шу он ой ҳам булутлар ортига беркинди. Унинг кўзи қоронгиликка ўргангунча бир неча дақиқа ўтди.

– Яххиси, биз бу ердан тўппа-тўғри Менвиллга учганимиз маъқул, – деди Гай. – Бориб кийиниб олай.

У ётоқхонасига кириб эгнига кўйлак билан шорт кийиб олди. Қайтиб чиқса, Гарри ҳам кийиниб олишга ултурибди. Улар узун юмшоқ курсига ўтириб Феннелнинг келишини кута бошлашди.

Бирдан Гарри Гайнинг қўлини ушлаб олди.

– Ана Феннел!

У иргиб туриб деразага борди. Феннел қоронгилик қаъридан худди арвоҳдай бир кўриниб тескари тарафдаги деразага яқинлашди. У Гаррига имо қилиб асбобларни ерга қўйди-да, пешайвоннинг эшиги олдига келди. Электр чирогини ёқиб қулфга қаради. Кейин Гаррига қараб бош бармоғини кўтарди ва қопчиқдан қулфочқич асбобини чиқарди.

Орадан ҳеч қанча вақт ўтмай пешайвоннинг эшиги очилди-ю, Феннел хонада пайдо бўлди. У Гайга қараб ҳам қўймади, уни Гарри қизиқтирарди.

– Бу ерда қунингизни ёмон ўтказмабсизлар, тўғрими? – деди у хонани кўздан кечириб. – Мана бу лаънати йўл Кен иккаламизнинг она сутимизни оғзимизга келтириди.

– Тезда ҳаммаси унут бўлади, – жавоб берди Гай қулимсираб.

Феннел қовоғини солиб тескари қаради.

Гай Феннелнинг кайфияти бузилганини кўриб, уларнинг сұхбатларига аралашмасликни маъқул кўрди.

– Лифт қаерда? – Қизиқди Лео. – Йиш икки-уч соатга чўзилиши мумкин.

– Ундай бўлса, сен шу ерда қолганинг маъқул, – деди Гарри қизга қараб.

Гай хўп дегандай бош силкиб қўйди.

– Телевизион камера масаласи қандай? – сўради Феннел.

– Уни музейнинг иккита залида кўрдим, лекин бошқалари қаерда, улар ишлайдими, йўқми, бу ёфини билолмадим.

Феннелнинг юзида газаб учқунлари пайдо бўла бошлади.

– Бу сизнинг вазифангиз доирасига киради!

Гарри эшикнинг олдига келди, кейин уни ярим очди-да, Феннелни имлади.

– Мана, қаранг. Мана шу йўлакда ўттиздан ортиқ эшик бор. Уларнинг ҳар бирида кузатиш жойи бўлиши мумкин. Лекин уларнинг ҳар бирини навбат билан очиб текшириб чиқолмайман-ку. Боқقا кирганингизда бирон-бир зулусга қўзингиз тушмадими?

– Йўқ. Энди уларнинг нима аҳамияти бор. – Агар бофни қўриқлашмаса, бундан чиқди, телемарказ тунда ишламаслиги аниқ бўлади.

– Лекин у ерда навбатчи қоровул бор. Биз бўлсак, жиноят устида қўлга олинишимиз мумкин.

– Бу – телемарказнинг бор-йўқлигини қандай аниқлаш мумкин, билмайсизми?

Феннел ўйланиб туриб, елкасини қисиб қўйди.

– У истаган жойда, ҳатто бутун ҳудуд бўйлаб қуриб ташланган кулбалардан бирида бўлиши ҳам мумкин.

– Хўш, нима қилдик? Унда таваккал қиласиз-у, ё узукни қўлга туширамиз, ё узуксиз қайтиб кетамизми?

– Сиз таваккал қилишга розимисиз?

– Розиман.

– Унда бошладик!..

Улар Гайни қолдиришиб йўлак бўйлаб кетишли. Орадан ярим соат ўтмай лифтда пастга тушишли. Подвалда Гарри унга шифтда жойлашган телекамерани кўрсатди.

– Кўряпсизми?

Феннел объективнинг олдига ўтиб қаради-да, енгил нафас олди.

– Ўчирилган.

– Аниқми?

– Ҳа.

Гарри терлаб кетган кафтини шортига артди.

– Манави музейнинг эшиги. Сизга ёрдам бера оламанми?

Феннел эшикка яқин келди.

– Буни ўзимга қўйиб беринг. Бироз вақт кетади, лекин эшикни очиш қўлимдан келади.

У қопчиғини очиб асбобларни ерга териб қўйди. Гарри бўлса, чарм ўриндиққа ўтириб, чекди ва ўзини босиб олишга уринди. Феннел тез, лекин эҳтиётлик билан ишларкан, тишлари орасидан аста ҳуштак чалиб қўярди. Бирмунча вақт ўтгандан кейин Гарри тоқати тоқ бўлиб ўрнидан турганча бино бўйлаб бориб кела бошлади. У сигарета устига сигарета чекарди. Орадан бир соатлар чамаси вақт ўтгандан кейин сабри чидамай.

– Қалай, кетяптими? – деб сўради.

– Вақт кўрсаткични бартараф қилдим, – деди Феннел пешонасидағи терни артиб ташларкан. – Энг қийин иш ортда қолди. Энди қулф билан шуғулланишим керак.

Гарри яна ўриндиққа чўкиб чидам билан кутишга мажбур бўлди. Орадан бир соат ўтди. Ниҳоят, Феннел ишидан қониқиши ҳосил қилиб овоз чиқариб қўйди.

– Мана, бўлди.

Гарри унинг олдига югуриб борди.

– Сиз бу ишни мен ўйлагандан ҳам кўра вақтли бажардингиз.

– Омад юришиб қолди, холос. Бир вақтлар бунаقا қулфни очиш учун беш соат вақтим кетганди. – Феннел қаддини ростлаб эшикни ўзига тортди. – Узук қаерда турганлигини биласизми?

– Ҳа, сизни у ерга олиб бораман.

Феннел асбобларни тез-тез йигишириб олди. Улар ичкари киришди-ю, суратхонада бўлиб қолишли. Гарри олдинда борди. У биринчи залдан ўтиб иккинчи залга кирди ва шиша қутичалар томон ўйналди. Кейин бирдан тарвузи қўлтиғидан тушиб, тўхтаб қолди.

Шиша қутичада узук йўқ эди!

– Нима гап? – хавотирга тушди Феннел.

– Узук... Узук йўқ... – ҳайқириб юборди Гарри қуриб қолган лабларини ялаб. - Шу ердайди, гойиб бўлиб қолибди!..

Гарри Феннелнинг юзларида зоҳир бўлган ўзгаришни кўриб жимиб қолди. У беихтиёр Феннел қараб қотиб қолган тарафга қўз ташлади. Не қўз билан кўрсинки, улар кириб келишган томонда устларига леопард терисини ёпинган тўртта баҳайбат зулус қўлларида найза ушлаганча турарди.

– Сизлар биз билан юришингизга тўғри келади, – деди улардан бири инглиз тилида ярим ёрти қилиб.

– Гап оҳангини қара, ҳақиқий полициячиларга ўхшайди-я! – деди Гарри қоровулларнинг олдига яқинлашаркан.

Феннел бир зум ўйлаб тургандан кейин манави қўрқинчли одамлардан қутулишнинг заррача имкони йўқлигини тушунди. Кейин тушунарсиз сўзлар билан сўкиниб ердан қопчиғини олди ва Гаррининг ортидан эргашди.

Гай кутавериб вақт ўтган сари унинг хавотирлиги орта борди. Дақиқалар йилдай туюларди. У ташвишланиб хонада у ёқдан-бу ёққа тинимсиз бориб келаркан нуқул ўзига битта – Феннел бўйнига юкланган вазифани улдалай олармикан, деган саволни берарди.

Орадан бир соатдан ошиқ вақт ўтди, у иш оғир, узоқ вақтни талаб қиласи, деб ўзини юпатарди. Энди бўлса, негаям эркаклар билан бирга кета қолмадим-а, дея афсуслана бошлади. Узоқ кутиш тоқатини тоқ қилди.

Кутилмаганда эшикнинг енгил чертилгани эшитилди. Гай буни Гарри деб ўйлаб югуриб борди.

Лекин эшикни очиши билан рўпарасида гавдали зулусга қўзи тушди. Чироқ нури унинг қоп-қора юзига тушиб қўлидаги найза-

сининг учини ялтиратиб юборди.

Гай қўрқанидан қичқириб юборди-ю, ўзини бир қадам орқага ташлаб оғзини беркитиб олди. Зулус:

– Сиз мен билан бирга боришингиз керак, – деб бир қадам орқага чекинди.

– Сизга нима керак? – овози қалтираб сўради Гай.

– Хожам сизни кутяпти! Юринг!

Гай бир зум тараддудланди. Демак, Гарри хақ бўлиб чиқди: улар тузоққа тушишибди. Уни зулуснинг амрига бўйсунишдан бошқа иложи қолмади.

Гай мағрур қадам ташлаб йўлакка чиқди. Зулус найзасининг учи билан йўлакнинг охиридаги икки табақали эшикни кўрсатди. Гай қочиб қолиш бирон натижа бермаслигини тушунди ва итоаткорона кўрсатилган томонга қараб кетди.

Эшикнинг табақалари яқинлашиб қолганда ўз-ўзидан очилиб кетди. Гай зулусга назар ташламай хонага кирди. Юраги дукиллаб урар, томоги қуриб, қақраб кетган эди.

Каленберг кўлида сигарета, каттакон стол ортида бемалол ўтиради. Унинг ёнида Гинденбург ҳайкалдай қотиб қараб туради.

– О, мисс Десмонд келибдилар-да, – қарши олди уни Каленберг.

– Илтимос, яқинроқ келинг. Жуда ғалати томошани кузатиб тургандим.

Гай яқин қелиб унинг олдида экрани чоғроқ телевизорни кўрди. Каленберг Гайни кириб келгандан буён ундан кўзини узмай қараб турган Гинденбург тарафдаги ўриндиқча ўтиришга таклиф қилди.

– Ўтилинг ва томоша қилинг.

Гай қўлини кўкрагига чалмаштириб ўтириб телевизор экранига қаради. Унинг юраги сиқила бошлади. У экранда музейнинг эшиги олдида чўнқайиб турган Феннелни кўрди.

– Ҳозир у шу топда менинг тенги йўқ қулфимни очмоқчи бўляпти!

– тантанавор деди Каленберг. – Лекин қулфни тайёрлаб берган фирма, бу қулфни одам боласи очолмайди, деган эди.

Шу он Феннел ўрнидан турди.

– Мана, бўлди! – деди у. Унинг бироз бўғиқ овози динамикдан аниқ эшитилди.

– Дўстингиз жуда уддабурон экан, – деди Каленберг. Унинг кўзлари ўтдай ёнарди. – Буни очолмайди деб ўйлагандим. Мана, қўриб турганингиздек, у буни удалади.

Гай индамади.

– Одатда биз лифтни ўчириб қўямиз! – деди Каленберг ўриндиқча сяяниб экрандан кўзини узмай. – Лекин унинг қандай моҳирлик билан музейга кириши мени қизиқтириб қолганди. Энди қулфни тайёрлаб берган фирма билан жиддий гаплашиб қўйишимга тўғри келади. Унинг қулфи икки пулга қиммат экан.

Улар Феннел билан Гаррининг қандай қилиб музейга киришганини томоша қилиб ўтиришди. Кейин Каленберг телекамеранинг бошқа томонга оладиган тутмасини босди.

– Дўстларингизни олдиндан чўчитиб қўймаслигим учун қоровулхонани ўчириб қўйдим. Энди уларни қўнгилсиз совға кутиб турибди.

Каленберг олдинга эгилиб телевизорни қўйди.

Экранда иккала эркакнинг тасвири пайдо бўлди. Шу он Феннел «Нима бўлди?» деб сўради.

– Мисс Десмонд, бир неча дақиқадан сўнг улар шу ерда бўлишади.

У Гайга олтин портсигарни тутди.

– Чекасизми?

Гай беихтиёр сигарета олиб зажигалкадан ёндириди.

– Айтмоқ-чи, мистер Чаликнинг ахволи қалай?

У қизни эсанкиратиб кўймоқчи эди, лекин бунинг уддасидан чиқмади.

Гай зоҳирида ҳеч қандай ифода акс этмаган ҳолда шундай деди:

– Мен уни охирги марта кўрганимда кайфияти чоғ эди.

– Шундай бўлса-да, ўзининг ифлос ишлари билан шугуллана-верадими?

– Бунисини билмайман. У доим баъзи нарсалар билан шугулланиб юрди, лекин бу мени учалик қизиқтирилди.

– Унинг ифлос ишларига чек қўйиш вақти келди. – Каленбергнинг кўзларида пайдо бўлган галати ифода Гаррининг унинг бир нўхоти кам деган гапларини эсига солди. – Чалик қуюшондан чиқиб кетди.

– Шундай деб ўйлайсизми? Шахсан мен унинг бошқалардан кам жойи йўқ деб ҳисоблайман. – Совуққина эътиroz билдириди Гай. – Сиз ўзингиз ҳам, мистер Каленберг, ўшанақа одамлар тоифасига кирасиз-ку.

Унинг бир оз кўзлари қисилди.

– Мисс Десмонд, шундай деб ўйлашингиз сизга бирон наф келтирадими?

– Тэк, музейдаги нарсаларнинг бари асл нусха деб ҳисоблайди. Флорида муниципалитети Бенвенутонинг скульптурасини сотиб юборишига ишонмайман. Шуниям яхши биламанки, Боржианинг узугини сиз ўғирлаб олгансиз. Кейин, Чалик дидингизга қанчалик ёқмаса, сиз ўзингиз ҳам музей учун шундай ёқимсиз деймизми ё ўринсиз шахс деймизми, шундай шахссиз.

Каленберг кулиб қўйди.

– Ҳа, музейимдаги ҳамма нарсалар ўғирлаб келтирилган, буни тан оламан. Мен чиройли нарсаларни яхши кўраман, гўзаллик шайдосиман. Гўзалликка бой Европани бориб кўриш учун ишим кўп, банд эканман, шунинг учун бу гўзалликни ўз ёнимда сақлашни маъқул кўраман. Чалик бўлса, гўзалликни асраш учун эмас, гўзалликдан пул топиш учун ишлайди. Шунинг учун унинг фаолиятига барҳам бергим келади.

– Шубҳасиз, у пулга муҳтоҷ. Сизда эса пул дегани керагидан ортиқ. Эҳтимол, сиз ҳам пулга муҳтоҷ бўлганингизда унинг изидан юрган бўлардингиз.

Каленберг кўлидаги сигаретани кулдонга эзиб ўчириди. Гай унинг хотиржам тутиш учун ўзини зўр-базўр тутиб турганини сезди.

– Сиз жуда жўшқин аёл экансиз, мисс Десмонд, – гапни давом эттириди Каленберг. – Агар Чалик сиз уни ҳимоя қилаёттанингизни билганда эриб кетарди, бунга имоним комил.

– Мен уни ҳимоя қилмайман. Фикримни айтдим, холос. Сизларнинг бир-бирингиздан фарқингиз йўқ.

Шу онда эшик очилиб кетди-ю, Феннел билан Гаррини олиб киришди. Тўрттала зулус ҳиссиз кўлларини Каленбергга тикканча оstonада қолишиди. Каленберг уларга кетаверинглар дегандай имо қилди. Жангчилар унинг буйруғига бўйсунишиди.

– Жаноблар, яқинроқ келиб ўтиринглар. Кўриб турганингиздек, мисс Десмонд, менинг ёнимда ўтирибди.

Гарри ўриндиқча яқин келиб, унга оғир чўқди. Феннел бўлса, кўзларини Каленбергга газабнок тикканча жойида туриб қолди.

– Илтимос, мистер Феннел, ўтиринг, – таклифини такрорлади

Каленберг. – Сизларни табриклашга рухсат этинг. Мен музейнинг эшигини ҳеч ким очолмайди, деб ҳисоблардим, шундай бўлса-да, сиз бунинг уддасидан чиқдингиз. Бу гаройиб иш бўлди.

– Мен мақтовга зор эмасман, – газабланди Феннел. – Биз узукни олгани келгандик, лекин бу қўлимиздан келмади. Энди биз қуруқ қайтиб кетамиз, бунга тўсқинлик қилишингизга ҳаққингиз йўқ.

– Сизлар шубҳасиз, қайтиб кетасизлар. Лекин кетишингиздан олдин бир масалага ойдинлик киритиб олишим керак.

– Сиз билан ҳеч қандай масалани муҳокама қилмайман! – гижинди Феннел газабдан кўкариб кетиб. – Кетдик! – деди у Гарри билан Гайга. – Улар бизни ушлаб туришга ҳақлари йўқ!

Феннел келиб эшикни очмоқчи бўлди, лекин очолмади. Ўгирилиб Каленбергга газаб билан тикилди. – Эшикни очинг, бўлмаса, бўйнингизни синдираман!

Каленберг қошини чимириди.

– Бу сизга жуда қимматга тушади, мистер Феннел. – У шундай деб тилини тапиллатиб қўйган эди. Гинденбург даҳшатли хириллаб Феннелга аста яқинлаша бошлади.

Феннел орқага тисланди.

– Сизларни ишонтириб айтаманки, менинг ардоқли ҳимоячим агар рухсат берсам бир зумда танангизни бурдалаб ташлайди. Ўтирангиз-чи!

Феннел Гаррининг ёнига бориб жимгина ўтиришдан бошқа илож тополмади.

– Ташаккур. Мен шунча уринишларингиз беҳуда кетишини истамаган бўлардим. Мисс Десмонд узукни ўғирлаб олгансиз, деб таъна қилишга ҳам улгурди. Шунча узоқдан-узоқ йўлни не-не машаққатлар билан босиб келган экансизлар, узукни сизга бериб юбораман. Лекин бунинг маълум шартлари бор.

Каленберг стол галадонини тортиб, ундан шиша қутичани олди. Уни ичидаги узук ҳаммага яхши кўринадиган қилиб столга қўйди.

Гарри Феннелга бу ўша узук деб боши билан ишора қилгандан кейин Феннел Каленбергга қаради.

– Сиз қандайдир шартлар ҳақида гапиргандек бўлувдингизми? – деди.

– Мисс Десмонд, менинг атрофимни ўраб олган бойлик кўнглимга таскин бериб яхши ҳаёт кечиришимни кафолатлай олмайди. Кўриб турганингиздек, мен ўриндиқقا михланган мажруҳ одамман. Ёшлигимда ов қилишга жуда қизиқардим. Бироқ қувватсизлигим сабабли бу мен учун етиб бўлмайдиган орзу, армон бўлиб қолган. ҳамма қатори тўлақонли бир инсон бўлмаганимни эслаб эзиламан. Мендай одамнинг қўлида шунча бойликнинг тўпланиб қолиши баттар эзади.

– Бу гапларнинг нима кераги бор, – сабрсизлик билан деди Феннел. – Яххиси, ҳалиги шартингиз ҳақида гаплашайлик.

Каленберг ҳатто унга қараб ҳам қўймади.

– Мана, Боржия узуги, – деб у қўлига шиша қутичани олди-да уни Гайга узатди. – Агар узук Чаликнинг қўлига етиб борса ҳар бирингиз тўққиз минг доллардан олишингиз кераклиги менга маълум.

– Каленберг алам билан кулиб қўйди. – Кўриб турганингиздек, менинг жуда забардаст жосусларим бор. Тўққиз минг. Бу жуда катта пул. Сиз ҳаммангиз узук Чаликнинг қўлига тушишидан манфаатдорсиз...

– Сиз... узукни бизга бериб юборасизми? – чидолмади охири Феннел.

— Узук мисс Десмонднинг қўлида турибди. Энди эса сиз уни Чаликка олиб бориб топширинглар. Бунинг учун сиз менинг мулкимдан эсон-омон чиқиб кетишингизга тўғри келади.

— Ие, шунаقا денг-а! — чўзиб деди Феннел. — Бу билан ҳалиги ёввойиларингиз бунга тўсқинлик қиласди, демоқчимисиз?

— Тўппа-тўғри. Агар бунинг уддасидан чиқолса. Мен дейишим мумкинки, уччалангизга, тағин қояда сизни кутиб турган Жонсга ов ташкил қиласман. Ҳа, ов. Сизлар ўлжа — зулусларим овчилар бўлишади. Сизлар бунга менга ўхшаб яъни қизиқарли ва мароқли ўйинга қарагандай қарашибингиз керак. Сизларга эса овчилардан кутулиб кетишингиз учун уч соат вақт бераман. Сиз бу ердан соат тўртда, тонг ёришган вақтда чиқиб йўлга тушасизлар. кутулиб кетишиларингизнинг йўли оёқларингизнинг югуриклигига боғлиқ. Роппа-роса соат еттида сизларни зулуслар таъқиб қилишга тушишади. Уларнинг чангалидан чиқиб кетолсангиз — узук сизники — ҳалолингиз бўлсин.

— Буни жиддий гапиряпсизми? — сўради Гарри.

— Мутлақо жиддий ва бунга омадингиз ёр бўлиб зулусларнинг кўлидан чиқиб кетолсангиз, ишонч ҳосил қиласиз.

— Тасаввур қилайлик, агар тутиб олишса... бизни қандай жазо кутяпти?

— Бунда жуда қизиқ бўларди, мистер Эдвардс. Агар зулуслар тутиб олишса, сизларни дўзах азобида қийнаб ўлдиришади. Улар жуда содда одам бўлишади. Чак уларга бошлиқ бўлганидан бўён асирга олинган одамларни анъана бўйича қозиққа ўтиргизади.

Гарри қовоғини солиб олди.

— Тутиб олишса бизни шу қисмат кутиб турибдими?

— Тўппа-тўғри.

Орага узоқ сукунат чўқди. Яна жимликни Гаррининг ўзи бузди.

— Демак, сиз бу овни вужудингиздаги одам зотини азоблаб ўлдириб ҳузур қилишга бўлган табиий майлни қондириш учун ўюштираркансиз-да.

Каленберг қип-қизариб кетди, у сермулозамат одамдан бир зумда савдои одамга айланниб қолди.

— Мен сизларга бирорнинг хонадонига бостириб киришнинг оқибати қандай бўлишини кўрсатиб қўймоқчиман. Бу ерга кириб келиб мендай одамга чўпчак айтиб лақилатишга журъат этдингиз! — унинг юзи газабнок тусга кирди. — Энди бунинг жазосини оласиз.

Каленберг вужудини эгаллаган газаб ўтиб кетгунча ўриндида қимирламай ўтириди.

— Сиз менинг музейимни кўриб қўйдингиз, энди сизлардан кутулишим лозим. Шунга ишонаманки, биронтангиз ҳам овчиларнинг кўлидан омон чиқиб кетолмайсиз. Сир сақлашда ўликлар энг ишончли гувоҳ ҳисобланади!

— Унда нега бизга узукни бердингиз? — деб сўради Гарри Гайга тузоққа тушиб қолдик деганида ва Каленберг ақли ноқис одам дея огоҳлантирганида нақадар ҳақ эканлигига ишонч ҳосил қилиб. — Одамларингизни чақириб бизни шу ердаёқ ўлдириб қўя қолсангиз бўлмайдими?

— Мен овдан лаззат олишим керак. Агар овдан омон-эсон чиқиб кетолсангиз узукка эгалик қилишга ҳақли бўласизлар. Лекин аввалдан огоҳлантириб қўяй, қутулиб кета олишингиз учун имкон жуда кам.

— Агар биз сизга ҳеч кимга айтмаймиз, деб онт ичсак ва узукни қайтарсак, вертолётда қайтиб кетишимизга имконият берасизми? — сўради Гарри.

— Йўқ! Вертолет ҳақида ҳеч қандай хом хаёлларга борманг. Уни жуда яхши қўриқлаб туришибди. Эртага ишончли учувчиларимдан бири уни сиз вақтингча олган компанияга олиб бориб беришади.

Каленберг маҳфий механизмларнинг тугмасини босган эди, деворда панеллардан бири сурилиб кўз олдидা мулкининг харитаси намоён бўлди.

— Бу мулкимнинг харитаси. Сизга яна битта энг муҳим маълумотни бермоқчиман. Агар ов бир неча соатда ниҳоясига етса, хафа бўлардим. Мен овнинг бир неча кун давом этишини истардим. Ҳуллас, харитага дикқат қилиб қараб олинг ҳамда уни яхши эслаб қолинг. Шарқий томондан йўл тизма төглар билан ўралғанлигига эътибор қилинг. Агарда энг зўр альпинистларга ўхшаб тайёргарлик кўрган тақдирингизда ҳам сизларга бу томондан кетишни маслаҳат бермаган бўлардим. Бунинг устига, зулуслар энг тикка жарликларда ҳам кийикдай сакраб юра олишади ва сизни бир зумда топишади. Ҳудди шундай, жануб томонга кетишингизни ҳам маъқул кўрмайман. Яхшилаб қаранг, у томонда харитада дарё кўриниб турибди. Унинг қирғоқлари ботқоқ ва тимсоҳлар фиж-ғиж, бунинг устига Наталидаги энг заҳарли илонларнинг кони. Шимол томоннинг йўли нисбатан яхшироқ. Лекин бу томондан мулкимга келадиган йўлни икки юзта зулус қўриқлаб туради. Мистер Феннел, сиз уларни сезмадингиз, лекин улар сиз билан мистер Жонсни жуда яхши кўриб туришди. Сизларнинг қай томондан ҳаракатланиб келаётганингиздан мен ҳам хабардор эдим. Шунинг учун бу йўналиш бўйича ҳам юришингизни маслаҳат бермайман. Агар улар сизлар кириб келишингизга йўл қўйиб қўйган экан, бу чиқиб кетишингиз учун ҳам йўлни очиб қўяди, деган маънони билдирамайди. Энди битта гарб томон йўли қолди. У ерда сув йўқ, лекин шундай бўлса ҳам, сизни жунгли оралаб Менвилл томон борадиган катта йўлга олиб чиқувчи сўқмоқ бор. Бу масофа тахминан бир юз йигирма миль. Зулуслар чопқир отлардан кам югуришмайди. Лекин унутманг — ихтиёрингизда уч соат бор. — Каленберг соатига қаради. — Энди ётоқхонангизга қайтинглар. — Сизни эрта саҳар — соат тўртда қўйиб юборишади. Яна маслаҳатим шуки, оёғингизни қўлга олиб югуринглар.

Каленберг тугмани босди. Эшик очилиб баҳайбат тўртта зулус кириб келди.

— Илтимос, манови одамларни кузатиб юринглар, — буюрди Каленберг. — Агар «Кузгун – сабрли қуш» деган африкаликларнинг қадимий мақолини ёдда тутсангизлар зиён қилмайди. Лекин шахсан ўзим зулусни ҳар қандай кузгундан устун қўяман. Яхши ётиб туринглар.

— Унинг хулқи файритабиий, — деди Гарри белгиланган ётоқхоналарига етиб келишгандан кейин, — мен Каленбергни кўришим биланоқ шу фикрга келгандим. Қалай, у зулуслар билан бизни кўрқитмоқчи бўлмадими?

— Бундай деб ўйламайман, — деди Гай ва беихтиёр қалтираб кетди.— У одамларни қийнаб баҳра олади. Юзидаги никобни олиб ташлаганда башарасини кўрдингизми? Гарри, вақтлироқ жўнаб қолайлик. У пешайвоннинг деразаси ёпиқ деб билади. Агар ҳозироқ йўлга тушсак, етти соат ютамиз.

Гарри пешайвоннинг эшигини очиб кўрди. Кейин бир зум қотиб туриб яна ёпиб қўйди.

— Кўриқлаб туришипти...

Гай унинг олдига келиб деразадан қаради. Улар ётоқхоналарининг деразаси қаршисида ярим доира қилиб ўтириб олишганди. Ой нурида

найзаларнинг учи ялтира, бошларидағи патларнинг парлари енгил шабададан ҳилпиарди.

Гай күркәнідан қичқириб юбориб, деразадан нари кетди.

— Қояларга чиқиб юра оласанми? — деб сүради Гарри унинг ёнига ўтиаркан. — Чиқолмасам керак — ҳеч қачон қоялардан қояларга ўтиб юришимга тұғри келмаган.

— Тоғдан тоққа ўтиб юриш ҳақида гап бўлиши мумкин эмас, — гапга аралашиб Феннел пешонасидаги терни артиб. — Ҳатто менинг ҳам бошим айланиб кетади...

— Кен билан учрашиб маслаҳатлашиш керак. Биз Темба билан учрашиш учун шимолга қараб юришимиз керак. Усиз қўлимиздан ҳеч нима келмайди.

— Бу сафар сиз ҳақсиз, — қўшилди Феннел. — Кен доим унинг мияси ўрнига компас жойлаштирилган, дерди. Мана энди у бизни кутқаради.

— Оз-оздан ичайлик, — Гарри ўрнидан туриб шкафнинг олдига борди. — Сен нима ичасан, Гай.

— Ҳеч нима.

— Сен-чи, Лео.

— Шотланд вискиси.

— «Спрингфилд» кимда? — қизиқди Гарри ичимлик қуяркан.

— Уни Тембада қолдирғанмиз.

— Қурол асқотиб қолиши мумкин.

— Ҳм. Биз Кен билан учрашибоқ, Тембанинг олдига жўнаймиз. Унда карабин, ҳамма заҳира сув ва озиқ-овқатимиз қолган. Агар пиёда юришга тұғри келиб қолса, бу икки-уч қунга етади.

Гарри қараса, Гай шиша қутидаги узукни томоша қилиб турибди.

— Олиб бармоғингга тақиб ол, — маслаҳат берди у. — Шиша қутини кўтариб юрамизми юқ қилиб.

— Уни биронтамиз тақиб оладиган бўлсак, мен тақаман, — деди Феннел бўш стаканни қўйиб.

— Узукни Гай тақиб олади, — хотиржам жавоб берди Гарри. — Уни сенга эмас, унга ишонаман.

Феннел унга жаҳл билан қараб қўйди-ю, лекин ўзини тутиб индамади. «Сен абраҳ ғарби ҳисоб-китоб қиласиган вақтим келади ҳали, — деб ўйлади у. — Ҳа, сен фоҳиша билан ҳам!»

Гай узукни қутидан чиқарди.

— Брилиантлари узукнинг ўзига қараганда чиройлироқ экан, тўгрими? — У шундай деб узукни ўрта бармоққа киргизди, лекин у катта келди. — Ҳа, ахир бу эрқакларники-ку. — Гай уни бош бармоғига тақди. — Бу ҳолда унчалиқ ярашмаса ҳам, лекин ишончли.

Гарри соатига қаради. Тунги икки.

— Гай, бориб жойингта ёт. Мен ҳам хонамга кириб ётаман. Дам олиш керак. Кучимизни эҳтиёт қилишимиз керак. Энди қачон дам олишимиз номаълум.

Гарри Гай хонасига кириб кетишини кутиб турди. Кейин хонасига кирди. Феннел күшеткага чўзилди. Унинг ниятига етолмай, гурури лат еган, шунинг учун кўзига уйқу инмаслигини яхши биларди.

«Баривир бир кун қўйнимга кирасан, — деб ўйлади ўзича у. — Агар зулусларнинг чангалига тушиб қолмасак, бирга қочишимиизга тұғри келади!» Феннел беихтиёр чўчиб тушди. Зулусларни ўйлаши билан томоги қақраб кетди.

Барабанларнинг овози Гайни уйғотиб юборганда ҳали соат тўрт ҳам бўлмаган эди. У каравотига ўтириб қулоқ сола бошлади. Бир оҳангдаги барабанларнинг овози жуда яқиндан келарди. Гай соатига

қаради. Бир неча дақиқа кам түрт. У сафархалтасини күтариб мөхмонхонага чиқди.

ФенNEL билан Гарри пешайвонга чиқадиган эшик олдида тайёр бўлиб туришарди. Ўша томондан бир баҳайбат зулус кўзга кўриниди, мулоийимлик билан имо-ишора қила бошлади. Бу ўша – елкасига леопард терисини ёпингган ва бошига тұяқшы патларини тақиб олган одам қиёфасидаги баҳайбат кимса эди.

– Биз йўлга тушсак бўладими? – деб сўради Гарри пешайвон эшигини очиб.

Барабан ҳайбат солиб даранглай бошлади. Ўттиз чоғли қатор туриб олган зулуслар ярқироқ девордай таассурот қолдиради. Улар ўнг қўлларида найза, чап қўлларида теридан ясалган қалқон ушлаб олишганди. Манзара даҳшатли эди. Ниҳоят, улардан бири олдинга чиқди-да, найзаси билан чангальзор томонга ишора қилди.

Гай, Гарри ва ФенNELлар сафархалталарини күтариб пешайвондан тушишди. Гай ўргатда юрди. Зулуслар уларни кўриб шундай қичқириқ күтаришди, қўрқанидан Гайнинг юраги ёрилаётди.

Улар атрофга назар ташламай сайхонлиқдан ўтишди ва бир неча дақиқадаёқ овчилар кўздан гойиб бўлиб узоқда қолишишди. ФенNEL қўлини чўзди:

– Ҳов анави қояни кўряпсизларми? Кен бизни ўша ерда кутяпти.
– У қўлини оғзига карнай қилиб қичқирди: – Ке-ен! Пастга туш, тезроқ!

У қўлига чироқчасини олиб ёқди-да, юқори күтариб боши узра айлантира бошлади. қояда бунга жавобан олов кўринди. Улар Кеннинг овозини эшишишди.

– Тушяпман! Чироқчангизни ёқиб туринг. – Орадан беш дақиқа ўтиб, Кен келиб уларга қўшилди.

– Узукни олдингизми?.. Мен сизларни учиш майдончасига қараб кетяпсиз деб ўйловдим.

– Узук-ку бизда-я, – деди ФенNEL. – Лекин биз иложи борича Тембага бориб қўшилишимиз шарт. Вертолётдан фойдалана олмаймиз. Кетдик, қолган гапни йўлда гапириб бераман.

Кен унга синовчан назар ташлади.

– Бирон кўнгилсизлик юз бердими?

Кен ФенNEL билан ёнма-ён кетди. Улар йўл бўйи гаплашиб боришишди. Гарри билан Гай орқароқда кетишишди. Вазиятни тушуниб Кен қадамини тезлатди.

– Бизни таъкиб қилишларига ишончингиз комилми?

– Юз фоиз. Агар қўлимизда милтиқ бўлгандаям ўзимни сал хотиржамроқ тутган бўлардим. Улар бизга ҳужум қилган тақдирда, жилдақурса, ҳимояланардик. қуролсиз ҳолимиз хароб.

Ўз навбатида Гарри ҳам қайси йўл билан кетсан улардан кутуламиз, деб роса бошини қотираради. Улар Каленбергнинг гапига қараганда энг қулай йўл деб аталмиш гарбга қараб йўл олишса, тўртта оқ танли билан зулуслар ўртасида югуриш пойгаси бошланади. Зулуслар эса энг учқур отлар билан бир қаторда югуришар экан. Улардан ўзиб кетиш ақлга сифмайди. Шарқ томонга кетищдан ҳам маъно йўқ. Чунки булардан биронтаси ҳам тогма-тоғ ошиб юролмайди. Бунинг устига Каленбергнинг гапига қараганда зулуслар тогларда кийикдай сакраб юришаркан. Шимол томон билан кетиш жуда хатарли. Гарри Каленбергнинг бу йўлда икки юзта зулус қўриқчилик қиласи, деганда алдамаганлигини яхши биларди. Энди ботқоқликлар, тимсоҳлар ва бошқа ҳайвонлар билан тўла йўл қолди. Лекин ҳатто зулуслар ҳам

уларнинг бундай энг хатарли йўл билан кетишганига ишонмасликлари мумкин.

Орадан қирқ дақиқа ўтгандан кейин Тембани қолдириб кетишган жойга етиб қелишиди. Улар бу йўлни Феннел билан Кен қояга келгунча кетган вақтга нисбатан йигирма дақиқа камроқ вақтда босиб ўтишиди. Уларнинг тўртталови ҳам баробар асабийлашар, жиққа терга ботиб қолишганди.

— Хув анови дараҳт эди, мен уни яхши эслаб қолганман, — деди Кен йўғон дараҳт танасини кўрсатиб.

— Аниқ шуми? — сўради Феннел хавфсираб атрофга алангларкан.

— Ундай бўлса, Темба қаерда?

— Темба! — деб чақирди Кен.

Жавоб бўлмади. Тўртталовининг бадани жимиirlаб кетди. Кен дараҳтнинг олдига югуриб борди. Бошқалар унга эргашишди. Кен Тембани шу ерда қолдирганига ишончи комил эди. Мана, гулхан ёқиши учун тайёрлаб кўйилган ўтинлар. Лекин озиқ-овқат солинган қоп, милтиқ, сув солинган канистр фойиб бўлган.

— Аблаҳ! Юкларимизни олиб қочиб кетибди! — деди Феннел аччиқланиб.

— Бунаقا бўлиши мумкин эмас! — деди Кен қатъий. — Унга бир нима бўлган.

— Манави нима? — деди Гарри янги қазилган тупроқни кўрсатиб.

Тепаликда Тембанинг шляпасини кўриб қолиб қувфиндишларни ваҳима босди. — Уни ўлдиришибди! Юкларни эса олиб кетишибди, — алам билан деди Кен.

Уларнинг тўртталаси қабрга тикилиб қолишди.

— Нимаям қила олардик, — деди Гарри. — Энди ҳар ҳолда бизни қандай хатар кутиб тургани аниқ бўлди. Зудлик билан кетиш керак. Менга қаранглар. Кен Каленберг бизга тўрт томон йўналишини аниқ кўрсатиб берган. Зулуслар бизни гарб томонга қараб йўл олишади, деб тахмин қилишади. Жануб томонда эса бизни тимсоҳ тўла ботқоқлик кутиб турибди. Бундан бошқа иложимиз йўқ.. Бунга нима дейсизлар?

— Бу ернинг қандай ҳолатда эканига боғлиқ. Ботқоқлик баъзан дўзахдан ҳам баттар бўлиши мумкин. Тимсоҳларни эса, гапирмаса ҳам бўлади.

— Шунга қарамасдан, биз учун яккаю ягона имконият мана шу йўналиш. Компасимиз борми?

Кен чўнтагидан мўъжазгина компас чиқарди.

— Бир вақтлар кемачилик билан шугулланганман, — деди Гарри.

— Мен азимутларни белгилашим мумкин. Лекин... яххиси... Кен, бу иш билан ўзингиз шугулдана қоларсиз?

— Йўқ. Мен ҳамма вақт Тембага ишонардим.

— Демак, жануб томонга йўл оламиз. Гарри компасни тўғрилади.

— Кетдик!

Гарри билан Гай жануб томонга кетган сўқмоқ билан йўлда бораради. Бир зум иккиланиб туришгандан кейин Кен билан Феннел ҳам уларга эргашишди. Ҳамма жим кетишиди. Тембанинг ўлими уларни эсанкиратиб қўйган эди. Энди улар Каленберг ҳар қандай қабиҳликдан қайтмаслигига ишонч ҳосил қилишганди.

Йўлни шитоб билан босишарди. Икки соатдан кейин жирканчли кимсалар тўдаси орқасидан қувишади. Орадан ўн дақиқа ўтди, Гарри тўхтаб компасга қаради.

— Бу сўқмоқ гарб томонга озгина бурилиб кетяпти, — деди у. — Йўлдан чиқиб жунгли оралаб кетишимизга тўғри келади.

Кувфиндилар узун-узун ўт-ўланларга, тиканли буталар ва дараҳтларга умидсизлик билан кўз ташлашарди.

– Бу юриш суръатимизга ёмон таъсир қиласи, – деди афсусланиб Феннел.

– Барибир, бошқа иложимиз йўқ. Фақат мана шу йўналиш билан кетишимиз керак.

– Сизларни чўчитмоқчи эмасман, лекин бу йўлда илонлар гижгиж, – огоҳлатирди Кен.

Гай Гаррининг қўлига осилиб олди.

– Кўрқма, – деди у ва табассум қўлмоқчи бўлди. – Ҳаммаси кўнгилдагидек бўлади. Кетдик.

Улар ўсиб кетган ўт-ўланларни босиб, маймунлар шохларида сакраб юрган улкан-улкан дараҳтлар танасини айланиб ўтишаркан, борган сари чангальзор ичига кириб кетишарди. Гарри компас ёрдамида йўлни тўғрилаб борди. Кеча Каленбергнинг хонасидалигига харитани кўрганда ҳаммасини ёдида сақлаб қолишга интилган эди. Унда дарёга эътибор қилган эди. Нима қилиб бўлса ҳам дарёга етиб олишлари керак. Бўлмаса улар сувсизлиқдан ўлиб кетишади. Бошқа томондан, дарёга қараб кетишидиган бўлса, юриш суръати пасаяди, бу эса зулусларга қўл келади, Гарри буни яхши билади.

Уч миллар йўл босишгандан кейин улар жануб томонга олиб борадиган кичик сўқмоқча дуч келишди.

– Хўш, кайфиятинг қандай, – деб сўради Гарри Гайнинг қўлини ушлаб.

– Яхши. Яна қанча юрамиз, шуни билгим келяпти?

– Менимча, унчалик кўпмас. Каленберг ерининг чегарасигача йигирма миль. Харитасини яхшилаб билиб олгандим. Бу чегарагача энг қисқа йўл.

Феннел орқада зўр-базўр қадам ташлаб келяпти, асбоблари солинган қопчиқ елкасини эзиб юборганди.

– Менга беринг, озгина кўтариб юрай, – деб таклиф қилди Кен.

Феннел тўхтаб қопчиғига жаҳл аралаш қараб қўйди.

– Етар! Мана шу темирларни кўтариб юрадиган бўлсак, бу ердан ҳеч қачон чиқиб кетолмаймиз. Булар менга жуда қимматга тушган. Бу ердан омон-эсон чиқиб кетадиган бўлсак, янгиларини сотиб оламан. Агар ўлиб кетадиган бўлсам, буларнинг менга нима кераги бор? – у қопчиғини кўтариб чангальзор ичига отиб юборди.

– Мен уларни бирмунча вақт олиб юра олардим-ку... – деди афсусланиб Кен.

– Биламан... Раҳмат. Худога шукр-а, шулардан қутулдим. – У қадамини теззатиб бир пасда Гарри билан Гайга етиб олди.

Кутилмаганда сўқмоқ тугади. Олдинда каттакон қўл чиқиб қолди.

– Энди ботқоқлик бошланади, – деди Кен. – Ёмғирдан кейин ёмон ҳолга келган.

Ер оёқ остида қимиirlай бошлади, шунга қарамасдан улар юришда давом этишди. қадам-бақадам юриш қийин бўла бошлади. қуёш чиқди. Нам ва дим ҳавода худди чўмилгандай жиққа терга ботишди. Гарри дам-бадам компасга қараб йўлни тўғрилай бошлади. Улар тез-тез ботқоқликни айланиб ўтишар ва кейин яна тўғри йўлга тушиб олишарди. Ботқоқлик сассиқ бўй тарата бошлади. Нотекис ботқоқлик уларнинг юришини секинлаштириди. Шунга қарамасдан эҳтиёткорлик билан қадам босиб жон-жаҳдлари билан олдинга интилишарди.

– Улар йўлга тушибиди! – деди кутилмаганда Кен. Гарри соатига қаради. Роппа-роса етти. Беихтиёр ҳар бири юриш суръатини оширишди.

Уларнинг бутун вужудлари қўрқувдан ларзага тушган эди.

– Тоза сувнинг ҳидини сезяпман, – деди Кен. – Яқин атрофда дарё бўлиши керак.

Ҳақиқатдан ҳам, улар ўн дақиқа юришгандан кейин лойқа бўлиб оқаётган ва эни ўн метрлар чамаси дарёга дуч келишди.

– Дарёни кесиб ўтиш керак, – деди Гарри. – Чукурмикин?

– Эҳтимол, чукур ҳамдир, лекин бундан ўтиш қийин эмас, – деди Кен. – Фақат ифлос сувда шалаббо ҳўл бўлишимиз мумкин. Мен текшириб қўрай-чи..

У туфли ва қўйлагини ечди, яқиндаги дараҳтнинг шохини ушлаб туриб сувга тушди. Кейин дарёнинг чуқурлигини ўлчаш учун оёқларини сувнинг тагига чўзди.

– Чукур... сузиб ўтиш керак...

У шохни қўйвориб тезлик билан олдинга сузиб кета бошлади...

Ҳаммаси бир зумда рўй берди. Қирғоқда қолганлар нима бўлганини сезмай ҳам қолишиди.

Қирғоқнинг нариги тарафида узун-узун қамишлар ҳилпиллаб турарди. Шу он пўпанак босган йўғон дараҳт поясига ўхшаш эгри-буғри маҳлук сувга ўйнғиб бир зумда Кеннинг олдида пайдо бўлди. Унинг каттакон жағи очилди. Кен бир бақирди-ю, ҳеч нарса қиломай қўлини силкитиб қолди, холос.

Тимсоҳ билан Кен сув остида гойиб бўлишиди. Уларнинг устида сув чайқалиб гирдоб бўлди-ю, бирпасда сувнинг юзи қип-қизил қонга бўялди...

ЕТТИНЧИ БОБ

Тунга яқин қуёш юзини қора булут қоплади. Кейин жала қўйди. Ҳаво чидаб бўлмас даражада дим. Осмонни тамоман қора булут қоплади. Сув ерда дарёдай оқа бошлади, бир неча дақиқа ичиди қувфиндилар шалаббо ҳўл бўлишиди. Жала шундай қўйдики, унинг қамчилаб ураётган томчиларидан кўзлар очилмай қолди.

Гарри Гайни қўлидан ушлаб жунглига олиб кириб кетди. ФенNEL ҳам уларга эргашди. Улар улкан баобаб дараҳтининг остидан паноҳ топишиди. Ҳамма дараҳт танасига суюнганча чеълаклаб қуяётган ёмғирга қараб қолишиди.

Асабий таранглик, Кеннинг даҳшатли ўлим топиши билан вужудларига тушган қўркув уларни сукутга солиб қўйган эди. Гарчи, Кен билан яқинда танишишган бўлса-да, у ҳаммада ўзига нисбатан хайриҳоҳлик, хурмат туйгусини уйғотган эди.

Кеннинг ўлим дақиқалари Гайни эсанкиратиб қўйган эди. Назарида, Кеннинг юзларидаги қўркув ва унинг юракларни поралаб ташлайдиган даражадаги қичқириғи бир умр қўз ўнгидан кетмайдигандай эди.

Гарри ҳам эсанкираб қолди, лекин Гай билан ФенNELга нисбатан ўзини тута биларди. У тимсоҳ Кенни сувда кўтариб ташлаб бурдалашларини ва этларини бўлаклаб халқумига ташлашларини қўриб турган ва сув юзини қонга бўяб пастга тортиб кетганда бечорага ёрдам бера олмаслигини тушунган эди. Энди қолганларнинг ҳаётини сақлаб қолиш учун бўйнида турган масъулият йўлни давом эттиришга ундарди. Ахир, энди бир дақиқа ҳам вақтни бекорга кетказиш керак эмасди-да. У Каленберг ваъда қилган ўлим Кеннинг ўлимидан ҳам даҳшатлироқ ва азоблироқ эканлигини жуда яхши тушунарди. Шунинг учун ҳам Гайнинг вужуди қақшаб йиғлаётганига қарамай уни қўлидан

тортиб жунглига олиб кириб кетган эди.

У Гайни йифидан тўхтатиб бироз бўлса-да ўзига келгунча судраб борди. Ана шундан кейин Гай ҳамма нарсага эътиборсиз, унинг ёнида бирга кетди.

Кенning ўлими Феннелни ҳам қаттиқ хафа қилди. У руҳи ҳеч қачон чўкмайдиган бу овчига анча ўрганиб қолган, айниқса, «Лендровер» воқеаси билан бўлган ҳодиса унинг хотирасида михланиб қолиб кетган эди. У ўзи бўлганда ҳеч қачон Кендек жасурлик билан ҳаракат қилолмаган бўларди. Кенning тадбиркорлиги унинг қалбини бутунлай ром этган эди. Энди бўлса, у қайгуга ботган, «Сувга биринчи бўлиб маnavи алдоқчи Эдвардс тушса бўлмасмиди?» деб эзиларди.

Гарри Гайни оз бўлса-да хотиржам қилишга уринди.

– Бу ёмғир, бизнинг фойдамизга бўлди, ҳамма изларимизни ювиб кетади. Ҳатто Каленбергнинг ажойиб изтопар зулуслари ҳам энди бизни топиша олмайди, – деди.

Гай ҳали ҳамон унинг қўлига осилиб олганча келар, у шу қадар ларзага тушганидан гапиришга сўз тополмасди.

– Нима дейсиз, сол ясай оламизми? – Гарри Феннелга мурожаат қилди.

– Мен ўша лаънати асбобларимни отиб юборгандим... Жин урсин, асбобларсиз солни қандай ясай оламиз? – қўрслик билан деди Феннел.

Гарри дарё қирғоғига келди. Нариги қирғоқ қамиш-қиёқлар ва паст ўт-ўланлар билан қопланган. Тимсоҳлар кўринмайди – лекин бу ҳеч қандай маънони англатмайди. Улар сувнинг ичида ҳам бўлиши мумкин. Кенning бошига тушган қўргиликдан кейин дарёга тушиш ўлим билан баробар эди. Гарри қирғоқ бўйлаб бориб тимсоҳлар беркинолмайдиган очиқ жойни изламоқчи бўлди. Лекин бунаقا жойни аввал топиш зарур.

– Йўлга тушишимиздан олдин тамадди қилиб куч йифиб олишимиз керак, – деди Гарри ва Кенning сафархалтасини очиб мол гўшти банкасини олди. – Буни учга бўламиз.

– Менинг иштаҳам йўқ. қорним очмади, – очиққўнгиллик билан деди Гай.

– Тамадди қилиб олиш шарт...

– Йўқ!.. Мени ўз ҳолимга қўйинглар.

Гарри Гайга диққат қилиб тикилди. Унинг соғлиғидан ташвишга тушиб қолди.

– Мазанг йўқми?

– Бошим оғрияпти, сувга тушишимизни ўйласам, қўрқиб кетяпман. Шунинг учун мени ўз ҳолимга қўйинг.

Гарри банкани очиб, гўштни иккига тақисмлади.

У вақти-вақти билан дарахтга суюнганча кўзини юмиб олган Гайга қараб-қараб кўярди. «Унга нима бўлдийкин? – деб ўйлади у, – асабий толиқишдан шундай бўлиб қолдими ё ростдан ҳам касалмикин?»

Шу хаёл калласига келди-ю, қўрқиб кетди. Агар ҳозир оғриб қолса, бу унинг ўлими билан тугайди.

Гарри овқатланиб бўлиб, Гайнинг ёнига келди-да, елкасини ушлади. У кўзини очди. Гарри унинг кўзини сўнник ҳолда кўриб яна баттар ташвишга тушди.

– Оғриб қолмаган бўлсанг керак-а, Гай?

– Шундай бўлса керак...

– Қани, кетдик! – қичқирди Феннел. – Агар шу ерда қолишини ўйлаётган бўлсангизлар, унда ёлғиз ўзим кетдим.

Гарри Гай билан ёнма-ён кетди. Қараса, Гай зўр-базўр қадам

ташлайпти. Шундан кейин уни қўлтиқлаб олди.

– Менга эътибор қилма, – Гай шундай деб қўлини бўшатди. – Аҳволим яхши, фақат бошим ёмон оғрияпти.

Шунга қарамасдан Гарри уни қўлтиқлаб олди. Энди илгаридай тез юришолмаса-да ёнма-ён кетишиди.

– Имилламасаларинг-чи! Нима жин уриб тошбақа қадам бўлиб қолдинглар? – қичқирди Феннел.

Гай бор кучини тўплаб илдамроқ юриб кетди. Шу ҳолда икки милча боришиди, кейин Гай яна қадамини секинлатди.

Гарри жиддий хавотирга тушиб қолди.

– Ўзингни ёмон сезяпсанми? – ҳамдардлик билан деди у.

– Назаримда, бошим шишиб кетаётганга ўхшайди... Бу, албатта кўёшдан.

– Озгина дамингни ол.

– Йўқ, юришимиз керак. Ваҳима қилма...

Яна уч миллар юришгандан кейин Гарри ўзи истаган жойни топди. Дарёнинг ҳар икки қирғоғи жунглидан ажралган, икки томон ҳам яланғоч ва лой эди.

– Мана шу ердан ўтсак бўлади, – деди Гарри сувга диққат билан тикилиб туриб. – Сузишни биласанми?

– Сен ёнимда бўлсанг, биламан.

Феннел тезоб сувга хавфсираб қаради.

– Сиз биринчи бўлиб сузиб ўтасизми? – деб сўради у Гарридан.

– Кўрқманг, Лео. Бу ер хавфли эмас. Дарё бу ерда унча кенг эмас, – деди у қуруққина қилиб. Кейин Гайни сояға олиб борди. – Шу ерда ўтириб тур, мен нарсаларни олиб ўтиш учун шоҳ топиб келаман.

Гай ўзини ўт устига ташлади. Гарри бўлса, жунглига кириб кетди.

Феннел Гайга тикилиб туриб, унинг қадимги жозибасидан асар ҳам қолмабди, деб ўйлади.

– Сизга нима бўлди? – деб сўради Гайнинг ёнига келиб.

– Мени холи қўйинг.

– Касалмисиз?

– Бошим ёрилиб кетар даражада оғрияпти. – Қуёш нури узукка тушиб ундаги бриллиант доналари камалакнинг ҳамма рангига товлана бошлади. Феннел бриллиантнинг товланишидан эс-хушини йўқотгандай унга қараб қотиб қолди.

– Агар ишонсангиз, узукни менга бериб қўйсангиз яхши бўларди. Унинг йўқолиб қолишини ҳечам истамайман.

– Йўқ!

Жунглидан бир қучоқ баргли шоҳ кўтариб Гарри чиқиб келди. Феннел тушунарсиз бир нималарни минғирлаганча нари кетди.

Гарри бир зумда қопчиқ ва оёқ кийимларини боғлади.

– Кетдик, – деди у Гайга. – Шоҳни маҳкам ушлаб ол. Мен сени олдинга итарганча атрофни кўздан кечириб сузиб бораман.

Феннел уларнинг сувга тушиб сузиб кетишганини кўриб турди. Кейин тимсоҳ борми, йўқми деб нариги қирғоққа қаради, лекин шубҳали ҳеч нимани сезмади. Гай билан Гарри бир неча дақиқа ичиди дарёни сузиб ўтишиди. Қиз яна ўзини ерга ташлади. Шундан кейин кўрққанидан жони халкумига келиб Феннел ҳам сувга тушди. У иложи борича патир-путир қилиб тез-тез сузиб кетди.

Гарри Гайни ўнгариб ёнбошлатиб ётқизиб қўйди. Кейин унинг ёнига тиз чўқди. Бир зум у хушдан кетганмикин деган хаёлга ҳам борди.

– Сенга нима бўлди? – деб сўради сув тутиб.

– Касал бўлиб қолдим.

Гарри қизни қўлида кўтариб дараҳт тагига олиб борди, қуруқ хазонлардан тўплаб унинг устига ётқизди.

– Қопчиқ билан оёқ кийимларни бу ерга олиб келинг, – деди Гарри Феннелга.

Феннел бир оғиз ҳам гапирмай нари кетди, оёқ кийимини кийиб олиб, қолган нарсаларни олиб қайтиб келди.

Гарри Гайга раҳми келиб тикилди.

– Унга бирон-бир заҳарли тиконми, чўғирми кириб кетган, – эътиборсизлик билан деди Феннел. – Кетдик, Эдвардс. Анув ёввойилар истаган дақиқада бизни қувиб етиб олишлари мумкин.

– Шу яқин атрофдан иккита хода топиб келинг. Кўйлакларимизни боғлаб замбил қиласмиз.

– Нималар деяпсиз, Эдвардс, эсингиз жойидами? Наҳотки сиз шундай иссиқда мени мана шу шаллақини қўтариб юради деб ўйласангиз? Бунинг устига ҳаётимиз қил устида турган бўлса!

Гарри бошини қўтариб унга қаради, газаби жунбишга келганидан унинг кўзлари қисилиб кетганди.

– Нима, сиз уни шу ерда ташлаб кетамиз, демоқчимисиз.

– Нега ташлаб кетмас эканмиз? Уни ўзимизга ортиқча юк қилиб нима қиласмиз? Қимматли вақтларимизни бекорга кетказяпмиз. Кўйинг уни, кетдик.

Гарри ўрнидан турди.

– Ўзингиз кетаверишингиз мумкин. Мен у билан қоламан. Йўқолинг!

Феннел қуриб қолган лабларини ялаб қўйди. Кейин Гаррига яқинлашиди.

– Менга компас билан узук керак.

– Унисиниям, бунисиниям ололмайсиз.

Гаррининг қадди-қоматига, чаққонлигига Феннелдек одам ҳавас қилиб юрарди. Феннелнинг мушти яшин тезлигида олдинга ташланди, лекин Гарри худди шуни кутиб турарди. У зарбадан ўзини олиб қочди-ю, бор кучи билан абраҳнинг жағига туширди.

Феннел гандираклаб кетиб мувозанатини йўқотди ва чалқанча ерга кулади.

– Йўқолинг бу ердан! – такрорлади Гарри.

Феннел икки қўлини ёзганча ётарди. Кейинги лаҳзада унинг бармоқларига ўт ичида ётган тош илинди. Тошни олди-ю, Гаррига отди. Тош Гаррининг нақ бошига тегди, унинг кўз олди қоронгилашди, кейин ҳушидан кетиб йиқилди.

Феннел зўр-базур ўрнидан турди. Жағи зирқираб оғириди. У эҳтиёткорлик билан аста-секин Гаррига яқинлашиб устига эгилди. Унинг ҳуҳсиз ётганига ишонч ҳосил қилгандан кейин чўнтагини кавлаб компасни олди, Гайнинг тепасига бориб, унинг ўнг қўйл бармоғидан узукни чиқарди. Шу пайт Гай кўзини очиб Феннелни кўрди-ю, башарасига бир тарсаки туширди. Зарба шу даражада кучсиз эдики, Феннел унинг зарбини нари-бери сеза олди.

– Алвидо, санам! – деди у Гайнинг бошига энгашиб. – Узоқ вақт қийналиб ётишингга тўғри келмайди деб ишонаман. Ростини айтсан, бу ердан чиқиб кетолмайсизлар. Ҳеч қачон! – Феннел қаддини ростлади.

– Агар зулуслар тополмаган тақдирда ҳам сизни қузгуналар саранжом қилишади. Алвидо!

Гай яна кўзини юмди. Феннел унинг сўнгги сўзларини Гай эшитмаганига ишончи комил эмасди. У охирги озиқ-овқат солинган қопчиқни ва бир шиша сувни олди, компасга қараб юриши керак

бўлган йўналишни аниқлади. Кейин собиқ йўлдошларига ҳатто назар ҳам ташламай рутубатли ва мудҳиш чанталзорга кириб кетди.

Гарри бир қимирлаб кўзини очди. Кўз олдидан битта ва яна битта қора шарпа лишиллаб ўтди. У осмонга боқди, шарқ томонда қоп-қора булутлар ҳаракат қилишарди. Дараҳтда иккита қузгун ўтирибди. Гарри уларнинг кал ва жирканч бошлари, қайрилган тумшуклари, думалоқ елкаларини кўриб қўрққанидан қалтираб кетди.

Унинг боши айланди. Пайпаслаб чаккасига қўл юборган эди, қотиб қолган шилимшиқ қон кўлига илинди. Оғриқ зўрайди, лекин аста хуши ўзига кела бошлади. Чўнтағига қўл тиқиб компас йўқдигини сезди. Зўр-базўр ўрнидан туриб Гайнинг ёнига келди. Қизнинг юзларига реза-реза тер тошган, у ёнарди. Афтидан, у ухлаган, хушдан кетган бўлса ҳам эҳтимол. Унинг бармогидаги узукнинг фойиб бўлганлитини сезиб, у заррачаям ажабланмади. Қизнинг ёнига ўтириб вазиятни таҳлил қила бошлади. Каленбергнинг мулкидан чиқиб кетиш учун яна ўн беш мил юриш керак. Гарри қопчиққа қараб ундаги заҳира озиқ-овқат ҳам фойиб бўлганини билди. Овқатсиз, сувсиз узоқ вақт дош беролмайди. У соатга қаради. Тўрт. Зулуслар уларни қидиришаётганига ҳам тўққиз соат бўлган. Ёмғир уларнинг изларини ювиб кетгани ростмикан? Агар ювмаган бўлса, яқин орада улар бу ерга етиб келишлари аниқ. Агар ёлғиз ўзи бўлганда-ку, йўлга тушиб Феннелга етиб олиши аниқ эди-я. Лекин Гарри Гайнни ташлаб кетолмасди.

У қизга кўз ташлади. Феннел бирон-бир заҳарли тикан санчилган деганда, эҳтимол, ҳақ бўлса керак. Гайнинг кўриниши жуда ёмон эди. Қиз Гарри ўзига қараб турганини сезгандай кўзини очди. Гай вазиятни тушуниб етгунча бирмунча вақт ўтди.

— Яраландингми?

— Зарари йўқ! — Гарри иссиқ кафти билан эркалаб унинг юзини силаб қўйди. — Хавотир бўлма.

— У компас билан узукни олиб кетди.

— Биламан, бундан ташвишланма.

Тўсатдан тепада бир нима қирсиллаб кетди. Иккаласи чўчиб тушиб юқорига қаравади. Бир қузгун юқори шохдан пастга сакраб тушган ва булардан кўз узмай тикиларди.

Гарри ердан тош олиб унга отди. Кузгун оғир кўтарилиб қанотларини лопиллатганча учиб кетди. Дараҳтдан барглар тўкилиб тушди.

— Улар менинг ўлишимни сезишияпти! — сўлғин овозда деди Гай.

— Мен бундай ўлтим келмаяпти!

— Кўйсанг-чи! Тузалиб кетасан, ўлмайсан. Балки бирон заҳарли дараҳтнинг чўкиртаги бирон ерингга кирган бўлса керак. Бир-икки кундан кейин отдай бўлиб кетасан.

Гай Гаррига ёлворгансимон назар ташлади, унинг ҳаётдан умидсиз ва қайгули кўзларини кўриб Гаррининг юрагига наштар санчилгандай бўлди.

— Сен менга ҳеч қандай ёрдам беролмайсан! Мени ташлаб кетавер! Энди ўзинг ҳақингда ўйлашинг, ўзингни бу жаҳаннамдан кутқаришинг керак! Менга нима бўлганини ўзим ҳам билмайман. Назаримда, ажал ичимга кириб олган-у, мени аста-секин емириб бораётганга ўзшайди.

Гарри унинг оёқларини ушлади. У музлаб қолган эди.

— Бемаъни гапларни гапирма! Барибири сени ташлаб кетмайман. Сув ичгинг келяптими?

— Йўқ, — деди Гай. — У шундай деб кўзини юмди. — Гарри, сен кетишинг керак. Агар сени тутиб олишса...

— Сен Худога ишонасанми? — тўсатдан сўраб қолди Гай.
 — Баъзан, — қатъиятсизлик билан жавоб берди у.
 — Сен ростдан ҳам мен билан бирга қолгинг келяптими?
 — Ҳа, азизам, сени ташлаб кетолмайман.
 — Раҳмат, Гарри, сен жуда олийжанобсан, мард йигитсан. Мени кўп кутиб қолмайсан. — Гай бошини кўтариб қузгуналарга қаради. Улар ҳам ўз навбатида ўткир кўзларини Гайга тикишди. — Битта нарсага вавда бер...

— Нима десанг бажараман!
 — Мени ерга кўмомлайсан... Кўлингда ер қазийдиган ҳеч нарса йўқ. Шундай экан, яхшиси, дарёга ташла... Кузгуналардан кўра тимсоҳларга ширин луқма бўлганим ёқимлироқ...
 — Бу ҳақда гап бўлиши мумкин эмас. Яхшилаб дам олишинг керак. Эртага тузалиб қоласан...

Гай унинг сўзини бўлди.

— Пулга ўч бўлиш яхшиликка олиб бормайди, деганингда ҳақ гапни айтган экансан. Агар пул деган бемаъни нарса ҳаётим мазмунини белгиламаганида, бу кунларга тушиб ўтирасдим. Ёнингда бир парча қоғоз билан ручка борми? Сенга васиятнома ёзиб бермоқчиман.

— Менга қара Гай. Бунақа бемаъни фикрларни хаёлингдан қувиб чиқар.

Қиз хўнграб юборди.

— Илтимос, Гарри, менга нақадар оғир бўлаётганини билмаяпсан. Зўр-базўр гапиряпман. Илтимос, васиятнома ёзиб қолдиришим учун қоғоз бер!

Гарри сафархалтасидан ручка, қоғоз олиб келди.

— Уз кўлим билан ёзилган бўлиши керак, — деди Гай. Банк директори дастхатимни билади. Гарри, мени ушлаб тур.

— Азизим, менинг нимам бўлса, ҳаммаси сенини энди. Берн банкидаги ҳисоб варагимда юз минг доллардан ошиқ пулим бор. Банк директори Кирстга учраш. Нима воқеа бўлган бўлса, барини батафсил гапириб бер. Ҳаммасини... айниқса Каленбергнинг музейини. У нима қилишни ўзи яхши билади ва сени ҳар қандай қўнгилсизликлардан асраб қолади. Унга васиятномани тутқаз, қолганини ўзи тўғрилайди.

— Яхши... Лекин сен, Гай, тузалиб кетасан. — Гарри уни ўпиб қўйди. — Энди дамингни ол.

Куёш дараҳтлар узра уфққа бош қўйгандан кейин уч соат ўтиб Гай оламдан ўтди.

Ўша куни Гай узукни қўлга тақаётганида бармоғи жиз этганини сезганди, лекин сезганди-ю, бунга эътибор қилмаганди...

Орадан асрлар ўтиб Боржианинг узуги яна ўз хизмат вазифасини астойдил ўташга киришган эди.

Феннел икки соат шитоб билан юрди. Кўп жойлар лойли бўлгани учун оёғига ёпишиб анча вақтини олиб тинкасини қурилди. Йиссиқ, рутубатли ҳаво ва сукунат булар бари унинг юрагига баттар ваҳима соларди. Лекин у чегарагача озгина қолди, ундан кейин бу азобларнинг бари ортда қолади, деб ўзига-ўзи таскин берарди: У Чаликнинг хузурига қандай дабдаба билан кириб бориб узукни топширишини кўп марталаб кўз олдига келтирди. Чалик узук учун арзимас тўққиз минг тўлайман деса чучварани хом санабди. Тўртталови учун олинаётган ўттиз олти мингни нақд тўлаб қўяди! Агар омади юришиб қолса, икки кундан кейин Лондонда бўлади. Пулни олиб Ниццага жуфтакни ростлайди. Мана шундай қийинчиликлардан кейин яхшилаб

дам олиши керак. Ницца жонига теккандан кейин биронта жононни ёнига олади. Яхта ёллаб ҳар бир портда тўхтаб-тўхтаб бутун Ўрта ер денгизини кезиб чиқади. Бунаقا роҳат билан саёҳатга Маронининг ўзиям ҳали чиқмаган.

У Гарри билан Гайни хотирасидан ўчириб ташлади. Чунки бундан кейин улар билан тўқнаш келмаслигига мутлақо ишонч ҳосил қилди. Ўша жодугар ўзи билан бирга бўлишни хоҳламаган эди, энди жазосини тортсин. Ҳали шу вақтгача мен, яъни ФенNEL оғиз солган биронта аёл менинг сўзимни икки қилмаган. Тўғри, қани энди шу топда ёнида Кен бўлса. Унда ўзини жуда хотиржам тушган бўларди-я. Кеннинг тимсоҳга қандай ем бўлганини эслаб бадани қалтираб кетди.

У қопчиқни ерга қўйиб гулхан ёқсан нима бўларкин деб ўйланиб қолди. Бундоқ қараса, таваккал қилса, унчалик қўрқмаса ҳам бўлаверади. Кейин атрофдан қуруқ шоҳларни йигиб келиб гулхан ёқди. Овқатланиб оловга бир нечта шоҳ ташлади-да, хузур қилиб ёнбошлади. Чангальзор ичидан шоҳларнинг шитирлаши, одамнинг юрагига ваҳима солувчи ҳар хил номаълум овозлар эшитиларди. Узокда қандайдир ваҳший ҳайвоннинг ўкиргани қулоққа чалинди. Тунги қушлар қанотларини бир-бирига уриб тарақлатишарди.

У кўзини юмди. Чангальзордан келаётган овозлар баттар даҳшатли туюлиб кетди. ФенNEL туриб ўтириди-да, қоронгиликка тикилди.

— Зулуслар оловни кўриб бу ёққа келишаётган бўлса-чи? — Унинг баданини совуқ тер босди. Кечаси олов ёниб қип-қизил аҳмоқлик қилибман-ку. Ёввойиларнинг кўзлари ўткир...

ФенNEL ёғочни қўлига олиб ёнаётган шоҳларни сочиб ташлади, кейин қолган чўғларни оёғи билан топтаб ўчириди.

Энди ундан баттар бўлди. Чор-атроф зимистон бўлиб қолди. У пайпаслаб дарахтнинг танасини топиб унга ёпишиб олди. Шундай ҳолатда ҳар бир шовқиндан юраги қинидан чиқар даражада қўрқиб бир соатча ўтириди. Ниҳоят, чарчоқ ўз ишини қилди: аста-секин боши эгилиб ухлаб қолди.

У қанча вақт ухлаганини билмади. Бу сафар ҳам одатдагидек хатардан огоҳ қилувчи ички бир шуур уни тарқ этмади. ФенNEL пайпаслаб ердан узун бир ёғочни топди. Кейин диққат қилиб атрофга қулоқ тутди. Шитир-шитир бу сафар яқиндан эшитилди. ФенNEL қўрққанидан қалтираб жон ҳолатда чўнтағидан фонарни олиб унинг нурини шитир овози келган томонга қаратди. Нур тиржайиб турган жирканчли маҳлукни ёритиб юборди. Гиена! ФенNEL ваҳимада ўридан сапчиб туриб кетди. У Каленбергнинг мулкига келаётганда йўлда Кен айтиб берган суҳбатни эслади.

— Мен чангальзорда гиенадан бошқа ҳамма ваҳший ҳайвонлар билан тил топишиб яшаган эдим, — деганди у ўшанда. — Гиена энг жирканчли ваҳший. Унинг жағлари нақадар бақувватлигини кўпчилик билмаса ҳам керак. Гиена сигирларнинг бўғзини сиз ёнгоқни осон чаққанингиздек бир зумда ёриб ташлайди. Тўғри, улар қўрқоқ, лекин жуда хавфли бўлишади».

ФенNEL қўрқиб кетганидан чироқ нурини чор атроф бўйлаб юбора бошлади. Кўзига бир зум ўтдай ёниб турган бир жуфт кўз кўринди. Кейин қоронгуликка гойиб бўлди. Энди уйқу ҳақида гап бўлиши мумкин эмас. У соатга қаради. Уч ярим. Тонг отгунча ҳали бир соат бор. Чўнтак фонарининг қуввати кетиб қолмасин деб уни ўчириди-да, атрофга қулоқ солди. Тўйқусдан қоронгилик қаъридан қандайдир беўхшов қаҳқаҳа эшитилгандай бўлди. Лео довдираф қолди, кейин иргиб ўридан турди...

Тонг ёриша бошлаганда бутун бадани зирқираб оғриётганини ҳис қилди. Оёғи дир-дир қалтираар, билакларидағи одатий күч уни тарк этган эди. У зёр-базёр қопчиқни күттарди-да, сайхонликдан сўқмоқ сари одимлади.

Кучини тўплаб қанча ҳаракат қилмасин, кечаги кундагидек тез одимлай олмади. Дунёда энг билгиси келган битта нарса, бу ҳам бўлса Каленберг мулкининг чегарасигача қанча масофа қолганини билиш эди.

У икки соатлар юриб, тамадди қилиш ва бироз дам олиш учун тўхтади. Лўяли банқани очиб, аста-секин сув ичди. Чекди. Кейин ўрнидан турди ва оёғини зўрга кўтариб босганча жануб сари юриб кетди. Беш мил юриб тўхтади ва компасга қаради: у жанубга эмас, жануби-гарбга қараб кетаётган экан. У тўғри йўлни белгилаб олиб қараса, энди яна қалин чангальзорни оралаб ўтиши керак бўларкан. Тез орада умуман, жунглидан чиқа оламанми, йўқми деган ваҳимага тушиб қолди. Уйқусиз тун уни ҳолдан тойдирганди. У Кеннинг гиеналар кечаси тунда ов қилишади деган гапини эслади. Бирон хатарсиз жойни топиб дам олишим керак, деб ўйлади у. Тезда ўзи бехатар деб ўйлаган бир жойни топди-ю, дараҳтнинг тагида бошига сафар халтасини кўйиб шу заҳоти тошдай қотиб ухлаб қолди.

...Жунглидан гиена чиқиб келди. У икки кундан буён оч юарди, лекин шунга қарамасдан дарров ҳужумга ўтмади. Баҳтта қарши Феннел кундузги юришдан итдай чарчаган ва шу сабабли қаттиқ ухлаб ётарди. Гиена ярим соатлар кутиб тургандан кейин тўсатдан ҳужум қилса, ови бароридан келишига ишонди.

Феннел оёғида турган даҳшатли оғриқдан уйғониб кетди-ю, бор овози билан бўкириб юборди. Оёғига қараб жон-пони чиқиб кетди. Болдиридан бир парча гўшт юлиб олинган эди.

Вой-войлаб додлар экан атрофига қараб, беш ярдлар наридаги гиенага қўзи тушди.

Оёғидан шариллаб қон оқарди. Феннел бир иложини қилиб уни тўхтатмаса бир неча дақиқадан кейин қони тугаб қолишини тушунди. Ўтанасидан дармон кетаётганини сеза бошлади. Кейин бутун кучини йиғиб даҳшатли овоз билан бақириб юборди:

— Ёрдам беринглаар!!

— Унинг овози жунглида акс садо бериб янграб кетди. Бундан кўрқиб кетган гиена қийқириб қочиб кетди. Феннел яна қичқирмоқчи бўлган эди, томогидан паст овозда ингроқ товуши эшитирди. Қон оққандан оқарди, атрофни пашиша тутиб кетди.

Ҳолдан кетаётган Феннел фақат бир нарсани — оёқдаги даҳшатли оғриқ бир лаҳза бўлсаям камайишини хоҳларди. Бирдан у осмонда бир неча қузгун айланиб қолганига қўзи тушди. Улар бирин-кетин пастлаб тепасидаги дараҳтга қўнаверишди. Ўбу даҳшатли қушлардан кўз узмай уларга қараб тураркан, аста-секин қорнига яқинлаб келган гиенани сезмай қолди. Гиена қулай фурсатни кутиб туриб, ташланди, Феннел ҳатто бир зум унинг жаги шақиллашини ҳам эшийтди. Ваҳший ҳайвоннинг ўткир тишлари қорнини ёриб, ичак-чавогини ағдариб ташлаганда чидаб бўлмас даражадаги оғриқ бутун танасини қоплаб олди...

Барваста қомат, бакувват зулус Нгоман бир вақтлар Калленберг-нинг қўлида ишлаган. Ўаёлларга алаҳсиб қолгандан кейин ҳайдалган эди. Қувилишдан олдин Нгоман жунглида қоровуллик қиладиган ва Каленбергнинг ерларини ҳар хил келгинди ва браконъерлардан қўриқлайдиган овчилар қаторида юарди. У жунглини беш қўлдай билар, шунинг учун ишдан кетгандан кейин унчалик хафа бўлиб

ҳам ўтиrmади. Каленбергнинг мулкида ов қилиб тирикчилигини ўтказиб юраверди. Бу ерларда тимсоҳлар кўп бўларди. Нгоман эски қадрдонлари билан келишиб бир-иккита ваҳший ҳайвон, тимсоҳларни ўлдирарди-да, уларнинг терисини Менвиллдаги оқ танлиларга пуллаб юарди.

Шу куни Нгоман Калленбергнинг мулкига жануб томондан ўгринча кириб келиб, сўқмоқ билан бораверди. У бирдан даҳшатли бақириқ билан ёрдам сўраб ёлвораётган одам овозини эшитиб қолди. Зулус қўлидаги милтиқни маҳкам ушлаб тўхтади ва атрофга қулоқ солди. Кейин қандайдир қизиқиш билан жунглиниг ичига кириб кетди. Орадан бир неча дақиқа ўтгач, Феннелдан қолган баъзи нарсаларнинг устидан чиқиб қолди.

Гарри иложи борича ўзини сояга олишга ҳаракат қилиб қирғоқ бўйлаб аста кетаверди. У тўсатдан биронта заҳарли илонни ё бўлмасам тимсоҳни сезмай қолмай деган ўйда дам-бадам ерга қараб кўярди. У компассиз жунглиниг ичидан юриш ўлим билан баробар эканлигини яхши биларди. Агар Каленбергнинг харитасига ишонадиган бўлса, бу дарё унинг мулкини кесиб ўтар ва чегарага чиқарди. Ундан ташқари, дарё бўйлаб кетаверса, йўлдан адашмайди. Агар омади чопиб қолса, уни комига тортиб кетиши мумкин бўлган ботқоқликдан ҳам қутулган бўлади. Тўгри, бунда ҳам хатар йўқ эмасди, йўлда унга тимсоҳлар ташланиб қолиши ёки зулуслар кўриб қолишлари мумкин эди.

Хуллас, Гарри қирғоқ бўйлаб юришда давом этди. Гайнинг охирги илтимосини бажариб унинг жасадини дарёга ташлади ва мурда оқим бўйлаб аста оқиб кетганини бир зум кузатиб турди.

У тўрт соатдан кўп юрди. Тез эмас, ўз кучини сарфлаб қўймаслик учун аста, лекин бир маромда кетди. Қорни очиб, чанқов тинкасини куритди. Вақти-вақти билан ифлос дарё суви билан лабларини хўллаб, оғзини чайиб ташлади, лекин бирини-бирига улаб тинимсиз чекарди. Уни ҳозир битта нарса, Феннелнинг қаерда эканлиги қийнарди. Агар Гарри Менвиллга эсон-омон етиб борса, Феннел Иоганнесбургнинг йўлида бўлиши шубҳасиз эди. Бунда Феннел шу заҳоти Лондонга учади, Чаликка узукни топширади-да, ўз улушкини олиб зум ўтмай гойиб бўлади, бунга Гаррининг ишончи комил эди. Қизиқ, у Лондонга етиб борса, ўз улушкини Чалик берармикин? Тўгрироғи, бермайди. Лекин унинг бериш-бермаслигининг аҳамияти энди қолмаган эди. Гайнинг саҳовати билан юз минг долларга эга бўлди. Чўнтағингда шунча пул бўлгандан кейин олий маълумотга эга бўлиш ҳам, биронтасига қўшилиб яхшигина улуш ҳам олиш мумкин...

Лекин ҳозир асосийси – эсон-омон Англияга етиб олиш.

Кун туш бўлганда Гарри ўтириб ярим соат дам олди, кейин яна йўлга тушди. Кечга борганда ўн саккиз мил атрофида юриб қўйди.

У дарёнинг бурилган жойлари бўйлаб секин, лекин бир маромда қадам ташлаб юаркан, навбатдаги бурилиш жойда мени яна қандай хатар кутиб турганикин, деган хавотирда ўз-ўзига савол бериб бораради. Феннелга ўхшаб у ҳам энди уйга умуман қайтиб боролмасам керак, деган ваҳимага туша бошлади...

Гарри яна бир соатлар юргандан кейин жунгли ортда қолди, дарё ҳам энди ёйилиб оқа бошлади. У тўхтаб атрофга диққат билан назар ташлади. Бирдан кўзи дарёда чайқалиб келаётган бир нарсага тушди. Нима экан бу? Қайиқмасмикин? Ё дараҳтми? Ёша тарафга қараб юрди. Тезда унинг қайиқча эканлигини билди. У чанқофини ҳам унутиб, чарчоқдан гандираклаб кетаётган бўлса-да, унга қараб югорди. қайиқнинг олдига борди-ю, қотиб қолди.

Қайиқнинг ичидаги барзанги бир зулуснинг мурдаси чўзилиб ётарди. Унинг ёнида иккита қопчиқ, Гарри қопчиқларни дарров таниди, булар Кен билан Феннелнинг қопчиқлари эди. Шу ерда шишадаги сувни кўриб қолди-ю, кўллари ўз-ўзидан унга чўзилиб кетди.

Ундан ташқари, яна бир ҳайратланарли нарсага қўзи тушди: зулуснинг кўрсаткич бармоғида Боржианинг узуги товланиб туради.

Гарри Лондон божхонасидағи расмиятиларни тугатиши билан телефон будкасига югуриб борди-да, Тонининг телефон рақамини тера бошлади. Ҳали жуда барвақт, у Тонининг ухлаб ётганини яхши биларди. Тахмини тўғри чиқди, телефон гўшаги ўн бештacha чақиргандан кейин Тонининг уйқусираган овози эшитилди.

– Мисс Уайт уйда йўқ...

– Тони! – қичқириб юборди Гарри Тони гўшакни қўймоқчи бўлаётганини сезиб. – Бу мен, Гарриман!

Бир зум гўшакдан ҳеч қандай овоз келмади. Кейин бирдан Тони қичқириб юборди:

– Нима?! Бу ўзингмисан? Гарри, азизим!

– Ҳа, мен-да, ким бўларди бошқа. Иоганнесбургдан ҳозиргина учиб келдим.

– Келишинг биланоқ менга қўнгироқ қилдингми? О, Гарри, азизим! Демак, у, бошқача, унчалик гўзал эмас экан-да, тўгрими?

– Кўй, у ҳақида гаплашмайлик, Тони, – Гаррининг бирдан қовоғи солинди. – Нима ишлар қиляпсан? Эртага эрталаб Бернга учмоқчиман, мен билан бирга боришингни хоҳлардим.

– Бернга? У қаерда?

– Швейцарияда. Мактабда географиядан ўтмаганмисизлар?

– Асосийси, мен ўқиши... Умуман Берннинг қаердалигини билиш шунчалик зарурми? Мени ўзинг билан бирга олиб кетмоқчи бўляпсанми? Ундей бўлса, албатта сен билан кетаман. Агар хоҳласанг сен билан Фирвалъштатерзга ҳам бирга кетишга тайёрман.

– Жуда яхши... У қаерда?

Тони пиқиллаб кулиб юборди.

– Уям Швейцарияда... У ерда қанча вақт бўламиз.

– Бир-икки кун. Кейин яхшилаб дам олиш учун Каприга жўнаймиз. Капрининг қаердалигини биласанми?

– Албатта. Лекин у ёқقا боролмайман. Ишлашим керак. Икки-уч кунча ишдан жавоб олишим мумкин, кўпга рухсат бермайди.

– Эри бор аёллар ишлаши шарт эмас, Тони.

Тони жимиб қолди. Гарри унинг нафас олишини эшитиб турди. У Тонини калта ички кийимда турганини, ҳайрон қолганидан кўзлари катта-катта очилиб кетганини тасаввур қилиб кулиб қўйди.

– Нима? Нима дединг? Эри бор аёллар ишламасликлари керак, дедингми? – деди у овози озгина хириллаб.

– Ҳа...

– Лекин мен ҳали эрга текканим йўқ, Гарри.

– Тез орада тегасан... Икки соатлардан кейин келиб олиб кетаман...

– У шундай деб гўшакни осиб қўйди.

Гарри таксига ўтириб «Рояль Тауэрс» отелига элтиб қўйишини сўради. Бориб сафархалтасини юкхонага топшириди, кейин эшик оғасига Чаликнинг хонаси билан боғлашни илтимос қилди. Кўп кутишга тўғри келмади. Бир оз ўтиб унинг хонасига кўтарилиди. қабулхонада машинкада ниманидир зўр бериб тақиллатиб ёзаётган малласоч қиз ўтиради.

Қоп-қора кийинган, жиддий. Кўрибоқ Гарри уни ёмон кўриб қолди.

У бунақа хилдаги аёлларни табиатан ёқтирасди. Улар ишчан, фаросатли, хотиржам ва қаттиққүл бўлишади.

У Гаррига диққат қилиб тикилди.

– Мистер Эдвардмисиз?

– Худди ўша.

– Мистер Чалик сизни ҳозироқ қабул қиласди.

Малласоч Чаликнинг хонасига элтувчи эшикни очиб, Гаррини ичкарига таклиф қилди. Гарри ўзини мулойим кўрсатиш учун эмас, балки одати бўйича қизга майин табассум қилиб қўйди. Лекин қиз унга қиёҳ ҳам бокқани йўқ.

Чалик ёзув столида қўлини саҳтиёнга қўйганча ўтиради.

– Салом, мистер Гарри, – деди у Гарри столга яқин келмасданоқ.

– Узукни қўлга туширдингларми?

Гарри келиб стол ёнида турган ўриндиқقا чўқди, кейин оёғини чалмаштириб олди-да, стол ортида ўтирган одамга қаради.

– Кутловимни қабул қилинг. Қолган учта шеригингиз ҳам қисқа фурсатда сизга келиб қўшилишади, деб умид қиласман.

Гарри калласини сарак-сарак қилди.

– Улар келишолмайди.

Чалик қовоғини уйди.

– Лекин келишиб ўз ҳиссаларини олишар?

– Энди бу пуллар уларга керак бўлмайди...

Чалик сигарасининг учига қараб ўриндиқда асабий қимиirlаб қўйди.

Кейин яна Гаррига назар ташлади.

– Сўрашга ижозат беринг, мистер Эдвардс, нима учун?

– Чунки улар энди тириклар орасида йўқ.

– Бу билан сиз мисс Десмонд ҳам ўлган демоқчимисиз?

– Ҳа. Нариги иккиси ҳам.

Чалик анави иккаласи мени қизиқтиромайди, дегандай уларни писанд қилмай қўлини силтаб қўйди.

– Унга нима бўлди?

– Қандайдир заҳарли чўгир оёғига кириб кетди, шекилли. Жунглида бунақалар жуда кўп.

Чалик ўрнидан туриб дераза ёнига келди. Бу янгилик уни эсанкиратиб қўйди. У ўз туйғуларини бегона одам олдида сөздирмасликка қўникиб қолган эди.

– Гапингиз тўғри эканлигини қаердан биламан? – деб сўради у яна Гаррига ўгирилиб. – Бошқалар қандай ҳалок бўлишди.

– Кенни тимсоҳ бурдалаб ютди, Феннелни қандай ўлганини билолмадим. Афтидан, уни зулус ўлдирган. Бир қайиқда зулуснинг мурдасини кўриб қолдим – қарасам, ёнида Феннелнинг сафархалтаси турган экан. Бармоғига эса, узукни тақиб олибди. Феннел биздан узук билан компасни олиб қочиб кетган эди... Бу дўзахдан мен эсономон чиқдим, Гай эса, чиқолмади.

– Унинг ўлганига ишончингиз комилми?

– Мутлақо.

Чалик ўтириб терлаб кетган кафтини дастрўмолчаси билан артди. У бу ишга кўп пул сарфлаган, буёғини энди Гай билан бирга ишламоқчи эди. Энди нима қилиш керак? Кўнгилсиз вазиятга тушиб қолди. У яна бошқа аёлни қидириш лозим бўлади, ҳозирча мана буниси яраб турар, деган фикрга келди.

– Унда узук қани?

Гарри чўнтағидан гугурт қутисини чиқариб стол устига қўйди. Чалик қутини очди, ичидан узукни олиб стол устига қоқди, кейин

уни кўздан кечира бошлади. Ҳа, шубҳасиз, бу ўша. У ўз ишидан қониқди. Ҳа, у мана бу одамларни ўзига ишлаш йўлларини яхши ташкил қилди, энди эса ярим миллионга эга бўлиб турибди. У узукни дикқат билан кўздан кечириб, бошини силкиб қўйди.

— Тушунаман, мистер Эдвардс, топшириқ жуда мураккаб эди. Агарadolat юзасидан иш кўрадиган бўлсан, сизнинг ҳиссангизни икки баробар ошираман, розимисиз?

Гарри калласини сарак-сарак қилди.

— Ўша ваъдалашган тўққиз минг ҳам етарли. ҳалок бўлганларнинг улушкини ололмайман. Шунда виждан азобидан қийналиб юрмайман.

Чаликнинг кўзи ийлтираб кетди, лекин ўзини қўлга олиб, елкасини қисиб қўйди. Ёзув столининг галадонини тортиб конверт олди-да, стол устига қўйди.

— Мана бунда Тревелер банкидан олиш мумкин бўлган тўққиз минг доллар бор.

Гарри конвертда нима борлигини очиб ҳам кўрмай уни чўнтағига солди. Кейин ўрнидан туриб, эшик томон йўналди.

— Мистер Эдвардс.

— Нима дейсиз?

— Топшириқни бажариш жараёнида нималар содир бўлгани ҳақида ҳисобот ёзib берсангиз жуда миннатдор бўлардим. Батафсилик. Котибам ихтиёргизга магнитофон бериб қўяди.

— Ҳисоботни нима қиласиз? Полицияга бермоқчимисиз? Узук қўлингизда турибди, шундай экан, мендан ҳисобот талаб қилишга ҳаққингиз йўқ.

Гарри малласоч котибага қиё ҳам боқмай ёнидан ўтиб лифтга қараб қўйди. У Тонини тезроқ кўришга ошиқаётган эди.

Чалик бирпас ёпилаётган эшикка қараб турди-да, кейин елкасини қисиб қўя қолди.

Эҳтимол, уларнинг бошларига нималар тушганини билишнинг ҳожати ҳам йўқдир... Лекин Гайга одамнинг раҳми келади. Чалик Гайнинг оиласи йўқлигини яхши биларди, шунинг учун бирор келиб уни суриштириб ўтирумайди. Гай унинг ҳаётига осонгина кириб келди, унча-мунча фойдали ишлар ҳам қилиб берди, энди эса, у йўқ, тамомвассалом. Албатта, афсусланарли, лекин, топиб бўлмас одам йўқ, деб айтишади-ку, деб ўзини хотиржам қилди.

У яна узукни қўлга олиб томоша қила бошлади. Кейин уни қўлида ушлаб туриб телефон рақамини теришга тушди.

«Қандай гўзал бриллиантлар-а», деб ўйлади у ва узукни аста силаб қўйди. Шу он нимадир бармоғига билинار-билинмас санчилгандай бўлди. У узукни столга қўйди. Кейин бармоғидан бир томчи қон чиққан жойни оғзига олиб келди. «Боржия узуги тушмагур ҳалиям санчилларкан-а, — деб қўйди мамнун бўлиб. — Ундаги заҳар аллақачон чиқиб кетган бўлса керак, ахир унга тўрт юз йил бўлганку. Шундай бўлса-да, у ҳалиям санчилишини қўймабди», деб ўйлади яна қулиб қўйиб.

Чалик телефон гўшагига қулоқ тутди. Унинг кайфияти чоғ, ахир узук қайтиб келганини эштиб мижози ўзида йўқ суюнади-да, ахир.

Буни ҳис қилиб Чаликнинг кайфияти янада кўтарилиб кетди.

Рус тилидан
Тўлқин АЛИМОВ таржимаси

Крейг Макдоналд. Убить Хемингуэя. Серия: Убийство по Фрейду, - Ринол Классик, 2011, 12 бет.

Крейг Макдоналд детектив асарларнинг асосий танқидчиси бўлган. Бироқ бир куни унинг ўзи детектив ёзишга ўтириди ва буни уddeлади...

Бир неча авлоднинг севимли адиби бўлган ёзувчининг ўз жонига қасд қилишининг ўзи катта шов-шувга сабаб бўлган эди. Аммо, унинг тўртинчи хотини Мэри Уэлшининг кейинги йилларда айтган баъзи фикрлари кўпчиликда ёзувчининг ўз жонига қасд қилганлигига шубҳа уйғотди. Худди шунга ўхшаб адабиётшунослар Есенин ва Маяковскийнинг ҳам ўз жонига қасд қилишларига шубҳа билан қарашибоқда. Бу ишда Хемингуэйга ким ёрдам берган?

Психологик детектив жанри унга бўлиб ўтмаган қотиллик тарихини худди ҳақиқатга яқин ҳолатда яратишга ёрдам берди. Бундан келиб чиқиб, бежизга асар эпиграфига Хемингуэйнинг “Ўз жонига қасд қилишининг омадлиси бўлмайди” деган фикри олинмаганигини кўрамиз.

С. Форбс, Э. Эймс. Спасёт ли нас капитализм? Москва, Албина Паблишер, 2011, 394-бет.

Ушбу китобнинг ёзилиш сабабини муаллифлар биринчи мисралардаёқ “Ҳақиқатдан ҳам капитализм умидларни оқладими? Сўнгги йиллардаги воқеалар сабабидан кўпчилик анъанавий капитализм тўғрисида ёзишга киришиди. Капитализмнинг “охири” ҳақида ҳеч ким гапирмаса-да, у “ўлим олдида” деб ҳисобланмокда. Бундан ташқари “капитализм”, “эркин савдо” деган сўзлар ҳакорат сўзларга яқин бўлиб қолди. Капитализмга энг куп ишонгандарнинг ҳам ишончи заифлашган.”

Муаллифлар капитализмни танқид қилаётганлар қанчалик хақ эканликларини аниқлаштиришга ҳаракат қилганлар.

Асарда “Китоб реал иктисадни ўз инновацион тоялари ва қалбан бақувватликлари оқибатида ташкил қилган миллионлаб ёрқин шахслар ҳаётига бағишлиданади. Уларга инъом қилинган заковат исталган муаммони ҳал қила олишликлари ёритилади. Муҳими, уларга халақит бермаслик керак” деган асосий фикрлар мавжуд.

Даниил Гранин. Три любви Петра Великого. Москва, “Олма Медиа Групп”, 2011, 120 саҳифа.

Петр 1 ҳақида минглаб асарлар битилган. Россия ҳаётини тубдан ўзгартирган буюк ислоҳотчининг ҳаёти ипидан-игнаси гача ўрганилгандек эди. Шунга қарамай, Даниил Граниннинг янги романи Петр портретига янгича чизгилар олиб кирди. Императорнинг ички оламига назар солиб, ўзгаришлар даврида унинг қандай инсон бўлганлиги, ўз яқинлари билан қандай муносабатда бўлганлиги, қандай аёлларни севганлиги ва бу оғрикларни қандай утказганликларини Гранин ажойиб тарзда ёзади.

Биз Петр ҳақида етук саркарда, тенги йўқ ҳукмдор, ажойиб курувчи, файласуф деб ўрганишимиз натижасида унинг шахсий ҳаёти билан боғлиқ воқеалар иккинчи даражага тушиб қолган эди. Шу маънода унинг ҳаёти драматик воқеаларга бойлиги билан алоҳида мавзуни ташкил қиласади. Даниил Граниннинг ушбу асари саркарда ҳаётининг мана шу номаълум нуқталарини ёритгани билан характерлидир.

Анатолий Ткачук. Опасное наследия Прометея. КГБ и первый удар мирного атома. Москва, Geleos, 2011, 320-бет, 3000 нусха.

Муаллиф “совуқ уруш” даврида контрразветкада ишлаб, ядроли ракеталарнинг хавфсизлигига жавобгар шахслардан бири бўлган. Чернобил АЭС даги аварияни бартараф қилишда у энг хавфли жойларда биринчилардан бўлиб хизмат қилган. Адиб ушбу асарда ўз кўзи билан кўрган воқеаларни қайд этиб, реал воқеаларга асоланган бадиий ҳужжатли асар яратади.

Асар ракета портлаган даврда ўта маҳфий ҳисобланган ҳарбий қисм атрофидаги воқеаларга асосланган. Аммо, асарнинг асосий мақсади, дунёниг телбалиги, инсон яратган атом ва водород куроллари разил ниятлар йўлида қўлланиши қандай оқибатларга олиб келиши ҳақидадир.